

圓悟佛果禪師語錄

宋平江府虎丘山門人紹隆等編



清刻龍藏佛說法變相圖

新刻
乾隆大藏經

二

龍藏

圓悟佛果禪師語錄序

門一

龍圖閣直學士左朝奉矣智靈州軍州事兼管兩勘辰便貳禪撰

佛以一音而演說法故一切法同此一音三世諸佛此一音六代祖師此一音天下老和尚此一音吾有正法眼藏分付摩訶迦葉乃此一音正法眼藏向者瞎驢邊滅却亦此一音以至風動林響泉鳴谷應亦此音雷霆霹靂雨雹交橫亦此音人語市聲鵠鳩蛇墓倉庚寒蟬亦此音麻三斤庭前柏樹子得髓得皮老兄未徹拄杖子跨跳上三十三天觀音胡餅却是餛頭無非此音以至一切語言銅鑼盛油銀椀盛雪鷗鵝啼華珊瑚擰月不落不昧通身徧身將心與汝安吸盡西江水亦無非此音不作此音會而作語言警訛妄生分別無有是處昔楊岐以此音簧鼓天下至

圓悟大禪師此音益震師因頻呼小王之音
與檀郎認得之音然後大唱此音不數德山
歌壓倒雲門曲凡樓子我若無心之音及盤

山紅輪西去之音皆當立下風盡是老凍膾
所以於建炎中興天子前奏此一音四海寂
默而無敢鳴雲居安樂堂上擅此一音衆人
憎嫉而無敢和且道此老子乘誰恩力得恁
麼奇特昔孔子窮於陳蔡之間左據槁木右
擊槁枝而歌歟氏之風有其具而無其數有
其聲而無宮角不聲與人聲犁然有當於人
之心乃曰今之歌者其誰乎是亦此音而世
未之知也圓悟老師其知之矣予蚤事佛鑑
晚見老師叩此一音更無別調學徒若平亦
唱師家曲者集師語要將以刊行求爲序篇
以冠卷首若知此音則圓悟老師功不浪施

若不知此音而以語言文字求會解者是人
行邪道不能見老師云紹興三年十二月二
十日序

圓悟禪師克勤嘗被遇_一上皇帝對揚正法
眼藏其道_二盛行僧若平鳩工聚材欲以師法
語傳諸天下以待後學託嚴州天寧老元弼
丐予爲叙吁此果師之本旨哉予聞師常偃
處一室坐斷語言轉無上法輪不容擬議揚
眉開口立便喪身纔涉廉纖老拳隨起每舉
到不與萬法爲侶公案已是拖泥帶水落第
二義今乃欲裒集其平昔咳唾之音鋪陳而
揄揚之師其聞而有不釋然者乎雖然師之
不得已而有言我知之矣譬彼時雨隨物濟
潤遐陬僻處枯根蠹芽若大若小各各霑足
而太虛空本自無相亦無有作觀覽于斯者

宜得之言意之表此集之行在在處處當有
神物護持云紹興四年二月日檢校少保定
國軍節度使知樞密院事南陽郡開國侯張
浚序

圓悟佛果禪師語錄卷第一

宋平江府虎立山門人紹隆等編

住成都府崇寧萬壽禪寺師在昭覺初受六祖請拈帖示衆云幸自無事須要箇護身符子作麼然禍不入慎家之門且作麼生斷者

公案會麼一兵隨印轉請維那剖露

舉法衣云古人事不獲已掛弊垢衣如今推免不下入者群隊去也大庾嶺頭藏不得如

今也要大家知

指法座云盡十方都是箇寶華王座長在裏

許又何須特地車不橫推理不曲斷

陞座乃云蝸牛角上三千界雲月溪山共一

家既爾業緣無避處不如隨分納些些一不

做二不休還有共相建立底麼僧問逢人即

不出出即便爲人逢人即出出即不爲人未

審如何師云兩箇無孔鐵鎚進云把斷要津還有爲人處也無師云百雜碎進云恁麼則如龍得水去也師云知則得問承師有言如今也要大家知未審知箇什麼師云風行草偃進云恁麼則恩深無語懷抱分明師云分明底事又作麼生僧云通身無影象步步絕行蹤師云一不成二不是問如何是道中至寶師云待爾脫却業識來向爾道進云業識已脫請師指示師云種穀不生豆問寶劍出匣海蚌初開向上宗乘乞師直指師云橫按鑽鉶全正今進云恁麼則坐斷十方去也師云七縱八橫進云寶藏撥開於此日五葉千燈事轉新師云曲不藏直乃云一向目視雲霄壁立千仞則孤負諸聖一向拖泥涉水灰頭上面則埋沒自己如今恁麼也得不恁麼

也得且貴正眼流通還委悉麼直饒高步毘盧頂不稟釋迦文婢視聲聞奴呼菩薩底來也須亡鋒結舌自餘故是出頭不得所以道三世諸佛只言自知歷代祖師全提不起一大藏教詮註不及明眼衲僧自救不了若據本分草料猶是節外生枝不涉化門一句作門一被蓋請維那宣過

陞座云火不待日而熱風不待月而涼鶴脰自長鳥脰自短松直棘曲鵠白烏玄頭頭露現若悉得隨處作主遇緣即宗竿木隨身逢場作戲有麼有麼問靈雲見桃華衲子如何通信師云滿山紅爍爍進云上機頓曉中

下何如師云頂門上著眼進云功不浪施去也師云爾脚跟下作麼生僧云踏破澄潭月師云當空轟霹靂進云泥牛吼處天關轉木馬嘶時地軸搖師云闍梨還和得麼僧拍手三下師云錯錯錯進云靈山授記未到如此師云不是苦心人不知進云輕輕躡足龍門過惹得清風動地來師云被闍梨帶累問大庾嶺頭提不起如今何得在師邊師舉拂子進云拈來當宇宙錦上更鋪華師云一葉落知天下秋進云九九八十一還歸有道君師云也不消得乃云我本無心有所希求今此寶藏自然而至上是天下是地左邊廚庫右邊僧堂前是佛殿三門後是寢堂方丈寶藏在什麼處還見麼如今坐立儼然見聞不昧光輝溢目寂爾無垠盡凡聖情脫知見縛長

云也不消得乃云我本無心有所希求今此

寶藏自然而至上是天下是地左邊廚庫右邊僧堂前是佛殿三門後是寢堂方丈寶藏在什麼處還見麼如今坐立儼然見聞不昧光輝溢目寂爾無垠盡凡聖情脫知見縛長

河爲酥酪大地變黃金從自己胷襟流出一句作麼生道今古長如白練飛一條界破青山色下座

指方丈云衲僧家魔宮虎穴尚乃安居何況利生接物處所還知此室麼諸天擁護諸聖證明其善知識端居此中與人解黏去縛既有如是勝相山僧於中如何施設不入驚人浪難尋稱意魚作麼生是入門句水歸巨海波濤靜雲到蒼梧氣象閑便入方丈

開堂拈疏示衆云靈山單傳密旨曹溪嫡嗣

正音盡在箇裏請表白拈出

指法座云三世諸佛於此轉法輪歷代宗師於此提祖印欲行千里一步爲初不免起模畫樣去也遂陞座拈香云奉爲今上皇帝祝嚴聖壽萬歲萬歲萬歲又拈香云奉爲判府內翰諸位勲貴又拈香云此一瓣香不從葱嶺帶來亦非胷襟流出在南中見三十餘員尊宿末後撞著箇老作家被他一槌擊碎今日對衆說破奉爲見住蘄州五祖演和尚以酬法乳保福贊和尚白槌云法筵龍象衆當觀第一義師云把斷世界還觀得也無直饒一槌未落已前薦得猶落二三且作麼生是第一義有知落處底麼出衆相見僧問釋迦說法多寶證明和尚開堂內輪臨顧半山相見即不問妙峯孤頂事如何師云瑞氣騰

空進云恁麼則片雲生谷口萬仞碧嵯峨師
云能有幾人知進云聖明天子以何報答師
舉拂子進云天上有星皆拱北人間無水不
朝東師云且得領話問七擒七縱則不問賓
主相逢事若何師云寶劍倚天光燦爛進云
碧眼胡僧笑點頭師云相識滿六門一天下進云昨
夜三更明月下奪取驪珠歸去來師云誰是
箇中人僧問三賢未達十聖難知如何是此
宗師云無孔鐵鎌當面擲進云嚇殺人師云
嚇得一箇進云也知和尚慣恁麼師云爾又
作麼生僧云鷄子過新羅師云自知較一半
互直饒釋迦彌勒不敢當頭著眼倚天長劍
凜凜神威果日當空澄澄光彩無物不爲妙
用無法不是真乘控佛祖大機廊人天正眼

當陽曉示只貴知歸纔涉思量白雲萬里是
故先聖道我此法印爲欲利益世間故說在
所遊方勿妄宣傳今日人天普集對衆分明
剖露舉拂示衆云大衆見麼一處真千處百
處一時真一句透千句百句一時透拈起也
乾坤岌嶧放下也河海晏清不拈不放又作
麼生萬仞峯頭高著眼大千沙界一浮漚遂
舉法燈云山僧本欲深棲巖竈隱遁過時蓋
緣清涼老人有未了底公案出來爲諸人了
却時有僧問如何是未了公案法燈便打云
祖禰不了殃及兒孫僧云過在什麼處法燈
云過在爾殃及我師云法燈縱域中殺活惺
閻外威權直得氣槩驚群風標獨立山僧卑
志本亦如斯今日出來正緣五祖老師有箇
見成公案對衆舉揚有不惜性命底試出挨

拶看如無不免自拈自弄去也喝一喝以拂子擊禪牀下座

上堂僧問言無展事語不投機時如何委悉
師云未問已前百雜碎進云恁麼則只許老胡知也師云摸索不著進云千聖出來也摸索不著師云眼睛突出乃云不是目前法亦非心外機直下絕承當當陽無向背一處明去千處百處光輝一言通時千言百言透脫非心非佛拈向一邊舉古舉今撥致一處只諸人分上還證據得麼若證據得三世諸佛於中成道神通變化於中流出大地山河於中發現九類四生於中長育且作麼生是訣羅萬有一句來年更有新條在惱亂春風卒未休下座

上堂僧問祖意教意是同是別師云兩輪交

門二

互照進云恁麼則疋上不足也師云又被風吹別調中問如何是涅槃心師云萬派悉歸源進云如何是差別智師云千差俱不動進云都來不消得去也師云爾放寶劍在什麼處僧云高著眼師云話作兩橛乃云遠問近對萬世如今舉東明西千途一轍無事上演事無爲處作爲非色非聲青黃順逆非心非佛賓主交參全承此箇威光不在別處流轉且道此箇是什麼若喚作佛頭上安頭若喚作法無繩自縛祖師巴鼻是抱贓呌屈向上機關是揚聲止響只得總不恁麼始較些子且道既總不恁麼因什麼却較些子莫怪從前多意氣他家曾謁聖明君下座

上堂云獨掌不浪鳴獨樹不成林建法幢立宗旨須是互爲賓主安貼家邦所以道我若

坐時爾須立我若立時爾須坐我若孤峯獨宿爾須偃息干戈我若天上人間爾須三頭六臂然後可以光揚佛日且道浩浩之中如何辨主是處是慈氏無門無善財下座

上堂僧問掬沙獻佛累感輪王法寶今開有

門一

九

何利益師云千重百匝進云過往生天見存獲益去也師云不用闍梨重註脚問向上一路請師直指師云一棒打破虛空進云過在什麼處師云不識痛癢漢進云此猶是德山底師云山僧從來借路經過乃云咬上眉毛蹉過大似開眼屎牀見成公案放行正是黠兒落節恁麼不恁麼總得曳尾靈龜不是心不是佛不是物虛空釘橛進得許多閑門破戶猶是死水藏龍傾湫倒嶽一句作麼生道巨靈擡手無多子分破華山千萬重下座

上堂云覺即了不施功麗天泉日印長空淨五眼得五力而地清風有何極途中受用底似虎靠山世諦流布底如蛾投焰且道放行為人好把住為人好橫按鑛鋤全正令太平寰宇斬癱頑下座

上堂云化育之本物我同途祖佛之源古今不易靈然獨露透聲色無遺廓爾見前拘動寂不得坐却意見截却語言根塵中不隔絲毫聲色外去來無際恁麼透得古今生死頭出頭沒悉皆坐斷苟或未然有寒暑兮促君壽有鬼神兮妬君福下座

上堂云法界不容身佛眼覲不見聖智離言說海口莫能宣直截當陽已成階級轉身吐氣轉見周遮明明無覆藏明明絕點翳寬若太虛清如古鏡若以眼見文殊橫身若以耳

聞觀音彰用若以心知普賢當堂且道毗盧
遮那在什麼處_上上眉毛下座

上堂云一毫穿衆穴大地沒遮攔徧界不曾
藏古今無向背刹刹爾塵塵爾句句爾念念
爾還明得麼若明得去不費纖毫力直入解

聞觀音彰用若以心知普賢當堂且道毗盧
遮那在什麼處_上上眉毛下座

上堂云一毫穿衆穴大地沒遮攔徧界不曾
藏古今無向背刹刹爾塵塵爾句句爾念念
爾還明得麼若明得去不費纖毫力直入解

秋何處熟下座

上堂云一即一切實際理地一切即一本來
無物拈起也吒吒沙沙放下也綿綿密密三
界長時獨露十方無處容身孤峯頂上倒行
十字街頭橫卧目視雲霄則且致魚行酒肆

一句作麼生道放愁作麼下座

改昭覺寺爲崇寧勑黃到開堂師拈勑黃示
衆云市地普天皆承恩力九州四海悉稟威
靈百千法門中殊特法門無量妙義中真實
勝義如今從天降下不在眼目定動唇吻合

開驗在目前一時薦取宣勑罷

指法座云大衆者一條路千聖共知徐行踏
斷流水聲縱觀寫出飛禽跡且道如何進步
要提無相毗盧印須向千峯頂上行

陞座拈香示衆云光吞萬象氣絕諸塵始從

撥草瞻風以至入鄺垂手等閑不欲全彰切
恐驚群動衆今日拈來奉爲今上皇帝祝嚴
聖壽次拈香云奉爲判府尚書諸衙勲貴次
拈香云十年淮甸受盡辛勤一道清虛親蒙
印可不敢孤負奉爲五祖老師以酬法乳正

法和尚白道師乃云駕千鈞弩一擊便行射透鐵圍不容擬議一言之下煞活全彰寸機之中包括群象直須當頭點破可以千眼頓開更若四顧躊躇便見撈天摸地有構得底出衆相見僧問三通鼓罷四衆臨筵學人上來請師說法師云天晴日出進云莫只者是爲復別有師云且只了一頭進云兩頭時如何師云看爾承當不得問百華競秀妙德家風一亘晴空普賢境界去此二途請師指示師云石筍抽條長一丈進云莫便是和尚爲人處也無師云者邊那裏兩頭垂進云請師拈出師云猶自不知進云恁麼則騎牛穿市過師云終是警訛問有一語全規矩今日開堂有何祥瑞師云乾坤廓落無邊際杲日當空宇宙明進云一點水墨兩處成龍去也師

云說什麼兩處僧問語默涉離微如何通不犯師云天知地知進云恁麼則驗在目前去也師云爾見什麼進云日月光天德山河壯帝居師云却較些子乃云全機大用觸處見成溢目清光貫通今古一塵含法界一念徧十方盡大地是真實人總刹海爲大解脫只在當人略回光相自著眼看可以克證無生頓超方便是故諸佛出世爲一大事因緣祖師西來亦不出見性成佛只如今日奉皇帝勅建大伽藍賜額度僧祝嚴聖壽一場佛事耀古騰今判府旌旆光臨群賢車蓋畢集四衆瞻仰萬姓歌謠爲國開堂舉揚宗教山僧不起囊藏被蓋其有諸佛說不盡底祖師提不起處對衆八字打開去也遂舉拂子云大衆還見麼擊禪牀云還聞麼見處透脫聞處

精明一念返本還源即具頂門三眼萬里更無纖翳千聖齊立下風坐斷報化佛頭直得壁立千仞且道是什麼人境界鷁弓已掛狼煙息萬里歌謠賀太平下座

門一

上堂云通身是眼見不及通身是耳聞不徹通身是口說不著通身是心鑑不出直饒盡大地明得無絲毫透漏猶在半途據令全提且道如何展演域中日月縱橫挂一百晴空

萬古春下座

上堂云當陽有路祖佛共知覲面相呈見聞不隔萬象不能藏覆千聖無以等階活鱗鱗絕承當淨裸裸無回互直饒棒如雨點喝似奔雷猶未動著向上關捩在如何是向上關捩瞎却諸聖眼痙却山僧口日午打三更面南看北斗下座

門一

十三

聞五祖訣上堂云大庾嶺頭笑却成哭崇寧門下哭却成笑何故喫泉水貴地脉且要正眼流通宗風不墜所謂無常生死法與我不相干若能如是見不用哭蒼天既不用哭蒼天如何通信請大眾拈香兩彩一賽下座上堂云般若流運四象遷移正眼密弘一陽來復昆蟲動植悉稟此恩履地奉天咸知慶賀且道無陰陽地上還有者箇消息也無日南長至晷運推移錯下座

上堂云大人具大見大智得大用胷中懷六合袖裏掛金鍵高提祖印據寰中萬里孤光長溢目直得清風布地雨灑長空截斷兩頭歸家穩坐所以道映眼時若千日萬象不能逃影質凡夫只是未曾觀何得自輕而退屈只如盡華藏世界海窮虛空邊際都盧是箇

金剛眼且作麼生觀採石渡頭風浪靜三三
兩兩釣魚船下座

上堂僧問一大藏教那箇是頭師云如是我聞進云此是阿難底如何是和尚底師云山僧用得甚快乃云一言道合隨處皆真一句

無私全彰寶印問得也善不問甚奇烜赫光明本無向背所以道無邊刹海自他不隔於毫端十世古今始終不移於當念不隔處總十方爲真境不移處貫十世於目前淨躰裸脫塵情赤灑灑無蓋覆直得千聖同曶萬機頓赴還會磨竿頭絲線從君弄不犯清波意

自殊下座

上堂僧問如何是教外別傳一句師云間取燈籠進云謝師答話師云自領出去進云却是禪外別傳也師云三千里外過崖州問學

人不恁麼時如何師云莫亂統進云趙州庭前栢崇寧庭前楠是同是別師云莫眼華進云一種沒絃琴惟師彈得妙師云山僧亦不承當乃云在天成象在地成形日月爲照臨四時作寒暑居谷盈谷處坑滿坑有情則動轉施爲無情則森羅顯煥如今在山僧拄杖頭上指山山崩指海海竭點鐵成金點金成鐵攬長河爲酥酪化酥酪爲長河見諸人不會變作無邊身菩薩十方六趣悉皆普現去也還見麼鴛鴦綉出從君看不把金針度與

人以拄杖擊禪牀下座

上堂僧問如何是正主師云萬派皆歸海千山必仰宗進云見成公案去也師云脚下黑如漆進云莫謾學人好師云具行脚眼未僧云和尚道什麼師云墮坑落塹乃云智光洞

照十方萬有全歸一念寬濶非外寂寥非內
鬧市裏天子百草頭老僧物物頭頭全身塵
塵刹刹大用不落已見外緣一句作麼生道

禹力不到處河聲流向西下座

上堂僧問入門一句作麼生道師云引得一

箇上釣來進四云爭奈吞却萬象師云無孔鐵
鎖進五云學人今日失利師云三點兩點愁殺
人乃云覲面見得在聖猶虧纔涉關津白雲

萬里蹄實處不思議綿密處同真際把斷世
界無絲毫透漏脫灑一句作麼生道萬仞峯

頭獨足行下座

上堂孤迥峭巍巍始終活鱗鱗喚作禪道祖
佛眼中著眉不喚作禪道祖佛掘地覓天還
有得入者麼從他千古萬古黑漫漫填溝塞

壑無人會下座

上堂云點即不到一大藏教錦上鋪華到即
不點祖師西來金聲玉振且道祖意教意是
同是別碧潭雲外不相關下座

上堂云三轉法輪於大千其輪本來常清淨
一切諸佛皆恁麼轉若向下去三乘五性頓

漸偏圓若向上去不唯覓下口處不得臨濟
德山目瞪口啞且道不落上下又作麼生誰
是出頭人下座

上堂云僧云直待金星現燒然始到頭學人
金星在手時如何師云點造云恁麼則不到
頭也師云亂走衲僧進云爭奈金星何師云
蹉過了也僧問祖師也恁麼道天下老和尚
也恁麼道未審崇寧作麼生道師云山僧不
恁麼道進云撞著磕著去也師云撞著箇什
麼進云禪客相逢只彈指師云兩頭三面進

云殺活臨時師云脚頭脚底師云入荒田不揀三千里外黑漫漫牛頭沒馬頭回百億萬劫沒交涉拈一放一節外生枝舉古舉今無風起浪山僧今日一時坐斷且道還有爲人處也無千峯勢到嶽邊止萬派聲歸海上消下座

真智金聲玉振擲地風光電轉星飛通天作用不與萬法爲侶則且致針眼魚吞却嘉州大像時如何懸下座

上堂僧問譬如擲劔揮空有一人劔亦無虛空亦不揮時如何師云大衆見爾敗闕進云學人只管推出和尚何不放行師云莫誇崇寧好進云爲什麼不肯承當師云藏身露影進云今日捉敗師云果然問牛頭未見四祖時如何師云天地莫能知進云見後如何師云古今成榜樣進云仁義只從貧處斷去也師云鬼窟裏出頭來乃云青鬱鬱碧湛湛百草頭上泄天機華簇簇錦簇簇鬧市堆邊露

上堂僧問團團無縫罅因甚麼得恁奇特師機當陽卓犖棒喝照用拈向一邊語路縱橫門一十七放過一著爾諸人向者裏撥得一線路去直下孤危倘未撥得鼻孔盡在山僧手裏拈杖云穿却了也擊禪牀下座

云七華八裂進云言中有響去也師云且緩
緩問長至一陽生君子道長時如何師云衲
僧門下無許多事進云萬法是心光又作麼
生師云却好高著眼進云直下承當去也師
云利劍揮空乃云離相離名絕塵絕跡一回
拈出一回新一度用著一度快橫談萬有堅
透金輪內沒纖毫外無點綴若能不作聖情
凡解擔荷展演得去入廊垂手著著有出身
之機退處孤峯處處歷剎塵之境恁麼中不
恁麼不恁麼中却恁麼全提一句作麼生道
撥開向上一竅千聖齊立下風下座

上堂僧問去歲今朝今日去今年年是去年
年如何是物不遷師云眉毛在眼上進云恁
麼則改故換新去也師云莫錯認進云如何
是不錯認底師云好看取進云劫火洞然毫

未盡青山依舊白雲中師云轉得回來不直
錢問萬物維新之際一人納慶之辰如何是
新年頭佛法師云孟春猶寒進云恁麼則法
不孤起師云坐却主人翁什麼處出氣進云
長空有月千門照師云隨人腳跟轉乃云一
法若有毗盧墮在凡夫萬法若無普賢失其
境界一法萬法若有若無毗盧普賢凡夫法
界盡在箇裏好不資一毫醜不資一毫不地
普天內外包括未有天地世界已早見成及
乎萬彙資彰凝然不變若向一氣未兆已前
著得眼去落第二頭更於萬物見成之際信
得及去轉沒交涉新年舊歲歷歷分明一句
作麼生道日日香華夜夜燈下座

上堂僧問十五日即不問如何是和尚分明
爲人一句師云當陽見定無毫髮擬議尋思

閻萬山問正當上元水牯牛在什麼處師云
鐵棒打著瘡痕露乃云撥塵見佛未免眼裏
撒沙聞聲悟道亦是耳中著水直得生佛無
階級空界悉等平淨熙熙絕思惟赤灑灑沒
可把猶未離者邊事在更須揮金剛寶劍斬
斷警訛拈殺活柱杖打破得失亦未明向上
一竅在儻或具大丈夫意氣有烹佛祖鉗鎗

直下向那邊承當得却來者裏橫三豎四坐
一走七荷負宗乘提持祖印有時放行同彼
同此見隨類身和光順物有時把住莫道佛
眼覩不見設使盡大地草木悉變爲千百億
身放無數光明也照不著且道即今作麼生
若不藍田射石虎幾乎悞殺李將軍下座

上堂僧問橫穿碧落倒卓須彌未審是什麼
人分上事師云入地獄人分上事進云却是

他安身立命處師云瓦解冰消進云此心能
有幾人知師云只恐不知乃云終日相逢無
半面剛然千里有知音不須格外論奇特只
此全機耀古今傾蓋如舊白頭如新兩鏡相
照不隔纖塵徧界未嘗示相毫端普現色身
止猶谷神動若行雲相見又無事不來還憶
君下座

上堂云禪非意想立意乘宗道絕功勲建功
失旨聞清聲外句莫向意中求轉照用機關
柄佛祖鉗鎗有佛處互爲賓主無佛處風颯
颯地心寧意泰響順聲和似恁麼人且道向
什麼處安著披蓑側立千峯外引水澆蔬五

老前下座

上堂云本來是佛無成不成正體湛然離出
不出本分事上直得萬里無片雲猶未可放

過更說什麼諸餘其或隨機且論箇出世不出世所以道淨法界身本無出沒大悲願力示現受生且道釋迦老子即今在什麼處只知事逐眼前過不覺老從頭上來下座

上堂僧問了了見無一物未審如何師云好箇消息進云功不浪施去也師云只恐脚不點地進云回頭看滌眼特地一場愁師云果然浪走僧問學人不起一念時如何師云自傷已命進云因誰致得師云莫換崇寧舌頭好問妙體本來無處所時如何師云腦後拔
四 櫓問如何是玄中玄師云玄殺五 倆進云石人暗點頭師云言猶在耳乃云舉無遺照十方刹海目前觀五體堂堂大千同一真如性各守本位去山是山水是水互換投機去星辰易位祖佛潛蹤兩處絕聲訛二邊純莫立無

可不可悉得安坐隨時應緣凝然湛寂且道長養聖胎一句作麼生道不起纖毫修學心無相光中常自在下座

上堂僧問如何是平展之機師云縱橫十字進云且得沒交涉師云什麼處沒交涉僧云腦後拔箭師云拶問父母非我親誰是最親者師云吾常於此切進云諸佛非我道誰是最道者師云須是有轉身處始得僧云欲行千里一步爲初師云信受奉行乃云國無定亂之劔六 四海晏清門無白澤之圖全家吉慶若道有承恩力處正是土上加泥更或削跡吞聲亦乃將南作北到者裏縱橫十字未免聲訛據位投機猶較些子且作麼生是據位底句寒山逢拾得撫掌笑呵呵下座

尾作麼生取師云莫妄想進云不妄想時如何師云不計工程得便休進云碧潭深萬丈直下取魚歸也師云更須退涉問一塵含法界時如何師云暗裏觸體明世界乃云祖祖相傳傳底事佛佛授手不唯他若存情識論門

三

知解耳裏塵沙眼內華所以道見聞覺知是

法法離見聞覺知不著佛法僧求呼喚不回籠羅不住更須知棒喝交馳照用同時向上一竅始得且作麼生是向上一竅鶴有九臯難翥翼馬無千里謾追風下座

貴不知價留向人間光夜下座

上堂云棒頭取證撒土撒沙喝下承當承虛接響向上向下轉更顛預說妙談玄和泥合水者一片田地分付來多時也平白欺人盡大地撮來如粟米粒大掉棒打月佛祖凡聖拈向一邊總不依倚時如何紅霞穿碧落白日遶須彌下座

上堂僧問生死交謝寒暑迭遷未審無位真人還有寒暑也無師云汗流似雨進云分明在目前也師云莫向目前作窠窟進云爭柰承他力進云頭上漫漫脚下漫漫去也師云也須乾剥剥始得進云盡大地總是教學人如何趣入師云和頭沒却進云恁麼則兩重相見師云料掉沒交涉乃云牛頭沒馬頭回

即今何師云鈍置阿師乃云暑氣蒸人如墮
覩四肢流汗似澆湯賴他白羽全施力引得
清飈一襲涼諸人還覺寒毛卓堅麼劄下座
上堂僧問須彌山意旨如何師云推不向前
約不退後進云未審還有過也無師云坐却

門一

二十三

舌頭問法不孤起仗境方生提坐具云者箇
是境如何是法師云却被閻梨奪却槍進云
和尚今日爲什麼退已讓人師云只有先鋒
無殿後進云未審如何是殿後師云還我話
頭來乃云田地穩密底擡脚不起探頭太過
神通妙用底放腳不下收身未轉直饒十字
縱橫朝打三千猶較些子且道警訛在什麼
處若知有去始見全提半提儻或未知布袋
裏老鴉雖活如死下座

上堂僧問南泉斬猫兒意旨如何師云殺活

臨時進云趙州戴草鞋又作麼生師云是他
屋裏事進云打鼓弄琵琶去也師云且莫詐
明頭乃云有佛處羅籠不住無佛處荒草尋
人放行也觸處光新把住也乾坤陡變且道
向上人來時如何他家自有通宵路下座

門一

二十三

上堂云休夏自恣海衆常規秋色澄清乾坤
肅殺般若流運動靜一如時節不相饒炎涼
倏改變無生曲調韻出清霄至寶當軒光吞
萬象古今不覆蓋見在沒遮攔一念不落諸
緣證取自家境界何必靈山覓佛少林問祖
會麼解開布袋無拘束切更勤看水牯牛下
座

上堂云一言截斷千聖消聲一劍當前橫屍
萬里所以道有時句到意不到有時意到句
不到句能剝意意能剝句意句交馳衲僧巴

鼻若能恁麼轉去青天也須喫棒且道憑箇
什麼可憐無限弄潮人畢竟還落潮中死下
座

上堂云殺人刀活人劍上古之風規亦是今

時之樞要言句上作解會泥裏洗土塊不向
言句上會方木逗圓孔未擬議已蹉過正擬
議隔關山擊石火閃電光構得構不得未免
喪身失命且道此理如何苦瓠連根苦甜瓜
徹蒂甜下座

一片虛凝沒依倚設使乾坤倒覆大海翻騰
草木叢林悉皆化爲刀槍矛盾也動他一點
不得且道憑箇什麼恁麼地手執夜明珠幾
箇知天曉下座

上堂云眨上眉毛早蹉過塞却眼更形言語
轉周遮合取口盡大地都爲一塵佛眼觀不
見一大藏都爲一句海口莫能宣也未提得
一半在忽然踏破化城時如何行到水窮處
坐看雲起時下座

上堂云風清戶牖明明古鏡高懸光射斗牛

門一

二十一

漂漂太阿橫按外魔臨之膽懼妖邪擬之魂
亡千聖拱手歸降十方居然坐斷外絕四維
內絕理事直下便是諸人還見麼不離當處
常湛然覓則知君不可見下座

退院歸辭衆上堂云未有長行而不住未有
越色鬼窟活計百千萬劫難出頭截斷衆流
上堂云定乾坤句包古括今透生死關超聲
上堂云定乾坤句包古括今透生死關超聲

長住而不行爲無爲益無益梯航三有津濟
四生是衲僧家本分事雖然時節到來一刀
兩段要且鼻孔不在别人手裏所以道動若
行雲止猶谷神旣無心於彼此亦無象於去
來如是則去來不以象動靜不以形豈不綽
綽然有餘裕哉且道臨行一句作麼生道本
是林下人却歸林下去下座

音釋

圓悟佛果禪師語錄卷第二

圓悟佛果禪師語錄卷第二

門二

宋平江府虎丘山門人紹隆等編

住夾山師在公安天寧受請拈帖示衆云百草頭上薦取爭如箇裏承當既然符到奉行

豈可當爐避火若也見得坐斷一切人舌頭

苟或未然却請維那剖露

師指法座云毗耶借座燈王萬壽燈王借座

且道是同是別還委悉麼幸自可憐生應須

高著眼

陞座示衆云鉤頭有餌句裏無私已泛扁舟

放行綸線還有衝浪錦鱗麼僧出云有師云

高著眼僧擬議師云著問錦官罷釣澤國重

遊方爲萬壽之賓又作碧巖之主流水下山

即不問白雲歸洞意如何師云舊店新開進

云好音在耳人皆聳一句無私亘古今師云

大家在者裏進云萬丈白雲藏不得一輪光透照無私師云到家一句作麼生道僧擬議師云了師乃云目前無異草徧界絕遮欄域中日月斬新方外乾坤獨露直得龍天釋梵動地雨華妙德空生目瞪口啞行棒行喝拈

向一邊雲月溪山放過一著一處透脫千處

百處該通一機洞明千機萬機圓轉碧巖不離此處此處不離碧巖攝大千於毫端融芥塵於利海嚮華鳥過抱子猿歸湛寂凝然應

真不借則且致只如無陰陽地上成得箇什

麼邊事萬卉正資和氣力碧巖先發一枝春

復舉馬大師問藥山子在此許多時本分事

作麼生山云皮膚脱落盡唯一真實祖云

據汝所見可謂協於心體而布四肢何不將

三條箋束取肚皮隨處住山去山云某甲何

人敢言住山祖云不然未有長行而不住未
有長住而不行欲益無所益欲爲無所爲宜
作舟航由是住山師云大衆古人得意之後
不忘利生直入深山提持宗要山僧暗昧豈
敢仰攀如是則更不用箋束肚皮却有箋折

門二

二

脚鐺子與方來共守寂寥若信得及不在忉
刀或未諳詳聽取箋末後句高峯突兀倚天
門青嶂虛閑可採跟折脚鐺兒幸然在不妨
携去隱深雲雖然如是也須是大家出一隻
手始得且道畢竟如何妙舞應須誇徧拍三

臺須是大家催

師入院指方丈云箇是毗耶據坐處正同摩
竭令行時夾山頂頓通一竅放出天彭老古
雖旣放伊出頭且道作得箇什麼伎倆衝浪
錦鱗來入罟漫天網舉不饒伊

師指法座云大衆還識寶華王麼更不落二
落三便敷座云野猿抱子歸青嶂幽鳥嚙華
過碧巖此地昔時曾作客今茲爲主愧無慙
衆中還有辯得賓主底衲僧麼僧問兩細柳
施金線風和華綻錦屏雲月溪山即不問到
家一句若爲論師云坐斷天下人舌頭進云

三

只如尖新底事又作麼生師云爾還識得舌

頭麼進云雲到碧巖千仞翠月當青嶂萬溪
春師云更進一步始得進云莫便是摩竭令
也無師云放爾三十捧師乃云門外青山潑

門一

三

黛途中細雨如膏靈雲陌上妙華處處芳菲
溢目香巖畔翠竹時時撼影搖風直得一
擊忘所知一見絕疑惑不免尚留觀聽未透
聲色若能見無見之色聞無聞之聲撥轉路
頭踏翻開捩句句超佛越祖塵塵耀古騰今

處處離色絕名箇箇斬釘截鐵心外無法法
外無心用王庫刀磬千鈞弩壁立萬仞坐斷
十方可以入大解脫門傳正法眼藏向堯時

舜日共樂昇平鼓復謳歌歸家穩坐且到家
一句作麼生道但願春風齊著力一時吹入

我門來復云昔傳明有通天作略跨海神機
便無舌人說無義語收洛浦接青峯辨石霜
賞佛日險崖句峻陷虎機深電激星飛珠回
玉轉建茲寶刹風範具存而山僧庶事不才
何以繼其高躅既辨讓不及轉透無門不免
借一條路向無言處演言無事處生事無佛
處現佛無祖處示祖且貴始末相符頭正尾
正敢問諸人還見夾山老子麼莫從百草巔
頭薦覩面無私亘古今

豐州權郡張朝散請師就香積院開堂師於

權府手中接得疏示衆云言言錦繡句句珠
璣讚無上乘顯正法眼應須未舉已前薦取
文彩之外承當苟或未然却請宣過

師指法座云大眾見麼寶華王座列祖共登
車不橫推理無曲斷便陞座拈香云此一瓣
香奉爲今上皇帝祝嚴聖壽萬歲萬歲萬歲
歲伏願睿等乾坤聖明逾日月龍圖鳳曆
彌億萬年玉葉金枝亘百千劫次拈香奉爲
權府通判朝請檢法在坐尊官諸衙勲貴伏
願高遷祿位永固壽基又拈香云此一瓣香
淮甸昔年酬價錦官舊日曾拈如今海衆要
知不免分明說破奉爲蘄州五祖山第十二
代故演禪師爇向爐中與天下衲僧出氣遂
敷坐洛浦和尚白楂云法筵龍象衆當觀第
一義師云早是第二了也若論勝義諦中真

勝義文彩未兆一槌未落把斷要津不通凡聖不於言下薦不向意中求既然草偃風行不免隨波逐浪還有共相證據者麼師乃云燦迦羅眼頂上放大光明摩醯首羅面門現奇特相一言含衆象一句逗群機何止猛虎穴裏橫身萬仞峯頭側足所以道顯大機明大用得失俱喪是非杳忘絕塵絕跡透色透聲重重無盡事事圓融又如華嚴法界無邊香水海不可說浮幢王刹盡向者裏一時開現即此現成即此受用不以眼見不以耳聞不以口談不以心知還證得麼若也證得不必覺城東際初見文殊樓閣門開方參慈氏敢問大眾且道即今是什麼人境界舉拂子云盧舍本身全體現當機直下沒纖毫到洛浦上堂云萬木榮紜一逕遙耽耽古屋

枕山腰今朝喜到深深處幾度飛書辱見招
五
燦爛山桃似火絲絲溪柳拖金日暖風和鶯吟燕語所以不離普光殿不出菩提場徧遊華藏海無邊刹境左穿右穴重重無盡一一交羅且作麼生是洛浦深深處覲面若無宗正眼回頭只見翠山巖

留首座上堂古路坦然真規不墜紀綱得所表帥得人內肅外寧安家樂業以大千界爲一真境以十方佛同一舍那文殊普賢交光相羅觀音彌勒擎拳合掌臨濟德山互相贊成白牯狸奴了無向背可以演無生曲唱太平歌且超情離見一句作麼生道木人把板雲中拍石女舍笙井底吹

上堂云三春已過九夏方新聚玄徒雲間扇真風世外不促一念不涉三祇當人隨處見

成箇箇頂門有眼若便恁麼承當得去放行
把住全不由他出沒縱橫更非外物若使上
流觀見正在半途明眼相逢難爲透脫山僧
雖無金剛寶劍衲僧向上鉗鎗昔在五祖白
雲捨得數箇金剛圈一籃栗棘蓬九夏之中
與諸人共相切磋遂舉拂子云大衆還見麼
且道者箇是金剛圈是栗棘蓬不容淺見衲
僧會唯許通方作者知

上堂云丁一卓二本分鉗鎗捏聚放開作家
受用灰頭土面處壁立千仞壁立千仞處土
面灰頭自然雙放雙收到處爲祥爲瑞還委
悉麼掬水月在手弄華香滿衣

上堂云太虛寥廓萬彙森然正眼洞明纖毫
不立孤峻處祖師莫近坦夷處人天共知擊
開大解脫門識取無面目底且作麼生是無

面目底芍藥華開菩薩臉棲櫻葉現夜叉頭
解夏上堂云圓覺伽藍豁開戶牖華嚴刹海
大座當軒促百千億劫爲一念豈止百二十
日長期延一念作百千億劫寧論此世來生
始見流金爍石俄然玉露垂珠時節不相饒
物理有變復當時結夏普天市地一時結此
時解制普天市地一時解結時初不相著解
時初不相離到者裏通一線曉一機去僥爲
偷我爲我長底長短底短清者自清濁者自
濁於中也無去來亦無動轉浩然太均同歸
一致然後放收擒縱得大解脫更喚什麼作
僥倂作我作長作短一時截斷且自恣一句作
麼生道雲在嶺頭閑不徹水流澗下太忙生
謝維那直歲上堂云烹金琢玉須資作者鉗
鍊荷教扶宗必仗本分兄弟交爲肘臂互作

主賓便可以顯大機發大用布慈雲灑甘露
駕慈航觀斷岸超生死越涅槃令他天下衲
僧頂門上放光腳跟下歷落箇箇如龍如虎
人人玉轉珠回非唯扶堅叢林亦乃流通正
眼豈不是奇特事敢問大衆奇特一句作麼

門二

七

生道妙舞更須誇徧拍三臺須是大家催

開爐上堂僧問古者道敲空作響擊木無聲
如何是敲空作響師云釋迦老子來也師乃
云三世諸佛向火焰裏轉大法輪熱發作什
麼火焰爲三世諸佛說法三世諸佛立地聽
也須照顧眉毛若是聊聞徹骨徹髓信得及
見得徹直下與三世諸佛同生同死與火焰
同起同滅當處解脫得大安隱衲被蒙頭便是箇清涼世界苟或不然只知事逐眼前過
不覺老從頭上來

上堂云一向不恁麼目視雲漢不徇人情一
向恁麼灰頭土面帶水拖泥恁麼中不恁麼
就下平高不恁麼中却恁麼從空放下或有
箇恁麼不恁麼總不管亦無明亦無暗亦不
放亦不收且道如何到頭霜夜月任運落前
溪

上堂云天寒人寒大家在箇裏滴水滴凍無
者閑工夫庭際之人驀地覓心不得衲衣下
事誰諳野火燒山千重百市沒遮攔漢去胡
來絕回換且作麼生是不離當處底一句鶴

飛千尺雪龍起一潭冰

上堂云雪竇道義出豐年儉生不孝於衲僧
門下是放行是把住若人道得老僧分半院
與伊住師云雪竇病多諳藥性經効始二人
箇中或有知豐知儉知放行知把住底亦何

必分半院與伊住燒香發願只圖他早有箇
院子住使嘗些滋味且免得窮廝煎餓廝炒

上堂云滿天和氣布地韶光柳眼迸開桑條

懸破華枝似錦鳥語如簧八穴七穿篆不雕
之心印百頭千緒演不說之妙門物物上明

頭頭上現當處截得斷去死火不重燃直下

信得及去枯荄生物外不涉程途則且置和
泥合水一句作麼生道還家盡是兒孫事祖

父從來不出門

上堂云韶華二月半漏逗漚莫筭米少食無

鹽釤菜崖空飯吞底栗棘蓬跳底金剛圈分

外展家風秦時輶轡鑽

請首座上堂合千差包萬有齊往來印今古

混有無一生死舉不犯之令行不言之教齊

不齊平不平於此建立於此辨明於此紀綱

於此表帥何法不容何事不成何德不圓何
心不契且風行草偃一句作麼生道爲山登
九仞捨土定千鈞

上堂云牙上生牙角上生角機上生機巧上
生巧毒蛇鼻頭揩癢飢鷹爪下奪肉千尺井

底施籌略百尺竿頭作伎倆納須彌於芥子
擲大千於方外奇則甚奇妙則甚妙子細檢

點將來爭如向者裏直下似桶底脫去三界
平沉得箇休歇過去自過去未來由未來只
今見成坐斷天下人舌頭還委悉麼簷聲不

斷前句雨電影還連後夜雷

上堂云鬱蒸無處避覲體通同薰風自南來

披襟獨得衆熱不到衆苦無餘須知佛祖闍
域之中有轉物回天之用是故雪竇道茫茫

普熱紛紛下雪倒流四河載發枯枿且道正

當恁麼時如何蟬聲時到耳鴈影忽迎眸

上堂云華開世界起達者先知葉落即驚秋
賢明早悟而况鴈連湘浦影蟲作促織吟明
明節換時移歷歷星馳電急正當恁麼時機
關脫落底萬法本閑尚留見聞底長安正關

若能善觀時節把斷要津堂堂越聖超凡一
一騎聲蓋色當處平和一句作麼生道志士
惜日短愁人知夜長

解制上堂云尋常一味無過朴實頭坐斷千
差更須高著眼壁立萬仞處淨躰軀平田淺
草裏峭危危當處平和拖泥帶水深挑痛劄
犯手傷鋒欲得兩不相妨各請休機罷釣且
九夏賞勞一句作麼生道險處豈嘗忘顧鑑
縱行平地索隄防

上堂云突出難辨久參未免躊躇信手拈來

後學那知端的金風扇物玉露垂珠鴈過長
空蛩吟幽砌一一七穿八穴明明白巾千重
何必棒喝交馳方論照用直下懸崖撒手便
可承當還有恁麼人麼見義不爲非勇士臨
危不變始驚群

看藏經上堂祥煙繚繞瑞氣氤氳公案見成
有誰扣擊乃云塵中大經卷莫測津涯聰慧
淨眼人始能拈出直得義天性海若帝網交
羅智照神光如洪爐猛焰今日幸遇皇風蕩
蕩帝道平平門三有大心檀越爲汝發機使諸人
各各八字打開直得霞條展處玉牒舒時文
彩已彰各宜薦取且不落文墨一句作麼生
道一堂風冷淡千古意分明

上堂云一塵入正受盡大地冷啾啾諸塵三
昧起徧十方闊浩浩分身百億未足爲多端

坐虛堂未嘗言靜到者裏卷舒收放擒縱殺活以金剛寶劍截斷疑情將衲僧巴鼻脫生死關坐斷要津不通凡聖千人萬人羅籠不

住百千境界轉變不得始能爲如來使普現色身且道正當恁麼時如何日用無回互當機有卷舒

上堂云萬機不到千聖不携截斷葛藤掀翻路布若也從苗辨地因語識人猶落第二機在若論第一機上實無如是事且道第一機上還著得計較麼著得向上向下麼著得佛祖麼到者裏直須恁麼超然地把斷要津不通凡聖若未薦得不免放一線道向第二義門無言處演言無相中現相直下似十五夜月澄湛孤圓一室千燈交光相照始終一貫前後無差也須是箇同道者方知同得者方

證且那箇是同得同證底一言才契證未悟已先知

知縣入山上堂拈香示衆信手拈來光明烜赫結而爲蓋散而爲雲爇向爐中莊嚴知縣宣德妍智道人伏願道心堅固種智圓明遂敷座適來錦上鋪華如今鋪華錦上還有明眼底解拈得探得麼試出來擊揚看師乃云心不是佛認心乖宗智不是道立智失旨道本無爲佛亦無相於無相無爲處辨得去一切諸相悉皆是佛一切所爲悉皆是道拈起也天回地轉放下也草偃風行若是向上更不落二落三直下單刀直入其或尚存光彩猶滯皮膚不免向者裏談妙談玄演事演理行棒行喝舉古舉今且道山僧畢竟將什麼爲人不住舊時無相貌外尋知識也非真

上堂云山頭鼓浪井底揚塵眼聽似震雷霆
耳觀如張錦繡三百六十骨節一一現無邊
妙身八萬四千毛端頭頭彰寶王刹海不是
神通妙用亦非法爾如然苟能千眼頓開直
下十方坐斷且超然獨脫一句作麼生道試

王須經火求珠不離泥

上堂云風吹風動無二種水洗水濕豈兩般
淺聞深悟底錦上鋪華深聞不悟底生鐵鑄
就春盡羣芳已歇夏初百穀方滋時節不相
饒乾坤得自在且不涉迷悟一句作麼生道
薰風自南來殿閣生微涼

王待制生日請上堂示衆云當陽一句直截
根源不昧時機出衆相見師云靈機廓爾豈
有階梯智照洞然本無迷暗一切處作奇特
事不動絲毫脚跟下亘堅密身徧塵沙界坐

斷千差路突出四威儀何假七步周行十種
祥瑞明明絕滲漏歷歷無覆藏包古今齊物
我平得失混去來分明直下現成是箇本來
面目只如透出形聲且道如何通信還委悉
麼一塵才舉處全體現優曇

上堂云第一句下薦得祖師乞命第二句下
薦得人天膽落第三句下薦得虎口裏橫身
不是循途守轍亦非革轍移途透得則六臂
三頭未透亦人間天上且道三句外一句作
麼生道生涯只在絲綸上明月扁舟泛五湖
住道林語錄師在夾山受請拈帖示衆云大
眾湖外有知音千里通消息透出威音王誰
解知端的還知麼箇裏辨取苟或未然却請
對衆宣過

陞座云數載碧巖藏拙訥幽深頗愜再南心

業緣苦死相驅逼隨順還須遇道林二途俱不涉底出來道看僧問天得一以清地得一以寧衲僧得一時如何師云藏身無路進云兵隨印轉去也師云一句合頭語進云意氣不從天地得英雄豈待四時推門二十三師云瞻之仰之進云只如疏中道本來真性不減不增隨處道場無墨無礙和尚爲什麼不住夾山却赴道林師云只爲現成公案進云恁麼則慈悲不等去也師云什麼處不等進云驗在目前師云蹉過也不知進云承師有言湖外有

下一刀劃斷無彼無此離去離住明如果日寬若太虛隨處作主遇緣即行且應物利生一句作麼生道渠儂無向背一鎌破三關師復云雲縱卷舒豈有彼此谷神靜應那列高低融通萬有而混成坐斷要津而一致塵中經卷長時轉大法輪句下分身是處光輝烜赫箇是衲僧家尋常受用或撮大地如粟米粒大拋向面前擗須彌跨跳上三十三天且道是雲縱卷舒谷神靜應還會麼行船須是把梢人

知音千里通消息未審是什麼消息師云高著眼進云還許學人說道理也無師云啐啄即不堪師乃云孤峯頂上眠雲孤負先聖十字街頭垂手埋沒宗風不擇地而安失却正眼揀所在而住理涉多端若是本色衲僧直

見所未見聞所未聞雖然借路經過不免逢
場作戲乃古乃今無彼無此適來覺海舉夾
山道太陽溢目萬里不掛片雲清清之水遊
魚自迷目前無閑梨此間無老僧若能知雲
月是同溪山各異便見但知作佛愁什麼衆
生如此則三玄三要八字打開五位君臣一
筆勾下諸人還見麼出頭天外看須是箇中
人

到德山上堂云高懸古鏡列萬象於臺前橫
按鎧鏹截群機於勺下開作家爐鞴奮佛祖
鉗鎚演見性之真風紹圓明之宗範直得如
天普蓋似地普擎頭頭物物明明了了要津
坐斷選佛場開到者裏豈可飲氣吞聲不免
借華獻水大眾當年見性禪師據一條白棒
佛來也打至於隔江搖扇斫木傳心巖頭雪

峯唱末後句洞山龍牙明殺活機今古流傳
叢林龜鑑而今堂頭繼此真風截斷衆流不
存涓滴山僧幸獲觀光敢問人境相稱一句
作麼生道五溪清不盡千古美無虧

入院至方丈云摩竭陀親行此今毗耶離已
現神通而今總不重拈出坐斷千差繼祖風
且坐斷一句作麼生道已在言前

陞座云炎炎伏暑離青嶂蕭蕭清秋渡碧湘
古殿耽耽松檜密無塵金地足清涼既到者
裏還有本色衲僧麼出來共相證明門二僧問黃
蘖因裴相國美譽彌高大顛得韓文公佳聲
十五逾遠未審和尚恩歸何人師云那將魚目比
明珠進云若然者從此希聲天下聞師云退
身有分進云今日和尚添得一重光彩師云
什麼處是添得進云虎頭帶角出荒草門二師云

切忌合頭語師乃云法無住相著相乖宗道不虛行隨行得路須知住中無住行中無行寃若太虛明如果日萬象不能藏覆千聖豈可擬倫一塵飛而翳天一芥墮而覆地一華開而見佛一葉落而知秋物物頭頭明明歷

歷事有千差理歸一揆須是通方作者始解證明不見道盡乾坤都盧是沙門一隻眼又道盡大地撮來如粟米粒大非是神通妙用亦非本體如然到者裏遇緣即宗隨處應機且到山一句作麼生道古殿倚巖腹新徑繞雲根復云諸佛不出世四十九年說威音已前沒交涉祖師不西來少林有妙訣達磨一宗掃土淨盡若人識祖佛渠無面目甚處識渠當處便超越前是三門佛殿後是方丈寢堂左右廚庫僧堂作麼生說當處超越還委

悉麼撒手到家人不識更無一物獻尊堂八月一日於天寧寺開堂師拈疏云大眾見麼箇裏薦得正法眼藏明明無覆藏大事因緣歷歷生光彩其或未然却請表白對衆宣過宣疏罷

師指法座云大衆借座燈王昔人模範當陽定奪此日機鋒要明佛祖淵源須踏毗盧頂上遂陞座拈香云此一瓣香奉爲祝嚴今上皇帝聖壽伏願金輪長御極寶祚永昌隆拱北極以稱尊空芥城而彌固第二瓣香奉爲

門二

十六

判府安撫侍講運使中大運判檢討提學刪定提舉大夫承受奉御兩廳通判大夫在座勲貴伏願爲風后力牧作稷高夔臯副具瞻則八座三台簡帝心乃鹽梅霖雨第三瓣香千佛出興何人酬價威音那畔誰辨端倪昔

年白雲一句下承當今日潭城第三回拈出
奉爲蘄州五祖山第十二代故演禪師以酬
法乳乃攝衣趺坐天寧和尚白槌云法筵龍
象衆當觀第一義師云好箇第一義直得八
面玲瓏如印印空如印印泥如印印水恁麼

說話早是落二落三了也莫有具透關眼底
便請出來激揚看僧問透白雲闡佩黃梅印
握楊岐正令恢慈明舊里臨濟三玄即不問
妙峯孤頂事如何師云覲面相呈無向背進
云善財七日不逢則且致文殊爲什麼百劫
摸摸不著師云你什麼處見文殊進云一句
迥超千聖外滿筵目擊盡知音師云高高處
觀之不足低低處平之有餘進云恁麼則瀟
湘江上月照破碧巖秋師云也須急著眼始
得進云只如侍講昔日有詩道解語乃無舌

老僧非此間正當恁麼時如何師云知心有
幾人進云令人轉憶龐居士天上人間不可
陪師云却被閻黎道著師乃云大道無向背
至理絕言詮迥出三乘高超十地萬法不到
處特地光輝生佛未分時靈源獨曜不落聞
見不隨色聲直下無一絲毫頭徧界全彰奇
特事直饒棒頭取證喝下承當猶是曲爲今
時更或光境俱忘契心平等畢竟亦非的旨
所以道向上一路千聖不傳學者勞形如猿
捉影到者裏理絕事絕行絕照絕用絕權絕

實絕直似倚天長劙凜凜神威如鐵牛之機
羅籠不住今日幸對明眼人前不敢被蓋囊
藏八字打開去也拈拂子云還委悉麼耀古
騰今活潑大千沙界露全身復云大衆昔
日雪峯拈拄杖示衆云我者箇爲中下機人

時有僧出問云忽遇上上機人來時如何峯

拈却拄杖雲門云我不似雪峯打破者葛藤乃拈拄杖云我者箇爲中下機人時有僧問忽遇上上機人來時如何雲門便打師拈云大凡扶宗立教須是頂門上具眼肘臂下有

符看他二老宿縱橫殺活出沒卷舒甚生奇特子細點檢將來猶是節外生枝若據山僧見處乃拈拄杖云山僧只將者箇普爲一切人無論上中下若要擎展一任擎展若要承當一任承當處處把斷要津箇箇壁立千仞且道忽遇其中人來時如何萬國醉心嘗大鼎相逢携手上高臺

謝監寺上堂云滴水氷生百了千當鐵作脊梁骨金鑄堅實心荷負叢林贊弼知識典刑可法直下朴實頭底且道是什麼人相逢相

見呵呵笑更有春風春又春

運判請上堂示衆云驚群敵勝乃英靈佛祖當機貴見成幸遇通人爲證據何妨出衆決疑情僧問龐居士圓機如疾焰過風馬祖大師捷辯如奔流度刃二人酬唱還有優劣也

無師云通身是徧身是進云一槌擊碎去也師云且莫錯認進云不與萬法爲侣者是什麼人師云問從何來進云好箇消息師云道什麼進云只如一口吸盡西江水又作麼生師云果日麗天進云將爲有多少奇特師云

口二大爾又作麼生進云覲面相呈師云_大上眉毛師乃云明明不退轉歷歷無生忍彌縕萬有含吐十虛離見絕聞超聲越色若謂即心即佛正如頭上安頭更言非佛非心大似撥漚覓火超出二見不墮中間淨裸裸無遺赤灑

灑全露是故古人道靈源不昧萬古微猷入

此門來莫存知解到者裏纖毫不立徧界不
藏萬派朝宗千差同轍直得威音已前乃至
窮未來際不移易一絲毫用處觀體全真拈
來當機直截只如今日開選佛場演最上乘

且道薦嚴一句作麼生道內宮慈氏當臺見

徧界全彰淨妙身復舉乾峯示衆云舉一不
得舉二放過一著落在第二雲門大師出衆
云昨日有人從天台來却往徑山去峯云典
座來日不得普請師云閃電光中著眼擊石

火裏橫身乾峯既鐵樹生華雲門亦紅爐鼓

浪拳踢相應唱拍相隨所請要明恁麼事須
是恁麼人若是恁麼人須解恁麼事只如今
日大明普照上根圓證作殊勝緣現奇特事
且道與雲門乾峯是同是別不逢別者不開

拳一遇知音便分付

上堂云樹凋葉落頭頭體露金風海闊天高
處處月圓秋夜佛祖提不起棒喝用不著清
奇水石玲瓏心印全彰瀟灑巖崖峭拔門庭
成見安家樂業則且止海衆雲臻時如何豁

開戶牖相延諾淡飯麤羹守寂寥

上堂云深深處無物堪比倫淺淺箇兩手相
分付以一統萬穿衆穴於毫端補短裁長握
秤尺於掌內換却觸體裏底且致把將靴鞋
袋來一句作麼生道意氣不從天地得英雄

豈藉四時推

同侍御請上堂云祝一人無窮之壽開十方
選佛之場建殊勝緣作奇特事須是作家漢
共相激揚始得僧問秋去冬來忽忽過流年
日月信無多決去玄沙三種病趙州茶盃事

如何師云放去收來進云須信天真佛興悲
幾萬般師云一點水墨進云直得微甘回齒
頰已輸崖蜜十分甜師云却須透得趙州關

進云不煩魏帝一丸藥去也師云天下衲僧
取則進云趙州老漢猶是入泥入水未審道門二

林門下作麼生爲人師云截鐵門三斬釘進云可
謂是一句當機迅若雷爍迦羅眼頂門開師

云分明記取師乃云玄機透脫融萬象於目

前至理高明會千差於物表一明一切明一
見一切見一用一切用說一切說直截根
源當陽顯露若能於此洞達去自己脚跟下
一段大事明如果日寬如太虛可以修身可
以見性可以祝一人上壽可以種未來勝因

是故靈山拈華迦葉微笑少林面壁神光傳
心於是中間如擊石火似閃電光須是奇特

人方明本分事要知本分事還他奇特人只
如今日奇特本分底一句作麼生道葵藿同
傾仰高祝萬年春

上堂云玄玄玄太顛預了了沒邊表有生
有滅特地乖張無去無來轉見漏逗不起滅
盡定而現諸威儀不捨凡夫法而修諸勝行
且道是放行是把住隨流認得性無喜亦無
憂

上堂云葉落知秋動絃別曲定光招手智者
點頭承當於文彩未生前相照向是非得失
外不涉廉纖門二如何通信萬景徒有象孤雲本
無心

檀越請上堂僧問教云初日分中日分後日
分皆以恒河沙等身布施如何是初日分恒
河沙等身布施師云大海若不納百川應倒

流進云如何是中日分恒河沙等身布施師
云見成公案進云如何是後日分恒河沙等
身布施師云盡未來際一時收師乃云日面

月面珠回玉轉有句無句絲來線去如來禪
父母未生前祖師意井底紅塵起透得者權
實句下雙明透未得者葛藤窠裏埋沒透得
透不得總不恁麼時如何薰風自南來殿閣
生微涼

結夏上堂云高超十地不歷僧祇物我一如
身心平等不與萬法爲侶不與千聖同途歷
歷常光現前處處壁立萬仞直饒透出威音
已前猶是者邊事在及乎理隨事變應物應
機或現十種他受用身或現三尺一大六有
時孤峯頂上目視雲霄有時淺草平田橫三
堅四亦只是者邊事只如不動步而廓周沙

界不起念而周徧十虛底人且道九旬三月
還結夏也無雲在嶺頭閑不徹水流澗下太
忙生

上堂云月圓月望月旦月朔斬釘截鐵堆山
積獄小乘錢貫大乘井索有漏笊籬無漏木
約定龍蛇句全殺活散向諸方任貶剥參

鄧樞密奏到紫衣師名上堂云此一瓣香奉
爲祝嚴今上皇帝伏願帝基永久寶祚彌昌
億萬斯年永隆聖壽次拈香奉爲兩府樞密
相公伏願長居三事永處巖廊壽筭等喬松

門二
福祿深巨海陞座僧問師名遠賜全提佛祖
大機堪服初披獨露人天正眼百匝千重則
且置孤峯頂顙事如何師云優鉢羅華火裏
開進云只如朕兆未分已前是何面目師云
渠無面目進云龍得水時添意氣虎逢山勢

長威禪師云誰不恁麼進云空生若解巖中
坐爭得天華動地來師云却被閻黎勘破進
云聖明天子未審將何報答師云此心心外
更無心進云還許學人轉身吐氣也無師云
爾作麼生著力進云三事衲衣青嶂外一爐
沉水白雲中師云大家讚歎師乃云大道絕
遮攔其誰趣向虛空無背面何處雕鐫迥出
威音王高超毗盧頂直得絕塵絕跡離相離
名海口莫能宣佛眼覩不見柰巖中宴坐
諸天雨華淨室掩關梵音慰諭遠稟一人洪
造特資宰輔陶鎔袍服師名荐臻巖穴既爾
從天降下理應直下承當泉石光輝林巒增
秀風行草偃水到渠成由是擊開解脫門顯
示正法眼調無生曲唱太平歌樂無爲之化
去也還委悉麼優鉢羅華開艷著無香氣名

自樞密府恩從九天至草木生光輝鱗龍不
爲瑞誓奮鐵石心仰答丘山惠

舉泰首座立僧上堂云大人具大見大智得
大用一飛六月息一諾千金重滔天必江海
崔嵬必山嶽先知覺未知先覺覺後覺打開
無盡藏運出無價珍不依倚一物顯示本來

人

浴佛上堂云一手指天一手指地末上一機
衲僧巴鼻步步蓮華金盆澡洗西天東土共
流傳至今處處澆香水良久云車不橫推理
不曲斷下座

劉提舉請上堂云般若智光破生死昏衢之
暗金剛寶劍截結使纏縛之憂透脫處一念
無多受用處通身具眼直得如天普蓋似地
普擎如日普照如風普涼一絲不移纖塵不

騎所以道一切法不生一切法不滅若能如是解諸佛常現前又道求達境唯心起種種分別達境唯心已分別即不生於分別不生法中認取不變不移無窮無盡清淨本然周徧法界本來自性若了得去於天地未分生佛未立乃至刦火洞然大千俱壞於中無一絲毫動搖無一絲毫起滅無一絲毫增減無一絲毫榮悴若能恁麼始知提舉朝議未嘗滅未嘗虧未嘗移未嘗去且獨超物外一句作麼生道九蓮開合處百寶自莊嚴久立珍

重
解夏上堂云妙淨明心本無延促金剛正眼
豈有開遮絲毫不移古今獨露理隨事變事
逐理融隨所作心應所知量便有春夏秋冬
生住異滅從無住本立一切法用無功用成
一切事且隨緣不變一句作麼生道秋風吹
八極木落露干山下座

手一語直千金參

上堂云古佛有通津當陽亘古今懸崖能撒
打鼓鴻嶺牧牛玄沙見虎喫茶趙州面壁魯
祖爭似老雲門臘月二十五參

圓悟佛果禪師語錄卷第二

音釋

瞪	澄	應切	咤	丘加切	箇	莫結切	顙	乃挺切
	直	視也	口張貌	箇	析竹也	顙	頸	顎
慤	匹	歲切	轂	急遽貌	轂	轂走洛切	轂	轂
栴	也	拔	𦵹葛切	鑽	鑽	鑽祖算切	贊	贊
栴	作木	切	木斫	髡	髡劣切	奴	奴	奴
栴	矢鏽也		爇	燒也	劃	忽麥切	協	協
栴	古獲切		爇	步拜切	戡	斷也切	指	協
栴	高	私	吹	高	高列切	也		

辛之先也。殷切。鑄也。搜施也。列羊也。椹食。紫服。衣也。柂切。鞶渠。鞶公。混尤。切。陶鎔。陶徒。刀切。鎔餘。封甄。

圓悟佛果禪師語錄卷第三

門三

宋平江府虎丘山門人紹隆等編

住建康府蔣山師在潭州道林受請拈勑黃
示衆云龍蟠鳳翥鐵畫銀鈎出自九重從天
降下大眾瞻仰門三請爲敷宣拈香祝聖云大眾

見麼祖佛同根本人天共讚揚結成寶蓋祥
雲共祝南山聖壽奉爲今上皇帝萬歲萬萬
歲伏願道超盤古德冠羲軒位永固於金輪
壽彌堅於劫石遂陞座云大衆時平道泰天
清地寧一人高拱無爲萬物各得其所普天
率土無不承恩航海梯山均蒙陶鑄直得塵
塵刹刹利物物頭頭放大寶光開正法眼運般
若力復太古風知恩報恩一句作麼生道萬
靈莫測無爲化處處全開五葉華
道林辯衆上堂云十虛同一漚寧分彼此大

千同一塵豈有去來若能各人明見本心顯
發妙用通天作略動靜一如市地風光彼此
無二住也浮雲凝於幽谷去也虛舟泛於長
江去住本自圓成解脫更無異路如是則全
起全滅全動全靜全去全來全收全放且出
門一句作麼生道頭頭物物皆成現正眼當
陽廓太虛復云三年承乏幸參陪道業荒虛
愧不材赴詔直從天外去何時相與復徘徊
入院至方丈云達磨面壁維摩默然有條攀
條豈可形言雖然如是脫體宏開不二門只

要解黏兼去縛

陞座云道不虛行如風偃草緣不虛應似鏡
臨形若能於心無心於已無已於彼無彼於
我無我蕩蕩廓周沙界皆非外物縱歷盡乾
坤際悉在目前法隨法行法幢隨處建立理

亦如是事亦如是況寶公道場梁時示化舒王福地聖世重興宏開選佛場宣唱大般若於其中間且作麼生是於心無心於已無已坐斷要津不通凡聖底一句三山半落青天外二水中分白鷺洲

結夏上堂云一塵舍法界無邊子細點檢猶有空缺處在百億毛頭師子百億毛頭一時現著實論量未是極則之談若論本分事大具大見大智得大用設使盡無邊香水海越不可說不可說世界都盧是自己安居處舉一念超越無邊刹海猶未是衲僧行履處不犯鋒鎚不拘得失不落二見不在中間正當恁麼時如何山中九十日雲外幾千年上堂云法無二相道豈多途彼此絕功勲古今不變易有依倚底碧落青霄無依倚底銀

山鐵壁設使神通妙用百市千重爭如息見忘機家堂穩坐且不涉二途一句作麼生道他家自有通宵路罷却干戈百草頭五月初二日開堂於知府手中接得疏呈示大眾云字字演無量義句句如優曇華佛祖鉗錨人天標榜當陽拈出文彩已彰錦上鋪華請重宣過

指法座云高高無外深深無際更不作禮須彌燈步步階梯全體是且道是箇什麼看看拈香云大眾還見麼熏五分法身結五雲瑞

門三
三
彩薰向爐中奉爲祝嚴今上皇帝聖壽萬歲萬歲萬歲伏願道齊堯舜德冠羲軒南山壽逾億萬年北極尊亘河沙劫第二瓣香奉爲判府尚書諸衙勲貴伏願膺一人簡在副四海具瞻爲周邵甫申作臯夔益商第三瓣

香云昔年白雲堆裏最初一句截流今日人
天衆前箇是四回拈出奉爲蘄州五祖山第
十二代演禪師爇向爐中以酬法乳之恩乃
攝衣敷座天禧和尚白槌云法筵龍象衆當
觀第一義師云一槌便成光輝溢目要津把
斷誰是唱酬還有能觀第一義底出來相見

師乃云曠劫來事只在如今威音那邊全歸
掌握頭頭物物成現明明了了無差獨用宏
機全提祖印設使奮逸群作略施竭世樞機
未免節外生枝水中捉月所以諸佛出世罕
遇作家祖師西來承虛接響向上一路千聖
不傳學者勞形如猿捉影到者裏不拘格式
不躡前蹤不昧當機如何舉唱明眼漢沒窠
臼本分事絕羅籠幸遇帝道平平皇風蕩蕩
祝嚴聖壽爲國開堂台旆光臨皇華作證鍾

山頂上寶公塔前八字打開分明顯示去遂
拈起拄杖云還見麼諸佛搆不著祖師提不
起千日並照萬鏡臨臺不隔纖毫當陽薦取
且不涉諸緣一句作麼生道八方霖霖無爲
化萬國謌謡樂太平

上堂云不滅不生亘古亘今圓融無際應用
無差佛祖由茲圓成人天因其發現至於千
聖萬聖出來移易一絲毫不得要識文殊普
賢釋迦彌勒觀音勢至盡在者裏不起纖毫
凡聖情念不拘得失是非境界直下全真更
非他物且薦嚴一句作麼生道還委悉麼彌
陀非外得徧界是西方

上堂云一切無收攝觸處圓成應用絕參差
莫窮形相向千聖頂顙上有時露出祖佛莫
窮底機關於一毫端中有時演出主賓互換

底文彩經天緯地玉轉珠回即且置舉拂子
作點勢云者一點落在什麼處海神知貴不
知價留與人間光夜四二

上堂云至真非內大千非外表裏一如含融
法界月印寒潭珠沉滄海樹彫葉落無在不
四三

在萬法本通同從來無向背要是箇中人始
終無變改且作麼生是無變改雪後始知松
柏操事難方見丈夫心

上堂云格外真乘當陽正眼騎聲蓋色離見
絕聞非三賢十聖所知非神通變化所測撥
開向上一竅威音已前把斷封疆直饒達磨
西來也無措手足處到者裏更說心說境說
得說失得麼掀知有什麼交涉若是利根漢
一刀截斷不落第二見不落第二機直下便
承當豈不省要乃至若行若住若坐若卧一

香一華一瞻一禮無不皆從自己流出無不
皆從本有道場中來以此坐斷報化佛頭不
妨隨時著衣喫飯三世諸佛只言自知祖師
西來全提不起一大藏教詮註不及且道到
者裏作麼生說預作津梁底道理還委悉麼
片雲點太清已落第二見
報寧民和尚受帖上堂云一向孤峯獨宿日
視雲霄雖則不埋沒宗風無乃太高生一向
十字路口土面灰頭利物應機雖則埋沒自
已無乃太屈辱生況明悟之士頂門具眼肘
下有符出沒卷舒得自在動若行雲止猶
谷神可以或孤峯獨宿不礙土面灰頭或土
面灰頭不礙孤峯獨宿恁麼中有恁麼不
恁麼中却有恁麼且應時應節一句作麼生
道良久云瑞氣逢嘉運靈苗觸處春

受季善友爲僧上堂云三界無安四生拘促
欲脫愛網超步大方正應披忍辱鎧操智慧
刀運上品心發殊勝志與蘊魔煩惱魔死魔
共戰滅三毒破魔網始是大丈夫漢豈不見
教中道三界無安猶如火宅衆苦充滿甚可

怖畏又道是舍唯有一門而復狹小雖然狹
小過去諸佛現在諸佛未來諸佛盡從箇裏
出去且道必竟如何良久云何似生遼天鵠
萬里雲只一突

上堂云千聖不同轍正體獨露萬象無所覆
妙用常真法隨法行無處不徧心隨心用無
處不周若能上絕攀仰下絕已躬放出人人
常光目前各各獨露便可以於一塵中現寶
王刹坐毛端裏轉大法輪以無轉而轉即一
切皆轉以無身現身一切處無不是身亘古

直至凝然寂照所以道唯一堅密身一切塵
中現雖居塵中而塵中收他不得雖居四相
而四相羅籠不住雖一切處覓其纖毫形相
了不可得然而要用便用要行使亦不於
一塵中覓塵亦不尋其纖毫形相謂之無生
法忍且只如截斷兩頭一句作麼生道死生
同一際萬化悉皆如

解夏上堂云毫端寶刹寬闊優游十世隣虛
古今渺邈洞視不見徹聽不聞到者裏非止
善財七日歛念設使文殊百劫運大智力起
無邊神用亦不能觀見只如諸人九十日間
各各於中全體遊歷出沒卷舒縱橫收放八
穴七穿東涌西沒儻忽於此知得諦當去不
妨步步踏著實地心心契證平常苟或未然
今日布袋口開還委悉麼良久云勿謂清秋

多勝致低回且復接雲頭

八月一日上堂云撥正三界窠窟放出無位真人透過荆棘叢林便居常寂光土非如非異耀古騰今非色非心超宗越格淨裸裸絕承當赤灑灑沒回互只如今在諸人頂門貫

通一切若能各各返照內觀即坐自己家堂

所以祖師道有一物上柱天下柱地常在動用中動用中收不得謂之本源佛性顯成知解宗徒更云說似一物即不中亦不免涉三寸路直得不墮常情不拘格式諸人若能於

此定當得更不在指東劃西若定當不得不免重重指注去也不見道有物先天地無形本寂寥能爲萬象主不逐四時彫既不逐四時彫又能爲萬象主且當陽截斷路頭如何趣向還委悉麼八月秋何處熱復云抖擻自

精神構取自家底如斬一綫絲不分前後際力刃旣雙行一斬截一切倘能劎刃上承當一口吸盡西江水一關爐上堂云乾茆近火理合先焦滴水氷生事不相涉倘或透生死明寒暑融動靜一去來直得意遣情忘如癡似兀然後乃可飢則喫飯健則經行熱則乘涼寒則向火雖然如是趙州道我在南方三十年有箇無賓主句直至如今無人舉得且無賓主話火爐頭如何舉得還委悉麼衲被幪頭萬事休此時山僧都不會

褒山珪禪師爲佛眼和尚設齋請上堂云還有助哀者麼僧問明鏡當臺舉無遺照只如佛眼和尚遷化向什麼處去師云妙喜世界藏不得蓮華影裏現全身進云和尚只道得一半師云爾全道底又作麼生進云煩惱海

中爲雨露無明山上作雲雷師云天地懸隔
進云誰人知此意令我憶南泉師云且莫詐
明頭問臨濟滅却正法眼三聖直下便承當
盤山會裏要傳真普化當時翻筋斗未審此
意如何師云跳出金剛圈吞過栗棘蓬進云

門三

萬里神光頂後相只明者一段時節去也師
云方木逗圓孔進云學人是直截根源師云
一任躊躇師乃云此方緣盡他方顯化此界
身歿他界出現大善知識以無邊虛空爲正
體以香水海不可說塵刹爲化境以日月爲
明燭以形骸爲逆旅以死生爲晝夜其來也
電光晃耀其去也石火星飛雖示世人有去
有來極其本體不動不變所以南泉和尚昔
爲馬大師作齋問大衆云今日爲先師設齋
且道先師來麼有底道合取鉢盂有者道真

堂前更添一分食蓋明此箇不動不變至靈
至妙各有奇特處要且只見錐頭利不見鑿
頭方今日褒山珪公長老爲佛眼和尚設齋
敢問大衆佛眼和尚還來麼有道得底試出
來道看若無不消一箇普同供養何故簷頭

水滴滴相承五葉華葉葉相付且道綿綿不
斷一句作麼生道祖月凌空圓勝智何山松
柏不青青

檀越請陞座僧問祖師門下水泄不透明眼
人前固難啓口未審和尚如何爲人師云無
孔鐵鎚當面擲進云劍閣路雖險夜行人更
多師云捉敗者漢進云收得安南又憂塞北
師云腦後添一隻閻聲前一句非聖不傳未
曾親近如隔大千如何是聲前一句師云咈
嘹舌頭進云如大火聚近之燎却面門又如

何親近師云只得瞻之仰之進云爭柰推倒

嘉州大像倒騎陝府鐵牛師云孟八郎漢師
乃云心不是佛心與佛俱非智不是道智與
道俱遭到者裏金屑雖貴落眼成翳珍食雖
美難中飽人若是向上人須知向上事若於

向上提持去也威音已前空劫那畔不恁麼
至於毗婆尸佛娑竭陀國不恁麼靈山拈華
迦葉微笑亦不恁麼少林面壁神光斷臂亦
不恁麼何故若使恁麼彼此相鈍置既不恁
麼又且如何舉唱所以道諸佛不出世四十
九年說祖師不西來少林有妙訣若人識祖
佛當處便超越上根利智千里同風一刀兩
段聊聞舉著徹骨徹髓剔起便行隨處作主
遇緣即宗草偃風行全機獨露正當恁麼時
不依倚一物一句作麼生道萬象之中長獨

露千峰頂上現全身

僧復披剃謝恩罷陞座云天中之天聖中之
聖處域中之大超方外之尊執寶籙以臨民
覆金輪而御極廓清六合停毒萬方聿降綸
言重興佛法遂使普天釋子復換僧儀歸本

笏於裴相公納冠簪於傅大士重圓應真頂
相再披屈胸田衣俄頃之間追還舊觀皇恩
崇重倍萬丘山草木之微云何圖報輒傾肝
膽少出毫芒大眾先佛有頂顛一機如擊石
火似閃電光祖師有末後一句吞稟棘蓬跳
金剛圈可以敵聖驚群可以轉凡成聖騰今
門三現古蓋色騎聲如今對衆拈來不犯從前露
布還委悉麼洪鈞妙力先天地覆載恩歸大
聖人

上堂僧問選佛場開上根圓證不昧當機如

何指示師云一超直入如來地進云龐居士

道不昧本來人請師高著眼馬大師因什麼
直下觀師云頂門上有進云居士道一種沒
絃琴唯師彈得妙馬大師直上觀未審意旨
如何師云暗裏能抽骨進云直上觀底是直

下觀底是師云莫謗馬大師進云爭柰龍袖
拂開全體現象王行處絕狐蹤師云有龐居
士證明師乃云真妄窠窟生死根株論其汗
漫則千差揔其趣向則一致起唯法起滅唯
法滅起滅全真了無二致所以道三界唯心
萬法唯識離心之外無別識境楊岐又道群
靈一源假名爲佛體竭形消而不變金流朴
散而常存如此則亘古亘今不生不滅羅籠
不住呼喚不回古聖不安排至今無處所且
始終不變一句作麼生道還委悉麼不從千

聖中傳得透出威音更那邊

楊安撫請上堂僧問白雲生滿座瑞氣擁禪
堂少室真消息當機願舉揚師云一舉千差
同一照進云一音清迅生潮舌萬類聊聞道
眼開師云風行草偃進云只如蘊定乾坤謀
略有蓋世英雄具殺人刀秉活人劍還有佛
法道理也無師云有進云如何是佛法道理
師云直是天下無敵師乃云十虛融攝正眼
洞明八表昇平圓機獨運萬象不能藏覆千
聖無以擬倫明明絕承當歷歷無回互見成
是箇大解脫門有超宗越格底眼具離見絕
情底機出沒於中往復同用直得拈起也天
回地轉應須拱手歸放下也草偃風行必
合全身遠害可以集衆福可以滅諸殃可以
報君親可以安邦國全明一道神光不落見

聞知覺正當恁麼時收因結果一句作麼生
道萬里江河歸有道凱歌齊唱賀卽回

劉宣教請上堂僧問劍輪頂上飛大寶光虎
眼峯前豁開宗要既是向上人須明向上事
如何是向上事師云坐却舌頭進云此猶是

向下事師云果然轉不得進云直得蓋天蓋

地底來和尚向甚處出頭師云且向千里外
立進云爭柰覲面相呈毫髮無間師云已遭
點額也師乃云生平唯以此相知促榻論心
到極微轉眼奄然今五載人間空只想形儀
祖佛知見生死根源萬世不移易一絲毫千
聖莫能窮趣向其生也電光石火舉必全真
源假名爲佛體竭形消而不滅水流朴散而
常存於一現一切而普該於一切現一而無

住著處處是全身

上堂僧問單拈獨弄只貴眼辨手親正按傍
提須是作家手段棒喝交馳則且置頂門一
句事如何師云倒行此令進云蔣山門下不
爲分外師云分身兩處看進云學人更向上

行時如何師云且只向下問進云任大也須
從地起更高爭柰有天何師云過師乃云目
擊塵塵刹刹同居華藏海中頂門密密堂堂
渾是無生法忍拈一莖草現丈六身吹一布
毛傳正法眼離無離有絕聖絕凡八字打開

分明顯示了也若委悉得去遂舉拂子云東方妙喜世界不離箇裏西方極樂世界亦不

離箇裏上方兜率世界亦不離箇裏如是則

一處通千處百處一時通一處圓千處百處

一時圓且不離本有一句作麼生道閻浮樹

下親修處九品蓮中妙果圓

開聖節上堂云頂天履地共荷皇恩含齒戴

髮均承帝力神霄降慶真主示生傾萬國丹

心祝一人聖壽當陽有路萬派朝宗一句無

私輒輸肝膽還委悉麼大明齊北極聖壽等

南山

散聖節上堂云神霄真人降駕長生帝君御

極神靈開旦夷夏欽風萬瑞咸臻千靈擁祐

布羲軒無私之政追盤媧太古之風萬國赤

子歌謠八表昆蟲鼓舞福流千界慶集一人

林下禪人如何圖報共持清淨無爲化仰祝

吾皇億萬春

寶公生日上堂云悲智種中圓證四生海裏
橫身圓如明月珠快似金剛劍一向恁麼去
千人萬人乃至無窮億人羅籠他不住及至

恁麼來千人萬人乃至無窮億人盡承他麻

廢賑濟四生舒卷九有或現十二面或現百

億身鷹爪中露受生機屈膝處示涅槃相此

猶是應機接物隨方逐圓時節若論本分提

持坐斷異同不通凡聖直得釋迦彌勒飲氣

吞聲文殊普賢亡鋒結舌且利物應機一句

作麼生道杖頭湧出金剛劍四生九有示津

梁
上堂云壁立千仞處攢華簇錦平田淺草裏
劍戟縱橫欲提持向上那邊事直下無啓口

處始欲捲而懷之又乃文彩已彰正當恁麼時如何要識他家全意氣三千里外絕諳訛上堂云薩怛阿竭二千年前費分疎摩醯首羅一眼頂門先漏逗有轉變識機宜到者裏如虎戴角骨碌錐守窠臼於箇中似龜負圖直須自悟自修切忌依他作解所以道有一句子堪與祖佛爲師有一句子堪與人天爲師有一句子自救不了只如截斷衆流不落三句又且如何還委悉麼言下未開千聖眼鋒前已泄法王機

錢運使請上堂僧問北山天下呼禪窟大冶洪爐烹祖佛玲瓏八面有誰知一句當機露風骨忽遇其中人來時如何師云倚著一邊去進云恁麼則五鳳樓前聽玉漏須彌頂上擊金鐘師云足下雲生進云低低處平之有

餘高高處觀之不足師云胷襟流出一句作麼生道進云覲面相逢更無回互師云朝議與爾作證師乃云祖佛頂巔上單提本分宗乘萬機不到處宣布正法眼藏明明絕回互歷歷無邊表一句坐斷千差一言朝宗萬派是佛非佛向上句下權實照用卷舒擒縱一時拈却直得淨裸裸赤灑灑人人常光現前處處壁立萬仞所以道一切法不生一切法不滅若能如是解諸佛常現前不唯諸佛現前乃至一切有情無情盡無邊香水海過現未來湛然凝寂不變不異交光相羅如寶絲網諸人還見麼須知此一段事有如是奇特相有如是解脫力敢問大眾且過徃八孺人承箇什麼功力還委悉麼國土動搖迎勢至寶華彌滿送觀音

三月望日上堂云華殘雨過已度韶光風暖
雲凝將臨夏景不逐四時凋變隨例七八五
分更或削跡吞聲未免牽藤引蔓百草頭上
則且置脚下泥深一句作麼生道春日晴黃
鶯鳴

結夏上堂云築著磕著立卓縱橫或纖或洪

徧界十身調御不踐青草豈冒紅塵且放下
一句作麼生道拘折拄杖子高掛舊瓶盂復
云塵塵刹刹自家風不在瞻嘗聽龕中旣爾
結將布袋口直須牢把主人公

結夏請上堂云豁開戶牖當軒者誰無面目
可見徧界不藏無形相可覩全機獨用以無
面目而諸相歷然以無形相而十身具足解
脫門廣啓選佛場宏開作不可思議功勲成
無量殊勝奇特直得一爲無量無量爲一小

中現大大中現小坐微塵裏轉大法輪猶未
是衲僧本分事於中若得桶底子脫五色線
斷目前無法心外無機則圓融一切無有所
爲成就諸法全體顯現且正當恁麼時不落
功勲一句作麼生道三尺龍泉光照膽萬人

叢裏奪高標

峽州東山馳法嗣書到上堂云靈山會上千
葉騰芳少室峯前一枝獨秀生佛未具已見
蟠根空劫那邊轉彰文彩渾崙壁不破撲鼻
更馨香八面自玲瓏通身轉綿密箭鋒相拄
針芥相投則且置獨脫一句作麼生道條爾
風雲會廓然天地春復云坐見東山振古風
頂門眼正有全功操持臨濟金剛劍倜儻揚
岐稟棘蓬鐵壁銀山須作用魔宮虎穴亦流
通攝將香水無邊刹併入鉗鉢爐鞴中

八月旦上堂云秋光清淺明明不退轉群木蕭疎一一解脫道不出陰界可以徧歷浮幢王不立纖塵可以具足金剛智何況園裏菜青田中禾熟豈非歲稔時和心融境寂且不離向背一句作麼生道星河秋一鴈砧杵夜

千家

四三

十六

住東京天寧寺宣和六年四月十九日於當寺爲國開堂師拈疏云現成公案未言時文彩已彰洞徹根源才舉處重重漏泄儻或尚留觀聽却請對衆敷揚

指法座云柔和忍辱衣諸法空爲座既披此衣必據此座況佛佛祖祖藉此爲梯爲航見麼有條攀條無條攀例遂陞座拈香云此一瓣香恭爲今上皇帝祝嚴聖壽萬歲萬萬歲伏願聖明逾日月睿筭等乾坤空芥城而有

餘拂劫石而彌固次云此一瓣香奉爲中宮天眷宰執諸王少師相公節使太尉閩朝文武在筵勲貴伏願高扶聖日永佐堯明壽筭等松椿福祿齊江海拈第三瓣香云大眾還見麼昔日白雲堆裏當風一句全提今朝萬壽堂前次第五回拈出奉爲蘄州五祖山真惠禪院第十二代演禪師爇向爐中以酬法乳智海和尚白槌云法筵龍象衆當觀第一義云明明無覆藏一一絕滲漏初無第一第二豈復言觀到者裏草偃風行渠成水到還有共相證明底麼僧問時雍道泰樂升平萬里山河舜日明妙唱以資天子壽爐煙爲瑞國風清未審和尚如何舉唱師云萬壽堂前增瑞氣一人有慶等乾坤進云師將萬古靈山事祝讚當今有道君師云傾盡此時心進

云如是則金枝永茂天庭秀玉葉長芳內苑
春師云誰人不仰此時風進云祝聖已蒙師
指示向上宗乘事若何師云七十三八十四
進云德基永固金剛界萬國來朝賀聖明師
云風前一句超調御進云須知此道真微妙

應用隨方得卷舒師云更須抖擻眼中塵師
乃云問話且止大眾祕密妙嚴深機莫能考
究淨圓超證諸聖無以擬倫靈山單傳正音
少室密付的旨洞明如杲日寬曠若虛空把
斷諸法無遺蔭覆群靈有作頂門上如如不
動腳跟下了了常知今朝幸遇祝聖開堂對
衆分明剖露遂拈拄杖卓一下云大眾還知
落處麼諸佛心髓祖師淵源十成八字打開
徧界全彰勝相纖洪長短黑白方圓一一絕
羅籠處處無回互澄澄湛湛密密堂堂無深

可深無妙可妙是故佛佛授手唯授此心祖
祖相傳唯傳此妙上根種智略請回光可以
千眼頓開可以萬緣透脫豈不見阿難問迦
葉世尊傳金闌外更傳何物迦葉召阿難阿
難應喏迦葉云倒却門前刹竿著三要印開

十方通透直得王舍城裏萬壽堂前瑞氣凝
九重祥光朝鳳闕一一發輝正法眼藏傳持
涅槃妙心了也且當陽不昧一句作麼生道
太平瑞氣無邊表航海梯山仰聖朝以此開
堂一毫善利上祝今上皇帝聖壽伏願金輪

永固寶祚殊昌四海樂文明萬邦陶至化復
舉昔有僧問投子如何是一大事因緣投子
云尹司空與老僧開堂師云投子古佛叢林
中推其得逸群之辯得朴實頭道用看其等

開拈掇不妨世法佛法打成一片雖然如是

惜其不甚寬廓今日忽有人問天寧如何是一大事因緣即對他道手握金輪清四海聖躬彌億萬斯年

師在蔣山受勑拈示衆云大眾見麼龍飛鳳舞降自九重佛祖綱宗盡在裏許却請維那

對衆宣讀

門三

十九

陞座僧問承師有言龍飛鳳舞降自九重此意如何師云無人不仰最深恩進云好音在耳人皆聳去也師云水到渠成是一家進云直得樵夫舞袖野老謳歌去也師云誰不恁麼進云莊野春林與天華而合彩師云一枝別是太和春進云爭柰雲本無心自有從龍之勢師云却得閻黎出氣進云只如寶公還肯放和尚去也無師云放來久矣進云從教猿鶴怨且副一人心師云是處是彌勒無門

無善財師乃云寒巖枯木白雲堆散質何能中巨林豈爲虛聲徹清禁紫微聖詔九天來既然事出意外要須直下承當所貴正眼流通仰祝無疆睿筭直得昆蟲草木悉仰動地風光大地生靈咸霑唐虞睿澤處處和風徧野人人喜氣盈眸感覆無疆之恩荷一人生成之德正當恁麼時還委悉麼碧桃冉冉凝朝露紅杏蒙蒙映彩霞

入院詣方丈坐云摩竭陀國三七日內口呀牙毗耶城中八萬人衆眼睂睂雖然一期拈撥未免犯手傷鋒爭似者箇八面玲瓏四方洞達上賴一人麻廬傍贊聖化無窮一句截流萬機寢削還委悉麼識取鉤頭意莫認定盤星

指法座云三萬二千師子座爭及此箇曲录

木坐斷報化佛不涉聞見知揭起鷲嶺高風

仰祝南山睿筭還見麼看取令行時

上堂拈香此一瓣香祝嚴今上皇帝聖壽無

疆萬歲萬歲萬歲萬歲師乃云入門便見更不

容擬議尋思開口便說亦不復周由者也假

使善財入彌勒樓閣尚資欵念普眼入普賢

妙境亦借威神只如今直得八穴七穿四通

五達一處透千處萬處通明一光明千光萬

光普照且到家一句作麼生道風前有路超

調御鼓腹謳歌樂太平復有頌云本是山中

人無能唯守拙豈謂有虛名遠達丹鳳闕降

勑住天寧竹輿星夜發今朝親到來一句無

言說別別金色頭陀曾漏泄

圓悟佛果禪師語錄卷第三

三

一一五九七

音釋

霖霖

霖莫白切霖音木綫練結切

也哈喇

喇巨吉切喇音聊屈徇也此云大賑

之乃切

請訛請胡茅切滲所禁切呀虛加

貌口

詣訛訛五戈切滲所禁切呀虛加

張

圓悟佛果禪師語錄卷第四

門四

宋平江府虎丘山門人紹隆等編

東京天寧寺語喬貴妃請上堂云一句全提
千差併會一華開現萬福來臻往復無間而
有源動靜不移而常寂處處是佛頭頭是道

門四

若也深信得及更不假他人餘力直似壯士

屈伸臂頃全出此機若動若靜若出若處殊
勝中現殊勝奇特中現奇特更非外緣全承
渠德所以道天人群生類皆承此恩力若識
此恩動止作爲百千變現悉不落虛正當恁

麼時一句作麼生道當陽徧界無回互千重

百匝轉光輝

祖師會上堂僧問少林首傳於頓旨五葉爲
芳葱嶺遂別於衆流千燈續照門庭雖異五
家般若同歸地位如何是五家宗派師云吒

吒沙沙歷歷落落進云若不借問爭達本源
師云一筆勾下進云趯倒淨瓶不留活計兩
口無舌正是吾宗如何是瀛仰宗師云天下
人跳他圓相不出進云三四喫棒猶若萬枝
末後瞎驢人天正眼如何是臨濟宗師云敲
唱俱行進云休去歇去古廟香爐枯木生華
祖佛心要如何是曹洞宗師云兩兩不成雙
進云對機猢猻本自天然一簇遼空三句可
辨如何是雲門宗師云當面蹉過進云色空
明暗觸處光輝刹刹塵塵頭頭顯露如何是
法眼宗師云點進云祖師心印狀似鐵牛之
機去即印住住即印破只如無鼻孔衲僧作
麼生印師云便是闍黎進云天下祖師鼻孔
盡被和尚一串穿却未審和尚鼻孔被什麼
人穿師云莫誇佛果好師乃云千聖頂額上

可容刹海衲僧命脉中不許真機更通一線
路以佛現祖從祖證佛印印無差機機圓證
靈山拈華示衆建立此箇宗風金色頭陀曾
承妙旨以至西天四七此土二三自曹溪散
席已來數百年間列刹相望各各握靈蛇珠

門四

二

人人抱荆山璧有照有用有權有實提振向

上宗風傳持正法眼藏要且百川異流同歸
大海千重百川無出一源所以道西天二十一
八祖也恁麼唐土六祖也恁麼天下列刹相
望諸老宿也恁麼山僧也恁麼且道恁麼事
作麼生商量還提掇得出麼還繙索得明麼
山僧不惜兩莖眉毛與諸人點破遂拈拄杖
云還見麼三世諸佛歷代祖師天下老和尚
盡在拄杖頭上放大光明現權現實現機現
境列五位君臣開三玄宗要機境相投箭鋒

相挂一字三句同源圓相境致殊別若也於
此委悉百草頭上罷却平生事根株亦不留
聞清聲外句莫向句中求儻或未然山僧不
免又拖泥涉水也達磨不來東土二祖不往
西天人人壁立萬仞箇箇常光現前卓拄杖
一下下座

蓮華會上堂僧問箇箇叢中選佛場法筵大
啓一爐香靈山萬古拈華事今日憑師爲舉
揚師云不是苦心人不知進云恁麼則法法
已隨諸法住分分露面白蓮機師云即今覲

門四

三

面已相呈進云妙性海中爲兩露菩提場裏
起清風師云猶落第二頭進云學人只如此
師意又如何師云頂門三千腦後八百師乃
云毗婆尸已前千華現瑞天中天正地優曇
呈祥直得徧界不曾藏通身無影像現大蓮

華王周市千華座一葉一釋迦一鬚彌勒
塵塵爾刹刹爾處處爾念念爾一塵舉大地
收一華開世界起可謂殊勝中最殊勝奇特
中倍奇特感慈塔前凝瑞氣羅漢洞邊顯真
容法會儼然人天普集到者裏合談何事說
玄說妙得麼說佛說祖得麼舉古舉今得麼
顯作顯用得麼盡是從前已後大宗師拈出
了也即今不如總不動著只呈一箇現成公
案若也薦得人心華發明處處照十方刹
正當恁麼時推功歸本一句作麼生道還委
悉麼萬方有慶歸明聖願見黃河百度清
喬貴妃娘子請爲法真和尚病起上堂師云
鷲峯單提向上機千靈不謀而會合少室密
傳正法眼萬象不融而圓通契印相投緣因
相入神功如天地之覆載妙智若日月之照

臨沙界等平略無向背有大解脫士證大解
脫道闢大解脫門示大解脫事現古人攢簇
不得底病直教千聖覓起處不見諸佛衆生
皆有是病諸佛若病即非衆生衆生若病即
非諸佛是故以衆生病故示有此疾由茲王
舍城人各各稟頂上光悉來問病而是大士
隨求顯示令其萬仞壁立以至衆生病盡大
解脫士亦安既安之後有大檀越作大法施
建大法幢演大法義兩大法兩一一交羅重
重無盡正當恁麼時應時應節一句作麼生
道還委悉麼靈苗增秀氣瑞草發祥光復成
一偈示病維摩元不病問疾文殊初不來建
大法幢啓大施頓令千眼一時開
喬貴妃設千佛會上堂云千華顯瑞應萬善
積靈臺廣闢解脫門大開無價藏舉揚正法

眼表示千佛因直得徧界絕籠羅當陽無取捨透聲透色亘古亘今有具大信根修菩薩行發難思願力啓清淨莊嚴建大道場具列珍羞一香一華一茶一果同法性等太虛塵塵刹刹千佛放光如理如事十方普應所以

門四

道大匠無繩墨良材無曲直紅輪爍太虛徧界皆輝赫一華開一佛出世一塵舉一佛成道主伴交參森羅顯煥集無涯福祿祝膚筭無疆正當恁麼時作麼生道室內千燈相照耀天邊寶月更清圓

鄆國大王請上堂僧問如何是第一句師云豈容聲相從君見進云半夜碧雲籠古殿天明海岸迸金烏師云肘臂有符人共看進云如何是第二句師云真金須向爐中煅進云倒騎鐵馬上須彌踏斷曹溪流水聲師云正

門五

五

在半途間進云如何是第三句師云出草入草要求人進云妙喜刹中爲雨露無明山上起雲雷師云分明垂手處子細好生觀師乃云至理自調然千華曾現瑞無在無不在十方即目前若是利根上智一舉便解承當既

能截斷衆流可以超今冠古以如是智以如是力以如是心以如是願明同杲日寬若太虛所以道譬如虛空體非群相而不拒彼諸相發揮又道若人欲了知三世一切佛應觀法界性一切唯心造蓋此清淨本元離去離來離聲離色若以真實正見契寂如如雖二六時中不思不量無作無爲至於動靜語默覺夢之間無不皆是本地風光本來面目現諸祥瑞現諸奇特皆是從無量無邊劫海薰習種智從清淨微妙根智如是應現正當恁

麼時如何無相光中千佛現一道清虛亘古
今復舉釋迦老子靈山會上說大般若舍利
弗於佛前問須菩提夢中說六波羅蜜與覺
時是同是別須菩提云此義幽深吾不能說
此會中有彌勒大士次補佛處可往問之彌
勒云誰爲彌勒誰是彌勒者師拈云還委悉
麼一句當機萬緣寢削更聽一頌夢中說法
覺無殊妙用神通不出渠誰是誰名總彌勒
祥光起處現心珠

本然居士請上堂云寸絲不掛猶有赤骨律
在萬里無片雲處猶有青天存若乃不盡去
未免者也周由直饒一切坐斷已落佛祖圈
續到者裏作麼生舉揚作麼生提持雖然如
是從上來有箇現成公案不免提持去也古
者道吾有大病非世所醫僧後問曹山未審

是什麼病山云攢簇不得底病僧云未審一
切衆生還有此病也無山云衆生若病即非
衆生僧云只如和尚還有麼山云正覓起處
不得大衆此病即非世所醫須要本分作家
以金剛錐與他頂上一劄正覓起處不得也
與一服直教祖病佛病玄妙之病機緣境界
悉灑灑落落脫然解脫不住解脫機到者裏
羅籠不肯住呼喚不回頭古聖不安排至今
無處所只者無處所早是處所了也直須千
峯萬峯那邊承當得去好等閑拈一機舉一
句盡與人抽釘拔楔解黏去縛更說什麼直
指人心更覓什麼見性成佛正當恁麼時如
何不假纖毫力碎佛祖窠窟

少保張丞相忌日請上堂僧問維摩大士去
何從千古令人望莫窮不一法門今正問夜

來明月上高峯只如維摩一默意旨如何師
云逼塞虛空進云恁麼則當陽無向背覲體
露全機師云無你插觜處進云爭柰前三三
後三三師云也是鞏縣茶瓶進云只如文殊
道我於一切處無言無說與他一默是同是

門四

別師云落在第二頭進云爭柰斬釘截鐵師
云橫按鎧鄒進云只如無盡居士與和尚平
昔道契相知且道即今何在師云爲你說了
也進云學人今日小出大遇師云你將什麼
報恩進云萬古碧潭空界月師云閑言語師
乃云大衆握佛祖鉗鉗控作家爐鞴烹燶古
今驗證衲僧唯用向上一機金剛王寶劍臨
濟祖師傳黃檗馬祖此箇機要向大河之北
獨振正宗一喝分賓主照用一時行坐斷天
下人舌頭奔走四海雲水以至乃子乃孫傳

此正見用此真機若非大解脫人安能當陽
證驗憶昔無盡大居士生平以此箇事爲務
徧寰海宗師無不咨參到兜率山下逢見老
衲論未後句始得脫體全真言解道理一時
脫却遂作偈云鼓寂鐘停托鉢回巖頭一拶
語如雷果然只得三年活莫是遭他授記來
鑑金憂玉虎驟龍驤不妨具大機得大用以
此正印印天下叢林善知識山僧昔在湖北
相見與伊電卷星馳一言契證表裏一如居
士功業書於竹帛遺德在於生民後來當此
之日撒手那邊行止且道無盡居士向什麼
處去還委悉麼大千沙界諸佛土刹刹塵塵
現勝身復云盛德在生民四方共欽仰三教
大宗師秤頭有銖兩七十九歲佛齊年是日
霜風亘霄壤一聲振忽雷前星墮雲帳麒麟

掣斷黃金鎖一躍直歸梵天上萬載千秋著遺想

上堂一二三四五六七今朝此月當初一乍
霄大火還西流金風動地聲蕭瑟聲蕭瑟圓
通門大啓便請直截入還委悉麼有念盡爲

門四

煩惱鎖無心端是水晶宮

月旦上堂云本來無形段那復有唇觜特地
廣稱揚替他說道理且道他是誰叅

上堂云月生一室生白月生二產靈異月生

三萬回愁格外無蹤跡風前強指南頭頭無

向背一一絕塵纖拈華特地生風草令人長

笑老瞿曇

李典御作年齋上堂云大衆如來涅槃心苦
薩大解脫祖師正法眼衲子金剛錐有照有
用有權有實有縱有擒有殺有活尚在向上

關捩子上是個人向個裏出沒向個裏拈提
終未能全機剔脫若也全機剔脫去變大地
作黃金攬長河爲酥酪改禾莖爲粟柄易短
壽作長年不爲分外何故提高上綱宗用作
家鼻孔回歲旦於今朝用慶年於此日正當
恁麼時如何萬人叢裏插高標錦上鋪華轉
光彩 冬朔上堂云日日劈箭急朝朝暮
暮轉滄溟箇是人間好消息力因此更須高
著眼免使頭虛白

鄭太師請上堂僧問萬機休罷時如何師云

門四

坐斷毗盧頂進云可謂風前一句超調御擬

問如何歷劫迷師云只得拱手讚歎師乃云

靈光未兆萬彙含太虛一氣既彰華開世界
起過去諸佛現在諸佛未來諸佛皆同箇中
出現若天若人若群生無不從是中流出以

一處明百處千處光輝一機轉千機萬機歷落所以道淨法界身本無出沒大悲願力示現受生然而此悲此願此力若是宿稟靈根具超脫種智則才生下時已作師子吼已具大神通至於若行若住若坐若卧或放行或把住無不皆從諸聖頂顛上縱橫十字乃至享福享壽享富貴多子孫悉承渠儂威力正當恁麼時一句作麼生道重重彰瑞氣一一湧金蓮復頌云威音已前靈苗秀到今光彩轉新鮮萬卉芬芳風景麗壽山高到大椿年大內慶國夫人請上堂僧問空劫中還有佛法也無師云逼塞虛空僧云未審學人向什麼處安身立命師云蹉過也僧云和尚喚什麼作虛空師云閻黎問從何來僧云三際斷時凡聖盡十身圓處刹塵空師云爭柰你踏

不著師乃云處處真無回互塵塵爾有鑑覺萬象以不見而見萬法以不聞而聞不見見其見逼塞虛空不聞聞其聞包含萬有離却見不見聞不聞別有一段奇特事要須是箇大解脫機大解脫用然後方能歷落起處全真豈不見僧問雲門如何是塵塵三昧門云鉢裏飯桶裏水又僧問如何是諸佛出身處門云東山水上行一等是箇時節朴實頭處直是朴實頭孤危峭峻處直是孤危峭峻正當恁麼時將箇什麼提持將箇什麼眼目辨門四當恁麼時將箇什麼提持將箇什麼眼目辨別還委悉麼試玉須經火求珠不離泥復頌云此心含法界明契本來人千祥如霧集萬善若雲臻大悲生辰鄆國大王請上堂僧問聞聲悟道見色明心盡大地是色那箇是心師云觀世

音菩薩來也進云可謂掬水月在手弄華香
滿衣師云爲什麼却是饅頭進云只如雲門
恁麼道意作麼生師云重引重退輕引輕退

進云畢竟水朝滄海去到頭雲自覓山歸師
云也須是頂門上具觀音眼始得師乃云當
年此日大悲生千臂莊嚴千眼明世出世間

殊勝事神通無不總圓成恁麼去步步踏佛
階梯恁麼來處處現身現土於六根得深圓
通於解脫得普門智所以無刹不現無處不
真或爲寶公十二面或作達磨傳心印或向

泗洲運神通或向香山發妙身周旋往返或

證三真實得二殊勝四不思議十四無畏三

十二應向娑婆世界獨有大緣說無說無窮
妙咒現無身寶王妙身隨類示悲應機赴感
求饒益得饒益應求男女得男女應求如意

得如意應此猶是觀世音方便之力敢問大
衆作麼生是觀世音諦當之處不見一法即
如來方得名爲觀自在

十月一日上堂云無邊刹海廓同太虛昨宵
秋盡今日冬初曾無變易豈有親疎直下歇
去蘇嚕蘇嚕

上堂云我我渠渠渠千聖頂顱乃蘧廬不
是心不是物一口吞盡三世佛浮幢王香水
海拈起擲向他外淨裸裸赤灑灑萬象森
羅無縫罅平懷的實鎮巍然飢來喫飯因來

眠

大禮令節上堂七日來復各歸至盡之本一
陽生起聿見天地之心徹底闢重玄當陽闡
正眼直得萬國共慶四海同歡福聚一人位
隆無極有箇奇特應時應節因緣舉似大衆

還委悉麼皇帝有勅大赦天下

今上皇帝在藩邸時請陞座僧問一月在天影舍衆水一佛出世各坐一華只如佛未出世時如何師云風颺颺地進云恁麼則霧起龍吟風生虎嘯師云猶較些子進云佛出世後如何師云徧界不曾藏進云但存心地無諸惡刀劍叢中也立身師云鐵石身心報國恩進云古今無異路達者共同途師云要得瞻之仰之大家讚歎師乃云金剛心真華藏界闊一佛出世千佛擁衛一華開敷萬華周而現殊勝因作奇特事可以保安家國可以入聖超凡唯仗不思議神通難思微妙作用車不橫推理不曲斷豈不見昔日波斯匿王問釋迦老子聖義諦中還有世俗諦否若言其有智不應一若言其無智不應二一二之

門四

十三

一五·一五九七

義其事云何釋迦老子道大王汝於龍光王佛時曾問此義吾今無說汝亦無聞無說無聞是真聖義諦是名一理二義一二之義其事如是釋迦老子頂顱放光肘下懸符於百千萬億境界中提起當陽一著諸人還證據得麼若證據得按頭獲勑如證據不得伏聽處分正當恁麼時如何放開一線道觸處現神通復舉昔日有一王者往見西天祖師既相見已遂命祖師說法祖師云大王來時好道去如來時師拈云佛法即是世法世法即是佛法以真道而行風行草偃山僧有箇小頌至簡至易最尊最貴往還千聖頂顱頭世出世間不思議彈指圓成八萬門一超直入如來地

莘王請陞座僧問普光明殿在人間凡聖交

羅絕往還若向一塵覩得見舒光照處奉慈
顏正當恁麼時毗盧遮那在什麼處師云在
你頂額上進云學人爲什麼撞不著師云只
爲你不是銅頭鐵額進云大小天寧和尚語
門四
脉裏轉却師云大小禪客隨人腳跟走進云

須知同途不同轍師云也不是者箇道理進

云天共白雲曉水和明月流師云蝦跳不出
斗進云昔日趙州端居丈室侍者報云大王
來也州云大王萬福此理如何師云頂額金
剛眼放光進云雖然入草求人爭柰拖泥帶

水師云莫謗趙州好進云忽然莘國大王今
日親臨又且如何師云八字打開說法了也
師乃云大衆以佛見佛無異見以法說法無
別說佛法聞見總現成當陽直下全超越當
陽一著非佛非法非見非說非有非無非異

非如寬若太虛明如果日所以三世如來於
此示生於此修行於此悟道於此成佛全不
由他獨承渠力即如今千聖頂額上拈出了
也不以眼見不以耳聞不以口宣不以心知
正當恁麼時須是箇人始得所以道大人具
大見大智得大用舉一明三告往知來正當
恁麼時不涉夤緣一句作麼生道還委恁麼
楚澤蓂開五百歲蟠桃暗長一千年復頌云
一塵纔舉一刹現一華開時一佛生克證金
剛得長壽六根晝夜放光明

濟王請陞座以無漏根作奇特事以解脫智
種金剛緣不於他處現身長在頂門獨露非
心非佛非異非如等閑拈一莖草作丈六金
身等閑說一句可以當金剛寶劍人人皆稟
此用各各悉稟此心若能返照迴光便是毗

盧正體豈不見波斯匿王問釋迦老子云我
昔未承佛誨見迦旃延咸言此身死後斷滅
我雖值佛心猶狐疑此身念念遷變不知有
不變者於是釋迦世尊謂波斯匿王言爾雖
知遷變不停還知身中有不變者否王合掌

門四

十四

白佛云我實不知佛言大王汝年幾歲時見
恒河水王言我生三歲時見佛言如今云何
王云經今六十二年見與三歲時無異佛言
大王汝面雖皺者爲變而此見精性未曾
變變者受滅不變者元無生滅釋迦老子向
千聖頂顙萬仞峯頭指出金剛性不變不易
湛寂凝然堂堂顯露由是波斯匿王識其本
心敢問大衆只如今一切人皆見山僧陞堂
且道此見從何而得與威音已前空劫那畔
是同是別若見得無異無別則見現前正當

恁麼時一句作麼生道覲面擊開無盡藏頭
頭湧出夜明珠復云濟國大王具大根器有
上乘種性生爲帝子身極貴榮不忘諸佛付
囑知有此大因緣垂神教典深識果因凡所
施爲心源洞照所以此之作善因緣行陰隲
保其富貴長久福祿彌隆有福修福若大海
之納衆流唯利根種智之人具如是作用只
此便是普光殿無相身爲盧舍那萬行因華
圓果海福源洪注溢天河

圓悟佛果禪師語錄卷第四

門四

十五

音釋

菡萏菡萏感切苔徒感切

蘋未發者

鄆禹帽切

穀都

切燬燬也襄良切

驥躍也

剔他壓切

遽求於切

遽盧寄舍也

圈續圓丘圓切續

立

續也

圓悟佛果禪師語錄卷第五

門五

宋平江府虎丘山門人紹隆等編

東京天寧寺語王貴妃請上堂僧問如天普
蓋長見日月光輝似地普擎萬古山河永固
正當恁麼時承誰恩力師云千華叢裏一華

春進云可謂野老既知堯舜力歌謠此日樂

升平師云也須知此恩始得進云誰人不瞻
仰師云速禮三拜師乃云突出難辨只貳得
眼閃電提持衲僧無湊泊處放一線道轉見
警訛不落階梯猶形唇吻到者裏如何即是

不假形言其或未然露箇消息去也淨智莊
嚴功德聚祝融峯頂萬年松復成頌曰大道
虛玄天地先昆蟲草木悉陶埏神功已極三
千界睿算仍過億萬年

衆道友爲李道山披剃上堂云頂門闡金剛

車不橫推理不曲斷千華現相萬古一春處
處顯奇特頭頭彰殊勝莫是新年頭佛法麼
要且挨旁他不得莫是向上提持麼要且議
論他不出莫是應機境一時比今時麼未免
拖泥涉水莫是一筆勾下壁立萬仞麼要且

檢崖機盡四聖六凡一時軒豁提得將來不消一拶且道據箇什麼便恁麼所謂大人具大見大智得大用向無明窟子裏便放無量寶光向衆生境界中便作不思議事如丹霞相似才方舉起便知落處更不涉唇吻更不

落言詮始似過他一箇聾頭便乃十分領略

只如未刻草時在什麼處既要刻草與說戒

兩手掩耳又落在什麼處過量人有過量事

只如當機一句作麼生道數聲清磬是非外一箇閑人天地間復頌云丹霞刻草燒木佛

宮使捨緣吹布毛驚群敵勝真師子一釣須連十二鰲

知省太尉請上堂一句當陽顯赫徧界已絕羅籠不從諸佛心體中流亦非乾坤未生時立只如今凜凜孤危澄澄絕照若是具超方

眼有格外機未彰文彩已前已是十分勘破及乎彰言句立機境形問答作彼此直得千重百匝百匝千重和中下機一時收拾在者裏還有當處證明直下解脫底麼試出來通箇消息看如無威音已前活鱗鱗直至如今淨躋躋復成頌云法界廣包含開敷優鉢曇普熏般若力萬善自莊嚴

大內貴妃請上堂云一句子出於千聖頂門一妙機發於無盡寶藏迥無依倚杳絕端倪非色非心非如非異盡虛空窮法界都盧是箇大解脫門門五你諸人浩浩地於中出入還覺寒毛卓豎麼若向脚跟下一念不生全體顯露則淨躋躋活鱗鱗要行即行要住即住要用即用要休即休不指第二頭不落第二見到者裏亘古亘今凝然寂照若踏著去透脫

生死是甚閑事能以無漏根力建法幢立宗
旨衣被一切群靈盡未來際無有窮盡正當
恁麼時且道承誰恩力還委悉麼五蘊山頭
無相佛放光動地廓周沙頌云一心無住著
徧界法王家崇成無漏福端坐寶蓮華

坦然居士爲貢沙彌作齋上堂僧問達磨未
傳心地印釋迦未解髻中珠有人若問西來
意還有西來意也無師云庭前石獅子進云
若然者歷劫坦然無異色呼爲心印早虛言
師云一默也入不得進云爭柰今古應無墜
分明在目前師云你試舉目前底看進云一
點也瞞和尚不得師云爭柰大衆何師云舉
步越東勝身退身入西瞿耶回首望北鬱單
撫拳觸南閣浮淨地裏看是箇沒量大人以
正眼觀來猶是麻滓麪未須知四維上下無

邊香水海不可說浮幢王刹捏爲微塵一
塵中現無邊身說無量法猶只是順機應教
看孔儼著模而況提向上鉗鎖用作家爐鞴
便是徧界德山有棒無下手處徧界臨濟有
喝無啓口處徧界金色頭陀有定力無容身
處正當恁麼時驀然有箇承當得擔荷得趣
向得行履得且道向什麼處著渠山僧有箇
著處擬待說又恐成路布擬不說又却孤負
當機說與不說一時拈却最後一句放開話
會去也長松下明窓內玉殿珠樓未爲對衲
門五

被蒙頭萬事休此時山僧都不會還委悉麼
天台華頂秀南嶽石橋高昨夜磨盤生八角
驚將露柱笑咍咍引得門前石獅子倒緣蘿
壁上天台
退院上堂建大厦非一木之能濟巨川非一

人之力而況長空絕跡大道體寬了之由人

斷之在已或出或處或語或默虎穴魔宮穢
邦淨土山林城市荆棘叢中若能著著有出
身之機處處有超情之見無可不可把定也
祖佛不能窺放行也同生復同死且道放行

爲人好把定爲人好還委悉麼披蓑側立于
峯外引水澆蔬五老前幻軀將逼縱心年懶
汨塵勞久世間憑仗護身箇符子強扶衰疾
且歸山

住金山龍游語錄師在高郵乾明受勅拈起
示衆云見麼拈時十日並照舉處千界光輝
九重天上降來宰輔手中親付更不敢囊藏
被蓋請僧正一爲敷宣

次拈疏云毫端寶刹闍外威權有卷有舒有
照有用字字珠回玉轉一一草偃風行雖然

文彩已彰更請重新拈出

指法座云竿木隨身逢場作戲須彌燈王只
今見在目前更不須作禮還信得及麼千聖
不傳微妙訣妙峯孤頂有人行

陞座云正令已行十方同應獻華借水全藉

傍人還有共相證明底麼僧問唱罷御樓一
曲高陞浮王孤峯未過揚子江如何道得接
手句師云風不來樹不動進云只者裏何異
妙峯頂師云吹毛竇劔當頭截進云忽若德
雲比丘出來道箇隔和尚如何轉身師云也
則摸索不著進云爭柰處處無回互頭頭不
讓機師云七日何曾得見來進云設使親見
也只是山上底師云苦屈之詞最難吐進云
云三十棒且待別時師云大道無背面真機

有卷舒撮大地如陶家輪運大千向針鋒上
猶未是稟中正令闇外全威所以萬國仰瞻
同歸舜日靈光一道共照皇家重興佛祖道
場追還普天寶所正令全提主賓同用山僧
今日得奉一人聖詔傍資率輔威權共建法
幢豎立宗旨揚子江心滔天輶浪妙峯孤頂
舒卷閑雲是處著眼不前頂賴正令全現若
是箇同得同用同殺同活底共一眼見共一
耳聞同一口宣同一音演更無異緣亦無異
見說什麼九十六種二十五有正要當頭辨
取一時列在下風且如今日應時應節事作
麼生道一句迥超今古格萬年仰祝聖明天
陞座僧問遠辭帝闕已届南徐不涉程途請
師垂示師云到此已六日進云竹密不妨流
水過山高嵒礙白雲飛師云猶涉唇吻在進

云不涉唇吻請師道師云高高處有餘進云
納僧家入林不動草入水不動波且以何爲
證師云猶較些子進云只許老胡知不許老
胡會師云且莫詐明頭師乃云三十年前曾
到此如今樓閣碧參差善財參處真消息誰
識德雲閑古錐還有識得底麼未渡瓜洲時
有一句子已與諸人道了也若以心思若以
意識若以眼見若以耳聞則沒交涉直得七
佛已前威音那畔薦得猶是話會在若委悉
得更不用如之若何便請丹霄獨步苟或未
然不免落第二義門去也江心一峯樓臺相
映水面雙塔金碧交輝誠聖帝福田乃禪林
上刹爲琳宮爲佛宇爲淨土爲穢邦建立法
幢弘荷祖道若非今上皇帝睿聖文明深信
此道安能首降詔書復此寶坊以爲福地如

今所以與諸人向此古道場中各得相見既到者裏直須念德修德知恩報恩若也如此則佛法付囑有在正當恁麼時一句作麼生道銀山鐵壁無回互草偃風行得自由

開堂判府延康度疏與師師接了云斷盡現

門五成公案擲地金聲發明古刹家風耀天光彩出自大手筆顯示最上乘正欲四海普聞便請僧正宣過

指法座云須彌燈王如來見居此座放大光明說法了也還聞麼苟或未聞旣爾當爐不避火更須撥轉上頭闕遂陞座拈香云此一瓣香奉爲今上皇帝祝嚴聖壽恭願文明齊二曜睿筭等乾坤奪少康復禹跡之功成宣光興漢室之業萬邦歸聖化八表偃干戈此一瓣香奉爲判府安撫延康通判學士合郡

文武官僚伏願位隆磐石功濟維城居方面

則魯衛晉齊陟巖廊則臯夔稷禹此一瓣香

佛眼也覩不見江淮十載受盡辛勤一旦白雲打破漆桶六處添領大刹七回拈出此香

奉爲蘄州五祖山真慧禪院第十二代演禪

師以酬法乳遂斂衣陞座焦山和尚白樞云法筵龍象衆當觀第一義師乃云適來未陞此座第一義已自現成如今槌下分疎知他

是第幾義也還有打成一片解觀得底麼試出來對衆舉看僧問目視雲漢德雲不下妙高峯至化難逃金山且過一線路報恩一句請和尚道師云萬年長祝聖明君進云可謂帝力丘山重君恩宇宙寬師云愈令心似鐵進云金枝永茂千年秀玉葉長芳萬古春師云又得閻黎共證明進云昔日裴相公入寺

石霜借笏垂憇今日台旆親臨未審如何相見師云只了箇見成公案進云瑞氣直從天降祥雲元自日邊來師云高著眼進云只如和尚六處開堂爲人說法還有人相肯也

無師云一時不肯進云爲什麼不肯師云獨

許師乃云大道絕中邊至真離言說諸佛莫能提祖師莫能傳透聲透色絕遮攔蓋地蓋天無向背豈止棒頭取證喝下承當直饒千眼頓開未免依草附木到者裏要須是針劄不入風吹不倒把斷要津不通凡聖底始得是故靈山會上廣額屠兒放下屠刀云我是千佛一數大集會中大力魔王云待一切衆生盡皆成佛了然後發菩提心豈不是龍象蹴踏師子頻呻敵勝驚群蘊大丈夫意氣始可承當擔荷所以道殺人不眨眼底立地成

佛立地成佛底殺人不眨眼還他過量人提持過量智發明過量機展演過量用正當恁麼時向過量境界中作麼生道還知麼仰祝聖君無量壽河清海晏樂升平

上堂云大眾赤肉團上人人古佛家風毗盧

頂門處處祖師巴鼻拈一機千機萬機通透用一句千句萬句流通不假他人全彰已用若也人人恁麼返照則亘古亘今凝然寂照一段光明非中非外非色非心行棒也打他不著行喝也喝他不得只得淨裸裸赤灑灑

是箇無生法忍不退轉輪截斷兩頭歸家穩

門五

九

秦魯國大長公主降香請陞座拈香云此一瓣香奉爲秦魯國大長公主今辰修設祝嚴

今上皇帝聖壽無疆師乃云天高無極無極

有尊地厚無垠無垠有主鏡萬象方寸懷六

合胷中發大機顯大用是故乃祖乃佛或拈

華或面壁或行棒或行喝或詞辯縱橫或寂

寥無說周旋往返只明此箇無爲宗旨所以

人人分上各各壁立萬仞無一絲毫移易虧

欠豈不見道譬如帝力不棄一民不謂不知

而不容不謂知之而含育到箇裏啓無爲之

化行不言之教各各頂天履地飲泉水貴地

脉正當恁麼時還委悉麼一穗寶香天上降

金輪皇億萬斯年

錢二學士請陞座云透生死關出有無見脫

佛祖機超格則量須是利根上智一聞千悟

直下承當始得撒手那邊更無餘事所以道

幾回生幾回死達者悠悠無定止自從頓悟

了無生於諸榮辱何憂喜諸人還識無生麼

劫火洞然毫末盡青山依舊白雲中

陞座云蓋天蓋地觸處逢渠亘古亘今全彰

正體法無異相不落生滅時無異緣不涉春

秋所以道處生死流驪珠獨耀於滄海踞涅槃

岸桂輪孤朗於碧天如是則人人脚下

輝騰今古迥絕見知六處惹絆不住三界收

攝不得唯當陽直截承當便見透脫分曉正

當恁麼時如何天上有星皆拱北人間無水

不朝東

上堂云法身無相應機現形法眼無瑕隨照

鑑物安排不得處是天真佛受用不及處乃

向上機若能上絕攀仰下絕已躬鼻孔摩觸

家風觸體常于世界則一爲無量無量爲一

小中現大大中現小更討甚麼生死去來地

水火風聲香味觸都盧是箇真實人體還有

人向箇裏承當得麼識取摩尼無價珠當來受用無窮極

黃運使請上堂云大眾一句截流鐵壁銀山莫湊泊萬緣俱透照地照天絕羅籠明明無覆藏歷歷非照用三世諸佛出興唯此一事

門五

歷代祖師傳持亦此一心所以般若如大火

聚般若如無盡藏般若如泛海舟檝般若如

照夜明燈若向下委曲提持則敲牀堅拂瞬

目揚眉或語或默說有說無若向上提掇如

擊石火似閃電光有時行棒有時行喝有時

箭鋒相拄有時佛眼覲不見雖然如是猶有

向上向下忽遇其中人却沒許多般事只是

見成所以道山是山水是水天是天地是地

不移易一絲毫正當恁麼時還委悉麼萬邦

有道歸皇化偃息干戈樂太平

門五

十一

鄭龍學請上堂云相逢不拈出舉意便知有且道此意作麼生舉知有箇什麼若論佛論祖論玄論妙論機論境論棒論喝盡是末邊事上頭還著得麼若著得去盡十方世界香水海向一毫頭上見得物物頭頭初無變易若向一毫端蹉過設使用得七穿八穴亦沒交涉只如有交涉一句你作麼生道咁喺舌頭三千里壺中日月自分明

呂左丞請上堂云一句語全規矩應出毗盧印一種機截衆流透過祖師關若是明眼人已透過三千里其或尚留觀聽猶滯皮膚未免向第二義門重話會去也所以道知幻即離不作方便離幻即覺亦無漸次釋迦老子三世諸佛心體一時頓現便恁麼承當全心即佛全佛即心心佛無二更疑箇什麼正當

恁麼時作麼生道千古萬古黑漫漫填溝塞
壑無人會

上堂云靈山話月語密難藏曹溪指月心真
莫測倒却門前刹竿著已落第二頭金剛塔
下蹲神龜火裏走猶落第三首只如未有佛
祖已前還有恁麼時節麼到這裏不論懵底
唯是俊流還委悉麼巨浪湧千尋澄波不離
水

耿左丞請上堂云無佛世界是般若光百千
聖賢是般若用金剛正體是般若根摧魔城
壁是般若力有如是自在威神得如是解脫
知見用一絲毫千里萬里盡光輝拈一絲毫
無邊世界無變易全體承當如如不動所以
乃佛乃祖提持此事令一切人各各於根腳
下洞明正見得其光顯其用證其根獲其力

正當恁麼時如何天上有星皆拱北人間無
水不朝東

陳大夫請上堂云有句無句初無兩端如藤
倚樹打作一片樹倒藤枯忍俊韓爐呵呵大
笑金毛師子若是鐵眼銅睛當陽覲透便可

以把斷要津不通凡聖終不向他語言裏作
窠窟機境上受羅籠所以道言無展事語不
投機承言者喪滯句者迷不落語言不立機

關布漫天網打衝浪魚垂萬里釣駐千里烏
駕也須還他大達之士始得所以趙州勘破

門五處爲方便玄沙蹉過處驗作家雪峯輒誦雲

十二

門顧鑑睦州見成俱胝一指如生鐵鑄就通
上徹下只要箇本分人忽若總不恁麼又作
麼生委悉麼了取平常心是道飢來喫飯困
來眠復頌云即心即佛開心印非佛非心蹈

大方當處分身千百億普光明殿放毫光
趙觀察請上堂僧問有一句子從上千聖不

曾道著未審喚作什麼句師云你那裏得者
消息來僧云他千聖也不曾恁麼道師云莫
謗他千聖好僧云寧可截舌不犯國譁門五師云

十一

拶破面門猶自不知僧云未審千聖密祝用
那一句師云用鼻孔上一句僧云此一句還

十一

該一切也無師云閻黎不空缺師乃云當陽
直截不昧時機答去問來全彰奧旨直得千

古萬古只如今前佛後佛無別道寬廓無外
大千沙界箇中藏寂寥非內香水海裏浮幢
刹若能無彼無此非色非心直下坐斷要津
不通凡聖則古釋迦不先新彌勒不後只如
今人人頂門上放大寶光壁立千仞顯一切
妙用神通挺單提不思議力正當恁麼時一

句作麼生道——山河無障礙重重樓閣應
時開

爲亡僧下火云五蘊山頭涅槃路四方八面
沒遮攔通身盡是金剛眼一粒靈丹火裏燃
爲範和尚下火云忠臣不畏死故能立天下
之大事勇士不顧生故能成天下之大名衲
僧家透脫生死不懼危亡故能立佛祖之紀
綱昭覺和尚神機峭拔智辯滔天肘臂下有
符頂門上具眼奮喝散白雲底意氣操打破
虛空底鉗鎌一歸錦官兩住雄刹闢開荆棘
路坐斷是非關接物利生光揚佛日臨岐一
著擺撥便行絕後光前頭正尾正如今既到
者裏可謂世緣畢備末後慇懃截斷路頭一
堆猛火大衆且道畢竟向什麼處去舉火炬
云烈焰亘天留不得當空寶月鎮長圓

圓悟佛果禪師語錄卷第五

音釋

延 戸連切
即 和七
短 楚限
權 切也
也 削也
懵 楚限
闇 總切
也 切
獮 僕力
龍 切
都 董
也 韓
駢 機先
鳥 朱
雞 椅也
馬 椅切

圓悟佛果禪師語錄卷第六

門六

宋平江府虎丘山門人紹隆等編

住南康軍雲居真如禪院師於建炎丁未歲十一月初六日在鎮江浮玉山受劄子召赴

門六

一

行朝至十七日朝見登對移刻奉勑住雲居次日勅下時兩府并禁從就雍熙寺請師陞座祇受勅文師拈勅示衆云九重城裏親宣賜一道神光燦太虛勝義諦中真勝義千華叢裏綻芙蓉一舉便知多少省力苟或未然

更請宣過

指法座云借雍熙寶座提楊岐金圈直下現成分明薦取還委悉麼金剛正體露堂堂舉足無非大道場突立毗盧頂額上更於何處禮燈王看看便陞座拈香云虛空世界未分超然馥郁華藏圓融已現特地氤氳戒定慧

解脫知見所熏百千億無量殊勝所集勢向爐中上祝今上皇帝聖壽萬歲伏願道德邁昔五帝威靈超前百王聖壽等南山蘿圖齊北極二聖早還玉駕萬國俱賀昇平永息干戈四民樂業次拈香云左僕射相公兩府台佐合朝百辟今日臨筵洪儒碩學諸多勲貴伏願爲霖爲雨爲檄爲舟補袞乃中山和羹即傳說僧問揚子江心停棹天子相招雲居峯頂把關佛祖不讓未離王舍城時如何師云坐斷天下人舌頭進云不必覺城東畔五衆已臻文殊善財如何分辨師云一狀領過進云恁麼則皇天無親唯德是輔師云更莫別商量進云只如舜日重明祖燈增照知恩報恩又作麼生師云一句了然超百億萬年長祝聖明君進云慇懃願祝南山壽一炷清

香滿石樓師云已在言前進云未審祖令當行如何流布師云點進云欲傳陸凱江南信折得東風第一枝師云徧界不曾藏僧問明鏡當臺時如何師云誰不照見進云萬像歷然了無回互門六師云盡你神通向什麼處去進

二

云也知和尚在裏許師云始末一時收進云

只如教中道圓悟如來無上知見未審禪師與佛相去多少師云不隔一絲毫進云高高峯頂立深深海底行師云棒打石頭人碌碌論實事僧禮拜師乃云提金剛正眼闡向上宗乘報不報之恩能難能之事運臨濟金剛王寶劍喝下全彰用德山山形杖子覲面分付是則全是見則全見不落凡聖階梯直下頓彰已見既遇明眼作證又逢聖世昌時不敢被蓋囊藏直下分明舉似遂拈拄杖示衆

云豈不見僧辭歸宗宗問什麼處去僧云諸方叅五味禪去宗云我此間只有一味禪僧云如何是和尚一味禪宗便打黃檗聞之云馬大師出八十四人善知識問著一箇箇扠轆轤地只有歸宗猶較些子門六師云歸宗和尚東虛空爲箇杖子向千聖頂額上全提鎔瓶盤釵釧作一金攬酥酪醍醐爲一味若不得黃檗明辨端倪洎險勞而無功雖然如是有條攀條無條攀門六例今日對諸人面前分明拈出還相委悉麼朝擊三千暮八百燬烹佛祖只憑伊復舉黃檗和尚示衆云汝等諸人盡是不著便底恁麼作略何處有今日也還知大唐國裏無禪師麼僧云只如諸方匡徒領衆又作麼生檗云不道無禪只是無師三師云黃檗老漢能區能別能揀能擇擒虎兕定龍

蛇即不無要且只明得當時事殊不知彼一時比一時若是山僧即不然汝等諸人盡是英靈豪傑底恁麼舉止須信有奇特事還知大宋國裏有禪師麼且道禪師即今在什麼處如今迴避不及不免露箇面目去也乃云親蒙金口賜師名優鉢羅華火裏生圓悟如來無上見謳歌鼓腹樂升平

到南康軍開堂於知府手中接得疏示衆云見麼當陽顯示直截現成百市千重七通八達一一宗師巴鼻頭頭向上宗乘直下承當猶較些子苟或未證却請僧正重爲敷宣指法座云後猊親踞衆寶莊嚴不從須彌燈王借來元是兜率內院本有既是快便難逢須教出一頭地高著眼便陞座拈香云此一瓣香奉爲祝嚴今上皇帝聖壽萬歲恭願位

隆劫石壽等芥城奮宣光之中興復大禹之舊跡次一瓣香奉爲判府府判運使殿撰通判大夫閩郡尊官在筵僚采仍願乃忠乃孝爲國爲民爲聖主之股肱作明時之柱石此一瓣香得處辛慙收來劫遠廣衆中數回拈出獄面上不敢覆藏奉爲蘄州五祖山真慧禪院第十二代演禪師爇向爐中以酬法乳便敷座歸宗和尚白袍云法筵龍象衆當觀第一義師云包融萬有聲振大千乃佛乃祖頂門開若天門六若人方寸闊便恁麼薦得不妨省要苟或踧躅落在第二義門去也還有箭鋒相拄底衲僧麼出來相共激揚僧問宗乘一唱三藏絕詮祖令當行十方坐斷報恩一句作麼生道師云天長地久無餘事萬年長

乾坤師云草偃風行得自由進云可謂金枝
永茂千年秀玉葉聯芳萬古春師云闔國人
證明進云古人道榔栗橫擔不顧人直入千
峯萬峯去未審阿那箇是他住處師云螣蛇
纏足露布繞身進云朝看雲片片暮聽水潺

潺師云却須截斷始得進云此回不是夢真
箇到廬山師云高著眼僧問古釋迦不先新
彌勒不後正當今日佛法委付雲居千聖不
借底機如何提掇師云剔起眉毛直下行進
云從上來事還有分付處也無師云分付箇
黎進云爭柰有句非宗旨無言絕聖凡師云
還有金剛王寶劍來進云直下便是更不周
由師便喝進云忽遇頂門具眼底出來道箇
隔身句又作麼生師云賊過後張弓進云青
山不鎖長飛勢滄海合知來處高師云分作

兩段進云一舉四十九師云確師乃云以祖
佛爲標準與祖佛作師以人天爲梯航與人
天作眼忽若不倚一物孤迥迥峭巍巍千聖
莫能知萬靈沒照鑑截斷一切不涉廉纖把
斷世界不漏絲髮人天衆前如何剖露若向
箇裏上絕攀仰下絕已躬等閑如金翅鳥擘
海直取龍吞似師子兒出窟妖狐絕跡當鋒
略露不免道箇山是山水是水僧是僧俗是
俗開慈悲方便門留通途受用底忽若轉山
不是山水不是水僧不是僧俗不是俗到箇
裏還有出身處麼若有出身處便可以高揖
釋迦不拜彌勒坐斷毗盧頂不稟釋迦文束
虛空作拄杖也打他不得合百千萬聚雷作
一喝也驚他不動且道此人畢竟如何親近
只如今各各當陽不背不向不立一絲毫頭

解路不作一纖塵機關正當恁麼時把斷乾坤一句作麼生道鵠弓已掛狼烟息萬國歌謳賀太平復云龍牀角頭親賜得天上雲居古道場安樂樹邊藏拙訥更無佛法可商量既無佛法却舉箇古人公案記得神鼎山誣禪師開堂示衆云山僧行脚也無正因只待向東京城裏聽一兩本經論於古寺閑房且恁麼過時不謂行到汝州葉縣被一陣業風吹到首山曲彔木牀上見箇老和尚當時忍不住禮却他三拜直至如今悔之不得師云

著箇祖師西來意十數載江表逢見大善知識便投誠咨參玄妙理性棒喝機關直是費盡工夫終無箇休歇去處及到海會遇見箇老和尚被他腦後一槌從此喪却目前機去却曾中物直至如今也分疎不下且道與古人是同是別還委悉麼羚羊掛角千峯外更有羚羊在上峯

入院至方丈云箇是天下叢林鋟佛祖大洪爐奕世宗師烹衲子鉗鎚底處所以山僧到此老老倒倒跛跛掣掣百事無能向箇裏如何施設然雖如是當爐不避火還委悉麼銅頭鐵額如龍虎看取金圈粟棘蓬

上堂云耳聞不如眼見眼辨不如手親四百州天上雲居今之日竹輿親到巖巒回合林嶺崔嵬白雲深處見樓臺恍如別造一世界

到箇裏亦不必窮玄說妙立境立機論性論

心究理究事只如今人人分上一切坐斷正

當恁麼時親到一句作麼生道祖佛妙玄窮
徹底白雲深處好安居復云賜得雲居養病
身半千衲子倍相親攀蘿直上青天上投老

依棲安樂神

門六

七

四月八日留知事上堂云獨掌不浪鳴獨樹
不成林大家出隻手折腳鐺子頗堪任復云
昔日毘藍園裏今朝古佛廟前裂轉雲門開
換且浴無垢金仙杓兒纔把處蹉過祖師禪
上堂云山僧入院得六日表裏如如十方純
靜只有一事說向諸人且道是什麼事不得
動著

散乾龍節上堂云淵聖皇帝君臨萬國比狩
未還乾龍節臨祝嚴睿算臣僧一句了無覆

藏還委悉麼佛殿裏燒香

結夏上堂云眼聲耳色不思議百草顛頭受
用時表裏洞然無一事端能保護臘人兒好
日多同遇緣即照法隨法行法幢隨處建立
有世界以光明爲佛事有世界以音聲爲佛
事有世界以香飯爲佛事有世界以莊嚴爲
佛事有世界以寂默爲佛事且道雲居以何
爲佛事不惜眉毛爲諸人拈出行住坐卧動
轉施爲萬象森羅包含內外無一法不周無
一事不圓到這裏著著盡是佛事則且置佛
在什麼處還委悉麼高高峯頂無消息深深
海底沒蹤由復云九十日光陰一撮子半千
人在毫端中各各包含大千界全承渠力得
雍容沒築磕絕行蹤萬里雖然無寸草德雲
不下妙高峯

舉悟和尚立僧上堂云只者是大似撒沙向眼中只者不是還如注水向耳裏直下無事平地陷人別有機關墮坑落塹且畢竟作麼生祇園屈曲流泉急就嶺巍峩雲出遲復云

山僧即不然結夏得十一日也燈籠露柱作麼生若透得燈籠露柱即識水牯牛若識得水牯牛即見寒山子忽若擬議老僧在你腳底

雲居開大洪爐不止烹佛烹祖但有一切持來烈焰堆中辨取是則當處平和不是切宜退步燬出金剛眼睛直得乾坤獨露雖然到者田地須知向上一路還委悉麼放將三聖瞎驢踢殺大雄猛虎

天申節開啓上堂五月天申節真人降中天

萬國傾葵藿處處啓法筵雲居古道場共爇一炷烟龍圖鳳曆等乾坤睿筭彌隆億萬年下座

上堂云古者道結夏得十一日也寒山子作麼生又道結夏得十一日也水牯牛作麼生

門六

上堂僧問鏡清諸方只具啐啄同時眼不具啐啄同時用如何是啐啄同時眼師云打破千年野狐窟進云如何是啐啄同時用師云掀翻驪龍頸下物進云南院道作家不啐啄啐啄同時失又作麼生師云隨他語言走向草窠裏打輒進云忽被學人掀翻禪牀時如何師云我且問你見箇什麼道理僧禮拜云莫仁義道中放過一著師云倒退三千師乃云平旦清晨五月一吹起少林無孔笛十方沙界坦然平大地山河印印出二祖曾不往西天達磨曾不到梁國大家共賀太平歌摩訶

般若波羅蜜復云孤迥迥峭巍巍面前按山子昔聞弘覺言今朝親到此有時生層雲有時需微雨追到大晴明依前突兀地且道是心耶是境耶爲復在心內爲復在心外鴛鴦綉出從君看不把金針度與人

上堂云五月五日天中節萬祟千妖俱殄滅眼裏拈却須彌山耳裏拔出釘根楔鍾馗小妹舞三臺八臂那吒嚼生鐵勑攝截急急如律令

上堂舉僧慧超問法眼益和尚如何是佛法眼云汝是慧超師云還委悉麼病遇良醫飢逢王餚醫裏得鹽雪中送炭

上堂云昨日風今日風陣陣不從他發十日兩五日雨點點不落別處大方無大象無形盡世界撮如粟米粒總虛空乃掌中葉可

以拽新羅國與占波國鬪額直得東勝身洲射箭西瞿耶尼中槩所以道觸體常干世界恁麼說話一似鴨聽雷鳴隔靴抓癢直饒脫却根塵去却機境尚餘一線路在且二途不涉一句作麼生道還委悉麼佛殿堦前石獅子大洋海底鐵崑崙

散天申節上堂云天上古佛人間至尊五月下降闍浮五月君臨萬國奮中興業清四海塵永固龍圖長堅鳳曆遙瞻北闕仰祝南山

一句全提當機顯露還委悉麼建炎天子天申節聖壽彌隆億萬年

上堂僧問百丈問鴻山併却咽喉唇吻作麼生道山云却請和尚道此理如何師云傍觀者晒進云百丈云不辭向汝道恐已後喪我

兒孫爲復是答他話爲他說師云老婆心切進云五峯道和尚也須併却意旨如何師云一箭中紅心進云百丈道無人處研額望汝是肯他不肯他師云萬人叢裏奪高標進云雲巖道和尚有也未又作麼生師云拖泥涉

水兩三重門六進云未審雲巖會了恁麼道不會

了恁麼道師云與閻黎一般進云忽有人問和尚併却咽喉唇吻作麼生道師云合取進云恁麼則與雲巖一般去也師云直截根源人不識忙忙業識幾時休師乃云萬仞懸崖撒手要須其人千鈞之弩發機豈爲鼴鼠雲門睦州當面蹉過德山臨濟詭閻閻自餘立境立機作窠作窟故是滅胡種族且獨脫一句作麼生道萬緣還變渾閑事五月山房冷似冰

麼說話大似無夢說夢無事生事若是明眼
人觀見一場敗闕且離意想絕功勳一句作
麼生道八臂夜叉擎鐵柱忿怒那吒撲帝鐘
上堂壁立萬仞處透得鬧市裏可以橫身鬧
市裏透得壁立萬仞處可以倒退何也根本

若真正眼洞明則七穿八穴根本若不明正
眼若麋麻則皮穿骨露故德山入門便棒臨
濟入門便喝睦州見僧便道現成公案資福
道隔江見刹竿便去脚跟下好與三十棒豈
不是壁立萬仞處透得大丈夫漢一等是踏
破草鞋何不向祖佛提不起處承當天人著
眼不及處擔荷然後即心即佛非色非心以
一重去一重以一句脫一句豈不是鬧市裏
透得向箇裏直得壁立萬仞然後似鶻提鳩
所以古人道垂手還同萬仞崖正偏何必在

安排然後與麼也得不與麼也得與麼不與
麼總得似虎靠山忽若與麼也不得不與麼
也不得與麼不與麼總不得如銀山橫路許
他是具眼底向箇裏雙照雙遮同生同死全
明全暗全殺全活正與麼時且作麼生杖頭
點出金剛王鐵壁銀山百雜碎復云聖凡情
解初無相一法真時法法真萬仞崖頭能撒
手千峯頂上現全身

上堂舉古者道動是誑寂是謗動寂向上有
事在老僧口門窄不能與汝說師云是則是
只道得一概門六十三若是山僧則不然語是誑默是
謗語默向上有事在老僧舌頭短不能與你
說還委悉麼兩刃金剛寶劍一對無孔鐵錐
上堂云十五日已前千牛搜不迴十五日已
後俊鶻趁不及正當十五日天平地平同明

同暗大千沙界不出當處可以舍吐十虛進
一步超越不可說不可說香水海退一步坐
斷千里萬里白雲不進不退莫道閻黎老僧
也無開口處遂舉拂云正當恁麼時如何有
時拈在千峯頂劃斷天雲不放高

四六

十三

而地便爲霖

公然危坐冷蕭蕭大野橫身風颸颸眼見則
瞎耳聽則聾口說則啞雖然不出一毫端舍
吐十虛無向背既然有恁麼神通具恁麼作
用爲什麼乾燥燥地東海鯉魚打一棒忙忙

祈雨上堂僧問萬里不掛片雲時如何師云
老僧也怪伊進云青天也須喫棒又作麼生
師云行遭旱遲也進云未審過在什麼處師
云彼此住山人更不重註破進云好雨下時
却不下不天晴處却天晴師云你適來向什

上堂云釋迦悳彌勒富八字打開無盡庫拄
杖子化爲龍赫日光中吐雲霧徧界霑霓注
甘雨卓拄杖下座

七月旦上堂一二三四五六七眼裏瞳人吹
算策七六五四三二一石人木人眼淚出七

麼處去來進云乍卷乍舒去也師云腳跟下
更與一棒直得雨似盆傾進云總不與麼時
如何師云換轉鼻孔進云忽若應時應節又

作麼生師云山前禾麥熟共唱太平歌師乃

云曹溪路上天高地厚少室峯前土曠人稀

動葉落便知秋

上堂云知幻即離不作方便眼裏拈却須彌

山離幻即覺亦無漸次耳裏除却四大海不見而見鐘鳴鼓響玲瓏不聞而聞大地山河歷落無生田地有種有收般若梯航有津有濟離一切相即致威音王已前一句作麼生道雲中生石筍火裏出青蓮

解夏上堂僧問混沌未分時如何露柱懷胎此意如何師云突出難辨進云分後如何片雲點太清是何宗旨師云高著眼進云未審太清還受點也無靈雲爲什麼不對師云識法者恐進云恁麼則舍生不來也又不對爲復是理合如此爲復是難爲酬對師云生鐵鑄就進云直得純清絕點時如何猶是真常流注又作麼生師云若能轉物即同如來進云如何是真常流注似鏡常明意旨如何師云也是一向含頭語進云大地山河爲自己

燈籠露柱亦非他師云莫妄想進云渾無用去時如何師云却較些子進云向上更有事也無云打破鏡來與汝相見未審意在什麼處師云分付拄杖子進云陋巷不騎金色馬回來却著破欄衫師云他家得自由師乃云秋光清淺秋露虛凝秋風颼颼秋色澄淨乃釋迦護生之功已畢實衲僧結制之法周圓若能內忘已見外了法空內外一如虛凝澄寂則全心即佛全佛即心與諸佛把手共行與祖師同得同用到箇裏更說什麼結更說四五什麼解二六時中淨裸裸赤灑灑終日著衣不曾掛一縷絲終日喫飯不曾咬一粒米所謂動若行雲止猶谷神豈有心於彼此那有像於去來觸處逢渠全機獨脫正恁麼時如何白雲本是無心物等閑出沒太虛空復云

九十日功圓此日不須更驗蠟人來雖然萬里無寸草袋口今朝已解開

上堂僧問趙州訪一菴主云有麼有麼主豎起拳頭州云水淺不是泊船處意旨如何師云據款結案進云只如又訪一菴主亦豎起拳頭州却讚歎禮拜師云兩重公案進云問答一般爲什麼肯一箇不肯一箇師云大有人到此一似撞著鐵壁進云忽有人問和尚有麼有麼如何抵對師云劈脊便棒進云恩大難酬師便打乃云當陽顯正眼包括三千

大千渠儂無舌頭演出龍宮海藏現成受用觸處逢原徧界家風取之左右若非同道者何能提綱宗既是恁麼人須明恁麼事還委悉麼大地撮來粟米粒十方刹海掌中觀
八月一日上堂僧問不歷化城便登寶所時

如何師云滿眼本非色滿耳本非聲進云親到寶山空手回又作麼生師云入荒田不揀師乃云何物高於天生天者是何物厚於地育地者是何物寬於虛空包虛空者是何物超越佛祖植佛祖者是六合之外惟道存而勿論若據本分事未道得一半還知盡大地撮來盡在諸人眉毛眼睫上化作天大將軍現無邊神通若也見得轉凡成聖若也不見切忌躊躇撥轉上頭關捩子分身百億化無邊

請長蘆覺禪師上堂多子塔前分半座截斷衆流少林端拱歷九年壁立萬仞奮作家爐鞴施向上鉗鎚顯大用大機全生全殺與一切人抽釘拔楔解黏去縛令大地人各各如獅子兒奮迅吒沙踞地返躡所以道法王法

力超群生常以法財施一切久積淨業稱無量道衆以寂故稽首夫如是則向萬仞懸崖垂手敲唱俱行百尺竿頭進步主賓互換正當恁麼時如何龍吟長霧起虎嘯乃風生復云撞著道伴交肩過一生參學事已畢今朝^{十六}

幸遇大導師寶華王座爲拈出

上堂僧問離四句絕百非請師直指西來意馬大師爲什麼不與他說師云闍黎不妨具眼進云智藏道問取海兄去又作麼生師云爛泥裏有刺百丈道我到者裏却不會意盲如何師云烏龜鑽破壁進云馬祖道藏頭白海頭黑又作麼生師云塞外將軍令進云只如三貞尊宿是答他話是爲他說師云一狀領過進云語帶玄而不露口欲談而辭喪師云猶有者葛藤在進云忽若截斷衆流言詮

不涉又作夢生師云待我上山採拄杖進云者老和尚一點也瞞他不得師云放過一著師乃云好日多同數彩一賽錦上鋪華全通內外若是知音更不話會大眾三世諸佛在火焰裏轉大法輪牆壁瓦礫在諸人眼睛裏

轉大法輪拄杖子在千聖頂額上轉大法輪只有露柱燈籠却較些子何故東行不見西行利一葉落知天下秋

中秋上堂僧問黃龍三關即不問如何是楊岐栗棘蓬師云天下人吞不得進云和尚還吞得也無師云老僧是第一箇吞不得底進云既是吞不得將何爲人師云終不敢孤負楊岐進云如何是金剛圈師云闍黎盡伎倆百年透不出進云忽遇箇漢出來道盡是閑言語又作麼生師云一任躊躇進云者老和

尚今日稍有些子相爲師云且莫冬瓜印子
師乃云秋半西風急當空月正圓蕭蕭木葉
落湛湛露珠懸嘹唳衝雲鴈淒清抱樹蟬頭
頭渾漏泄切忌覓幽玄

出城中退院回上堂大衆幸自無一星兒事

剛然平地起骨堆費盡工夫只者是步隨流
水却歸來恁麼也不得不恁麼也不得恁麼
不恁麼總不得然後沒交涉正是此箇時節
雖然如是他家自有通霄路高高南嶽與天
台復云八臂那吒擎鐵柱翻身直入滄溟去
遂巡忿怒撲帝鐘過犯彌天無雪處無雪處
不免依前安舊所且正當恁麼時如何一文
偷不得虛作沒量人

謝監院上堂舉藥山一日語雲巖云與我喚
沙彌來巖云和尚喚他作什麼山云我有箇

折腳鎗子要伊提上挈下巖云恁麼則與和
尚共出一隻手也師云道頭知尾舉一明三
山僧有箇小頌一步闊一步一著高一著提
折腳鎗兒施阿伽陀藥須彌土一撮滄溟水
半杓快意唱巴歌過屠門大嚼

上堂云大衆仲冬嚴寒千山萬山滴水滴凍
成塊成團凍得達磨板齒落冰得金烏觜團
國明鏡當臺幽洞側更看雙鳳舞孤鸞復云
金毛獅子一滴乳迸散驢兒乳十斛活却死
人平地上似地擎山石舍王

舉果首座立僧上堂云鶻兒未出窠已有摩
霄志虎子未絕乳已有食牛氣況復羽翼成
況復爪牙備奮迅即驚群八面清風起一條
脊梁硬似鐵一條白棒掀天地相與建法幢
展衲僧巴鼻

上堂云不登泰山不知天之高不涉滄海不知海之闊此區中之論也若是其中人天在一粒粟中海在一毫頭上浮幢王華藏界盡在眉毛眼睫間且道此箇人在什麼處安身立命還委悉麼無邊虛空盛不受直透威音

更那邊

門六

十九

上堂云三界無法霜天皎月何處求心山高水深四大本空不辨西東佛依何住乾坤獨露透得脫見得徹正在半途逡巡擊碎鐵門關拔脫無根樹便見掌擎日月背負須彌引手過越一百一十城翻身獨立十方華藏界到箇裏也無佛也無祖不立照不立用不立權不立實不行棒不行喝正當恁麼時如何憑仗阿伽陀妙藥點取金剛正眼開上堂云十方同聚會本來身不昧箇箇學無

爲頂上用鉗鎗此是選佛場深廣莫能量心空及第歸利劍不如錐龐居士舌拄梵天口包四海有時將一莖草作文六金身有時將丈六金身作一莖草甚是奇特雖然要且不曾動著向上關如何是向上關鑄印築高壇韓觀察請上堂大眾日沉沉風颭颭萬世只如今雲靉靆水潺潺當處全體現黏皮著骨底未免論性論心越格超宗底便道拖泥涉水殊不知人人有坐斷天下人舌頭分箇箇具有金剛正眼若能未舉先知未言先契則路逢達道人不將語默對到箇裏似金博金如水入水便乃全憑比箇恩力去也且正恁麼時如何是全提一句還委悉麼知恩方解報深恩

地同春應時納祐不落窠臼罄無不宜萬世

一時孟春猶寒伏惟首座大眾起居萬福乞

火和烟得擔泉帶月歸復云新年頭有佛法
正是土上加泥新年頭無佛法又成當面謠
過到箇裏佛法世法有無新舊一時拈向一

邊且不落夤緣一句作麼生道還委怎麼乾

坤一合地餽餅日月兩輪天氣毬

施主捨法衣上堂云迦葉携坐鷄足峯老盧
持過大庾嶺如今披向寶華座孤光迥迥高
峯頂且道是同是別錦衣公子貴林下道人

高

上堂云大衆衆手共淘金人人皆有得霜風
襲四圍天華滿衣械大賞不論功虛空長逼
塞分身千百億彌勒真彌勒復云入水須斬
蛟入山須擒虎才方撲帝鐘便擊塗毒鼓一

箭落九烏一捻千鈞土諸聖和不齊臘月二

十五

舒禪師周祥上堂大眾去年今日一語翁泥
牛入海無消息今年今日鐵斧老優曇鉢華
現籌室油雲出沒太虛空動靜去來那有跡

須信雪晴天地春金烏依舊從東出

上堂大衆天上月圓萬像歷然地下月半觸
途成現見不見包裹十虛尚餘半聞不聞透
脫圓通徹本根玉漏銅壺催不得乾坤大地
一枝燈一處圓融一切處無邊刹海更凌層

上堂云透脫_{門六}祖師關不知物遷變一念可萬

年一條真白練千差眼底親萬化鏡中現驀
要入三門等閑騎佛殿復云夜雨漬深春莓
苔色染人溪邊芳草碧華與柳條所氣味濃
於酒風光軟勝綱靈雲覓不得何處悟天真

上堂云日面月面胡來漢現有時放行有時
把斷世法佛法打成一片若作一片會遇貴
即賤不作一片會麥裏有麵復云三世諸佛
不知有一一面南看北斗狸奴白牯却知有
戴角擎頭獅子吼四稜踢地又圍圓八角磨

盤空裏走擬推尋劈脊摟拈得鼻孔失却口
爲問普化一頭驢何似紫胡一隻狗

上堂云有句無句超宗越格如藤倚樹銀山
鐵壁及至樹倒藤枯多少人失却鼻孔直饒
收拾得來已是千里萬里只如未有與麼消
息時還透得麼風暖鳥聲碎日高華影重
上堂云大衆久雨不晴今日晴乾坤大地放
光明牆壁瓦礫說佛法露柱燈籠著眼聽敢
問諸人作麼生聽得乃云親復云釋迦老子
道知幻即離橫身萬里不作方便十分成現

離幻即覺須彌倒卓亦無漸次眼中出刺忽
若盡大地撮來如粟米粒大且作麼生知扇
子跨跳上三十三天且作麼生覺正恁麼時
還委悉麼十方刹海金剛座萬燄爐中鐵蒺
藜

上堂僧問日面佛月面佛意旨如何師云翻
來覆去看進云金烏急玉兔速又作麼生兩
重公案進云只如道三世諸佛六代祖師同
一舌說未審同那一舌說師云便是同也截
斷了也進云未審將什麼截門六師云將無舌底

進云草賊大敗二十二師云點師乃云大衆月生一
快鷹俊鷄趁不及月生二德山臨濟失巴鼻
月生三文殊普賢特地叅忿怒那吒把須彌
一擘百雜碎折腳鎗子撞破無底籃兒大悲
千手一隻手中一隻眼也提不起無言童子

却解道前三三後三三還委悉麼萬仞峯頭都放却多年破衲太鼈毬上堂云大衆傳大士道須彌芥子父芥子須彌爺山水坦然平敲冰來煮茶曾聞傳大士乃彌勒大士化身看他通箇消息不妨著實山僧今日土上加泥亦有箇頌子須彌納芥不容易芥納須彌匹似閑長河攬著成酥酪輕輕擊透祖師關

儻分明山僧更問你覓劔在正恁麼時見麼萬仞懸崖垂隻手高峯共唱太平歌復云趙州道趙州南石橋北觀音院裏有彌勒祖師留下一隻履直至如今覓不得諸人要知落處麼問取丹霞和尚

結制上堂二千年前佛制諸方遵行爲例九旬之內安閑共作鬼家活計且如何是鬼家活計猢猻入布袋復云九旬結袋口安居解脱道水乳自和同萬緣無所撓栗棘蓬快吞金剛圈猛跳共透衲僧家頂顛上一竅

上堂金色頭陀衣糞掃毬多尊者運神通火星進入新羅國大象牽藏蘿竈中

五月旦日上堂云鐵樹龜鬆石牛哮吼火雲毫末活人劒橫屍萬里須知殺中有活擒縱人天活中有殺權衡佛祖直饒說得殺活偶

不敢說理說事德山臨濟不敢行棒行喝正
恁麼時會麼拄杖擬吞三世佛燈籠百斛瀉
明珠復云釋迦老子道若有一人發真歸源

十方虛空悉皆消殞五祖和尚又云一人發
真歸源十方虛空築著磕著山僧即不然若

有一人發真歸源十方虛空錦上鋪華

上堂云新月如釣輕雲映火山前麥熟筐裏
蠶織田夫戢戢哉苗柳岸垂垂挺線風調兩
順盜賊消禳我輩林下之人一餉非常慶快
繞作此語驀地有箇符使出來道山前諸處

五瘟行疫病太甚欲就和尚覓箇神符往前
驅逐山僧遂以拄杖畫一圓相與之瞥然不
見逡巡却來道五瘟疫鬼已驅向他方世界
去也只有一事待請益和尚此靈驗神符從
何處得來山僧劈脊便打當下滅跡消聲因

行掉臂成箇頌子五月五日天中節赤口毒
舌盡消滅五月五日午時書放下蛇頭將虎
鬚

上堂云迦無依倚超宗越格非佛非心萬仞
壁立桑樹上著箭柳樹上汁出

上堂云粥足飯足飽柴飽水廬陵米價高山
前麥熟未盡乾坤刹海都盧是箇自己撮向
眉毛眼睫間直得放光動地不是如來禪亦
非第一義更說甚衲僧巴鼻爭如撒手懸崖
去却藥匙且唱箇羅羅哩哩參

上堂一二三四五六七七六五四三二一旋
風車上定盤星百尺竿頭吹簞栗嘵復舉雲
門一日示衆云和尚子莫妄想山是山水是
水僧是僧俗是俗時有僧出云學人見山是
山見水是水時如何雲門以手劃一劃云佛

殿爲什麼從者裏去師拈云似地擎山如石

舍玉透得過者盡在無盡藏中透不過者未

免搏量只如雲門以手劃一劃云佛殿因什
麼從者裏去又且如何一葉落知天下秋
門* 蔣運使寄雲居山三大字仍請陞座云法法

二十五

圓融心心虛寂大包無外文彩已彰細入無
間眼莫能觀所以道萬法是心光諸緣唯性
曉本無迷悟人只要今日了今日便與麼坐
斷報化佛頭喚什麼作心喚什麼作性恁麼
說話已是截斷諸根了也且作麼生是截斷

諸根處放一線道通箇消息還委悉麼大旱
得甘雨大熱得清涼復有頌云衆峯盤屈屋
耽耽天上泓澄兩碧潭渴驥怒猊三大字高
蹤千古振名藍

圓悟佛果禪師語錄卷第六

音釋

砾俗音

廝

於何

轆

盧谷

狻

狻

狻

狻

剥名踢

大浪

掀

虛言切

崇

雖

祟

祟

祟

剥名踢

大浪

掀

虛言切

崇

雖

崇

崇

崇

也

抓癢

扒

側交切爪搔

癢

虛言切

詭

詭

詭

也

抓癢

扒

側交切爪搔

癢

虛言切

詭

詭

詭

也

逡

巡

虛言切

逡

虛言切

逡

虛言切

逡

也

逡

巡

虛言切

逡

虛言切

逡

虛言切

逡

也

逡

巡

虛言切

逡

虛言切

逡

虛言切

逡

圓悟佛果禪師語錄卷第七

門七

宋平江府虎丘山門人紹隆等編

住南康軍雲居真如禪院送化主上堂云火不待日而熱性相類風不待月而涼氣相合獨樹不成林單絲不成線建大廈非一木之

門七

能濟巨川非一棹之力所以道衆毛成毬聚

鐵成斧要須內外相應賓主和容自然氣類相同羽毛相似正與麼時如何八萬四千非鳳毛三十三人入虎穴復有頌云三十餘貞雲水客諸方分化力行持山門庶事渾依賴

正是金毛奮迅時

上堂云有句無句已絕諸訛非色非心直超露布到箇裏有啓口分也無莫道是勤上座口似匾檜設使三世諸佛歷代祖師出來辯似懸河機如掣電未免亡鋒結舌何故只爲

風頭太硬然雖如此若向箇裏直下承當得去如龍得水似虎靠山有丈夫志氣具絕羅籠手段所以道殺人刀活人劍則者邊那邊向上向下有事無事佛界魔界一時坐斷忽有人問未審刀劍在什麼處委悉麼從前汗

馬無人識只要重論蓋代功復舉僧問雲門樹凋葉落時如何雲門云體露金風師云雲門眼似流星機如掣電拈得將來不妨奇特如今忽有人問山僧樹凋葉落時如何只向伊道千山雲霧卷一望見前村

上堂云十方同聚會箇箇學無爲此是選佛場心空及第歸大丈夫具決烈志氣慷慨英靈踏破化城直截承當外不見有一切境界內不見有自己上不見有諸聖下不見有凡愚淨躋躋赤灑灑一念不生桶底剔脫豈不

是心空到箇裏還容棒喝麼還容玄妙理性
麼還容彼我是非麼直下如紅爐上一點雪
相似豈不是選佛場中擎頭戴角雖然如此
子細檢點將來猶涉階梯且不涉階梯一句
作麼生道還委悉麼千聖不留無朕跡萬人
門七

叢裏奪高標復有頌云住山只貴衆和諧表

裏通明應整齊折脚鐺兒幸無恙相憑出手

共提携

上堂云清秋晴色苗稼豐登四海晏清萬民
樂業林下之士歇意休心直下當陽坐斷報
化飢食渴飲倦卧閑行無事無爲得自在在
當陽一句不可重宣迴避不行直須漏泄還
委悉麼八月秋何處熱復云昨夜夢登樓暮
然得箇時節因緣今朝舉似大衆四野迥澄
澄端如坐少林雲籠高嶽頂月在碧波心

中秋上堂云只恁麼透得已是涉泥水何堪
更廉纖沒頭又沒觜到箇裏也須是箇似大
死底人却活始得還委悉麼棒頭能取證喝
下絕承當復云光景急如梭賢明爭柰何千
林凋敗葉一鴈度秋河風急砧聲遠山高月

色多誰當此時節解唱紫芝歌

退院上堂云七處住持三十載今朝方作地
行仙上蒙聖主從卑願亭毒之恩遠似天見
可而進知難而退權柄在手舒放非他住既
無心動亦非我所以二六時中與他同得同
門七

三

證同出同入豈有心於彼此何有象於去來
所以道欲識佛性義當觀時節因緣時節若
至其理自彰正當與麼時還委悉麼林間蕭
散處世外一閑人復有頌云禪月昔年曾有
語山僧師範作良謀如斯標致雖清拙大丈

夫兒合自由

示張持滿朝奉

克勤自出峽止訥堂唯念茲在茲相從者多不告倦所謂利他乃自利也要須根本明徹理地精至純一無雜纔有是非紛然失心若踏正脉諸天捧華無路魔外潛觀不見深深海底行高高峯頂立始得不驚群動衆謂之平常心本源天真自性也雖居千萬人中如無一人相似此豈麤浮識想利智聰慧所能測哉示諭綿密無間寂照同時歲月悠久打成一片而根本愈牢密密作用誠無出此應當當處全真則彼我遐邇觸處皆渠刹剎塵皆在自己大圓鏡中愈綿愈密則愈能轉換也故雲門道直得乾坤大地無纖毫過患猶爲轉句不見一色始是半提直得如此更

須知有全提時節始得所以德山棒臨濟喝皆徹證無生透頂透底融通自在到大用現前處方能出沒欲人全身擔荷外退守文殊普賢大人境界巖頭道他得底人只守閑閒地二六時中無欲無依自然超諸三昧德山亦云汝但無事於心於心無事則虛而靈寂而照若毫端許言本末者皆爲自欺此旣已明當須履踐但只退步愈退愈明愈不會愈有力量異念纔起擬心纔生即猛自割斷令不相續則智照洞然步步踏實地豈有高低門七憎愛違順揀擇於其間哉無明習氣旋起旋消悠久之間自無力能擾人也

古人以牧牛爲喻誠哉所謂要火長人爾直截省要最是先忘我見使虛靜恬和任運騰騰騰騰任運於一切法皆無取捨向根根塵

塵應時脫然自處孤運獨照照體獨立物我

一如直下徹底無照可立如斬一綫絲一斬

一切斷便自會作活計去也佛見法見尚不令起則塵勞業識自當冰消瓦解養得成實如癡似兀而峭措祖佛位中收攝不得那肯入驢胎馬腹裏也

趙州道我見千百億箇盡是覓作佛漢子於中覓箇無心底難得又云我在南方三十年除粥飯二時是雜用心處香林四十年方成一片湧泉四十年尚自走作南泉十八上解作活計信知從上古人無不皆如此密密履踐安可計得失長短取捨是非知解也同學之中唯龍門智海昔常熟與究明但逢緣遇境莫不管帶何止此生而已窮未來際證無量聖身也未是他泊頭處但一味退步切莫

作限量也

示吳教授

佛祖以神道設教唯務明心達本況人人具足各各圓成但以迷妄背此本心流轉諸趣枉受輪迴而其根本初無增減諸佛以爲一大事因緣而出蓋爲此也祖師以單傳密印而來亦以此也若是宿昔蘊大根利智便能於脚跟直下承當不從他得了然自悟廓徹靈明廣大虛寂從無始來亦未曾間斷清淨無爲妙圓真心不爲諸塵作對不與萬法爲侶長如十日並照離見超情截却生死浮幻如金剛王堅固不動乃謂之即心即佛更不外求唯了自性應時與佛祖契合到無疑之地把得住作得主可不是徑截大解脫耶探究此事要透死生豈是小緣應當猛利誠

志信重如救頭然始有少分相應多見參問之士世智聰明只圖資談柄廣聲譽以爲高上趣向務以勝人但增益我見如以油投火其炎益熾直到臘月三十日茫然繆亂殊不得纖毫力良由最初已無正因所以未後勞而無功是故古德勸人參涅槃堂裏禪誠有

旨也生死之際處之良不易唯大達超證之士奮利根勇猛一徑截斷則無難然此段雖由自己根力亦假方便於常時些小境界中轉得行打得徹不存解不立見凜然全體現成踐履將去養得純熟到緣謝之時自然無怖畏只有清虛瑩徹無一法當情如懸崖撒手棄捨得無留戀一念萬年萬年一念覓生了不可得豈有死也是故古德坐脫立亡行化倒蛻能得勇健皆是平昔淘汰得淨潔香

林四十年得成一片湧泉四十年尚有走作石霜勸人休去歇去如古廟裏香爐去永嘉云體即無生了本無速蓋業業兢兢念茲在茲方得無礙自在旣捨生之後得意生身隨自意趣後報悉以理遺不由業牽所謂透脫生死耶

報緣未謝於人間世上有如許參涉交互應須處之使綽綽然有餘裕始得人生各隨緣分不必厭喧求靜但令中虛外順雖在鬧市沸湯中亦恬然安穩才有纖毫見刺則打不

門七

六

過也

示許庭龜奉議

此箇事在利根上智之人一聞千悟不爲難要須根脚牢實諦當徹信把得定作得主於一切違順境界差別因緣打成一片如太虛

空無纖毫障隔湛湛虛明無有轉變雖百劫千生始終一如方可平穩多見聰俊明敏根浮脚淺便向言語上認得轉變即以世間無可過上遂增長見刺逞能逞解逞言語快利

門七

將謂佛法只如此及至境界緣生透脫不行

七

因成進退良可痛惜是故古人直是千魔萬難悉皆嘗徧雖七處割截亦不動念一往操心猶如鐵石以至透脫生死渾不費力豈不是大丈夫超詣慷慨所存也

在家菩薩修出家行如火中出蓮蓋名位權

勢意氣卒難調伏而況火宅煩擾煎熬百端千緒除非自己直下明悟本真妙圓到大寂定休歇之場尤能放下廓爾平常徹證無心觀一切法如夢幻泡空豁地隨時應節消遣將去即與維摩詰傳大士龐居士裴裴相國

楊內翰諸在家勝士同其正因隨自己力量轉化未悟同入無爲無事法性海中則出來南閻浮提打一遭不爲折本矣

示隆知藏

有祖已來唯務單傳直指不喜帶水拖泥打露布立窠窟鈍置人蓋釋迦老子三百餘會對機設教立世垂範大段周遮是故最後徑截省要接最上機雖自迦葉二十八世少示機關多顯理致至於付受之際靡不直面提持如倒剎竿盃水投針示圓光相執赤旛把明鑑說如鐵橛子傳法偈達磨破六宗與外道立義天下太平翻轉我天爾狗皆神機迅捷非擬議思惟所測洎到梁遊魏尤復顯言教外別行單傳心印六代傳衣所指顯著逮曹溪大鑑詳示說通宗通歷涉既久具正眼

大解脫宗師變革通塗俾不滯名相不墮理
性言說放出活卓卓地脫灑自由妙機遂見
行棒行喝以言遣言以機奪機以毒攻毒以
用破用所以流傳七百來年枝分派別各擅
家風浩浩轟轟莫知紀極然鞠其歸著無出
直指人心心地既明無絲毫隔礙脫去勝負
彼我是非知見解會透到大休大歇安穩之
場豈有二致哉所謂百川異流同歸于海要
須是箇向上根器具高識遠見有紹隆佛祖
志氣然後能深入闡奧徹底信得及直下把
得住始可印證堪爲種草捨此切宜寶祕慎
詞勿作容易放行也

五祖老師平生孤峻少許可人乾噪噪地壁
立只靠此一著常自云如倚一座須彌山豈
可落虛弄滑頭謾人把箇沒滋味鐵酸餡勞

門七

八

頭拈似學者令咬嚼須待渠桶底子脫喪却
如許惡知惡見曾次不掛絲毫透得淨盡始
可下手鍛煉方禁得拳踢然後示以金剛王
寶劍度其果能踐履負荷淨然無一事山是
山水是水更應轉向那邊千聖籠羅不住處
便契乃祖已來所證傳持正法眼藏及至應
用爲物仍當驅耕夫牛奪飢人食證驗得十
成無滲漏即是本家道流也

摩竭陀國親行此令少林面壁全提正宗而
時流錯認遂尚泯默以爲無縫罅無摸索壁
立萬仞殊不知本分事恣情識博量便爲高
見此大病也從上來事本不如是巖頭云只
露目前些子箇如擊石火閃電光若構不得
不用疑著此是向上人行履處除非知有莫
能知之趙州喫茶去祕魔巖擎杖雪峯輒毬

禾山打鼓俱胝一指歸宗拽石玄沙未徹德
山棒臨濟喝並是透頂透底直截剪斷葛藤
大機大用千差萬別會歸一源可以與人解
黏去縛若隨語作解即須與本分草料譬如
七斛驢乳只以一滴師子乳滴悉皆逆散要
脚下傳持相繼綿遠直須不徇人情勿使容
易乃端的也末後一句始到牢關誠哉是言
透脫死生提持正印全是此箇時節唯踏著
上頭關捩子底便諳悉也

隆公知藏湖湘投機還往北山十餘年真探
贊精通本色衲子遂舉分席訓徒已三載予
被脅旨移都下天寧欲得法語以表道契因
爲出此數段宣和六年十二月中佛果老僧

祖師門下直截指示豈有如許多蹊徑只貴
向上人聊聞舉著剔起便行明眼觀來只是
鈍置古者道舉一隅不以三隅反者吾不與
也箇箇須是舉一明三目機銖兩阿轆轤地
踈通峻快始稱提持豈不見良遂見麻谷第
一番才見便歸方丈閉却門及至第二次見
谷驟步向菜園渠便瞽地乃謂谷曰和尚莫
謾良遂良遂若不來見和尚洎被十二本經
論賺過一生看渠恁地不妨省力旣歸謂徒
黨曰諸人知處良遂總知良遂知處諸人不
知信知渠知處有不通風諸人卒未構得可
門謂真師子兒要作他家種草直須更出他一
頭地始得

達磨遊梁入魏落草尋人向少林冷坐九年
深雪之中覓得一箇及至最後問得箇什麼

示華藏明首座
書

却只禮三拜依位而立遂有得體之言至令
守株待兔之流競以無言禮拜依位爲得體
深致殊不知効去久矣爾方刻舟豈曾夢見
祖師若是本色真正道流要須超情離見別
有生涯終不向死水裏作活計方承紹得他
家基業到此須知有向上事所謂善學柳下
惠終不師其跡是故古人道一句合頭語萬
劫繫驢樞誠哉

破有法王出現世間隨衆生欲種種說法將
知所說皆爲方便只爲破執破疑破解路破
我見若無許多惡覺惡見佛亦不必出現而
況說種種法耶古人得旨之後向深山茹茨
石室折腳鐺子煮飯喫十年二十年大忘人
世永謝塵寰今時不敢望如此但只韜名晦
跡守本分作箇骨律錐老衲以自契所證隨

已力量受用消遣舊業融通宿習或有餘力
推以及人結般若緣鍊磨自己脚根純熟正
如荒草裏撥剔一箇半箇同知有共脫生死
轉益未來以報佛祖深恩抑不得已霜露果
熟推將出世應緣順適開拓人天終不操心
於有求何況依倚貴勢作流俗阿師舉止欺
凡罔聖苟利圖名作無間業縱無機緣只恁
度世亦無業果真出塵羅漢耶

此門瞥脫契證即是素來不曾經人壞持拍
盲百不知一但以利根種性孟八郎便透直
下承當要用便用要行即行無如許般心行
純熟頓放著所在使得休歇安樂終日飽齁
齁地不妨真正最難整理是半前落後認得
瞻視光影聽聞不隨聲守寂湛之性便爲至
寶懷在胷中終日昭昭靈靈雜知雜解自擔

負我亦有見處曾得宗師印證惟只增長我見便雌黃古今印證佛祖輕毀一切問著即作伎倆黏作一堆殊不知末上便錯認定盤星了也及至與渠作方便解黏去縛便謂移換人換轉人作恁麼心行似此有甚救處除

是驀地自解知非却將來須放得下作善知識遇著此等須是大脚手與烹鍊救得一箇半箇得徹不妨翻邪成正將來却是箇沒量大人何故只爲病多諳藥性

得底人心機泯絕照用已忘渾無領覽只守開闊地而諸天捧華無路魔外潛覲不見深深海底行漏盡意解所作平常似三家村裏無異直下放懷養到恁麼處亦未肯住在才有纖毫便覺如泰山似礙塞人便即擺撥雖純是理地亦無可取若取即是見刺所以云

道無心合人人無心合道豈肯自銜我是得底人原他深不欲人知喚作絕學無爲與古人爲傳真道人也

他叅活句不叅死句活句下薦得永劫不忘死句下薦得自救不了若要與佛祖爲師須

明取活句韶陽出一句如利刀剪却臨濟亦云吹毛用了急須磨此豈陰界中事亦非世智辯聰所及直是深徹本源打落從前依他作解明昧順逆以金剛正印印定揮金剛王寶劍用本分手段所以道殺人須是殺人刀

門七
活人須是活人劍既殺得人須活得既活得須殺得若只孤單則偏墮也垂手之際却看方便勿使傷鋒犯手著著有出身之路八面玲瓏照破他方與下刃亦須緊密始得稍寬緩即落七落八也只自己等閑尚不留毫髮

許設有亦斬作三段何況此宗門中從上牙

爪遇其中人才拈出若投機則共用不投機

則刻却以是爲要無不了底事切在力行之

示光禪人

欲得親切第一不用求求而得之已落解會

門七

況此大寶藏亘古亘今歷歷虛明從無始劫

十三

來爲自己根本舉動施爲全承他力唯是休

歇到一念不生處即是透脫不墮情塵不居

意想迥然超絕則徧界不藏物物頭頭渾成

大用一一皆從自己胷襟流出古人謂之運

出家財一得永得受用豈有窮極耶但患體

究處根脚不牢不能徹證直須猛截諸緣令

無纖毫依倚放身捨命直下承當無第二箇

縱使千聖出來亦不移易隨時任運喫飯著

衣長養聖胎不存知解可不是省要徑截殊

勝法門耶

示民禪人

先聖一麻一麥古德攻苦食淡潔志於此廢
寢忘飧體究專確要求實證豈計所謂四事

豐饒者哉及至道不及古便有法輪未轉食

輪先轉之義由是叢林呼長老爲粥飯頭得

非與古人一倍相反耶然入隨緣變異門且

行第二段北山延接方來道人唯仰南畝今

秋適會大稔覺民禪客覲收刈臨行乞言因

示以前段因緣貴宗本構末乃爲兼利並照

圓悟通達之人本分事也勉行之百草頭上

有祖師夾山指出令人薦寬平田中有大義

百丈展手要人知若能顆粒圓成即是單傳

心印更或彌望坦然便證第一聖諦且出草

一句作麼生道滿船明月載將歸

示世祥禪人

立志辦道之士於二六時中自照自了念茲在茲知有自己腳跟下一段因緣處聖不增居凡不減獨脫根塵迥超物表凡所作爲不立方所湛寂凝然唯萬變千化初無動搖應緣而彰遇事便發靡不圓成唯要虛靜一切超然主本旣明無幽不燭萬年一念一念萬年透頂透底全機大用譬如壯士屈伸臂頃不借他力則生死幻翳冰消金剛正體獨露一得永得無有間斷古今言教機緣公案問答作用並全明此若脫灑履踐得日久歲深自然左右逢源打成一片豈不見法燈道入荒田不揀信手拈來草觸目未嘗無臨機何不道無根兮得活離地兮不倒日用尚不知更向何處討切宜消息之

門七

十四

示諫長老

趙州云我在南方三十年除粥飯二時是雜用心處將知古德爲此箇事不將作等閑直是鄭重所以操修觀捕到徹底分明於一機一境一句一言悉不落虛是致世法佛法打成一片今時要湊泊著實須是猛利奮發倒腸換肚莫取惡知惡見莫雜毒食一味純正真淨妙明直下踏著本地風光到安穩大解脫之地坐斷報化佛頭凜凜孤危風吹不入水灑不著正體現成日用有力量聞聲見色四七不生取捨著著有出身之路豈不見僧問九峯見說和尚親見延壽是否峯云山前麥熟也未識得渠親切用處便見衲僧巴鼻所謂殺人刀活人劍但請長時自著眼看到出格十五時自然知落處也

示禪人

達磨西來不立文字語句唯直指人心若論直指只人人本有無明殼子裏全體應現與從上諸聖不移易一絲毫許所謂天真自性本淨妙明含吐十方獨脫根塵一片田地唯離念絕情迥超常格大根大智以本分力量直下就自己根脚下承當如萬仞懸崖撒手放身更無顧藉教知見解礙倒底脫去似大死人已絕氣息到本分地上大休大歇口鼻眼耳初無相知手足項背各不相到然後向寒灰死火上頭頭上明枯木朽株間物物斯照乃契合孤迥迥峭巍巍更不須覓心覓佛築著磕著無非外得古來悟達百種千端只者便是心不必更求心是佛何勞更覓佛黨於言句上作露布境物上生解會則墮在骨

董袋中卒撈摸不著此忘懷絕照真諦境界也

不與萬法爲侣者是什麼人回光自照看待汝一口吸盡西江水即向汝道八角磨盤空裏走參得透目前萬法平沉無始妄想蕩盡德山隔江搖手便有人承當鳥窠吹布毛尋有人省悟得非此段大因緣時至根苗自生也亦機感相投有地也亦當人密運無間借師門發揮何峭絕如此之難而超證如此之易古人以輶介投針爲況良不虛矣

未後一句都通穿過有言無言向上向下權實照用卷舒與奪不消箇勘破了也誰識趙州者巴鼻須是吾家種草始得

圓悟佛果禪師語錄卷第七

音釋

也切洗淘
錯濯汰
鼻勾也借
單呼盜
息候小烏
也切孟管
曝切北角
酸俗角
檻音角
賺陷直角
盥虛都補
捨擣典切
盜濫切蛻
化輸芮切
汰徒刀切
淘徒切
汰淘切

圓悟佛果禪師語錄卷第八

門八

宋平江府虎丘山門人紹隆等編

示尼修道者

學道之士初無信向厭世煩惱長恐不能得
箇入路既逢師指或因自己直下發明從本

已來元自具足妙圓真心觸境遇緣自知落
門八

著便乃守住患不能出得遂作窠臼向機境

上立照立用下咄下拍努眼揚眉一場特地

更遇本色宗匠盡與拈却如許知解直下契
證本來無爲無事無心境界然後識羞慚知

休歇一向冥然諸聖尚見他起念處不得況

其餘耶所以巖頭道他得底人只守閑閑地

二六時中無欲無依可不是安樂法門昔灌

溪往末山山問近離甚處溪云路口山云何

不蓋却溪無語次日致問如何是末山境山

云不露頂如何是境中人云無男女等相溪
云何不變去山云不是神不是鬼變箇什麼
如此豈不脚踏實地到壁立萬仞處所以道
末後一句始到牢關把斷要津不通凡聖古
人既爾今人豈少欠耶幸有金剛王寶劍當
須遇著知音可以拈出

示良爐頭

金色頭陀論劫打坐達磨少林面壁九年曹

溪四會縣看獵大鴻深山卓庵十載大梅一

住絕人迹無葉闋大藏古聖翹足七晝夜讚

底沙常啼經月鬻心肝長慶坐破七蒲團是

皆爲此一段大因緣其志可尚終古作後昆

標準便使致身在長連床上亦不過冥心體

究但令心念澄靜紛紛擾擾處正好作工夫

當作工夫時透頂透底無絲毫遺漏全體現

成更不自他處起唯此一大機阿轆轆轉更說甚世諦佛法一樣平持日久歲深自然腳跟下實確確地只是箇良上座直下契證如水入水如金博金平等一如湛然真純是解作活計但一念不生放教玲瓏才有是非彼

門八
我得失勿隨他去乃是終日竟夜親參自家真善知識何憂此事不辨切須自看示諧知浴

此箇大法三世諸佛同證六代祖師共傳一印印定直指人心見性成佛不立文字語句謂之教外別行單傳心印若涉言詮露布立

培立梯論量格內格外則失却本宗圭負先聖要須最初入作便遇本分人直截根源退步就已以鐵石心將從前妄想見解世智辯聰彼我得失到底一時放却直下如枯木死

灰情盡見除到淨裸裸赤灑灑處豁然契證與從上諸聖不移易一絲毫許諦信得及明見得徹此始爲入理之門更須教一念萬年一念二六時中純一無雜才有纖塵起滅則落二十五有無出離之期抵死謾生交教斷然後田地穩密聖凡位中收攝不得始是如鳥出籠自休自了處得座披衣真金百煉舉動施爲等閑蕩蕩地根塵生死境智玄妙如湯沃雪遂自知時更無分外底名爲無心道人以此自修轉開未悟令如是復踐豈不爲要道哉

門八
示印禪人

道由悟達立志爲先自博地具縛凡夫便欲跂步超證直入聖域豈小因緣哉固宜操鐵石心截生死流承當本來正性不見纖塵中

外有法使胷次蕩然了無罣礙施爲作用悉
根本中出根本旣牢實能轉一切物是謂金
剛正體一得永得豈假外求是故古德云此
宗難得其妙當須子細用心可中頓悟正因
便是出塵階塗古德隔江搖扇吹布毛便有
發機處至於葛口撆磅脊棒亦解桶底子脫
蓋緣專一久之一日瞥地此豈外得之皆由
目證自悟

示信侍者

學道之要在深根固蒂於二六時中照了自
已根脚當未起念百不干懷時圓融無際脫
體虛凝一切所爲曾無疑間謂之現成本分
事及至纔起一毫頭見解欲承當作主宰便
落在陰界裏被見聞覺知得矢是非籠罩半
醉半醒打疊不辨約實而論但於閑閑處

管帶得行如無一事相似透頂透底直下圓
成了無形相不廢功用不妨作爲語默起倒
終不是別人稍覺纖毫滯礙悉是妄想直教
灑灑落落如太虛空如明鏡當臺如果日麗
天一動一靜一去一來不從外得放教自由
自在不被法縛不求法脫盡始盡終打成一
片何處離佛法外別有世法離世法外別有
佛法是故祖師直指人心金剛般若貴人離
相譬如壯士屈伸臂頃不借他力如此省要
好長時自退步體究竟有箇落著諦實證悟
之地即是念念徧參無邊無量大善知識也
門八
切切諦信勉力作工夫乃善也

示材知莊

俱胝凡見僧來及答問唯豎一指蓋通上徹
下契證無疑差病不假驢馳藥也後代不諳

來脉隨例豎箇指頭謾人不分皂白大似將醍醐作毒藥良可憐愍若是真的見透底始知鄭重終不將作等閑所謂千鈞之弩不爲鼷鼠而發機是故須具頂顙上眼方可入作後來玄沙拈曰俱胝承當處莽齒只認得一機一境有般拍盲底隨語生解便抑屈俱胝以謂實然殊不知焦埠打著連底凍到這裏直須子細切忌顛頽只如俱胝臨遷化去自云得天龍一指頭禪一生受用不盡豈徒然哉

曹溪大鑒微時新州一樵夫也碌碌無所發明已數十歲一旦聞客誦經激其本願遂致母出鄉謁黃梅大滿才見數語間投機隱碓坊八箇月既聞秀偈始露鋒鋩五祖舉衣鉢授之是時羣衆競趨逐欲奪取而蒙山道人

最先及之於大庾嶺頭知不勝始悟此衣非可以力爭稽首求法大鑒以不思善惡本初面目歛念知歸盧老以時緣未穩復遁迹四會縣獵人中久之尋抵番禺吐風旛不動動自於心之語印宗伸弟子之禮爲之削髮登具由是開大法要總二千餘衆聲徹九重遣貴近降紫泥召之確然不應度龍象若讓師清源求嘉南陽荷澤司空數十人皆大宗師何其贊歟唯聖賢示化進退存亡了然先照然考其步驟從微至著不斷世緣而示妙規百世之下無與爲等到今數百載充徧寰海列刹相望皆其法孫欽仰洪範欲擬其毫末竭誠罄力終莫鬱勗惟望後昆有力量者勉旃聊述梗槩爾

圓湛虛凝道體也展縮殺活妙用也善游刃能操守如珠走盤如盤走珠無頃刻落虛亦不分世法佛法直下打成一片所謂觸處逢渠出沒縱橫初無外物淨裸裸阿轆轤以本

分事印定頭頭上明物物上了何處更有得失是非好惡長短來但恐自己正眼未得洞明是致落在二邊則沒交涉也豈不見永嘉道上士一決一切了中下多聞多不信

佛祖言教筌第爾藉之以爲入理之門既廓然明悟承當得則正體上一切圓具觀佛祖言教皆影響邊事終不向頂額上戴却近世參學多不本其宗猷唯務持擇言句論親疎辯得失浮漚上作實解誇善淘汰得多少公案解問諸方五家宗派語一向沒溺情識迷却正體良可憐愍有真正宗師不惜眉毛勸

令離却如上惡知惡見却返謂之心行移換擺撼煅煉展轉入荆棘林中所謂打頭不遇作家到老只成骨董

省要處不消一劄皮下有血自知落處苟或躡躅則失却鼻頭也七佛已前便與麼直須

硬糾糾緊著頭皮分明歷落薦取者一片田地穩密長時乃自會退步終不道我有見處我有妙解何故箇中若立一絲毫能所見刺則重過山嶽從上來決不相許是故釋迦文於然燈佛以無法得受記盧老於黃梅以本來無物親付衣鉢至於生死之際才自擔荷則如靈龜脫殼應須淨穢二邊都不依怙有心無心有見無見似紅爐著一點雪二六時中透頂透底灑灑落落遊此千聖不同途處直下令純熟自然成就得箇絕學無爲千人

萬人羅籠不住底箇真實人也

送圓首座西歸

得道之士立處既孤危峭絕不與一法作對
行時不動纖塵豈止入林不動草入水不動
波蓋中已虛寂外絕照功脩然自得徹證無

門八

七

心雖萬機頓赴豈能撓其神千難殊對而不

干其慮哉平時只守閑閑地如凝似兀及至

臨事爲物初不作伎倆准擬刺割風旋電轉

靡不當機豈非素有所守也是故古德道如

人學射久久方中悟則刹那履踐工夫須資

長遠如鶴鳩兒初生下來赤骨歷地養來餒

去日久時深羽毛既就便解高飛遠舉所以

悟明透底正要調伏只如諸塵境界常流於

中室礙到得底人分上無不虛通全是自家

大解脫門終日作爲未嘗作爲了無欣厭亦

無倦怠度盡一切而無能所况生厭惱耶苟性質偏枯尤當增益所不能放教圓通以漚和力攝化開權俯仰應接俾高低遠近略無差悞行常不輕行學忍辱仙遵先佛軌儀成就三十七品助道法堅固四攝行到大用現前喧寂一等如下水船不勞篙棹混融舍攝圓證普賢行願乃世出世間大善知識也古德云三家村裏須自箇叢林蓋無叢林處雖有志之士亦喜自便到恁麼尤宜執守唯在強勉以不倦終至於喧靜亦復爾喧處周旋應變於中虛寂靜處能不被靜縛則隨所至處皆我活計唯中虛外順有根本者能然大凡爲善知識應當慈悲柔和善順接物以平等無諍自處彼以惡來及以惡聲名色加我非理相干訕謗毀辱但退步自照於已無

慊一切勿與較量亦不動念嗔恨只與直下
坐斷如初不聞不見久久魔孽自銷爾若與
之校則惡聲相逐豈有了期又不表顯自己
力量與常流何以異切力行之自然無思不服

拂之下開發人天俾透脫生死豈小因緣
應恬和詞色當機接引勘對辯其由來驗其
蹲坐攻其所偏墜奪其所執著直截指示令
見佛性到大休大歇安樂之場所謂抽釘拔
楔解黏去縛切不可將實法繫綬人令如是

住如是執勿受別人移倒此毒藥也令渠喫
著一生擔板賺悞豈有利益耶

佛祖出興特唱此段大因緣謂之單傳心印
不立文字語句接最上機只貴一聞千悟直
下承當了修行不求名聞利養唯務透脫生

死今既作其兒孫須存他種草看他古來有
道之士動是降龍伏虎與神明受戒攻苦食
淡大忘人世未謝塵寰三二十年折脚鎗煮
飯契遁跡埋名往往坐脫立亡於中一箇半
箇諸聖推出建立宗風無不稟高行務報佛
恩流通大法始出一言半句抑不得已明知
是接引入理之門敲門瓦子其體裁力用不
妨爲後昆模範當宜師法之轉相勉勵追復
古風切忌希名苟利茲深祝也

示樞禪人

解語非干舌能言不在調明知舌頭語言不
是倚仗處則古人一言半句其意唯要人直
下契證本來大事因緣所以修多羅教如標
月指知是般事便休行履處綿密受用時寬
通日久歲深不移易拈弄收放得熟小小境

界悉能照破斷割不留朕迹及至死生之際

結角羅紋不相參雜湛然不動翛然出離此

臘月三十日涅槃堂裏禪也

示裕書記

踏著實地到安穩處時中無虛葉底工夫綿
綿不漏絲毫湛寂凝然佛祖莫能知魔外無
捉摸是自住無所住人解脫雖歷無窮劫亦
只如如地况復諸緣邪安住是中方可建立
與人抽釘拔楔亦只令渠無住著去此謂之

大事因緣

如來有密語迦葉不覆藏迦葉不覆藏乃如
來真密語也當不覆藏即密當密即不覆藏
此豈可與繫情量立得失存窠窟作解會者
舉耶透脫到實證之地向出格超宗頂顙上
領始得既已領畧應當將護遇上根大器方

可印受也

秉拂據位稱宗師若無本分作家手段未免
賺悞方來引他入草窠裏打骨董去也若具
金剛正眼須灑灑落落唯以本分事接之直
饒見與佛齊猶有佛地障在是故從上來行

棒行喝一機一境一言一句意在鈎頭只貴
獨脫勿使依草附木所謂驅耕夫之牛奪飢
人之食若不如是盡是弄泥團漢

方來衲子有夙根作工夫驀地得入者不過
真正宗師返引他作露布墮在機境中無繩

門

+

自縛半前落後似是不是最難整理要須識
其病脉辯其落著徵其所偏墜而發起之俾
捨執著住滯然後示以本分正宗使無疑惑
了然得大解脫居大寶宅自然趣亦不去可
以洪濟大法傳續祖燈堪報不報之恩也

黃龍老南禪師昔未見石霜會一肚皮禪翠

巖憫之勸謁慈明只窮究玄沙語靈雲未徹
處應時瓦解冰消遂受印可三十年只以此
印拈諸方解路瘥病不假驢馳藥緊要處豈
有如許多佛法也大宗師爲人雖不立窠臼

露布久之學徒妄認亦成窠臼露布也蓋以
無窠臼爲窠臼無露布作露布應須及之令
盡無令守株待兔認指爲月鑒在機先風塵
草動亦照其端倪况應酬擾擾哉非曾次虛
靜無一法當情安能圓應無差先機照物耶
此皆那伽在定之効也

臨濟金剛王寶劍德山末後句藥嶠一句子
祕魔杖俱胝指雪峯鞞毬禾山打鼓趙州哭
茶楊岐栗棘蓬金剛圈皆一致爾契證得直
下省力一切祖師言教無不通達唯在當人

善自護持爾

佛智裕公久參徧歷一言相契從前證解併
脫去卓然超絕遂分座訓徒傳持流通此大
法印因書法語以贈

示粲禪人

趙州和尚見僧喚云近前來僧近前州云去
多少省力若薦得乃是十成完全若作如之
若何則知見生也

唐朝古德因禪師微時事田運槌擊塊見一
大塊戲以槌猛擊之應時粉碎驕地大悟自
此散誕爲不測人頗彰神異有老宿拈云山
河大地被者僧一擊百雜碎獻佛不假香多
誠哉是言

示泉禪人

參問要見性悟理直下忘情絕照胷襟蕩然

如癡似兀不校得失不爭勝劣凡有順違悉皆截斷令不相續悠久自然到無爲無事處才毫髮要無事早是事生也一波才動萬波隨豈有了期他時生死到來脚忙手亂只爲不脫灑但以此爲確實自然鬧市裏亦淨如水豈憂已事不辨耶

才有是非紛然失心直者一句驚動多少人做計較若承當得坐得斷透出威音王那畔若隨此語轉特地紛然自回光返照始得如來禪祖師禪豈有兩種未免諸含各分皂白特地乖張事理機鋒一時坐斷是打淨潔毬子還知諦當著實處麼放下看取

示傑禪人

行脚參請既依附知識於大叢林陪清高雅衆久矣一旦親緣須著落歸動是箇千里遠

行要須以自己力量不忘踐履直須行處不生塵況此段事不道在善知識邊便有居鄉井時便無也所謂暫時不在如同死人正當在時亦不起模畫樣雖則平常而滴水滴凍卓然絕識成箇無爲無事無心事業表裏洞然無際不與萬法爲侣不與千聖同途深根固蒂只守閑閑地養來養去不憂不徹但盡凡情作自己工夫勿管外緣勿逐名利起我見競勝負是故古德道任運猶如癡兀人他家自有通人愛傑知莊倏來告別求警策因書此語授之

示成修造

蔣山門下無禪可說無道可傳雖聚半千衲子唯以箇金剛圈栗棘蓬跳者著力跳吞者用意吞莫恠無滋味太峻峻或若驀地體得

如畫錦還鄉千人萬人只仰羨得要且見他

所從來不得所謂人人本分事也才生心動

念承當擔荷早不本分了也直得萬機休罷

千聖不携亦猶有依倚在快須擺撥透脫那

邊去始得所以道但有纖毫即是塵舉意便

遭魔所撓

四八

十一

成就一切總只由他破壞一切亦只由他竒
特殊勝緣恒沙功德藏無量妙莊嚴超世希
有事皆所成就慳貪憎妬情識執著有爲有
漏垢染雜亂解路名相知見妄想皆所破壞
也唯他能轉一切物一切物不能轉他雖無
形段面目而包括十虛含凡育聖若有取之
即墮見刺卒摸索不著

諸佛開示祖師直指唯心妙性徑截承當不
起一念透頂透底無不現成於現成際不勞

心力任運逍遙了無取舍乃真密印也

示果書記

臨濟正宗自馬師黃檗闡大機大用脫羅籠
出窠臼虎驟龍馳星飛電激卷舒擒縱皆據
本分綿綿的到興化風穴唱愈高機愈峻
西河弄師子霜華奮金剛王非深入闇奧親
受印記皆莫知端倪徒自名邈只益戲論大
抵負冲天氣宇格外提持不戰屈人兵殺人
不眨眼尚未鬚其趣向況移星換斗轉天
輪回地軸耶是故示三玄三要四料簡四主
賓金剛王寶劍踞地師子一喝不作一喝用
探竿影草一喝分賓主照用一時行許多落
索多少學家搏量注解殊不知我王庫內無
如是刀弄將出來看底只賤得眼須是他上
流契證驗認正按旁提須還本分種草豈假

梯媒只如寶壽開堂三聖推出一僧壽便打聖云你恁麼爲人非獨瞎却者僧眼瞎却鎮州一城人眼去在壽擲下拄杖便歸方丈興化見同叅來便喝僧亦喝化又喝僧復喝化云你看者瞎漢僧擬議直打出法堂侍者問

門

古

有何相觸悞化云是他也有權也有實我將手向伊面前橫兩遭却不會似此瞎漢不打更待何時看他本色宗風迥然殊絕不貴作畧只欽他眼正要扶荷正宗提持宗眼須是透頂透底徹骨徹髓不涉廉纖迥然獨脫然後的的相承可以起此大法幢然此大法炬繼他馬祖百丈首山楊岐不爲忝竊爾

示韓朝議

乃佛乃祖直指此大法於人人脚跟下洞照如千日並出但趣外奔逸久不能自信有如

是大威德光明唯務作聰明立知見向業惑中以謂出乎等夷銜耀自得向人間世所習古今博究廣覽謂窮極底蘊殊不知螢火之光豈比太陽所以古之奇傑之士顛脫之性就近而論如裴相國楊大年之儔投誠放下就宗師決擇剗去浮塵知見大徹大悟始能超軼與老禪碩德抗行履踐到臨合殺結角頭自解撒手克證大解脫豈小事哉今既明敏不減前輩平時學業才力邁往於世路久之雖知宗門有此段因緣謂不出我所宗尚門八十五殊不著意以夙昔大緣相值歐峯經年會聚一聞舉揚即起深信迴光返照顧人間如夢如幻隨大化變滅乃虛妄爾唯此千劫不壞不移易一切聖賢根本乃造物之淵源印定自己若一發明七通八達何往不自得哉是

知宿世亦曾薰炙遇緣而彰見於行事豈非
自性耶然能自檢點二六時中學佛法已是
雜用心則去却佛法乃真淨界中行履矣但
請依此一切不雜即純一洞然無愛憎離取
捨不分彼我不作得失一切法坦然皆我家
不思議處淨妙圓明受用之物爾須令此心
長時現前不墮沉昏不生聰慧入平等安閑
寂靜境界那有惡作業緣識情干撓得此本
妙光明也只恐臨境界面前都盧忘失依前
紛亂則不堪也古之修行亦只以自所證入
時中照了截斷塵勞教活卓卓地悠久三二
十年純熟超出生死不爲難著力在行處不
只空高談說之而已古云說得一丈不如行
得一尺蓋定慧之力回轉業緣正要惺惺地
勇猛果決千百生中當受用其餘古人機緣

語句不必盡要會之但一著分明則著著如
此千變萬化豈移變得渠力用哉內心既虛
外緣亦寂著衣喫飯本自天真不勞雕琢若
或立勝見負我能即禍事也切須照管勿作
此態由是可入無我真實平等如如不動不
變淨妙清涼穩密田地矣誌公云不起纖毫
修學心無相光中常自在

示曾待制

禪非意想道絕功勲若以意想參禪如鑽冰
求火掘地覓天門八只益勞神若以功勲學道如
土上加泥眼裏撒沙轉見困頓儻歇却意識
十六息却妄想則禪河浪止定水波澄去却功用
休却營爲則大道坦然七通八達是故僧問
石頭如何是禪頭云碌碌僧云如何是道頭
云木頭此豈意想功勲所能辯哉除非直下

頓領截流便透則禪道歷然才擬作解則千
里萬里要是向來世智辯聰頓然放却消遣
令盡自然於此至實之地自證自悟而不留
證悟之迹翛然玄虛通達乃善

法門乃云諸人要識佛語心麼只你如今語
便是心心便是佛故云佛語心乃是宗也此
宗無門乃是法門古人太煞老婆拖泥涉水
若一舉便透猶較此子或窮研義理卒摸索
不著

圓悟佛果禪師語錄卷第八

溷胡困切。也。一。**糞**糞堯切。舉也。一。**糲**糲余六切。糲糲實也。一。**穢**穢盧谷切。穢穢圓。

圓悟佛果禪師語錄卷第九

門九

宋平江府虎丘山門人紹隆等編

示智祖禪德

世尊拈華迦葉微笑二祖禮拜達磨傳心豈有他哉箭鋒相拄也當其神契理御非言思

門九

所測唯知有向上宗風者證之雖千萬億載

猶旦暮爾是故乃佛乃祖求人初不草草要

是純剛打就利根上智然後提其要擊其節

如膠投漆舉一明三阿轆轤地無窠窟絕滲

漏底始可首肯更須淘煉到盤錯交加人所

不能窮詰辨別處綽綽然游刃有餘當受用

時浸淫露手段有超宗越格不傍師旨獨出

胷襟壁立千仞驚羣敵勝方堪付授法既不

輕道亦尊嚴所謂源深流長也

從上古德動盡平生或三十二十年靠箇入

處期徹頭徹尾去志既有力用心堅確是以
成就得來擲地金聲大丈夫兒攀上景仰不
得不然彼既能爾我豈不能耶况透脫生死
窮未來際一得永得當深固根本根本既固
枝葉不得不鬱茂但於一切時令長在勿使
走作湛湛澄澄吞爍羣象四大六根皆家具
爾况知見語言解會耶一時倒底放下到至
實平常大安穩處了無纖芥可得只恁隨處
輕安真無心道人也保任此無心究竟佛亦
不存喚甚作衆生苦提亦不立喚甚作煩惱
翛然求脫應時納祐遇茶喫茶遇飯喫飯縱
處閑閑如山林初無二種見假使致之蓮華
座上亦不生忻抑之九泉之下亦不起厭隨
處建立又是贏得邊事何有於我哉大迦葉
云法法本來法無法無非法何於一法中有

法有不法古人得旨之後多深藏不欲人知
恐生事也抑不得已被人捉出亦不牢讓蓋
無心矣至於垂慈示方便亦只隨家豐儉如
俱胝一指打地唯打地祕魔擎又無業莫妄
想面壁降魔舞笏骨剉初不拘格轍勝負唯

門九

二

務要人各知歸休歇不起見刺向鬼窟裏弄

精鬼卓卓叮嚀到脫體安隱之地乃妙旨也
伶利漢脚跟須點地脊梁要硬似鐵遊人間
世幻視萬緣把住作主不徇人情截斷人我
脫去知解直下以見性成佛直指妙心爲堵

梯及至作用應緣不落窠臼辨一片長久守
寂淡身心於塵勞中透脫去乃善之又善者
也

示諸禪人

道本無言法本不生以無言顯不生法更

無第二頭才擬追捕已蹉過也是故祖師西
來特唱此事只貴言外體取機外薦取自非
上上根器何能薦爾承當得然有志於是者
豈計程限要須立處孤危辨得一刀兩段猛
利身心放下復子靠著箇似咬猪狗惡手段
底盡情將從前學解露布黏皮貼肉知見一
倒打摶却使曾次空勞勞地已思不露一物
不爲便能徹底契證與從上來不移易一毫
髮許直得如此更須知有向上超師作略始
得所以古者問佛向上答非佛又答方便呼
爲佛則見性成佛乃筌蹄爾是中云何指東
畫西直須密契自能將護方得灑灑落落更
說甚證涅槃契生死皆增語也雖然只山僧
恁麼道也未可取爲極則始免佛病祖病大
丈夫漢圖心要參豈可立限制耶但辦却深

三

信一徃向前未有不脚踏著實地者日新日
新日日新日損日損日日損退步到底便是
也至了是亦不立此正是作工夫處

示蔣待制

襄陽郡王常侍參鴻山大圓得旨有僧從鴻
山來常侍問山頭老漢有何言句僧云人問
如何是祖師西來意山豎拂子常侍云山中
如何領解僧云山中商量即色明心附物顯
理常侍云會便會著甚死急汝速去侍有書
與老師僧馳書回鴻山折見畫一圓相於中
書箇曰字鴻山呵呵大笑云誰知吾千里外
有箇知音仰山云也只未在鴻山云子又作
麼生仰山於地上作一圓相書箇曰字以脚
抹之而去看他得底人步驟趣向豈守窠窟
耶箇裏若善觀其變則能原其心既能原其

心則有自由分既有自由分則不隨他去也
既不隨他去何往而不自得哉

每接士大夫多言塵事繁縝未暇及此待稍
撥剔了然後存心體究此雖誠實之言只以
塵勞爲務頭出頭沒爛骨董地熟了只喚作

塵事更待撥却塵緣方可趣入其所謂終日
行而未嘗行終日用而未嘗用豈是塵勞之
外別有此段大因緣耶殊不知大寶聚上放
大寶光輝天焯地不自省悟承當更去外求
轉益辛勤豈爲至要若具大根器不必看古
人言句公案但只從朝起正却念靜却心凡
門九
四所指呼作爲一番作爲一番再更提起審詳
看從何處起是箇甚物作爲得如許多當塵
緣中一透一切諸緣靡不皆是何待撥剔即
此便可超宗越格於三界火宅之中便化成

清淨無爲清涼大道場也法華經云佛子住此地即是佛受用經行及坐卧常在於其中示張國太

即心即佛已是八字打開非心非佛重向當陽點破不尋其言一直便透方見古人赤心片片若也躊躇則當面蹉過也

不與萬法爲侣底是什麼人待你一口吸盡西江水即向汝道多少徑截何不便與麼承當更入他語句中則求不透脫多見學者只言卜度下語要求合頭此豈是要透生死要透生死除非心地開通此箇公案乃是開心地鑰匙子只要明了言外領旨始到此無疑之地矣

昔修山主要見地藏自陳此番來見和尚經涉許多山川極是辛苦地藏指云許多山川

於汝也不惡渠便桶底子脫去似此豈假多言道途之間也須保住始得

示方清老道友

老達磨來自竺乾豈嘗持一物及遊梁歷魏面壁少林無人識渠獨可祖効勤立雪斷臂始略垂慈由此印心若謂無言從何而入如謂有言向伊道甚將知須是箇人始十分領畧乃無滲漏所以入此門來要是根器猛利能疾速棄捨從前知見解路使曾次空勞勞不留毫髮洞然虛凝言思路絕直契本源泯然無際自得本有無得妙智方號信及見徹猶有無量無邊莫測莫量大機大用在儻留此能所墮在緣塵則卒急未便相應是故古德勸人直下休去歇去此段譬如快鷹快鷂捎雲突日迷風透青掀騰直截不容擬議苟

或躡躅乃蹉過也其爲教外別行則可知矣
既有志於是放下著覩體承當一切現成則
初祖不曾來自已亦無得

示李嘉仲賢良

全心即佛全佛即人人佛無異始爲道矣此
諦實之言也但心真則人佛俱真是故祖師
直指人心俾見性成佛然此心雖人人具足
從無始來清淨無染初不取著寂照凝然了
無能所十成圓陀陀地只緣不守自性妄動
一念遂起無邊知見漂流諸有脚跟下恒常
佩此本光未常靄昧而於根塵枉受纏縛若
能蘊宿根本從諸佛祖師直截指示處便倒
底脫却炙脂衲襖赤條條淨裸裸直下承當
不從外來不從內出當下廓然明證此性更
說甚人佛心如烘爐上著一點雪何處更有

白

六

如許多忉怛也是故此宗不立文字語句唯
許最上乘根器如飄風疾雷電激星飛脫體
契證截生死根破無明殼了無疑惑直下頓
明二六時中轉一切事緣皆成無上妙智豈
假歎喧求靜棄彼取此一真一切真一了一
切了總萬有於此心握權機於方外而應物
現形無法不圓何有於我哉要須先定自己
著落立處既硬糾紏地自然風行草偃所以
王老師十八上便解作活計香林四十年乃
成一片塵勞之儕爲如來種只在當人善自
看風使帆念念相續心心不住向此長生路
上行履即與佛祖同得同體同作同證況百
里之政柄在手頭安民利物即是自安萬化
同此一機千差並此一照盡塵沙法界可以
融通何況人佛無異耶

示遠猷奉議

從上徑截一路直拔超昇無出直指人心見性成佛但此心淵奧脫去聖凡階級只貴利根上智於無明具縛窠窟中不動纖毫直下頓契廓徹靈明與有情無情有性無性同體

四九

七

與大法相應發起作用透古超今騎聲蓋色虛而靈寂而照無量無涯不思議大解脫一七穿八穴了無回互便識落著所以乃佛乃祖謂之單傳密付如印印空如印印水如印印泥萬德昭然十方坐斷獨證獨超初無依倚若起見作相則沒交涉也今時大有具種性之士能始末觀破幻緣幻境勇猛奮患向箇邊來亦有久存誠探曠者然患缺方便力止以知見解會爲明了殊不知全坐了但是識心縱解到佛邊窮到修證盡頭處不出

指蹤在是故古來作家宗師不貴人作解會唯許人捨知見脣中不曾留毫髮許蕩然如太虛空悠久長養純熟此即是本地風光本來面目也到此亘古亘今之地脫離生死有甚難也如裴相國龐居士樣直以信得及便得力受用自在塵緣幻境豈從別處生若脚下諦實二六時中能轉一切物而無能相等閑空牢牢地不生心動念隨自天真平懷常實便是從宦遊幹幹悉皆照透承那箇恩力既識渠如下水船相似畧左右照顧扶持將去自然速疾與般若相應此禪流所謂自做工夫觸處無有虛棄底時節綿綿相續辦長久不退轉心不必盡棄世間有漏有爲然後入無爲無事當知元非兩般若懷去取則打作兩橛也一切時一切處唯以此爲實在力

行之當截斷衆流得大安樂矣

示宗覺大師

佛語心爲宗宗通說亦通既謂之宗門豈可
支離去本逐末隨言語機境作窠窟要須徑
截超證透出心性玄妙勝淨境界直徹綿密

門九

穩當向上大解脫大休大歇之場等閑雖似

空豁豁地而力用圓證不拘限量千人萬人
羅籠不住所以迦文老人久默斯要三百餘
會畧不明破但隨機救拔候時節到來乃於
靈山露面皮拈出獨有金色頭陁上他釣釣

謂之教外別行若諸此旨則威音已前漏逗

了也點化將來雖隨類化身千般伎倆萬種

機緣無不皆是箇一著子此豈單見淺聞存
知解隨機括者所可測量是故從上來行棒
行喝輦毬擎叉喫茶打鼓揷鉢牧牛彰境智
行輦毬擎叉喫茶打鼓揷鉢牧牛彰境智

據坐掩門喚回叱咄與掌下踏莫不皆本此

唯本色衲子自旣了悟透徹又復遇大宗師

惡手段淘汰煅煉到師子咬人不隨藥忌直
截斬豁處方可一舉便知落處如師子入窟
出窟踞地返擲何人可測量哉此門不論拖

泥涉水草裏輒打葛藤眼麻瞶三搭不回者
唯是八面受敵未舉先知未言先契自然水
乳相合得坐披衣養得純熟待霜露果熟出
頭來便與麼用始合祖先本因地發行一周
佛事所以道要窮恁麼事須是恁麼人若是

門九恁麼人不愁恁麼事

示一書記

英靈衲子蘊卓識奇姿慷慨躋冠視身世聲
名如游塵浮雲谷響以夙昔大根器知有此
段超生出死絕聖越凡乃三世如來所證金

剛正體歷代祖師單傳妙心跋步蹴踏作香象金翅要馳驟飛騰於億千萬類之上截流摩霄豈肯爲鴻鵠燕雀局促於高低勝負較目前電光石火間瞥轉利害耶是故古之大達不記細故不圖淺近發片志欲高超佛祖荷擔一切所不能承當之重任普濟四生九類拔苦與安破障道愚昧折無明顛狂毒箭拈出法眼見刺使本地風光澄霽空劫已前面目明顯悉心竭力不憚寒暑廢寢忘餐刻意尚行潔清三業向三條椽下死却心猿殺却意馬直使如枯木朽株頑石頭相類焉地穿透豈從他得哉發大伏藏然暗室明炬擬艨艟於要津證大解脫不起一念頓成正覺且通箇入理之門然後升普光明場據無漏清淨殊勝偉特法空之座口海瀾翻奮無

礙四辯才立一機垂一句現一勝相普使凡聖有情無情俱仰威光同受麻庇尚未是絕功勲處更轉那頭千聖羅籠不住萬靈景仰無門諸天無路捧華魔外那能傍覷放却知見卸却玄妙賜却作用唯飢餐渴飲而已初不知有心無心得念失念何況更戀著從前學解諦句奇言理性分割名相桎梏佛見法見動地掀天世智辯聰自縛自縛入海籌沙有何所靠耶等是大丈夫應務敵勝驚羣滿自己本志願乃爲本分大心大見大解脫無爲無事真道人也

十

示勝首座

釋迦老多子塔前分半座已密授此印爾後枯華是第二重公案至於付金欄鷄足山中候彌勒是多少節文也達磨迢迢自西竺遊

梁歷魏冷坐少林深雪之中有箇斷臂老子解覲破不免漏泄分付伊謂之單傳密記子細究之一場敗闕自此便喧傳西來旨意世間隨流將錯就錯滿地流行分五家七宗遞立門戶提唱就實窮之端的成得甚麼邊事內九

是故從來達人不喫者般茶飯且如何却是諦當將知六合外著得眼早自別也况無邊香水海浮幢王刹表下視底乃少知落著所以道此大丈夫事撲迭掀豁步驟作略唯同風契證始善弘荷終不撒沙撒土遂與釋迦

金色碧眼神光共一坐具等閑垂手殺人活人初無窠窟只貴緊峭萬苦千辛至嶮至毒下得斷命手脚然後不虛印授也白雲師翁云神仙祕訣父子不傳

示無住道人

門九

維摩經依無住本立一切法金剛經應無所住而生其心古德云一切無心無住著世出世法莫不皆爾使有住則膠固豈復能變通那日月住則無晝夜四時住則失歲功唯其無住乃所以流於無窮是故住於無所住所以轉凡成聖即無作無爲無住妙用於萬有中得大解脫既達此意見此道唯力行不倦乃真道人也

示元長禪人

佛語心爲宗達磨傳此者矣而馬師爲蛇畫足慈悲落草乃云諸人欲識佛語心麼已是漏逗了也更言只如今語便是佛語此語出於自心便是佛心若舉揚正宗作如是話會如何出得作家八十四人耶是故從上來行正令底視之如將惡水澆潑人成甚模樣應

知者老子太煞屈曲事不獲已然今學者尚

看他底不破只管落語言執解會認光影做

窠窟好不性燥也可中有箇生鐵鑄就手裏
搥得頑石粉碎眼目定動擬議不來一綽便
透更說甚佛語心如之若何直饒千佛萬祖

躬親動地放光如雲如雨行棒行喝雷奔電
激不消箇熱不采等閑凡不收聖不管更喚
甚作生死苦提涅槃煩惱不如飢來喫飯困
來打眠此乃稍稍類他家種草也所以地藏
道你南方佛法浩浩地爭如我種田博飯哭
十成是以此爲事徹到無事如斬一綵絲一
斬一切斷把斷世界不漏絲毫諸見不生了
無滲漏以長歲月不動不退靠之自然成辦
杳林四十年方打成一片鴻山三十載牧一
頭水牯牛旣有此志深宜長久乃能堪報不

報之恩是真出家大解脫衲子也
示超然居士趙判監

曹山辯悟本問向甚處去云不變異處去復
徵不變異處豈有去耶答云去亦不變異自
非踏著實地安能透徹如此豈以語言機思
所可測量哉蓋履踐深極到無滲漏之致然
後羅籠不住學道之士立志外形骸一死生
混古今絕去來要須攀上流造詣至真諦實
淵奧闡域打辨自己脫白露淨無絲毫意想
墮在塵緣直下心如枯木朽株如大死人無
些氣息心心無知念念無住千聖出來移換
不得乃可以向枯木上生華發大機起大用
興慈運悲乃無功之功無作之作豈落得失
是非哉纔留一毫毛則抵牾於生死界自己
未能度安可度人維摩大士不住金粟住入

酒肆娼坊作大解脫佛事龐老子補處應身
不住兜率陀棄却珍寶漢江織笊籬與大宗
師擊揚與奪此段從上體裁莫不皆爾要須
滴水滴凍不拘朝野陶冶煅煉如曹山摩詰
老龐乃可以不廢悲願不亦宜乎自餘人間
門九

世紛紜塵空何足致曾次哉

十三

貴妃喬氏求法語

當人腳跟下一段事本來圓湛不曾動搖威

音佛前直至如今廓徹靈明如如平等只爲

起見生心分別執著便有情塵煩惱擾攘若
以利根勇猛身心直下頓休到一念不生之
處即是本來面目所以古人道一念不生全
體現六根纔動被雲遮多見聰明之人以妄
心了了放此妄心不下逗到歇至不動處不
肯自承當本性便喚作空豁豁地却擬棄有

著空是大病若有心棄一邊便是知解不能
徹底見性此性非有不須棄此性非空不須
著要當離却棄著有無直下貼貼地圓湛虛
凝翛然安穩便自能信此真淨妙心餉間被
世緣牽拖便能覺得不隨他去直須長時虛
閑自做工夫消遣諸妄使有箇自家省悟之
處始得古人云不離當處常湛然見則知君
不可見

示丹霞佛智裕禪師

祖師宗風步驟闊遠迥出教乘單提正印靈
山拈華而飲光笑領龍猛示圓相而提婆中
的少林覓心而二祖超證盧老說偈而大滿
付衣鉢人皆以爲密傳鞠其端倪乃是納敗
豈道妙深極之旨止如是而已要須如天之
高地之厚海之淵虛空之廣尚未鬚信過

量大解脫人回天轉地吸海枯竭喝散虛空
奮大機顯大用於無邊香水海浮幢刹外斬
魔外見網摧佛祖化權揭示不可示拈提不
可提之奧尚未爲的則雪峯鼈山得道雲巖
始終不知有乃戲論爾應須生鐵鑄就心肝

見

十四

轉身之計爾呆佛日一夏遣叅徒踏逐山後
古雲門高頂欲誅茅隱遁其志甚可尚今令
謙去山叟爲書數語及疏頭亦與輟長財成
之可取一觀也渠欲奉鋤正在高裁也

示楊無咎居士

殺人不眨眼手段乃可略露風規貴慧命流
於無窮差可人意耳

與耿龍學書

妙喜示來教見矻矻於此意況甚濃真不忘
悲願也而以宗正眼照破義路情解透見肝

膽何明眼如此正宗久寂寥後昆習窠臼守
箕裘轉相鈍致舉世莫覺其非大家隨語生
解祖道或幾乎息矣不有超卓頴悟之士何
以規正哉此真正念乃真外護也時節擾擾
山居領衆亦未可保全尚未有可乘之便爲

門九

十五

佛祖出興于世以大悲願力起無緣慈唯務
引接利智上根具大器量堪委任大解脫上
上勝妙玄機作人所不能爲超羣絕衆可以
彈指證無生可以立地越果海眼觀東西意
在南北如快鷹俊鷗戛戛騰空迷風曜日捎
王兔拂金鷄英靈掀豁乃拈當頭末上一著
子似電閃星飛不容擬議待伊全體脫去羅
籠直下不費一毫指點遂乃披襟透頂透底
領略即兩手分付是故體裁步驟如綈龍之
得水似猛虎之靠山雲突突風颭颭傾人肝

瞻耀人心可謂之本家種草所以維摩
大士大集會魔王現首楞嚴定魔界行不汙
菩薩之儔與夫文殊普賢金色頭陀之類皆
離倫拔萃而一旦舉華密傳豈常事哉以至
達磨西來神光燭地自爾多沒量大人特達

未舉先知未言先透在都下日獲參陪茲沿
帝命使宣撫司再會錦官特辱道照臨還索
葛藤因出此納敗缺云

破妄傳達磨胎息論

西方大聖人出迦維羅作無邊量妙用顯發
刹塵莫數難思議殊特勝因以啓迪羣靈其
方便順逆開遮餘言餘典盈溢寶藏及至下
梢始露一實消息謂之教外別行單傳心印
金色老子以來的的綿綿只論直指人心見
性成佛不立階梯不生知見利根上智向無

門九

十六

精通只向動用瞬揚語默舒卷縱擒與奪顯
發底事長時已思不露等閑兀兀地若百不知
百不會底人及乎挨拶著便見驚羣動衆
雖然鞠其至趣初無如許多事唯直下明妙
一切無心而已苟能棄去學解執著放教閑
閑地聖諦亦不爲自然契合從上來綱宗便
可入此選佛場中轉度未度轉化未化得不
是再來人間世不依倚一物無爲絕學真正
出格大道人耶詔使觀察楊公無咎高識遠
見博學多能而於祖道尤深造詣智鑑機警

明窟子裏瞥破煩惱根株中活脫應時超證
得大解脫是故竺乾四七東土二三皆龍象
蹴踏師勝資強機境言句動用語默有上上
乘器格外領畧當下業障冰消直截承荷於
餘時自能管帶打成一片度世絕流頓契佛

地尚不肯向死水裏浸却唱出透玄妙越佛祖削去機緣剗斷露布如按太阿凜凜神威阿誰敢近作家漢確實論量才有向上向下勝妙性理作用纖毫即叱之不是從來種草直下十成煅煉得熟踐復得實始與畧放過猶恐異時落草負累人瞎却正法眼嗟見一流拍育野狐種族自不曾夢見祖師却妄傳達磨以胎息傳人謂之傳法救迷情以至引從上最年高宗師如安國師趙州之類皆行此氣及誇初祖隻履普化空棺皆謂此術有驗遂至渾身脫去謂之形神俱妙而人間厚愛此身怕臘月三十日惶惶競傳歸真之法除夜望影喚主人翁以下日月聽樓鼓驗玉池覩眼光以爲脫生死法真詭訛間閻捏僞造窠貽高人嗤鄙復有一等假託初祖胎息

門九

十一

說趙州十二時別歌龐居士轉河車頌遞互指授密傳行持以圖長年及全身脫去或希三五百歲殊不知此真是妄想愛見本是善因不覺墮在荒草而豪傑俊穎之士高談大辯下視祖師者往往信之豈知失顧步畫虎成狸遭有識大達明眼觀破居常衆中唯默觀憫憐豈釋迦文與列祖體裁止如是耶曾不自回照始末則居然可知矣海內學此道者如稻麻竹葦其高識遠見自不因循恐乍發意未深入闡奧揭志雖專跂步雖遠遇增上慢導入此邪見林末上一錯求沒回轉其流浸廣莫之能遏因出此顯言庶有志願於大解脫大總持可以辯之而同入無生大薩婆若海泛小舟濟接羣品俾真正道妙流於無窮豈不快哉

示成都府雷公悅居士

如今照了本心圓融無際色聲諸塵那可作
對迺迺獨脫虛淨明妙要須徹底提持勿令
浮濛直下高而無上廣不可極淨裸裸圓塚
塚無漏無爲千聖依之作根本萬有由之建

立應須斗頓回光自照令絕形段分明圓證

萬變千化無改無移謂之金剛王謂之透法
身鈞間行住坐卧無不透徹物物頭頭靡有
間隔喚作乾白露淨單明自心不可只麼守
之守住便落窠窟却須猛割猛斷十分棄捨
轉捨轉明轉遠轉近抵死打疊令斷却命去
始是絕氣息人方解向上行復若論向上行
復唯已自知知亦不立釋迦彌勒文殊普賢
德山臨濟不敢正眼覩著豈不是奇特士一
棒上一喝下一句一言若細若麤若色若香

一時穿透方稱無心境界養得如嬰兒相似
純和冲淡雖在塵勞中塵勞不染雖居淨妙
處淨妙收他不住隨性任緣飢餐渴飲善尚
不起念惡豈可復爲所以道隨緣消舊業更
不造新殃

又示

道貴無心禪絕名理唯忘懷泯絕乃可趣向
回光內燭脫體通透更不容擬議直下桶底
子脫入此大圓寂照勝妙解脫門一了一切
了只守閑閑地初不分彼我勝負纔有毫芒

門九

十八

見刺卽痛刻之放教八達七通自由自在長
養綿密千聖亦覩不見自己尚似冤家只求
得遠離不隈傍翛然澄淨虛而靈寂而照勇
猛斷割徹底無纖毫撓脅次王老師謂之作
活計趙州除粥飯二時是雜用心悠久踐履

使純熟乃合從上來無心體道密密作用自
見工夫到下梢結角頭自然如懸崖撒手豈
不快哉

圓悟佛果禪師語錄卷第九

九

十九

音釋

圓悟佛果禪師語錄卷第十

門十

宋平江府虎丘山門人紹隆等編

住成都府天寧寺小叅師示衆云正令已行
十方坐斷千聖出來亡鋒結舌雖然如是事
無一向還有同生同死底衲僧麼時有僧問

門十

勿謂無心便是道無心猶隔一重關如何是

一重關師云十重也有進云如何是關中主
師云放過一著進云作何面目師便喝師乃
云只恁麼早多事也如今直饒舉一則語盡
古今言教一時明得正是和泥合水拈一件
物盡大地一時見透亦是好肉上剜瘡看他
從上得底人口如臘月扇直得醭生心如枯
木縱逢春夏未曾變動不是強爲任運如此
豈要你舉古明今拋沙撒土今夜事不獲已
將錯就錯與諸人打葛藤去也還知此事麼

盡十方界窮虛空際無絲毫透漏是箇金剛
眼睛更無外物所以尋常與兄弟道你纔觀
色早塞却眼纔聽聲早塞却耳纔嗅香早塞
却鼻纔吐氣早塞咽喉纔動轉早塞却身纔
起念早塞却意六根門頭淨裸裸赤灑灑只
是不肯回光返照看他古人於先德言下契
證通箇消息也不妨親切水潦被馬祖一踏
起來呵呵大笑云百千法門無量妙義只向
一毫頭上識得根源去豈不快哉臨濟在黃
檗三度設問喫六十棒及至大愚面前不覺
道元來黃檗佛法無多子似此得處豈不驚
群諸公還曾消息麼若也翻覆叅詳實是得
箇入處始知二六時中行住坐卧動轉施爲
一一超古越今無間無斷與他從上祖佛把
手共行尋常只守閑閑地不起毫髮凡聖情

量更有什麼得失可疑生死可出似此說話可謂對諸公面前無夢說夢無事生事忽有箇忍俊不禁出來喝散大眾拽下繩床痛打一頓也惟他不得然雖如是也須是實到者箇田地始得如今還有恁麼人麼山僧甘喫一頓且要與此人相見有麼有麼如無山僧今夜失利

示衆云祖師心印直截當機凜若劍鋒明如皎日當臺輝赫縱爾現前還有互相平展底麼僧問世尊久默斯要及至末後爲什麼獨召飲光密傳法眼師云正是龍頭蛇尾進云一點水墨兩處成龍師云帶累山僧進云苦瓠連根苦甜瓜徹蒂甜師云灼然進云也是烏龜契生菜師云取性乃云欲知佛性義當觀時節因緣時節若至其理自彰苟或時節

未至理地未明便乃業識茫茫無本可據敢問諸公即今是什麼時節莫是黃昏時節麼莫是小參時節麼莫是坐立儼然時節麼是說禪說道時節麼莫是萬像交參時節麼莫是心境一如時節麼若與麼罷侗且喜沒交涉今夜諸公在此權立片時山僧不惜眉毛確實評論者一段時節去也只如諸人在此聽山僧鼓兩片皮用作時節正墮常情須知山僧不曾說一字諸人不曾聞一言諸人與山僧各各有一段大事輝騰今古迥絕知見淨裸裸赤灑灑各不相知各不相到透聲透色超佛越祖若能退步就已脫却情塵意想記持分別露布言詮聞見覺知是非得失直下豁然瞥地便與古佛同一知見同一語言同一手作同一體相非唯與諸聖同亦乃

與歷代宗師天下老和尚同下至四生六道
醯鷄蠻蠻無不皆同不被前塵所惑知解所
撓不畏生死不愛涅槃放曠平常隨時任運
動靜施爲無非解脫能轉一切境界能使一
切語言非唯諸人分上如此至於古人無不

皆由此箇時節得入豈不見趙州初參南泉
悟平常心是道後來有問西來意便對道庭
前柏樹子以至鎮州出大蘿蔔頭我在青州
作一領布衫重七斤非唯趙州德山得此時
節入門便打臨濟得此時節入門便喝睦州
得此時節便道現成公案放你三十棒俱胝
一指頭上用此時節鳥窠吹布毛處見此時
節以要言之古來宗師無不皆用此箇時節
只如法眼曾舉參同契云竺土大仙心遂云
無過此語也向下中間也只是應時應節說

話至最後謹白叅玄人光陰莫虛度乃云住
住恩大難酬設使粉骨碎身亦報此恩不得
豈不是知此時節方恁麼說如今若未有發
明處去只虛度光陰若叅得徹底分明去二
六時中管取無絲毫許落虛非唯二六時中

下至百千億劫盡未來際悉不落虛只如山
僧說恁麼時節還得諦當也未復云夢也未
曾夢見在且道還有爲人處也無若善叅詳
只者一句亦不虛設有箇山頌舉似大衆秋
深天氣爽萬象共沉沉月瑩池塘靜風清松

檜陰頭頭非外物一一本來心直下便薦取
切莫更沉吟

示衆云當軒有路直下坦平慣戰作家便請
單刀直入有麼有麼良久云諸人既是藏鋒
山僧不免作一場獨弄雜劇去也未恁麼前

是第二頭正恁麼時是第三首鉤間恁麼去
只是隨波逐浪如今且向隨波逐浪處與諸
人商量還蓋覆得麼還有一法與他爲伴侶
麼所以道他能成就一切法能出生一切法
一切諸佛依之出世一切有情因他建立六

四十

四

道四生以他爲本只如諸人即今在此坐立
悉皆在他光中顯現還見得他麼若也見得
直下無一絲髮隔礙無一絲髮道理更有什
麼見聞覺知爲緣爲對但恐自家不能返照
所以生疑尋常不是向諸人道千言萬言但
只識取一言千句萬句但只識取一句千法
萬法但只識取一法識得一萬事畢透得一
無阻隔直下脫却情塵意想放教身心空勞
勞地於一切時遇茶喫茶遇飯喫飯天但喚
作天地但喚作地露柱但喚作露柱燈籠但

喚作燈籠一切亦然二六時中只麼平常無
一星事雖然如是若有箇無事懷在胷中亦
未得自在有箇有事亦未得自在直須有事
也無無事也無無二亦無猶在半途若是聊
聞舉著入骨入髓信得及底人聞恁麼說話
大似熱枕鳴聲尋常間說箇禪字便去河邊
洗耳等閑地不著便偶然道著箇佛字也須
漱口三日寧可生身入地獄求劫受沉輪向
鑊湯鑪炭裏煮爛終不肯將佛法作解會亦
終不起佛見法見佛見法見尚自不起何況
更起世間情想分別妄緣諸業且作麼生見
得此人作麼生親近得此人有具眼底麼出
來道看如無待三二十年後山僧換却骨頭
別與諸公通箇消息

示衆云大道本來無向背擬心湊泊已差池

四

五

吒呀卓朔能哮吼即是金毛師子兒還有恁麼底出衆相見僧問如何是定乾坤句師云唯我獨尊進云橫身當宇宙去也師云好與三十棒僧云便請師云許你大膽進云是何言歟師云直待雨淋頭便打乃云朕兆未分已成露布言詮纔立特地乖張雖然第二義門且不是和泥合水大衆還知此事麼坐斷千差路不立一纖塵巍巍堂堂暉暉暉暉蓋天蓋地應聲應色不與千聖同途不與萬法爲侶卷舒自在無執無拘若也見得可以向百草頭上縱橫聲色堆裏坐卧言詮莫能及比況莫能得知不可知識不可識不是心不是佛不是物不是聖不是凡不是有不是無不是是不是非不是得不是失恁麼也得不得恁麼也不得到者裏如何稱提如何舉唱

山僧直得口似漏卮無理可伸無詞可說然雖如是官不容針私通車馬放一線道有箇商量豎起拳云還見麼諸佛以之出世祖師以之西來歷代宗師以之接物利生天下老師以之鉗鎌衲子其把定也乾坤失色日月無光盡大地人喪身失命其放行也巖谷生光森羅顯煥隨長隨短隨有隨無處處皆真頭頭露現且道把住好放行好三十年後逢人不得錯舉

示衆云獨棹扁舟泛五湖釣頭時復得嘉魚如今四海清如鏡還有金鱗上釣無負命者出衆相見僧問過去佛也恁麼見在佛也恁麼未來佛也恁麼未審和尚如何師云恁麼是箇什麼僧云正是恁麼師云蝦跳不出斗進云請和尚道出斗底句師云扁舟已過洞

庭湖乃云動則影現覺則未生不動不覺死水裏平沉既動既覺未免傷鋒犯手到者裏且作麼生舉唱且作麼生爲人然雖如是盡法無民古者道者一片田地分付來多時也我立地待你構去還知落處麼威音已前空卽^七

劫那畔這一片田地巍然不動及乎四生浩浩萬象騰騰世界遷流死生變化這一片田地亦巍然不動以至三灾劫壞毗嵐風起吹散大地猶如微塵者一片田地亦巍然不動諸佛出世祖師西來正爲發明者一片田地

從上宗師天下老宿千方百計施設方便無不盡力提持者一片田地雖然如是終未有人解當頭道著還構得麼八面坦平四方清肅萬法不能蓋覆千聖不敢當前若構得去了一切了一成一切成一見一切見一得

一切得所以道一塵纔舉大地全收一毛頭師子百億毛頭一時現但爲妄情執著無透脫期甘處凡流不能徑截苟或放得下無一法當情無一物附心蕩蕩無拘自然如水上按葫蘆相似觸著便轉捺著便動拘牽不回惹絆不得動靜語默蓋天蓋地明眼漢沒窠臼却物爲上逐物爲下若論戰也箇箇力在轉處更有什麼高低可疑是非可畏上門上戶咬人火急豈不是英靈特達底漢衆中還有恁麼底麼出來證據令人長憶李將軍萬里天邊飛一鶲

示衆云道無方所明之在人法離見聞斷之在智若能頓捨從來妄想執著於一念頃頓悟自心頓明自性不染諸塵不落有無自然法法成見然雖此事不可造次領會須是發

大丈夫慷慨特達之志不顧危亡不拘得失
存箇長久鐵石身心逢境遇緣不變不異時
時著眼體究不論歲月以悟爲期祖師門下
不比教家只要直截根源於一言下領取與
諸聖同體同用大解脫任運施爲無不見性

門十

八

至於雜亂狂慧思量分別有一絲毫斬不斷
則無趣入之期教中尚道是法非思量分別
之所能解又云以有思惟心測度如來圓覺
境界如取螢火燒須彌山終不能著祖師道
但盡凡情別無聖量凡情盡處聖量見前直
須頓歇妄緣無念無爲放教虛靜于聖萬聖
未有不從此門而得入者只在存誠堅固努
力向前但辨肯心必不相賺珍重

負憂怕還他不徹如此存誠不憂不到是故
古者道大事未辦如喪考妣又有一喻學道
中間間隔暖氣不接便抱十年終不得生龍
牙亦云學道如鑽火逢烟未可休直待金星
現燒燃始到頭况此大事三世諸佛爲之出
世自己透脫生死豈可因循如存若亡却請
努力向前以悟爲則各希取信珍重

門十一

九

示衆云具足凡夫法凡夫不知具足聖人法
聖人不會聖人若會即是凡夫凡夫若知即
是聖人此事一語兩當還委悉麼要識聖人
凡夫凡夫聖人長者長法身短者短法身大
小青黃一切法悉皆如如渾是箇大解脫門
更無別異但得情亡意遣一念真正隨處遇
緣皆爲妙用所以古人道處處真處處真塵

塵盡是本來人真實說時聲不見正體堂堂
沒却身至於天堂地獄草芥人畜六類四生
纖洪近遠無不皆真但爲未徹根源底居常
生心動念皆在塵勞業識中流轉未曾回光
返照所以枉受輪迴不得受用若能發慷慨
心啓特達志頓歇諸緣直下了得徹底分明
心地了了可謂行亦禪坐亦禪語默動靜皆
爲正體是故雲門道和尚子莫妄想山是山
水是水僧是僧俗是俗又道見拄杖子但喚
作拄杖子見屋但喚作屋謂之覲體全真有
般人取一邊捨一邊見處偏枯不能著實便
乃得失居懷被物所轉無自由分看他從上
古人得大受用利物垂慈全身擔荷或出或
沒或隱或顯或順或逆開建化門示徑截路
無不教人究本明宗離諸執著豈不見稜道

者參雪峯靈雲玄沙來往十五年坐破七箇
蒲團念茲在茲後因捲簾忽然大悟有頌云
也大差也太差捲起簾來見天下有人問我
意何如拈取拂子劈口打及手住長慶示衆
云撞著道伴交肩過一生參學事畢似此稱
提若不知有爭解恁麼道可謂從自己胷襟
流出蓋天蓋地又有問如何是合聖之言對
云大小長慶被閣黎一問直得口似匾擔若
善參詳可以丹霄獨步自在縱橫大眾還知
落處麼若也未知爲諸人拈出自白雲盡處是

青山行人更在青山外

示衆云德山小參不答話打鎖敲枷趙州小
參要答話將杖探水崇寧今夜也不管答話
亦不管不答話偶然向衣單下拾得箇千年
桃核舉似大衆乃橫拄杖云爾諸人若也恁

麼坐斷天下人舌頭復以拄杖卓地云爾諸人若也恁麼入地獄如箭射且道利害在什麼處若不同牀卧焉知被底穿

夾山寺入院小參師云牧光攝彩信天真事事圓成物物新內既無心外無相更於何處

覓通津還有透得趙州關底麼試出衆相見

問承師有言透得趙州關如何是夾山關師云退身三百步進云恁麼則九天雲靜鶴飛高師云豈干閻黎事進云共相證據也何妨師云持聾作啞師乃云牛頭沒馬頭回全彰照用金烏急玉兔速略露權衡透得過底似虎靠山如龍得水透不過底聞恁麼道似鴨聽雷鳴蓋未諳悉元由一向情存知解山僧今夜向作家面前不惜眉毛放行去也但能上無攀仰下絕已躬外不見大地山河內不

立聞見覺知直下擺脫情識一念不生證本地風光見本來面目然後山是山水是水僧是僧俗是俗雖然莫錯認定盤星更須知有解黏去縛向上機關始得且道作麼生是向上事鵠弓已掛狼烟息萬里歌謠賀太平

結夏小參師云大眾見成公案觸處圓成雖然老病蹣跚尚可開旗幟陣還有匹馬單鎗久戰沙場底麼出來相共證據僧問九旬禁足三月護生只如華貓取斷南泉分身兩段斑蛇適會赤眼就地一鋤未審是持是犯師云破戒也不知進云大用不拘今古楷模師云依舊分身兩段進云若然者玉筋撐開虎眼睛金鞭擊斷那吒臂師云你向什麼處見南泉歸宗進云只在目前師云重言不當吃問西天以蠟人爲驗未審此間以何爲驗師

云以眉毛爲驗進云還許學人出得麼師云更晚上看進云只恐覲不著師云短底短長底長有什麼覲不著師乃云全提單拈斬釘截鐵呵佛罵祖大用大機猶未稱衲僧本分事何況立問立答立賓立主涉語涉言說玄說妙無事生事平地上起波瀾雖然如是事無一向理出多途雖然看風使帆不免相席打令豈不見古人道欲識佛性義當觀時節因緣時節若至其理自彰只如今夜與明朝乃是二千年前釋迦老子立起模範九旬禁足三月護生時節天下叢林悉皆依稟既是此箇時節到來還有識得此理底麼若識得

水師復云大衆釋迦老子道以大圓覺爲我伽藍身心安居平等性智諸人既欲安居還識得平等性智麼若識得去人人具足箇箇圓成乃至動靜施爲悉皆在大伽藍中與他諸聖把手共行與他諸聖同作佛事且作麼生識得去三條椽下七尺單前各宜照管久立

結制小參僧問護生須是殺殺盡始安居未審殺箇什麼師云大有人疑著進云學人到者裏直得步步絕行蹤時如何師云未有金剛王寶劍在進云斬釘截鐵本分宗師朕兆夫分請師速道師云咷嚙舌頭三千里進云恩深轉無語懷抱自分明師云且莫詐明頭問一大藏教是拭不淨紙只如德山爲什麼擔疏鈔行脚師云放下著進云周金剛被婆蠟人可持其或未然應憐撫護雪直使蠟人

子一問直得亡鋒結舌又作麼生師云腦後拔箭師乃云絕彼我混虛空透聲色無面目終日喫飯不曾嚼一粒米終日著衣未嘗掛一縷絲總虛空華藏刹海列向下風過現未來諸聖倒退千里舉一步越不可說世界向

門十

十三

香水海那邊猶有去處拈一塵混一切無量無數十方上下一切諸佛祖師七穿八穴猶有餘地且道此人向什麼處安居住向什麼處禁足若知此人落處始知本地風光始見本來面目便能攝順逆於一塵中規行矩步現威儀於一念頃不越常程至於以大圓覺爲我伽藍猶是小段在若能恁麼見恁麼用恁麼信恁麼透管取無邊刹海自他不隔於毫端十世古今始終不移於當念九旬禁足三月護生於一念一步一塵一芥中見成受用

且道此人畢竟在什麼處還委悉麼披蓑側立千峯外引水澆蔬五老前

解制小參師云收因結果慎末護初一段因緣此時周備聖賢窠窟生死根株一鎗擊碎一刀截斷若是通方作者舉著知歸後進初機如何湊泊祇如生佛未分空劫已前威音王那邊還有結制解制也無雖然到者裏直饒千聖出頭來也須目瞪口啞那邊即且致只如今燈燭交光坐立儼然高者是天厚者是地山是山水是水有是有無是無長是長短是短正當恁麼時與威音王已前空劫那畔是同是別若向箇裏個儻分明目前無法會中無心上不見諸聖下不見凡夫外不見一切境界內不見眼耳鼻舌身意便能通同一切說什麼結制解制一鎗擊碎聖賢窠窟

一刀截斷生死根株設使臨濟德山文殊普賢乃至無量無邊具大解脫有大威神無數河沙浩浩地來不消一捏且憑箇什麼若不藍田射石虎幾乎誤殺李將軍

郡中出隊衆請小叅師云蘭城道友集如雲選佛場開不二門光飾碧巖無舌老小叅佳會四方聞聞者爭如見底見底爭如激揚酬

唱底還有作家禪客麼僧問三世諸佛只言自知歷代祖師全提不起一大藏教詮註不及未審和尚如何師云夾山到者裏口似匾

檣進云捉敗者老漢師云且喜沒交涉進云恁麼則天下人鼻孔被和尚穿却了也師云你且道夾山鼻孔在什麼處僧便喝師云也須穿却進云明眼宗師天然有在師云猶是落二落三師乃云開佛祖鑪鞴用向上鉗鎚

擬議不來則千里萬里當鋒薦得則坐斷要津此猶是化門之說若確實而論山僧有口無說處諸人有耳無側聆處乃至日月未足爲明虛空未足爲廣乾坤未足爲大萬象未足爲衆到者裏一搓一捺一挨一拶要見本分事且問如何是本分事大千沙界海中漚一切聖賢如電拂

師示衆云舉不顧即差互擬思量何劫悟且道舉箇什麼直饒解顧也是方木逗圓孔何況更涉思量計較道理轉沒交涉著實而論

門十十五
有什麼事直下無一絲毫事亦無一絲毫見聞玄妙道理得失到者裏便是千聖出來要舉揚也無下口處要作用亦無動轉處所以雲門云向你道直下無事早是相埋沒了也且道什麼處是埋沒處灼然能有幾人到此

此是文殊普賢大人境界豈是尋常涉道理
計校得失思量底還知麼須是絕情識絕玄
妙千聖只言自知亦無窠臼照用淨裸裸赤
灑灑巖頭道只露目前比子如擊石火此是
向上人行履若覩不見切不得疑著若無恁
麼事達磨西來經六百年亦不傳至今日爲
有恁麼事至今天下列刹相望——真善知
識踞師子座各各爲人天師牙如利劍口似
血盆其餘有窠臼有依倚黏皮著骨有得有
失有傳授盡打入弄泥團處去若是石頭馬
師百丈黃檗臨濟雲門玄沙巖頭法眼鴻仰
曹洞此等之流皆是向上宗師動靜施爲皆
在此中行履譬如師子捉象皆全其力至於
捉兔亦全其力如僧問雲居弘覺師子捉兔
捉象亦全其力未審全什麼力雲居云不欺

之力要須一一與他本分草料且那箇是本
分草料豈不見長沙道我若一向舉揚宗教
法堂前須草深一丈事不獲已向你道盡大
地是般若光光未發時無佛無衆生消息向
什麼處得來恁麼說話早是葛藤了也所以
尋常向兄弟道須是打疊情塵得失計較淨
盡驀地一場汗出自然活潑天下人不柰
何幸有如是威風有如是自在若隨人脚跟
轉見人涎唾喫則沒交涉且如仰山問同參
道近日見處如何對曰實無一法可當情山
云師弟解猶在境問何故仰山云汝豈無能
知一法可當情者他直得無一法可當情尚
遭仰山點檢到者裏無能所知無一法無無
一法也須是箇人始得所以喚作無事人方
始說本來無事既是本來無事只如目前萬

境縱然六凡四聖那裏得來直須超達始得
且作麼生是超達底句莫恠從前多意氣他
家曾踏上頭關

道林寺解夏正清虛小叅示衆云涼夜群動寂禪庭
印空闊白雲任卷舒當陽好定

奪還有作家無僧問一塵舉大地收一葉落
天下秋衲僧分上成得箇什麼師云前不迭
村後不迭店進云大小道林話頭也不識師
云切忌虛空裏鵠啄進云和尚恁麼道那師
云作麼生是你著實處僧擬進語師云了進
云爭奈落霞與孤鶩齊飛秋水共長天一色
師云賊過後張弓師乃云於內無心於外無
相於上無佛祖可仰於下無衆生可悲憲貪
嫉妬俱除慈悲喜捨併却兩頭坐斷中道不
拘淨裸裸絕承當赤灑灑無回互擊之不濁

揚之不清撥之不動攬之不轉直下坐斷萬
法頭上孤危不立於此安居隨處解脫更說
什麼長期百二十中期百日下期八十日且
功成一句作麼生道不憐鵠護雪旦喜蠟人
冰

冬夜小叅師云佛祖大機人天正眼昧兆未
分時無許多事及至一氣已分便有生住異
滅春夏秋冬若隨波逐浪去種種建立觸處
圓融若截斷衆流去把住要津不通凡聖若
也二途不涉脚跟下灑灑落落豈不是本分

衲僧且道無陰陽地上如何通信直待明年
三月盡莫言冬後雪霜寒

小叅僧問猿抱子歸青嶂後鳥衝花落碧巖
前此是和尚舊時安身立命處如何是道林
境師云寺門高開洞庭野殿脚挿入赤沙湖

進云如何是境中人師云僧寶人人滄海珠
進云此是杜工部底作麼生是和尚底師云
且莫亂統進云如何是奪人不奪境師云山
僧有眼不曾見進云如何是奪境不奪人師
云閻黎問得自然親進云如何是人境俱奪

師云收進云如何是人境俱不奪師云放進
云人境已蒙師指示向上還有事也無師云
不可土上更加泥師乃云恁麼恁麼如虎帶
角不恁麼不恁麼似兔無角恁麼又却不恁
麼暗隔兩重關不恁麼又却恁麼全行向上
路此四句若排著四邊則爲禍爲祟若一時
割斷則爲祥爲瑞何故他從上來本無許多
事只爲群機有利鈍所悟有淺深是故勞他
諸聖出來應物現形隨機逗教便有權有實
有照有用有殺有活有賓有主有問有答萬

別千差只如正當恁麼時可中若有箇漢牙
如劔樹口似血盆一棒打不回頭出來掀翻
露布截斷葛藤天是天地是地山是山水是
水長是長短是短方是方圓是圓一絲毫不
得動著直下承當便能丹霄獨步與他諸聖

把手共行有佛世界互爲賓主接物利生無
佛世界風颶颶地坐斷要津不通凡聖然雖
恁麼若是於中端的恁麼來底且道與他作
麼商量待老僧上山斫棒來

小叅僧問玄沙不過嶺保壽不渡河未審意

旨如何師云直超物外進云雪峯三度到投
子九度上洞山是同是別師云別是一家春
進云恁麼則春色無高下華枝自短長師云
一任卜度師乃云大道坦然更無回互同證
者識同道者知若有實法繫綴羅籠人入地

獄如箭射所以諸佛出世祖師西來實無一法與人只要諸人休歇若實到休歇田地二六時中如天普蓋似地普擎更不剩一絲毫亦不久一絲毫淨裸裸赤灑灑見成公案若更躊躇四顧說有說無論得論失有會有不

門十十九

會有得有不得落二落三去也所以上古尊

宿天下老和尚拂子邊拄杖頭現無量神通其實與你諸人解黏去縛抽釘拔楔令汝直下到安閑之地也無證也無得亦無周由者也七十三八十四若也未到不免搽糊去也

一切境界一切有無一切法門但於一言下一念頃脫得情塵去塵塵刹刹廓周沙界大小長短方圓青黃赤白全是本心於見處淨裸裸於聞處八面玲瓏無得失是非無長短好惡山是山水是水僧是僧俗是俗無異無

別若能實頭到者箇田地離情塵絕露布不落勝妙更須知有一塵中舍一切境界一切境界入一座中悉皆含攝於一毫端現無邊刹海直得恁麼更須知有大用現前時節始得且作麼生是大用現前底時節畢竟水須

朝海去到頭雲定覓山歸

冬夜小參有作思惟從有心起一輪生滅行無間道修無漏業萬古超然拈一放一半開半合未免在窠窟裏殊不知往復無間動靜一如融大千沙界於一座會十世古今於一念去來起滅甚處安排春夏秋冬如何理論到者裏淨裸裸赤灑灑沒可把東西不辨南北不分底則故是未知落處久參先德腳踏實地且道正當恁麼時如何還委悉麼群陰消剥盡來日是書雲

除夜小參樹凋葉落瓦解冰消歲暮年窮家
殘戶破以世諦觀之是不稱意境界以道眼
觀之却是好箇消息豈不見香嚴道去年貧
未是貧今年貧始是貧去年貧有卓錐之地
今年貧錐也無卓又有古德道富實即易貧

窮即難本分人打得徹信得及見得透物物
頭頭俱爲妙用塵塵刹刹悉是真乘若便恁
麼歇去敢保老兄未徹在那堪更說漸說頓
說玄說妙說理說事却須放却玄妙放却理
性打破向上向下截斷佛印祖機直得東西

不辨南北不分懵懵瞶瞶遇飯喫飯不知是
飯遇茶喫茶不知是茶到者裏猶只得箇衲
僧門下潔白露淨底是故洞山道見佛與祖
是生冤家始有參學分正當恁麼時全體現
成佛界不收魔界不管且道向什麼處行履

若識得去便成年窮歲盡相續不斷相續不
斷歲盡年窮正當恁麼時一句作麼生道今
歲今宵盡來年來日新

解夏小參云年豐歲稔道泰時清唱太平歌
樂無爲化護生既滿蠟人愈冰秋色澄澄金
風拂拂正當恁麼時說什麼釋迦彌勒文殊
普賢德山臨濟向上向下有事無事直下一
時坐斷直得風颺颺地人人分上壁立千仞
各各面前飛大寶光且不落夤緣一句作麼
生道麓峯頭倒卓石筍暗抽枝

四

二十一

圓悟佛果禪師語錄卷第十

音釋

慧 懂 劍 也 韋 儻
也 不 截 忽 豈 切 倆
麌 止 麥 魚 發 例 他 厲
切 盧 也 切 繖 北 儻 例
谷 風 動 末 卓 切 儻
風 悅 摺 切 异 儻 例
聲 合 貌 縱 例 他 厲
也 切 鵠 啟 苦 鏡 蘭
蒙 眇 物 咸 切 拜 鏡
作 懂 母 鳴 鳴 切 龍
多 總 神 雖 蘭 切 都
動 切 瞳 禍 遂 吹 蘭
切 瞳 禍 遂 吹 蘭
蒙 正 也 切 火 步

潦 切 鍵 胖 宵 刻 烏
倒 蹤 切 巨 故 切 欽
也 鐙 例 僊 切 切
嵐 繻 緣 例 蘭 切
線 隘 例 蘭 切 酢
也 主 舍 切 蘭 白 普
切 眇 大 逆 莫 磻 木
眼 瞳 各 切 縱 結 切
直 澄 鵬 各 切 飛 縱
視 應 例 縱 小 飛 縱
貌 切 周 鳴 母 緩 七
咗 口 加 例 鳴 丁 脣
張 丘 鳴 聊 切 煙 容
貌 切 蹤 例 聊 也 意
調 容 盧 切 治 切
容 盧 切 瓜

圓悟佛果禪師語錄卷第十一

紫一

宋平江府虎邱山門人紹隆等編

道林寺小參云四海共參尋十方同聚會路
逢達道人不將語默對還有共相酬唱底麼
僧問千尺絲綸直下垂一波纔動萬波隨夜

靜水寒魚不食滿船空載月明歸未審此理

如何師云離鈎三寸高著眼進云恁麼則自

是不歸歸使得五湖烟浪有誰爭師云乾坤

大地一時收進云只如垂鈎四海只釣獐龍

格外談玄爲尋知識誰是知識者師云赤心

片片進云巨浪湧千尋澄波不離水師云寒

山逢拾得撫掌笑呵呵問云路逢達道人不

將語默對既不將語默對將何祇對師云吞

聲削跡進云一言難啓口千古意分明師云

且須急著眼進云有句無句如藤倚樹如何

得透脫師云倚天長劖逼人寒進云只如樹
倒藤枯爲山爲什麼呵呵大笑師云愛他底
著他底進云忽被學人掀倒禪牀拗折拄杖
又得箇什麼伎倆師云也是賊過後張弓師

乃云不與一法作對正體迢然萬象不能覆
藏神機歷掌望州亭烏石嶺僧堂前相見已
涉請訛不是心不是佛不是物已拖泥帶水

到者裏上根利智剔起便行不落言詮不拘
機境直下向文彩未彰已前一時坐斷可謂
如天普蓋似地普擎如虛空寬廣如日月普

照無處不圓無處不遍所以道向上人見處

把斷世界不漏絲毫無得失是非離見聞知

覺如壺公瓢中自有天地日月至於一語一
默一跬一步一挨一拶坐斷千差路頭不許

天下衲僧正眼覩著所以道須是恁麼人方

解恁麼事只如今坐立儼然頭頭物物悉皆全體現成處且道如何照了萬古碧潭空界月再三撈撻始應知下座

小參僧問古者道釋迦彌勒猶是他奴且道他是什麼人師云三家村裏孟八郎進云恁

麼則曾襟流出師云更是阿誰進云正是他

奴師云坐却舌頭進云情知老漢弓折箭盡師云是進云自領出去師云看你作麼生折合進云只如隔身句又作麼生師云離四句絕百非進云掀倒禪牀師云未信你在師乃

云明頭合暗頭合手執夜明珠面面佛提取金剛劍有向上鉗鎗具作家眼目千聖羅籠他不住萬法繫綏他不得等閑不掛一絲毫坐斷十方淨界所以道大丈夫秉慧劍般若鋒今金剛焰非但能摧外道心早

曾落却天魔膽只如今神威凜凜霜刃堂堂頂額上正用此機脚跟下切須薦取若也薦得坐斷報化佛頭不落古今不拘得失若薦未得往往頭上漫漫脚下漫漫且涉流轉物一句作麼生道巨浪湧千尋澄波不離水下座

小參僧問春風浩浩烘天地是處山藏烟靄裏無位真人不可尋落華又見隨流水如何是無位真人師云剔起眉毛向上看進云恁麼則獨據千峯上全威百草頭師云我行荒

草裏汝又入深村進云自知較一半師云你還知麼進云知師云也較一半進云只如臨濟道無位真人是什麼乾屎橛又作麼生師云未得衲僧一半氣息進云爲什麼如此師云只爲他頂門具眼進云可謂一回拈出一

回新一度用來一度快師云七十二棒翻成一百五十師乃云劙輪頂上全機獨露於孤峯石火光中利刃橫施於百草說權說實立照立用行棒行喝說事說理大似把髻投衙直下不說權不說實不立照不立用不行棒

不行喝不論事不論理也是擔枷過狀設使恁麼中不恁麼不恁麼中却恁麼正是曳尾靈龜到者裏佛祖也摸索不著若是透得底須知其中有一條通天大路把斷要津凡聖迹絕若也挨得一線開立得一機出則千聖萬聖羅籠他不住千人萬人尋覓他不著不懾罪而罪已消不集福而福已集不立絲毫行門而普賢行門遍滿十虛不立絲毫機智而文殊大用廓周沙界所謂戢立機於未兆釋迦彌勒攢眉藏冥運於即化德山臨濟却

步且不墮功勲一句作麼生道鑊湯爐炭吹教滅劙樹刀山喝使摧

蔣山寺小叅師云相逢不拈出舉意便知有萬人衆前顯瞞預不是目前機亦非目前事三千里外納敗闕直得盡乾坤大地無絲毫

法可當情靜悄悄地絕諭訛千聖不敢擬議致之諸佛頂顙上到者裏更說什麼行棒行喝論正論偏有語有默絕玄絕妙雙放雙收同死同生向窠窟裏作活計正當恁麼時且作麼生參究紫且作麼生捉摸作麼生拈弄作麼生證入若有絲頭伎倆去便乃見神見鬼更不作一絲頭伎倆未免墮在無事界裏箇事如壺公瓢中自有天地日月所以雪峯和尚道盡大地撮來如粟米粒大又道盡大地是沙門一隻眼鹽官又道虛空爲鼓須彌

爲甚麼人打得南泉道王老師不打者破鼓法眼道王老師不打立沙道深山巖崖千年萬年無人到處還有佛法也無雲門大師道日裏來去日裏辨人忽然教夜中取箇物無日月燈不曾到處作麼生取似此若不通透有纖毫隔礙則如山如嶽或若盡情透得

要行便行更疑什麼雖然如此直須是真實到者箇田地始得向萬丈懸崖處撒手百尺竿頭進步且道此事畢竟如何委悉撞著道伴交肩過君向瀟湘我向秦下座

師云一舉便知落處已是第八頭未跨船舷三十棒也是第九首直饒空劫已前威音那畔一時坐斷大似釘椿搖櫓膠柱調弦直饒顯目前機用目前事一問一答一挨一拶一出一入正如閉眼屎牀立地作夢若是明眼

漢須知不恁麼所以從上來事只要箇奇特人直下承當得坐斷天下人舌頭還有恁麼人麼如無不免含水和泥向荆棘林中出手去也遂舉拂子云還見麼三世諸佛六代祖師天下老和尚總在者裏至於萬象森羅日

月星辰四聖六凡盡無邊香水海醯雞蠻蠻一切舍情總在者裏以至諸人於日用中亦在者裏唯有山僧不在者裏且道爲什麼如此同途不同轍同死不同生衆中忽若有箇漢也不恁麼許你具一隻眼正當恁麼時如何定光金地遙招手智者江陵暗點頭下座師云言中有響句裏呈機告徃知來拈頭會尾須是恁麼人始解恁麼事且如諸人適來鐘未鳴鼓未響未到此間時還有如許多事麼還有一問一答道理麼若是箇漢未舉先

知未言先透及乎理隨事變事逐理圓鐘已
鳴鼓已響大眾簇簇恁麼上來有問有答有
賓有主且道於中還有恁麼事麼若有恁麼
端的底道理便是對面相謾實無如是事既
無如是事又且是箇什麼須知萬里無片雲
萬里無寸草所以道欲得親切莫將問來問
有時間在答處有時答在問處雖然如是要
且問不在答處答不在問處又道閻黎不是
不將來山僧不是不分付於中具金剛眼向
本分田地上承當乃無可無不可敢問大眾
著實底一句作麼生道未明心地印難透趙
州關下座

師云當陽舉唱直截根源貫古通今超情離
見恁麼恁麼二竅俱明不恁麼不恁麼雙遮
普照恁麼中有不恁麼不恁麼中有恁麼草

卷一

六

窠裏突出焦尾大蟲若能離此三句外撥轉
向上機即知諸人脚跟下有此一段大事輝
騰今古迥絕知見祖師雖西來諸佛雖出世
不曾加一絲毫諸佛不出世祖師不西來亦
不曾減一絲毫淨裸裸赤灑灑如印印空如
印印水如印印泥也須是不依倚一物不墮
聞見知覺不處是非得失直饒恁麼猶落他
祖師指處在所以道有祖以來若將祖師言
教爲人師範却成賺人去他只說無法本是
道又道佛說一切法爲度一切心我無一切
心何用一切法旣無一切心不用一切法則
者裏八字打開還知落處麼山僧露箇消息
去也須知過量人契此過量事下座

師云當軒正坐覩面無私離相絕名當機有
準露箇形相通一線道起箇面目示少津梁

如隔山見烟早知是火隔牆見角早知是牛
若要只管隨數逐名求玄覓妙則喪却自己
脚跟下大事埋沒從上來佛祖家風只如今
不依倚一物不顯箇消息還有共相證據底
度若證據得把斷要津不通凡聖不向二千
卷一
年前釋迦老子起模畫樣處各自點會何故
大丈夫兒他住處我不住他人用處我不
用祖師階梯是第二頭超佛越祖是第三首
淨裸裸赤灑灑當陽獨露是第八解所以道
末後一句始到牢關把斷要津不通凡聖若
是上流之士不將祖師言教爲人師範如龜
負圖自取喪身之兆鳳紫金網趨霄漢以何
期今夜與諸人一時拈却敢問大衆不落祖
師言教一句作麼生道萬緣不到無心處至
了渾如井觀驅下座

師云一向據令而行呵佛罵祖截斷衆流直
得釋迦彌勒文殊普賢退身無路臨濟德山
趙州睦州目瞪口啞千里萬里無片雲提議
不來三十棒恁麼舉唱本色衲僧愈生光彩
後學初機無摸索處一向垂慈落草立問立
答存主存賓有始有末三玄戈甲中論諦訛
四種料簡裏別皂白絲來線去照用雙行各
各脚跟下只推明一箇大機唯此一事更無
餘事恁麼舉唱後學初機通一線道其奈取
笑衲僧恁麼中有不恁麼不恁麼中有恁麼
權實雙運照用並行佛祖請訛離名絕相不
守窠窟單明向上一路猶是尋常茶飯更或
打翻許多露布則上是天下是地山是山水
是水僧是僧俗是俗都無許多得失玄妙又
落在無事甲裏四種爲人向此時爲諸人都

拈却且道畢竟如何所以道欲識佛性義當觀時節因緣時節若至其理自彰只如即今時節大檀越設齋已了陞堂已了懺罪已了薦亡已了更教山僧說箇什麼若能不以眼見不以耳聞不以意想不以口說則千里萬

紫一

八

里見諸訛千句萬句都穿却恁麼會得可以通徹古今更須知有向上事始得敢問大眾作麼生是向上事萬古碧潭空界月再三撈撈始應知下座

師云諸佛不出世那裏得者箇消息祖師不西來免見累及後代正當恁麼時天之自高地之自厚日月星辰之昭昭人物境界之浩浩不曾移易一絲毫何不向者裏薦取若向者裏薦得去管取是一員無事道人及至諸佛出世提持一大事因緣祖師西來傳持箇

正法眼藏令一切聞者見者生希有心起難遭想各各依佛依祖歷階梯超地位證無爲登聖果若恁麼薦得亦是一員無事道人更有箇具大闡提不起信根逢佛叱佛遇祖罵祖乃至滅却佛滅却祖令人不見佛不聞法

淨裸裸赤灑灑全體只是箇真實人若向箇裏薦得亦是一員無事道人有箇信得及把得佳依佛行而不著佛依祖證而不著祖善建法幢能立宗旨讚佛讚祖如錦上鋪華乃至天上天下如金如玉若向箇裏薦得亦是一員無事道人此四員無事道人中要選一員無事道人此四員無事道人中要選一人爲師且道選那一人爲師若道得試出來道看若道不得山僧不免露箇消息去也披蓑側立千峯外引水澆蔬五老前下座

師云離言離相總無許多不妨靜悄悄只恐

墮在死水裏去示相顯言如錦上鋪華不妨

鬧浩浩只恐入荆棘林去於此二途猶是時人昇降處不落時人昇降不住此二途且如何顯示還知箇裏麼有通天路有絕聖機向

猛虎口裏橫身毒蛇頭上揩痒是尋常茶飯所以道威音王已前無師自悟則得何故許

他有超師之作威音王已後須是因師打發

何故恐落天魔外道去所以道有時一句可與祖佛爲師有時一句堪與人天爲師透得

過信得及見得徹把得住方始契得古人豈

不見道見過於師方堪傳授見與師齊滅師

半德只如今釋迦老子豈不是師達磨大師

麼試出來露箇消息看也要見從上來種草

有麼有麼如無若不藍田射石虎幾乎誤殺

李將軍

師云有句無句如藤倚樹鉤頭香餌最諱訛

至道無難唯嫌揀擇時人窠窟無摸索若是具頂門上眼底衲僧三千里外別端倪有作家鑪鑪底宗師未跨船舷已分付所以道箇

裏是八十翁翁入場屋不是小兒戲箇箇須

是具金剛正眼漢始得明眼漢沒窠臼只露

目前些子咬去咬住有時一向不去有時一

向不住若論戰也箇箇力在轉處更說什麼

佛說什麼祖說什麼心說什麼性說什麼立

說什麼妙說什麼有說什麼無一筆勾下只

有一劍劍下有分身之意亦有出身之路然

於中若有箇脫情解去藥忘識機宜別休咎

底試出來對衆道看也要大家知有然雖恁

麼也須實到者箇田地始得敢問諸人是時

人窠窟是鈎頭香餌還委恁麼目前已脫常流見格外須知作者名

師云只恁麼坐斷天下人舌頭不恁麼穿却本色衲僧鼻孔恁麼中不恁麼要辨龍蛇不恁麼中却恁麼要擒虎兕離却四句外更有什麼事也許具一隻眼何故雙收雙放雙暗雙明同死同生同得同失也未爲分外雖然如是猶是建立邊事若據衲僧家自受用中要且不然只如衲僧家自受用處還有人明得麼若明不得佛法無靈驗若明得平欺一切人去今夜不妨向荒草裏合水和泥和泥合水與諸人商量豈不見南泉道祖佛不知有狸奴白牯却知有又道你當嚙嚙和和何不自家究取直待多知多解却來與老和尚作頭抵又道喚作如如早是變了也今時人

卷一

十一

直得向異類中行又道學道者如癡似兀難得趙州道我見千百億箇漢子盡是覓作佛底人中間求箇無心道人不可得雲門大師道和尚子莫妄想山是山水是水僧是僧俗是俗見拄杖子但喚作拄杖子見燈籠但喚作燈籠此謂之覩體全真只如恁麼處還容人作得失解會麼灼然論實不論虛直得如狸奴白牯相似直得如枯木朽株絕氣息慙慚癡癡癡瞞瞞千佛出世他也不知目覩瞿曇如黃葉相似方始是生鐵鑄就千人萬人羅籠他不住只如獨脫一句作麼生道莫謂無心云是道無心猶隔一重關檀越請小參師云盡大地是箇解脫門頭頭物物皆證入無邊刹海如來藏綿密密悉包容舉處峭巍巍用時淨裸裸譬如猛火聚

近之則燎却面門又如太阿劒擬之則神驚膽戰若是知有恁麼徹骨徹髓承當不勞鵠啄其或尚留觀聽猶滯皮膚須是透出金剛圈吞却栗棘蓬若透得一圈則百千億圈一時透過若吞得一蓬則無數億蓬一時吞得可以作奇特因可以現殊勝相無罪可懺而罪垢消除無冤可解而冤家解釋顯現一切難思議作爲無邊殊勝業只消箇一道清虛更不用周由者也正當恁麼時當機一句作麼生道聲前突出金剛眼彈指圓成八萬門頌云懺罪涤垢解冤釋結似日鎔霜如湯沃雪雲散長空一輪皎潔感應道交綿綿瓜瓞師云昨夜鐘鳴時復來有何事兩重三重己膠盆今夜鐘鳴時復來有何事兩重三重己落節若是知有底聊聞舉著徹骨入髓踢起

便行坐斷報化佛頭不落語默聲色却校些子如或準前只守窠窟山僧不免向無事處生事無言處顯言無葛藤處說葛藤無荆棘處立荆棘去也一塵纔舉大地全收四方八面淨裸裸華開世界起浮幢王刹明歷歷直得無情有情齊成佛道有說無說俱轉法輪此猶是法性海邊拈掇在若向衲僧門下直饒一棒打破虛空一喝喝散白雲釋迦彌勒猶爲走使德山臨濟目瞪口啞也未當本分氣宇在所以道坐却舌頭別生見解他參活句不參死句活句下薦得永劫不忘死句下薦得自救不了只如諸人即今作麼生會他活句莫是即心即佛是活句麼沒交涉莫是非心非佛是活句麼沒交涉不是心不是佛不是物是活句麼沒交涉莫是入門便棒是

活句麼沒交涉入門便喝是活句麼沒交涉
但有一切語言盡是死句作麼生是活句還
會麼萬仞峯頭獨足立四方八面黑漫漫復
云一口吸盡西江栗棘望殺老龐當陽若也

吞得管取海內無雙

紫

鄧朝議請小叅云宏機獨唱千聖潛蹤一句

十三

當陽十方坐斷有亦不管無亦不拘聖亦不
收凡亦不立明明無覆藏明明無滲漏頂門
眼照山河大地全彰肘後符開萬象森羅頓
現有如是奇特相有如是殊勝門只求向上
作家要接大乘根器所以道垂鉤四海只鉤
獐龍格外玄機爲尋知識若是利根種智具
大解脫性一聞一切聞了一切了一見一
切見一證一切證淨裸裸赤灑灑只如今還
有道得底麼試出衆露箇消息看若道未得

山僧者稟八字打開去也還委息得麼利根
上智須圓證十聖三賢一念超復頌云無對
毘耶彼上人頂門有眼耀乾坤只憑一箇無
言說遍界全開不二門

滁州太平寺知山請小叅云祖佛提掇不起

處正好作工夫魔外潛覷不見處猶宜猛著
力直得通身是眼也照他未了直得通身是
口也說他不著深深處有回互密密處有諸
詫到者稟德山有棒不論佛來祖來一例行
遣臨濟有喝不論佛來祖來一例施呈若向
棒下見未免瞞肝若向喝下薦更是漏逗須
知向上人有換骨換髓透色透聲透聖透凡
透聞透見底肘後符子所以道你若坐我則
立你若立我則坐若也同坐同立二俱瞎漢
到者裏還說心說性得麼說立說妙得麼說

理說事得麼說得說失得麼若有恁麼盡是依草附木精靈且獨脫一句作麼生道須彌頂上翻身處百尺竿頭撒手時復頌云昔歲依投蒙重顧今春還沐渡江來同風更話同風事千手通身正眼開

卷一

十四

文倫二上人薦安華嚴請小參僧問如何是理法界師云不動一絲毫進云如何是事法界師云縱橫十字進云如何是理事無礙法界師云銅頭鐵額鐵額銅頭進云如何是事事無礙法界師云重重無有盡處處現真身

一小中現大大中現小寃同法界細入隣虛無處不周無處不備毘盧遮那大法性海中不論聖不論凡不論有情不論無情一一把斷不漏絲毫處處常光現前一一壁立千仞若說理法界事法界事理無礙法界事事無礙法界正是沒交涉直饒棒頭取證喝下承當向空劫那畔識破根塵威音已前洞然明白尚未免在窠窟裏只如出窠窟一句作麼生道千峯勢到嶽邊止萬派聲歸海上消師云天無四壁迥絕羅籠地絕八維了無障隔與虛空同體合暗合明與虛空同壽亘古至今人人有一坐具地何用安排處處悉彌勒門開不須彈指盡是人人受用無去無來以大悲力成此勝事所以釋迦老子未離兜率已降王宮未出母胎度人已畢且道諸人

卷一

十五

分上還有者箇消息也無若無人人具足箇箇圓成因什麼却無若有諸人即今在甚處安身立命還知落處麼若知落處不動道場而徧能含受十方刹海一塵一刹隨處受生何待九龍吐香水分手指天地作大師子吼

須知未出母胎時已作大師子吼直至各各

時時念念處處悉皆圓滿清淨無爲無間無斷大解脫門正當恁麼時晝昇兜率夜降閻浮其中摩尼珠爲什麼不現敢問諸人中間作麼生還委悉得麼龍袖拂開全體現象王

行處絕狐蹤

師云大機圓應大用縱橫不墮千聖機關不遊諸祖窠窟舉一機千機截斷拈一事萬事齊彰須是他大解脫人乃能明向上宗旨豈不見維摩不離本座移妙喜世界如針鋒持

棗葉又不見大仰云拈一片木葉便是移一座仰山去是知箇事若在心機意識露布言詮上覓大似掘地覓天了沒交涉若是箇生鐵鑄就不涉化城不由迷悟不拘得失然後一明一切明一了一切了一見一切見一用

一切用此猶是衲僧家垂手應機爲人邊行履若使他獨照獨運乃至千聖覓他不著諸天捧華無路魔外潛觀不見周旋往返十方無礙一念普應前後際斷只如今坐立儼然燈燭熒煌且道是什麼時節若道是唯心境

上界正坐在荆棘林裏若道是向上時節亦未

跳出金剛圈在總不恁麼又作麼生還有人道得麼若不藍田射石虎幾乎誤殺李將軍頌曰天上人間不可陪同風千眼應時開智通居士真奇特道照三年兩度來

師云言發非聲和言擊碎色前不物與物俱
融聲色翳障全消聞見之源亦脫直得淨裸
裸赤灑灑清寥寥白滴滴一片本地風光一
著本來面目神通妙用底縱橫十字不離田
地穩密田地穩密底坐斷十方不離神通妙
用雙明中有雙暗同生中有同死恁麼也不
得不恁麼也不得恁麼也得不恁麼也得所
以道即此見聞非見聞無餘聲色可呈君箇
中若了全無事體用何妨分不分箇中見聞
是體聲色是用聲色是體見聞是用分也得
不分也得所以雲門道移燈籠向佛殿裏拈
三門向燈籠上若以衲僧正眼覲之猶爲小
事直得納須彌於芥中擲大千於方外也只
是箇半提所以盡乾坤大地都無空闕處更
須知有全提時節三世諸佛只堪齊立下風

六代祖師只得全身遠害當機直截一句作
麼生道三尺杖子攬滄波令彼魚龍知性命
給夏小參僧問馬祖云我今日勞倦不能爲
子說得問取西堂去此意如何師云三頭兩
面進云僧問西堂西堂云我今日頭痛問取
海兄去又作麼生師云同坑無異土進云僧
問海兄海云我到者裏却不會又作麼生師
云黑漆桶夜裏生光進云只如僧舉似馬祖
云藏頭白海頭黑又作麼生師云不許外
人知師乃云一粒粟中藏世界恒沙刹海始
安居萬緣不到千差絕超證無生等太虛至
實處不容聲至深處無回互明明蓋天蓋地
歷歷亘古亘今坐斷千差壁立萬仞千聖提
撕不到是衲子放下複子處千人萬人羅籠

不住是無爲無事人物折拄杖時雖然浩浩應機要且如如不動有時魔宮虎穴轉大法輪有時荆棘林中建立梵刹有時向十字街頭壁立千仞有時向孤峯頂上合水和泥有照有用有權有實所以道以大圓覺爲我伽藍身心安居平等性智則於千人萬人羅籠不住處始能安居於千聖萬聖提撕不到處始放複子敢問安居一句作麼生道還委悉麼但令身語常清淨夏滿何須驗蠟人

曾先生請小參云全機不動會羣像於目前覩面相呈截千差於格外動則影現覺即冰生不動不覺直下捏目箇中有一條路蓋天蓋地蓋色蓋聲密密綿綿平平穩穩若是箇曹溪門下客直到解脫處更不落二落三未舉覺已前早是落二落三了也何況舉覺言

詮總納敗闕所以道西天二十八祖亦如是唐土六祖亦如是天下老和尚亦如是山僧亦如是到者裏不著眼試觀看不著耳試聽看若向箇裏一時截得斷把得定作得主與千聖把手同一正因同一解脫然雖如是正當恁麼時不立階梯一句作麼生道還委悉麼聲前截斷千差路出格唯憑作者知復頌云一著當機截衆流選官選佛兩俱優相逢相見呵呵笑天上人間得自由

祖上人請小參師云生身父母居堂上從本爺娘在頂門一念頓消諸祖意堪任補報最深恩一漚未發已前滔滔流水一塵未舉之際茫茫刹塵若是具透關眼有過量見即知千聖萬聖羅籠不住若也一漚已發一塵已舉待著眼用意盡未來際窮虛空劫畢竟摸

索不著所以道盡大地是般若光光未發時無佛無衆生消息從什麼處得來正當恁麼時無佛無衆生無高無下無得無失無彼無我處還薦得麼若薦不得不免打葛藤去也

道是無得麼且喜沒交涉道是有得麼轉見業
十九

沒交涉道是不有不無得麼轉更沒交涉道

是離四句絕百非直是沒交涉須知道一條路一種機三世諸佛依此成立一大藏教依此詮註乃至世間虛空凡聖山河大地無邊香水海不可說不可說全從他流出只今若

知一漚未發已前恩德則自己脚跟下如千日並照如暗得燈如貪得寶如渡得船如民得王於一切時無一念落虛無參雜時全體恁麼來全體恁麼去只如空劫已前那畔一段事作麼生還委悉麼照開千聖頂門眼放

出威音物外春復頌云父母恩深重過於蓋與載若欲圖補報碎身莫能賽唯有般若力一句截情愛凱風吹棘心二百四十歲

修道者請小參天地與我同根其根深固萬物與我一體其體虛凝萬物之根亘古亘今

堅固之體包含萬有毫芒得意可以點鐵成金可以轉凡作聖如理如事即處即真一念不生前後際斷所以道不思議解脫力妙用恒沙也無極若論妙用去可以擊碎業山可以點竭苦海可以懺不懺之罪可以解不解之冤可以起必死之疾可以證無生法忍正當恁麼時不立功勳一句作麼生道還委悉麼千年暗室一燈破萬劫憊尤一句消頌云阿闍被疾投皇覺調御垂慈放月光法藥之功同佛力自然身病得清涼

小參師云一向說事說理論妙論玄談心談
性墮在葛藤窠裏一向行棒行喝立照立用
存捲存舒落在荆棘林中更或舉古舉今話
偏話正立主立賓也是撒沙撒土忽若見山
即山見水即水僧是僧俗是俗落在無事界

紫一

二十

內設使總不恁麼大似曳尾靈龜直饒獨體
單明亦是狐狸戀窟若有箇出身處去似地
擎山不知山之孤峻如石舍王不知王之無
瑕譬如猛火聚近之則燎却面門又如按太
阿劖搘之則喪身失命便可以不須說事不
須說理不行棒不行喝不立主不立賓見山
不是山見水不是水全體恁麼來全體恁麼
去總無許多露布葛藤聲色邊事且超然獨
脫一句作麼生道還委悉麼萬丈懸崖須撒
手大千沙界始全身

張戶曹請小參師云直下便是不通擬議尋
思還有作家禪客麼試出衆證據看僧問如
何是臨濟下事師云一刀兩段進云如何是
雲門下事師云三句縱橫進云如何是曹洞
下事師云五位君臣沒分付進云如何是鴻
仰下事師云進前退後絕商量進云那一句
如何師云何不問法眼下事僧禮拜師乃云
靈山提密旨獨有迦葉親聞少林演妙訣唯
許神光擔荷只爲機機相副箭箭相投用處
聲色純真舉時乾坤獨露密密意絕詭訛深
紫一
深機沒回互若是箇本色自由自在承當擔
荷得底更不落聲前句後亦不用擬議尋思
直下當陽分明領取所以道若論此事貶上
眉毛早已蹉過既已蹉過何用鼓兩片皮口
吧吧地豈不是當堂蹉過既若蹉過還知未

蹉過事麼若知未蹉過事雖終日說而不曾動著舌頭終日行而不曾移著一步終日喫飯不曾嚼一粒米終日著衣不曾掛一縷絲雖然如是此猶是建化門庭向下爲人處豈不見德山和尚但有問答語言向上向下盡是依草附木竹木精靈所以山僧從頭揀將去待有箇獨脫底與他商量後來浮山圓鑑道只者獨脫底也是草木之精且道還有爲人處也無山僧不惜眉毛入泥入水爲諸人平展還委悉麼但能萬法不干懷一超直入

如來地

披剃小參僧問正令當行十方坐斷宗風建立毫髮無差時節因緣願聞舉唱師云只是舊時面目進云斬新處乞師再示師云換却適來底進云法輪再轉於闐浮道光重映於

十載師云誰不恁麼進云只如無邊身菩薩爲什麼不見如來頂相師云有時恁麼有時不恁麼進云如何是和尚頂相師云錯僧禮拜師云果然果然師乃云重圓僧相復方袍優鉢羅華未易遭恩重邱山何以報報提綱要一秋毫盡十方世界若長若短若縱若橫以至香水海不可說不可說無邊刹海盡在箇一秋毫有時現無邊身東涌西沒南涌北沒中涌邊沒作無量無邊神通變化也只不出此一秋毫有時冷啾啾紫一地如枯木朽株寒灰死火一念萬年萬年一念也只不出此一秋毫乃至作爲無量無邊殊勝奇特難行苦行轉化一切成佛作祖亦不出此一秋毫諸人還知此一秋毫麼若知去未開口已前未舉意已前生佛未兆已前空劫已前好薦取

既薦得則卷而懷之任任運運如兀如癡不妨是一箇沒量大人如或未然却須返照回光若動若靜若住若行若坐若卧須是究他根源始得父母未生已前父母既生之後六根四大三百六十骨節完具寒時知寒熱時

知熱饑時知饑飽時知飽以至頂天履地舍齒戴髮盡承此箇恩力且道此箇恩力如何趣向還知麼一氣不言含有象萬靈何處謝無私

蔣山辭衆云終日相逢長背面終朝背面却相逢途中不是途中事不動巍然達九重者箇消息唯許作家明暗同途主賓互用雖去似去而不去雖來似來而不來卓爾超然動靜曾無兩種所以道動若行雲止若谷神既無心於彼此亦無象於去來如是則去來不

以象而確然去來動靜不以心而超然動靜在彼在此殊無間然一道清虛廓周沙界是以月上女出城舍利弗入城而舍利弗問云聖姊向什麼處去月上女云如舍利弗恁麼去舍利弗云我方入城汝已出城云何言如舍利弗恁麼去女云諸佛弟子當住何所舍利弗云諸佛弟子當住如來大解脫女云諸佛弟子既住大解脫所以我云如舍利弗恁麼去既得如來大解脫去而無去去迹入九

重城裏毘贊聖化住而無住住蹤在深山白雲中坐斷天下人舌頭既住如來大解脫安有動靜去來之意正當恁麼時作麼生道九重城裏真消息一句無私遍九垓復云憶得曹山和尚辭洞山山云向什麼處去曹山云向不變異處去洞山云不變異處豈有去耶

曹山云去亦不變異師云大凡衲僧佩肘臂
下符具頂門上眼向一切萬境萬緣當頭坐
斷豈不是箇無變異何故金剛正體湛寂凝
然曹山雖得此意爭奈洞山憐兒不覺醜若
是山僧待他道向不變異處去只向他道者

漢未出門早變了也

圓悟佛果禪師語錄卷第十二

音釋

可亥切

圓悟佛果禪師語錄卷第十二

紫二

宋平江府虎邱山門人紹隆等編

住東京天寧寺小叅師云一見更不再見今已再見一說更不重說今已重說未有長行而不住途中無者箇消息未有長住而不行屋裏沒此葛藤直得二途俱不涉去住得縱橫其住也千人萬人羅籠不得其去也等閑坐斷一切人舌頭假使親到者箇田地更須知有照用同時人境俱奪向上一竅始得若論向上一竅佛祖不立凡聖杳絕淨裸裸沒承當赤灑灑無回互正當恁麼時作麼生但願春風齊著力一時吹入此中來復頌云明珠在掌有功者賞長老新入院都盧無伎倆不立趙州關各自著槽櫬

四月八日小叅直下便是已涉階梯總不恁

麼猶落情識直得威音已前沒交涉七佛已後沒交涉向上向下總沒交涉然雖如是通方作者舉著便知尚滯皮膚難脫蹊徑所以向第二義門不恁麼中有時恁麼恁麼中有時不恁麼淨法界身本無出沒大悲願力示現受生雖則落草之談也須草中有通身之路敢問諸人要知本無出沒底道理麼乃堅起拂子云只者是要知示現受生麼豎拂子云只者是到者裏雙收雙放全暗全明爲中下之機則得直得九龍吐水一場惺怪目視四方轉納敗闕只有雲門大師解於鐵樹上生華道我若見一棒打殺與狗子喫却雲門大師麼山僧不惜眉毛放一線道去也還委悉麼不入千尋浪難逢稱意魚復云未離

兜率已降王宮未出母胎度人已畢一往看來却是子細點檢將來猶滯兩邊殊不知東
弔于遠走馬南瞻部洲作舞西瞿耶尼作拍
北鬱單越翻筋斗也無是也無非也無得也
無失且道畢竟如何八角磨盤空裏走

卷二
鄭王請小參僧問無修無證乃是本覺妙明

爲求佛果菩提正是有作之因去此二途請
師直指師云吹毛寶劒逼人寒進云一點靈
光異萬古照人間師云用一點靈光作麼進
云可謂言言合聖道法法自圓成師云他亦
本無言僧禮拜師乃云寬廓非外十方國土
目前觀寂寥非內一毫頭上寶王刹直得無
裏亦須有轉身一路始能得自在在豈不見
道大人具大見大智得大用發大機羣機泯

息立一言衆言絕謂直得言言機機頭頭相
副如金鎖連環相續不斷此猶是長生路上
事所以道言鋒若差玄關萬里直得懸崖撒
手自肯承當絕後再鰥寡君不得非常之旨
人焉瘦哉既有非常之旨必藉非常之人既

有非常之人必明非常之旨正當恁麼時如
何側身方外看誰是箇中人復云護生之德
徹坤維草木昆蟲樂聖時敵勝驚羣有奇特
如何是奇特囉囉哩哩擊禪床下座

卷三
小參目前無一法森羅萬法歷然格外立千

機權實照用廓爾其權也納須彌於芥子擲
大千於方外其實也上是天下是地山是山
水是水僧是僧俗是俗其照也廓周沙界而
無餘其用也喝似雷奔棒如雨點只如不落
權實照用不落格外千機不落目前一法正

當恁麼時如何湊泊若是心機透脫得失已忘玄妙理造有恁麼人聊聞舉著踢起便行釋迦自釋迦彌勒自彌勒解脫自解脫善財自善財其或未能便恁麼直下信得及把得定作得主却須於古人方便門建立處頭頭

上明物物上顯無一絲毫蹉過無一絲毫得失淨裸裸絕承當赤灑灑無回互踏著本地風光明見本來面目正當恁麼時如何著力不起纖毫修學心無相光中常自在復頌云佛佛道同同至道心心真契契真心廓然透出威音外地久天長海更深

益國夫人請小參云目前無一法綿密有誰知格外列千差到頭須自用若自用得去改禾莖爲粟柄易短壽作長年變大地作黃金攬長河爲酥酪不爲分外且如綿密處若辨得用處即是綿密綿密即是用處所以道世尊三昧迦葉不知迦葉三昧阿難不知阿難三昧商那和修不知商那和修三昧優波鞠多不知既是各各不知何故却相傳受到者裏不妨詣訛處直是詣訛綿密處直是綿密若會山僧適來答者僧問道和尚三昧什麼人得知答云山僧自知然雖如是大似把手上高山未免傍觀者晒更有一著諸人往往向知不知處作活計若道知去此人只具一隻眼若道不知去此人亦只具一隻眼離却

第三

四

知不知正當恁麼時如何大千沙界海中漚

一切聖賢如電拂復舉外道問佛昨日說什麼法世尊云說不定法外道云昨日定今日說什麼世尊云說不定法外道云昨日定今日爲什麼不定世尊云昨日定今日不定師云大小

世尊龍頭蛇尾若是天寧即不然忽有問早朝說什麼法對云不定法即今說什麼法對云定法或云早辰不定而今爲什麼定即向他道一釣便上

小參云提向上機須向上眼指其中事要其中人若能立千聖於下風擲大千於方外脚根下硬糾糾頂門上黑漫漫坐斷要津不通凡聖亦未是向上機亦未是其中事且作麼生是向上機其中事酌然將謂實有恁麼說話殊不知如將蜜果換苦葫蘆淘却業根俱無實事若是靈利底人聊聞舉著便知落處更不紛紜旣不紛紜則二六時中雖終日喫飯不曾咬著一粒米終日著衣不曾掛一條線終日說話不曾動著舌頭雖然如是能有幾人到此田地何故只爲不落心意識不落

淨穢邊透出威音那邊全明本元要地一棒一喝一挨一拶一出一入一問一答譬如擲劍揮空莫論及之不及斯乃空輪無迹劍刃無虧正當恁麼時著實一句作麼生道還委悉麼撒手那邊千聖外燈籠露柱放毫光頌云妙德空生讚莫窮摩醯正眼不通風大千擲在他方外作者須明向上宗

解夏小參云護生須殺雖殺無傷蠟人已永其功歷爾可以駕鐵船入海可以飛磨盤輪空半合半開成團成塊盡出箇大圓覺不得若有出得大圓覺底便能逆順縱橫殺活自在是故文殊菩薩一夏三處度夏一月日在魔宮一月日在長者家一月日在婬房既三處度夏却入世尊會中解制極爲不平所以迦葉欲白槌擯出文殊纔舉此念見會中有

無量釋迦無量文殊無量迦葉無量捷捷迦
葉既見恁麼直得目瞪口啞何故過量人有
過量見有過量用雖金色頭陀到者裏縮手
不得展手不去只如與麼時是大圓覺裏耶
大圓覺外耶須是通方作者始能證明何故
此是文殊普賢大人境界若參得文殊普賢
境界則無邊香水海無量無數微塵佛刹悉
爲安居處乃至現無邊身處處行住坐臥亦
不相妨亦不犯手正當恁麼時若是知音者
舉起便知所以天寧雖與大衆九十日安居
必竟諸人還知麼諸人若透頂透底去即是
文殊普賢境界若不透頂透底去即是迦葉
境界離却文殊迦葉收因結果一句作麼生
道還委悉麼九十日功今已滿豁開布袋各
優游

小參僧問如何是主中賓師云閻黎問處帶
纖塵進云如是則靈光千古秀萬法落階梯
師云階下立進云如何是賓中主師云山僧
不免自道取進云古佛位中無覓處深深草
裏露全身師云莫來者裏呈幪袋進云如何
是主中主師云坐斷舌頭無去取進云袖裏
金鎚光燦爛吹毛寶劍逼人寒師云七十五
棒翻成一百五十進云如何是賓中賓師云
青山之外更愁人進云如是則家貧不是貧
路貧愁殺人師云荒村古廟裏去進云只如
不涉賓主是什麼人師便喝師乃云目擊知
歸已爲分外未言先契猶涉程途須知箇中
有格外機行格外用明格外道證格外心灑
灑落落淨裸裸絕承當密密堂堂赤灑灑無
回互壁立萬仞處千差萬別千差處壁

立萬仞所以道垂鈞四海只釣綈龍格外談
玄爲尋知已於中若有箇便恁麼承當得格

外趣向便恁麼權衡得格外底作略時向伊
道箇什麼即得說玄說妙說佛說祖說心說
性已是此人棄下之增語論棒論喝論權論

實論照論用亦是此人不要之長物於其中

間不犯鋒鎚纖塵不立如何透脫還委悉麼
大道體寬無向背當陽須是箇中人

季廸甫請小參驀地相期全機獨證眼眼相
照心心相知俱不從他處得來盡皆在冒襟

流出正當恁麼時森羅萬像古佛家風碧落

青霄道人活計打開自己庫藏運出自己家
財與諸佛祖師同德同誠維摩龐老同拈同
放與裴相國王常侍同一機用同一境照更
無餘事截斷生死路頭打破煩惱窠窟不消

一句子且道是那一句子還委悉麼超然直
透威音外目前無法可商量

請小參云當陽直截不立階梯觀面相呈全
彰正體以世諦法接人去落在世諦法中以

佛法接人去落在佛法中以祖佛機接人去
落在祖佛機境中以向上拈提接人去落在

向上拈提中以恁麼恁麼接人去落在恁麼
恁麼中以不恁麼不恁麼接人去落在恁麼
恁麼不恁麼中以總不恁麼總不恁麼接人去
落在總不恁麼總不恁麼中到者裏羅籠他

不住處千聖出頭來也不敢正眼觀他雖是
當頭脫却向那邊承當也只得箇没交涉且
作麼生合殺去若有大根大器人向合殺處
挨得一線便可以拈一莖草作丈六金身用
有時將丈六金身作一莖草用有時拈燈籠

作露柱用有時拈露柱作燈籠用有時騎佛殿出三門放一線道拈新羅與占波國鬪額且道是何宗旨是何境界正當恁麼時當頭一句作麼生道滿目光輝無向背優鉢羅華火裏開

三

八

小參師云千差一舉舉處絕遮攔萬化一拈拈時無向背只如道上古諸佛未出世未成道未發心已前還有者箇消息也無若道有在什麼處若道無爭得者箇來所以前賢後賢前佛後佛只是提持得他景仰得他要不同失且畢竟作麼生出頭天外看誰是箇中人復舉京兆覲子和尚參洞山後居止無定不循律儀每日沿岸採掇蝦蜋以充腹夜即宿白馬廟紙錢叢中時有華嚴靜禪師聞之欲決真假先潛入紙錢中覲子夜深歸靜把住問云如何是祖師西來意覲子答云神前酒臺盤靜奇之懺謝而退師云諸人若未委悉山僧下箇注脚神前酒臺盤鐵彈大如拳一擊便擊碎不直半分錢

益國夫人請小參僧問最初威音王末後樓說不知有向上關捩子若教他知向上關捩

子祖佛亦提掇不出實爲土曠人稀相逢者少忽若有箇同死同生來與天寧相見且須容他何故他若坐山僧須下禪床山僧若坐他須側足而立直得如此雖然同途要且不同轍雖然同明要且不同暗雖然同得要且不同失且畢竟作麼生出頭天外看誰是箇中人復舉京兆覲子和尚參洞山後居止無定不循律儀每日沿岸採掇蝦蜋以充腹夜即宿白馬廟紙錢叢中時有華嚴靜禪師聞之欲決真假先潛入紙錢中覲子夜深歸靜把住問云如何是祖師西來意覲子答云神前酒臺盤靜奇之懺謝而退師云諸人若未委悉山僧下箇注脚神前酒臺盤鐵彈大如拳一擊便擊碎不直半分錢

至佛未審威音叅見什麼人師云叅見無面目底進云只如無面目人復見阿誰師云狂狗趁塊進云爭奈拄杖子在學人手裏師云你試用看進云到者裏直得無言可說無理可伸師云只得七成進云可謂師承不立遞代相傳師云一刀截斷進云既然如是和尚何用更覓白雲師云你道威音樓至佛即今在什麼處進云一串穿却師云頂額上更添一隻眼始得師云三世諸佛也恁麼歷代祖師也恁麼德山也恁麼臨濟也恁麼天寧豈可不恁麼所以早朝也恁麼而今也恁麼且道恁麼恁麼是箇什麼還委恁麼所以道向二一路千聖不傳學者勞形如猿捉影只如遇達者面前作麼生提掇作麼生請悉說理性玄妙得麼喝一喝得麼劃一劃得麼口吧

吧地得麼六六三十六九九八十一得麼且總不是者箇道理況此乃千聖不傳之妙者一片田地唯佛與佛乃能知之畢竟知後還傳與人不傳與人若傳得去龍頭蛇尾若傳不得千聖萬聖一箇箇到者裏若佛若祖於一切人機境不到處發明於一切人用不及處提掇一切人情識計較不得處坐斷千差路頭雖然拈一句簇錦攢華攢華簇錦可以趣向及至到那畔若也承當則沒交涉到者裏有捧有喝有權有實有殺有活有捨有縱唯許諸佛知不許諸佛會既許諸佛知爲什麼不許諸佛會會則傳得去也所以要人心機絕智境忘得失遣是非一時落謝萬境縱然而無何礙可以與千聖把手共行同用同證一切處光輝一切處澄湛去抽釘拔楔解

黏去縛只如今山僧對衆恁麼說還當得千聖不傳底麼灼然當不得既當不得又說作什麼千人萬人管取不奈何所以古人道雖然點破綱宗意在文彩未生時要一覲便透一咬便斷若也未會切不得疑著如今不惜

性命向者裏與諸人通箇消息還會麼千聖共傳無底鉢大千沙界一浮沤

小參云截斷千差路坐却是非頭報化不容身語默絕消息正當恁麼時若有祖師西來意正是撒土撒沙若無西來意大似對面相謾去此二途須知他家有出身底路大眾灼然不是目前事亦非目前機有一句子千聖觀他不見有一句子千聖出頭不得有一句子千聖同鄧共用且道此一句畢竟從什麼處流出若有識得流出去處則淨裸裸赤灑

瀆也不說一即三三即一不用行棒不用行喝不用道見成公案不消瞬目揚眉不用談玄說妙所以釋迦彌勒文殊普賢猶是他走使他本不作一切不爲一切坐斷一切初無動搖各各當人脚跟下圓明朗照如大日輪人人回光得度也不在他處也不在已處不在內不在外不在中間然而一切奇特事因他建立一切殊勝事由他圓成如王庫寶刀如摩醯三日如圓伊三點如塗毒鼓千言萬句終說他不成說他不就正當恁麼時還委悉麼如王寶劍隨王意揮斥縱橫得自由小參僧問波斯匿王請問世尊聖諦義中還有世俗事也無世尊云大王汝於龍光佛時曾問此義爲復答他話爲他說師云一時在裏許進云只如翠巖道大王善問不善答世

尊善答不善問未審此意如何師云拈起上頭關捩子進云忽若大王請傳此語問和尚未審如何祇對師云開口見膽師云適早已露線索如今更展家風摩醯首羅三隻眼八

回通透釋迦老子百億身十方分形如印印

空如印印水如印印泥初不分前後際亦不分縱橫並別到者裏若深入骨髓底直下透脫不疑天下人舌頭聊聞舉著踢起便行可以坐斷十方可以乾坤獨步其或尚留觀聽猶滯皮膚直須脚跟下一洞明各各見本來面目踏著本地風光不隨聲色不居凡聖不落見聞不涉語默淨裸裸赤灑灑所以道十方無壁落四面亦無門全體與麼來全體與麼去畢竟天人羣生類皆承此恩力若識此恩力終不落虛步步脚踏實地句句透見

根源全體如如不變不動推此以及羣靈攝此普濟品彙正當恁麼時超聲越色一句作麼生道還委恁麼不須更費纖毫力吞跳金圈栗棘蓬

張國太夫人請小參云霜風凜凜細雨微微解脫門八字打開正法眼頂門顯示還有超宗越格離見絕情底麼出來證據若也證據得去七佛已前也不恁麼七佛已後也不恁麼西天二十八祖亦不恁麼唐土六祖亦不恁麼至於歷代宗師天下老和尚亦不恁麼爲什麼不與麼只恐賺悞人去既不與麼亦不賺悞人作麼生承當到者裏平田中萬仞壁立壁立萬仞處一似平田把斷要津不通凡聖亦無語話分亦無展演分畢竟教一切人什麼處入老僧不惜眉毛通箇消息去也

遂豎起拂子云見麼又擊禪床云還聞麼若道見且得沒交涉若道不見更是沒交涉畢竟作麼生若教老僧只管與你說經無窮劫摸索不著不隨言解則淨裸裸赤灑灑各各

坐斷報化佛頭各各氣衝宇宙設使千佛出

卷三

十三

興恰如蚊蚋相似與麼把得定作得主方始是本分作家正當恁麼時如何委悉一句迦超諸佛格坐斷天下衲僧頭復頌云雖然說破五家宗爭及曹溪一線通寶劍當陽誰殺活離名離相振高風

小叅云不是如來涅槃心亦非祖師正法眼萬緣窮之不到千聖究之莫及直饒威音王那畔空劫以前正好揮金剛王寶劍何況威音王以來以至窮未來際只是打葛藤終非本分草料所以道我若一向舉揚宗教法堂

前草深一丈如今事不獲已向諸人道盡大
地是般若光未發時無佛無衆生消息從甚處得來若向者裏便絕消息去此人命根未斷命根若斷望著磕著言語說著機境投著雖然如是此猶是第二機若到第一機說甚威音已前空劫那畔設使德山臨濟喝下承當棒頭取證未免拖泥涉水不受人瞞牙如劍樹口似血盆直下承當可以籠罩古今乾坤坐斷雖然如是天寧與麼說話大似傍若無人何故佛佛道同祖祖共證一一於此

承當向什麼處著紅爐上還著得一點雪麼到者裏表裏純淨中外一如雖然落草未免向上用正當恁麼時如何棒頭有眼明如日要識真金火裏看復舉龐居士問馬大師不與萬法爲侣底是什麼人馬師云待汝一白

吸盡西江水即向汝道山僧畧露箇消息爲人須爲徹殺人須見血直下便承當已落第二月且道如何是第一月咄

冬夜小參僧問德山昔日小參不答話趙州小參却答話未審答底是不答底是師云總

卷三

十四

不是進云好音在耳人皆聳去也師云杓卜

聽虛聲進云忽若答話中不答話不答話中却答話時如何師云葛藤窠裏出頭來進云忽若有箇漢出來不管答話不答話只麼掀倒禪牀時如何師云劈脊便棒僧云喫師云

喫僧便喝師亦喝僧禮拜歸衆師云一場漏

逗師乃云大眾截羣機於未兆坐斷天下人舌頭藏冥運於即化世諦一陽便生且道是一是二若道是一因甚麼聖諦義中有世俗諦若道是二爲甚麼世俗諦中無聖義諦到

者裏若無透關眼透出機關未免瞞瞞預預
鼈鼈侗侗去也還知箇裏麼直如明鏡當臺
明珠在掌舉無遺照萬象歷然雖四序遷移
其中有不移易一絲毫之體雖萬機齊赴其
中有湛然不動之源以此撥轉路頭隨機應
感諸人若也不見設使千聖出頭來也摸索
不著倜儻衲子出來眼似銅鈴口似懸河也
說他不得也觀他不著天寧意欲要與諸人
解黏去縛拔楔抽釘到者裏伎倆一點也使
不著且道爲什麼如此他家自有通霄路切
卷三

十五

忌當陽指畫伊

住雲居山結夏小參雲居千百衆如無只緣
內外絕消息箇中空洞等虛空殺活全承此
恩力所以道護生須是殺殺盡始安居會得
箇中意鐵船水上浮算來直得鐵船水上浮

也有什麼奇特只如護生須是殺且道殺箇
什麼便有禪和子道不是殺物命只是殺無
明賊是殺煩惱賊是殺六根六塵賊殺爭人
爭我賊雖然一期也似要且未夢見衲僧脚
跟頭既是護生須是明殺意如何是殺意嶮
若向箇裏辨得出便可放一線道浩浩之中
管取坐斷天下人舌頭然後始殺得盡然雖
如是釋迦老子也殺不盡迦葉也殺不盡西
天二十八祖也殺不盡唐土六祖也殺不盡
要明不盡底須是放却從前已後見解明暗
玄妙理性殊勝奇特淨潔剗除不留毫末也

不到極盡處只如正淨處合作麼生還委悉
麼深山大澤無人到聚頭正好共商量復云
釋迦老子云以大圓覺爲我伽藍身心安居
平等性智師云釋迦老人慈悲大殺怕你諸

人不知與你一箇護身符子雖然如是點檢
將來猶帶影在若是山僧則不然即雲居山
見成伽藍九旬安居拍拍是令

如上座請小參僧問城東老母與佛同生爲
什麼不見佛師云他具大丈夫意氣進云以
手掩面十指悉皆見佛爲什麼回避不得師
云只爲渠儂得自由進云雪竇道他雖是女
人却有丈夫之行是肯伊不肯伊師云重言
不當吃師乃云情與無情一體觸目皆真佛
與衆生不別當體全現隨處作主遇緣即宗
有時放行則溝渠瓦礫悉生光彩有時把定
紫二
十六
則真金七寶咸皆失色所以道諸人欲識命
麼流泉是命湛寂是身千波競起是文殊境
界一亘晴空是普賢牀榻其次借一句子是
指月於中事是話月從上來事如節度使信

旗相似如諸古德未建立許多作畧到者裏
作麼生商量不假三寸試請說看不假眼試
觀矚看不假耳試采聽看所以道盡十方世
界都盧是箇真實人體更向什麼處著眼耳
鼻舌身意所以山僧從來向諸人道塞却你
眼教你覲不見塞却你耳教你聽不聞塞却
你鼻教你嗅不得塞却你口教你說不得拈
却你身教你不知痛痒坐却你意根教你分
別不得正當恁麼時却是好箇消息且不是
情塵意想分別計較得失是非境界也須是
罷却機境不立知見不作道理除却解會不
見有佛祖然後可以坐斷報化佛頭天下人
羅籠不住是故玄沙道沙門眼目直須把定
世界不漏絲毫只如把時諸人向者裏下喝
得麼打一坐具得麼拂袖出去得麼從東過

卷三

七

西從西過東得麼六六三十六九九八十一
得麼都盧是自家屋裏事得麼喚作本分事
得麼指露柱話燈籠得麼唯心唯性得麼若
恁麼渾是紛紛紅紜俱非正見若有箇正知
正見底便知有本分事既知有本分事終不
作計校窠窟道理作麼生道還委悉麼振奮
吒沙無向背翻身師子大家看
小參當陽一著千聖莫覩面門一機作家罔
措恁麼恁麼不恁麼不恁麼拈向一邊行棒
行喝擊石火閃電光放過一著正當恁麼時
水泄不通乾坤坐斷有眼不可見有耳不可
聞有口不可辨有心不可思任是通身是眼
盡乾坤大地草木叢林纖洪長短一一交羅
作無量無邊神通妙用到者裏不消一劄且
道具什麼道理便恁麼奇特便恁麼直截能

恁麼坐斷淨裸裸赤灑灑全身獨露便擔荷
得行透得出三世諸佛六代祖師乃至天下
老和尚只得飲氣吞聲目瞪口啞雖然如是
即今諸人在者裏作箇什麼山僧更據箇什
麼說話即得是則是太殺不近人情不免放
一線道還委悉麼四海如今清似鏡彎虹直
氣透青霄

山僧二十七年開箇鋪席與一切人解黏去
縛抽釘拔楔令一箇箇無窠臼無計校不作
合頭語不作相似語不依倚一物與他二十
八祖馬師百丈黃檗臨濟天下大宗師所爲
所行全體顯露非止今日尋常不曾於寶華
王座上說世諦語亦不說禪機不論生滅豈
可胡說亂說作地獄業唯只憑此一著真實
處於一切人面前直截吐露承當得底真實

卷三

十八

悟入得大受用更無凝滯山僧而今已得退
居不欲更陞座小參此蓋承太夫人使君朝
議通判大夫諸官員晨夕每以此道見照再
三虔請爲衆小參隨分應命然此一事也不
難也不易若道難永嘉到六祖處一句下便
能承當初至曹溪遶禪牀三匝振錫而立祖
曰夫沙門者具三千威儀八萬細行大德何
方而來生大我慢永嘉云生死事大無常迅
速六祖開箇方便門便道何不體取無生了
取無速諸人且道無生作麼生體速又作麼
生了一宿覺當頭便領云體即無生了本無
速如水入水水乳相同箭鋒相拄自然恰好
六祖見他透得過便道子甚得無生意也只
此一句也有權也有實也有照也有用是他
永嘉不向死句下坐殺也不下合頭語只徐

徐地道和尚無生豈有意耶奇哉奇哉而今人纔見師道子甚得無生意便謂和尚肯我印證我此恩難報第三瓣香不爲別人只是向語句裏死殺不違本源討甚麼盜及至永嘉告辭祖云返太速乎云本自非動豈有速

第二

十九

耶祖云誰知非動云仁者自生分別當時幸有大丈夫意氣可借放過便與掀倒禪牀不爲分外又却隨例留一宿又石頭在六祖會裏作沙彌時一日問祖云和尚遷化後某甲如何祖云尋思去及至六祖遷化後他只一昧坐禪只管尋思箇無生底道理鬼窟裏作活計其時有同叅遂問你作什麼云和尚教我尋思去所以坐禪同叅云錯了也有青原師兄名思指汝去見他石頭方省遂徃青原原問甚處來云曹溪來思拈起拂子問云曹

溪還有者箇麼而今兄弟被人恁麼問便下喝下語野狐精見解張眉努眼強作主宰總沒交涉石頭便會答道非但曹溪西天亦無思云子莫到西天麼曰若到即有也不妨綿綿密密地語不失宗步步踏著思云未在更道石頭云和尚也須道取一半莫全靠某甲思云不辭向汝道恐已後無人承當一日又問青原和尚在曹溪時還識六祖麼思云你只今還識老僧麼云識又爭能識得衆角雖多一鱗足矣自然氣類相同羽毛相似如膠如漆而今人一句東一句西有時說心說性求人印證有什麼交涉又藥山在石頭會下坐次石頭來見便問汝在此作什麼云一物不爲頭云恁麼則閑坐而今人不會便道喚什麼作閑坐又道不因和尚問某甲不知心

下黑漫漫地只管胡道他自有旨趣乃云若閑坐則爲也頭云汝道不爲不爲箇什麼曰千聖亦不識由是石頭作一讚云從來共住不知名任運相將只麼行自古上賢猶不識這次凡流豈可明且道畢竟不爲底是箇什

卷三

三十一

麼何故却不識千聖既不識如何共住所以者些子事不容你思量計校近傍不得鬼神莫窺脫却千重萬重惡知惡解心眼自見若見刺不除得失是非關念則永無交涉此是山僧不得已爲諸人說禪病又喚作入理深談只如玄沙令僧馳書上雪峯峯上堂開纖子千里同風便下座其僧回舉似玄沙沙云山頭老漢蹉過也不知敢問大衆如何是雪峯蹉過處莫是玄沙見解過於師麼且喜沒

交涉都向情塵裏會又爭會得所以真如誥和尚有頌云玄沙封白紙雪老却同風蹉過人難會古曲調不同到者裏几聖情盡生死關透得失是非了然不生全體如如如亦不要然後騎佛殿出三門將新羅國與占波

國鬪額搽灰抹土展鉢喫飯著衣禦寒自在優遊初無二緣亦無二相不是心不是佛全心即佛全佛即人人佛不二只者不二亦不消得所以千聖出來無你提掇處無你湊泊處如猛火聚近之則燎却面門如按太阿擬

卷三

三十一

之則喪身失命到得恁麼田地方始會得自家活計所以古人道尋牛須訪跡學道貴無心跡在牛還在無心道易尋又云佛說一切法爲度一切心我無一切心何用一切法有一件共諸人商量大家有一箇心所作所爲

因甚部道無心既若無心開口動舌說話底衆心領底却是什麼到者裏若不見徹只成一場相謾所以二祖見達磨斷臂立雪磨云將心與汝安二祖云覓心了不可得而今兄弟若被問將心與汝安便孟八郎或打箇圓相或進前三步退後三步作女人拜拍一下喝一聲或擰眉努目或說心說性只是情塵業識所謂學道之人不識真只爲從前認識神無量劫來生死本癡人喚作本來人只如二祖豈不會作許多道理因甚麼只答道覓心了不可得須知達磨當頭一拶二祖當下如暗得燈如貧得寶見徹根源此中不喚作心不喚作佛亦不是物直似紅鑪上著一點雪相似山僧頃日問五祖和尚二祖云覓心了不可得畢竟如何他道汝須自叅始得者

些好處別人爲汝著力不得叅來叅去忽因舉頻呼小玉元無事只要檀郎認得聲忽然桶底脫庭前柏樹子也透麻三斤也是玄沙蹉過也是睦州擔板也是不落因果也是不昧因果也是三乘十二分教二六時中眼裏耳裏乃至鐘鳴鼓響驢鳴犬吠無非者箇消息方省懷禪師頌云蜀龜連宵叫鷄鳴長夜啼圓通門大啓何事隔雲泥大丈夫漢一等是踏破草鞋放下情塵計校得失是非識得根本一物不留絲毫不著百骸俱潰散一物王二 鎮長靈和一靈也不要然後依時及節著衣喫飯而今兄弟見恁麼說便道只是虛空裏打筋斗兄弟只者虛空也難得豈不見祖師傳法偈云心同虛空界示等虛空法證得虛空時無是無非法又楞嚴云十方虛空生汝

心內猶若雲點太清裏諸兄弟既是訪尋知識把生死爲念歇却心猿意馬荷擔大機大用於佛祖不爲處安穩坐地有時向高高峯頂立有時向深深海底行任運猶如癡兀人他家自有通人愛山僧十年在衆無一時異緣只是參禪到第十年方打得徹旋知

非然後穩當若有一念憎愛得失是非即是垢衣須是識得玄旨始得所以道不識玄旨徒勞念靜得失是非一時放却但莫憎愛洞然明白楊岐所謂栗棘蓬有刺而難吞金剛

云能縱能奪能殺能活且那裏是水淺不是泊船處那裏是能縱能奪能殺能活處有者道趙州先知前庵主不會所以道不是泊船處先知後庵主會所以道能殺能活有底道古頭在趙州口裏任渠與奪如斯見解總是邪徒情識卜度不得真正宗眼便是吞跳金剛園栗棘蓬不得也五祖和尚常云諸方叢得底禪如瑠璃瓶子相似愛護不捨第一莫教老僧見將鐵鎚一擊你底碎定也山僧初見他如此說便盡心參他他常問有句無句如藤倚樹作夢生會山僧便喝或下語總不契他云須是情識盡淨計校都忘處會山僧明日便於無計校處胡道亂道轉沒交涉後來徹悟實見實用如明鏡當臺明珠在掌得大自在釋迦老子道若有一法過於涅槃我

即說爲如幻如化此一著子亘古亘今疑然
不變火不能燒水不能溺刀斧不能斫喚作
根本一切有漏無漏佛界魔界淨土穢土無
不真實若悟得可以丹霄獨步不受別人處

蛇尾山僧即不然或有人問萬境來侵時如何亦對他道莫管他者僧或若便禮拜只向他道伶俐衲僧一撥便轉

圓悟佛果禪師語錄卷第十二

音釋

也切
散

朝議太夫人請小衆盡情說與諸人各自參究佛法本無彼此諸家總是六祖下兒孫終不說我是臨濟下人須得我家宗派盛傳寧可粉骨碎身終不作者見解復舉僧問保壽萬境來侵時如何壽云莫管他僧禮拜壽云不得動著動著打折汝腰師云大衆保壽和尚用金剛王寶劍一切逆順得失長短是非無邊境界不消一瞥者僧見機而作當時禮拜為什麼却道不動著子細檢點大似龍頭

圓悟佛果禪師語錄卷第十三

紫三

宋平江府虎邱山門人紹隆等編

高郵乾明受勑住金山龍遊寺當晚小參僧
問明歷歷露堂堂因什麼乾坤收不得師云
金剛手裏八稜棒進云忽若一喚便回還當

卷三

一

得活也無師云鶩子目連無奈何進云不落

照不落用如何商量師云放下雲頭進云忽

遇其中人時如何用師云騎佛殿出三門進

云萬象不來渠獨語教誰把手上高峯師云

錯下名言師乃云祖師心印狀似鐵牛之機

諸佛密語正如擊塗毒鼓未擬議前先蹉過

纔思量處隔千山要須眼似流星心如鐵石

所以從上來提持向上綱宗只有三句有時

咬去有時咬住有時一向不去有時一向不

住明眼漢沒窠臼若論戰也箇箇力在轉處

却物爲上逐物爲下要須把斷凡聖路頭不
立毫末然後舉一毫不盡無邊香水海七達
八通說一句子窮龍宮盈海藏此猶是極則
之談未是衲僧巴鼻若論衲僧受用直饒棒
如雨點喝似雷奔列千聖下風立毘盧頂上
擊石火閃電光俊鷄俊鷹也趕他不及要須
正一切知見發明大解脫無不歷落無不透
脫則在天同天在地同地物同物我同我證
一切智明一切道無處不通容無機不圓證
正當恁麼時諸人各各返照自己分上曾移
易一絲毫許麼所謂十世圓融十分成就且
道不落機緣一句作麼生道覲面要須宗正
眼臨機截斷聖凡蹤

入寺小參金剛王寶劍截斷玄機正眼摩醯
光吞諸祖目機銖兩舉一明三左轉右旋七

穿八穴也須是箇風吹不入水洒不著針劄
不入快活自由底漢始得若也浮逼逼地尚
留觀聽猶涉形聲說妙說玄舉今舉古進前
退後敲床壁拂行棒行喝則沒交涉直得淨
裸裸赤洒洒還有相見底麼若有須是同道

卷三

二

人方知同道事若非同道者畢竟沒來由正
當恁麼時還相委悉麼十方聚會無餘事共
向曹溪路上行復頌云正眼橫須門神符懸
肘後幸是師子兒各作師子吼

小參僧問應真不借時如何師云渠儂得目

由進云點則不到到即不點師云同彼同此

進云此猶未是學人安身立命處在師云獨

有闍黎高一著進云也知和尚要用此機師
云也被闍黎識破進云老老大大轉見放慇
師云道什麼進云也不可放過師云却是你

放慇師乃云好日多同十方盡應好本多同
千差共轍直得龍吟霧起虎嘯風生八面更
玲瓏一方獨峭絕此猶是人人分上知有底
其餘不知有底如恒河沙數且作麼生湊泊
作麼生叅詳有進步得底不用伎倆試拈出
看有證據得底不用思量試剖判看若剖判
得正如靈山會上龍女獻珠便得成佛女云
我獻寶珠世尊納受是事疾否智積云是事
甚疾龍女云以汝神力觀我成佛復速於此
然雖如是猶有途轍若是本分行本分證直

卷三

三

須更放過三千里正當恁麼時畢竟如何是
著實處十方薄伽梵一路涅槃門

李從議請小參僧問不問有言不問無言時
如何師云其聲如雷進云爲什麼如此師云
只爲聾人不聽聞進云爭奈五音六律甚分

明師云閻黎聞箇什麼進云某甲從來無耳
衆師云更須識取口頭底師乃云一句絕請
訛千里萬里無消息一座含法界千重百匝
太周遮若是明眼人終不向目前覓何故若
向目前覓此人未具眼更於句中求落在第

八機既不向句中求又不向目前覓且道如
何湊泊只如隔山隔嶽隔浮幢王隔香水海
那邊還有恁麼事也無若道有隔許多作麼
生知道有若道無佛法即有邊際若道不有
不無正是半前落後直饒離却有無未免喚
金山手中棒忽有衲僧出來道不恁麼如龍
得水似虎靠山通身是眼也看他不見通身
是舌也說他不及道畢竟落在什麼處若
不藍田射石虎幾乎誤殺李將軍
告香普說師示衆云只者箇便承當得去如

天普蓋似地普擎更不欠一毫頭亦無第二
見設使盡無邊香水海塵塵刹刹一時穿却
鼻孔也更不落別處儻或思量擬議即沒交
涉所以道一念不生前後際斷即名爲佛若
也涉思量作計校分能所作知解則千里萬
里祖師門下直教見須實見悟須實悟證須
實證諸人各各有靈妙性確實而論才被
拶著便腳忙手亂作麼生見得親信得徹桶
底子脫去只爲從無始劫來妄想濃厚只在
諸塵境界中元不曾踏著本地風光明見本
生來面目若是真實人直下承當了知生本不
生知死本不死向不生不死處千聖著眼觀
不見千手大悲提不起而今兄弟若能返照
更無第二人更不待山僧兩回三度不惜眉
毛入泥入水何況拋沙撒土說心說性未免

落七落八當面相謾去也豈不見破竈墮和尚聞古廟作孽遂領十八弟子入山觀之全無神相唯見三間空屋一所泥竈遂以杖擊之云汝本泥土合成靈從何來聖從何起其竈乃颶颶而墮破竈墮云破也破也墮也墮也不覺紙錢後有一神人出云某甲乃竈神蒙師爲說無生法已得生天禮謝而去其十八弟子乃白師云某等皆父叅侍和尚殊不蒙開示無生法今日竈神何幸和尚却爲伊說破竈墮云我只向伊道汝本埠瓦泥土合成靈從何來聖從何起其徒皆作禮破竈墮云破也破也墮也墮也其十八弟子悉皆省悟只如山僧即今舉拂子且道與破竈墮是同是別遂云破也破也墮也墮也若也見得不准不孤負破竈墮和尚亦乃不孤負從上

祖師若也不見不唯孤負破竈墮和尚亦乃孤負自己知有此事不從他得所以道靈從何來聖從何起只如諸人見今身是父母血氣成就若於中識得靈明妙性則若凡若聖覓你意根了不可得便乃內無見聞覺知外無山河大地尋常著衣喫飯更無奇特所以道我若向刀山刀山自摧折我若向地獄地獄自消滅方知有如是靈通有如是自在只如今禪僧家何不回光返照明教徹去若也未明得且向三根椽下七尺單前默默地究取不見雲門大師道你且東卜西卜忽然卜著也不定若也打開自己庫藏運出自己家財拯濟一切教無始妄想一時空索索地豈不慶快老僧往日爲熱病所苦死却一日觀前路黑漫漫地都不知何往獲再甦醒遂驚

駭生死事便乃發心行脚訪尋有道知識體
究此事初到大鴻參真如和尚終日面壁默
坐將古人公案翻覆看及一年許忽有箇省
處然只是認得箇昭昭靈靈驅前馬後只向
四大身中作箇動用若被人拶著一似無見
處只爲解脫坑埋却禪道滿肚於佛法上看
即有於世法上看即無後到白雲老師處被
他云你總無見處自此全無咬嚼分遂煩悶
辭去心中疑情終不能安樂又上白雲再參
先師便令作侍者一日忽有官員問道次先
師云官人你不見小艷詩道頻呼小玉元無
事只要檀即認得聲官人却未曉老僧聽得
忽然打破漆桶向腳跟下親見得了元不由
別人方信乾坤之內宇宙之間中有一寶祕
在形山已至諸佛出世祖師西來只教人明

卷三

六

此一件事若也未知只管作知作解瞪眉努
目元不知只是捏目生華擔枷過狀何曾得
自在安樂如紅鑪上一點雪去若打破了或
喝或掌一切皆得然終不作此解方可放下
人我擔子千休萬歇方可生死奈何不得也
須是實到此箇田地始得若實到此便能提
唱大因緣建立法幢與一切人抽釘拔楔解
粘去縛如是揭千人萬人如金翅鳥入海直
取龍吞如諸菩薩入生死海中撈撠衆生放
在菩提岸上方可一舉一切舉一了一切了
有時一喝如金剛王寶劍有時一喝如踏地
師子有時一喝如探竿影草有時一喝不作
一喝用方可殺活自由布置臨時謂之我爲
法王於法自在諸人既是挑囊負鉢遍叅知
識懷中自有無價之寶方向者裏叅學先師

常云莫學瑠璃瓶子禪輕輕被人觸著便百
雜碎參時須參皮可漏子禪任是向高峯頂
上撲下亦無傷損劫火洞然我此不壞若是
作家本分漢遇著咬猪狗底手脚放下複子
靠將去十年二十年管取打成一片且作麼
生得獨脫去須是入流人方知恁麼事

第三

七

師云父母未生已前淨裸裸赤灑灑不立一
絲毫及乎投胎既生之後亦淨裸裸赤灑灑
不立一絲毫然生於世墮於四大五蘊中多
是情生翳障以身爲礙迷却自心若是明眼
人明了四大空寂五蘊本虛知四大五蘊中
有箇輝騰今古迥絕知見底一段事若能返
照無第二人根脚下淨裸裸赤灑灑六根門
頭亦淨裸裸赤灑灑乃至山河大地窮虛空
界盡無邊香水海亦淨裸裸赤灑灑恁麼說

話莫是撥有歸無麼且喜沒交涉若撥有歸
無杳杳冥冥墮在豁達空撥無因果處則永
劫出他地獄三塗因果不得若真實徹證到
真淨明妙實際理地則四聖六凡三世諸佛
天下祖師有情無情悉於是中流出顯現所
以孚上座問鼓山晏國師道父母未生前鼻
孔在什麼處山云即今生也在什麼處孚上
座不肯云你問我來山如前問孚但搖扇大
凡參請參須實參見須實見用須實用父母
未生前鼻孔在什麼處孚上座只搖扇子莫
是弄精鬼麼須知有奇特事始得只如文殊
初生見十吉祥異相須菩提生室現空相善
財初生湧出萬寶藏皆在此一大寶光中淨
裸裸赤灑灑流出若只在杳杳冥冥墮在空
空寂寂處豈有如是奇特所以古人於生處

見大奇特如世尊分手指於天地自云天上
天下唯吾獨尊若逢雲門大師尚不以爲奇
特直行衲僧正令後來老宿云雲門知恩方
解報恩既知了便以衲僧本分事向逆順境
界中行且道還當得麼若是平展商量則有

向上事若據卷三衲僧本分事上不直半分何故
他家自有通霄路

師云現成公案不隔一絲毫普天匝地是一
箇大解脫門與日月同明與虛空等量若祖
若佛無別元由乃古乃今同一正見若是利
根上智不用如之若何直下壁立萬仞向自
已根脚下承當可以籠罩古今坐斷報化佛
頭更無纖毫滲漏威音王已前無師自悟是
大解脫人威音已後因師打發不免立師立
資有迷有悟雖然如是要且只是方便垂手

接人所以達磨西來不立文字直指人心見
性成佛後來六祖大鑑禪師尚自道只者不
立兩字早是立了也何況語言機境種種知
解須是一筆勾斷始得此一件事直饒三世
諸佛出興以無量知見方便接引亦只有限
歷代祖師天下老和尚設百千問答提持亦
只有限不如向自己腳跟下究取威音王已
前空劫那畔自己家珍隨處受用也須是大
丈夫漢意氣方有如是作畧亦不依他言語
指示不受他欺謾從朝至夜入息不居陰界
卷三出息不涉萬緣極是省要只爲各各當人自
違背此事向六根門頭認光認影不得快活
却云爭奈某甲疑何且道疑從什麼處來又
道某甲爲什麼道不得只你者道不得底是
什麼爲你不能回光直下承當祖師道自己

分上有如是靈光有如是自在一切衆生流浪情塵不能解脫假使將此一大事因緣種種垂示猶是有機有境落在情塵要會麼直是一念不生方有少分相應所以先師道直須是命根斷始得且道如何是命根斷須是打疊從前知見種種解會一似大死底人活得起來自然無諍所以道我得無諍三昧人中最爲第一不見南泉和尚道黃梅七百高僧盡是會佛法底只有盧行者一人不會佛法所以得他衣孟須是恁麼人始契恁麼事又云如聖果大可畏處蓋爲無如許聖量等事若是沒量大人終不肯亂承當終不道我能我解我是禪師若如此則墮在解脫深坑不見雲門大師道平地上死人無數過得荆棘林者是好手而今平地上死人無數過得荆

一句道著山僧者裏則不然直饒透得荆棘林亦未是好手更須知有銀山鐵壁直須透得銀山鐵壁然後是千了百當底人方知有向上事可以分付鉢袋子更不與他情塵作對浩浩作佛法見解作禪道商量直須心境一如湛湛寂寂地無爲無事又不墮在無爲無事處到此須是向上人始得所以龍牙和尚道無端遣向墨池邊惹得身心黑似烟却向上流清處洗身心用盡亦如然德山和尚道但有文字語言皆是依草附木竹木精靈須是獨脫一路猶較些子只如今衲僧家也須著精神叅取始得千里萬里行脚一等是踏破草鞋也須是踏得破始得方且不孤負平生彼此來南閻浮提打一遭也不虛過亦不折本然後向四威儀中隨時受用亦自安

樂忽然一旦霜露果熟被人推向曲彎木床
上作人天師與人解粘去縛不妨奇特若未
諦當切不可爲人禍事也不見德山道一似
姪婦相似一向立問立答立賓立主有甚麼
交涉大凡叅學人當須灑灑落落直下徹去
豈不慶快

師云現成公案更不消如之若何直下一切
截斷猶校些子佛法本無許多若以無心無
念無事無爲無計校無分別至竟著衣至竟
喫飯何曾動著一絲毫便能坐斷報化佛頭
不起一絲毫佛法見解所以古人纔見僧來
便云見成公案放你三十棒布漫天網打衝
浪巨鱗持萬里鉤御千里烏駢馬也是事不
獲已所以石室和尚纔見人來舉起拄杖云
過去諸佛也恁麼見在諸佛也恁麼未來諸

佛也恁麼只與你畧露此子鋒鎌若是箇人
纔見恁麼道撩起便行猶較些子若是纔入
思量已被漫天網罩却也如是三十年只有
長沙和尚知渠落處便云和尚放下拄杖子
別通箇消息來方契他意而今叅學兄弟直
須是箭鋒相拄針芥相投內外絕消息始得
若只尋見尋聞求知求解只成箇生死根本
何不體取無生了本無速若能箇箇如是見
生死路一時截斷全不動一絲毫頭所以道
居千人萬人中如無一人相似只是歇得身
心百無知解如無用處一般若是隨言逐句
作道理滿肚皮是禪何時得脫去故南泉禪
師道山僧出世只爲諸人拈却佛病祖病老
僧尋常向兄弟道父母未生前還有形貌也
無他教中道四大五蘊成身只因父母交感

一念染心而成此身我且問你哆哆和和時
何不共人相爭及至纔長大便有爭人爭我
四大一旦離散依前還復本來形貌故云苦
提本無樹明鏡亦非臺本來無一物何處惹
塵埃各宜勉力以悟爲期莫虛度光陰時不
待人

師云此箇大事已是八字打開了直饒回頭
返照早是鈍置也直是徹底信得於未發言
已前一時觀透既發言之後且道作麼生承
當初機之士且於脚跟下明取而今坐立儀
然各各見聞不昧人人向脚跟下如印印空
如印印水如印印泥初不分得失彼我是非
淨裸裸赤灑灑輝騰今古迥絕知見返照回
光豈有許多事然未返照時却無許多事只
如尋常百不思百不管絕念忘緣時一時現

成聊聞返照便作箇見聞覺知解會各各在
見聞覺知處起模畫樣方恁麼時落在生死
陰界中無由得出離欲明此事直須蘊藉深
方可不落是非得失聞見知覺纖毫淨盡始
得快活拘牽惹糾他不住所以道如人學射
父父方中豈不見裴相國出鎮宛陵因遊寺
見高僧像遂問僧職云高僧儀相可觀未審
高僧在什麼處於時僧職莫知所措裴公云
此間有禪僧麼僧職云近有一僧捨身掃地
身披百衲恐是禪僧及乎請得來乃是黃檗
斷際連禪師也裴公乃舉前話問之檗乃召
相公公應諾檗云在什麼處裴公於此大悟
諸人且道問處是答處是且道又是箇什麼
禪僧家直須有省發始得莫只認聲認色所
以老僧尋常道千人萬人但識取一人千句

萬句但識取一句千機萬機但明取一機畢
竟且道是什麼將知洪爐大冶千煅百煉正
要得人須知向一言下一明一切明一了一
切了聊聞舉著透頂透底淨盡無餘且如斷
際一呼之下因什麼高僧却作裴公裴公却

三

三

成高僧若論此事直須是俊流始得淨盡所
以道舉不顧即差互擬思量何劫悟本分衲
僧不要思量分別直須求箇悟處言悟者如
失一件物多年廢置而一旦得之又如傷寒
病忽然得汗直是慶快也將知悟心見性非
思量分別所以證入金剛正體自然亘古亘
今廓周沙界水不能溺火不能燒世界壞時
此箇常住爲山河大地之本六凡四聖之家
而蘊在各各當人方寸之下若能方寸頓悟
獨露真常於萬別千差說處終不起異見於

千差萬別境上終不作別解須是打併淨盡
方可全體見成如水潦問馬祖本來佛法祖
與一踏倒地忽然大悟起來呵呵大笑云百
十三昧無量妙義只向一毫頭一時識得根
源去又呵呵大笑後來出世每陞堂自云自
從一喫馬師踏直至如今笑未休復呵呵大
笑且道作麼生是根源將知此箇根源若識
得了說到深深密密千聖所不到處亦得若
只一棒一喝盡乾坤大地一時收來如金剛
王寶劍踞地師子亦得行脚人要參禪有如
是眼腦方可入作直須審細言多去道轉遠
師云欲得親切第一莫將來將來不相似向
你道壁立萬仞依前却來撞牆撞壁有什麼
近傍處雖然如是已是落草了也不免將錯
就錯於第二頭說葛藤去也還知麼直下如

當門按一口劍相似凜凜威風纔跨門來誰敢近傍若近著則喪身失命若望涯而退不是大丈夫漢須是不顧死生從他手中奪去始得所以道不入虎穴不得虎子須是當前不顧性命若奪劍在自己手中任是佛來也

三

四

不放過直饒恁麼已是第二頭也不見資福道你隔江見資福剎竿便回去脚跟下好與三十棒睦州纔見僧來便云見成公案隨後云放你三十棒似此等有什麼近傍處然子細推窮來不妨勦絕免他說玄說妙說理說事說向上向下穢汙心田須知人人分上有
一段事輝騰今古迥絕見知淨裸裸赤灑灑先沒許多般只爲你諸人從無始時來妄想濃厚背却自己只從他覓若能回光返照無第二人終不隨他起滅若一處得脫則千處

百處一時透脫莫只向人舌頭聽他處分聊聞舉著剔起便行已是三千里外沒交涉若得箇中受用便乃毛羽相似作他屋裏人雖有恁麼人也須向山僧手裏飲氣吞聲始得直須按下雲頭將自己平生所知所解掇在善知識面前若是則與你證據不是則與你刻除豈不見藥山參石頭時置箇問端云三乘十二分教某粗知誠聞南方直指人心見性成佛某甲實未明了乞師指示石頭云恁麼也不得不恁麼也不得恁麼不恁麼總不得山不契直至江西馬大師處又如前問馬師云有時教伊揚眉瞬目有時教伊不揚眉瞬目有時教伊揚眉瞬目是有時教伊揚眉瞬目不是藥山於是有省馬云你見什麼道理山云我在石頭時如蚊子上鐵牛相似今

三

五

時衆中兄弟便道石頭一向壁立萬仞所以
他不會馬祖放開一線他乃悟去殊不知石
頭恁麼道已是漏逗了也馬祖道處者一著
尤更毒害因甚麼藥山得悟去且道因什麼
如此到此須是生鐵鑄就底漢始得所以云

此事不在語言上不在文字上看他置箇問
頭問石頭了及至馬祖處亦如是問此人是
箇鐵石身心如今若有如是心底人何憂不
徹你若只覓言覓句覓玄覓妙何時得了千
人萬人各說不同你用那箇句則是若見道
了更用言句作麼若不用言句你作麼生見
到者裏參須實參悟須實悟令教透頂透底
亘古亘今打開自己庫藏運出自己家財拯
濟莫只向外邊尋覓你若搜得一路透去便
與你同參你若只守箇昭昭靈靈下咄下喝

揚眉瞬目不知者箇更是大病所以云此事
隱在四大六根裏六根四大只是箇閑家具
故云生如著衫死如脫袴六根四大只是箇
衫袴且道著底是什麼人且道是誰著乃喝
云莫便是者箇麼復云錯了也所以古人云

身心一如身外無餘盡乾坤大地只是箇本
來心盡山河大地只是箇一末撒子也不要
既不要且道向什麼處安身立命到此須是
有生機一路始得若不如是你若道佛則著
佛你若道祖則著祖直須紅鑪一點雪相似
鑪
始得且去巾單下放教如寒灰死火世法佛
法都不用思量莫怕他落空莫怕如土木瓦
石你若怕落空只如憂落空底心是什麼何
曾落空來若是果歇得到真實休歇之處佛
祖也不立千聖萬聖法門一時透了豈不徑

截也

師云即恁麼便承當擔荷得去可以籠罩古今乾坤大地透頂透底淨裸裸赤灑灑要且不是你見聞覺知色聲香味觸盡乾坤大地只是箇真實人體說什麼見聞覺知纔跨門來已是兩手分付更無纖毫遺漏須知向上一路不立文字語言既不立文字語言如何明得所以道路逢達道人不將語默對又云相逢不拈出舉意便知有也須是徹骨徹髓信得極見得徹然後盡十方世界只在一絲毫頭上明得其或滯於知見便有佛有祖所以却入建化門中葛藤露布祖師西來不立文字直指人心見性成佛只論直指人心要須是其中人始得若立語句以至百千萬億方便其意只是與人解黏去縛令教淨裸裸

地輝騰今古實無許多般計校豈不見五洩參石頭問云一言相契即住不契即去石頭不顧五洩乃拂袖便行出至三門石頭乃喚云閣黎洩回首頭云從生至老只是者箇更回頭轉腦作什麼洩從此有省若是山僧當時不須喚他從他擔板蹉却一生只爲慈悲落草以至如此只如諸人坐立儼然從生至老只是者箇更疑什麼所以云參禪須是鐵漢著手心頭便判直趣無上菩提一切是非莫管須是一念不生前後際斷纔敲磕便見更待他人喚作什麼直是打成一片如水入水如金博金古人既恁麼只如向長老口上聽取且道有實法無實法若有實法則成繫綴人若無從上來立許多方便門作麼只教諸人見性若真見自性豈干他見聞覺知思

量擬議如東寺會禪師道化荆湖有崔郡相國出鎮湖南師因目疾次崔乃問曰如何是宗乘中事師云見性成佛崔云爭奈患眼何師云見性非眼赤眼何咎且道見性既非眼且將什麼見聞性亦非耳且道將什麼聞乃至

至鼻嗅香舌了味身覺觸意攀緣一一皆然若向者裏明得至於一切處悉皆明得所以雪峯和尚道盡大地是箇解脫門把手拽不肯入又云盡大地撮來如粟米粒大拋面前漆桶不會打鼓普請看更有甚玄妙見聞覺知若爾方能心境一如也無能也無所唯一自心更無他物若是得底人終不言我知我會遇飯喫飯遇茶喫茶終日只守閑閑地蓋他胃中無許多波吒計校所以道心若無事萬法一如無得無失終日只履踐此一片

田地几有來問只將此事一時截斷所以道見須實見悟須實悟古人云百尺竿頭作伎倆未嶮向衲衣下不明大事失却人身始是嶮既如是豈可不明心達本一切萬緣一齊放下棄却知見解會令教如木石瓦礫相似及到大安穩休歇之地然後一波纔動萬波隨而初無動靜等相蓋他得底人終日以無所得心修無所得行行雖與人同而常與人異只爲此一片田地打擣得盡淨一切會同脫體無礙豈是小了底事直須用作事始得

師云人人具足各各圓成但向已求莫從他覓何故從他覓是他家底捨已從人去道遠矣須知自己分上有一段事輝騰今古如十日並照但以從無始劫來妄想濃厚翳障自心才回顧著則黑漫漫地却到世間知見種

種聲色纔現在前一切明得此等豈不是
覺合塵從他求覓不能返照耶且如從上來
乃佛乃祖以無量百千言句方便且道明箇
什麼邊事只被你起見起念起思量作聰明
作計較惑却本來自己了却立能立所立境

董

大

立智立是立非擾擾紛紛不能得脫所以祖

佛出世只要教你歇却知見打併教絲毫盡
淨且道作麼生歇直下如懸崖撒手放身捨
命捨却見聞覺知捨却菩提涅槃真如解脫
若淨若穢一時捨却令教淨裸裸赤灑灑自

然一聞悟從此直下承當却來返觀佛祖
用處與自己無二無別乃至閘市之中四民
浩浩經商貿易以至於風鳴鳥噪皆與自己
無別然後佛與衆生爲一煩惱與菩提爲一
心與境爲一明與暗爲一是與非爲一乃至

千差萬別悉皆爲一方可攬長河爲酥酪變
大地作黃金都盧混成一片而一亦不立然
後行是行坐是坐著衣是著衣喫飯是喫飯
如明鏡當臺胡來胡現漢來漢現初不作計
校而隨處見成所以萬機頓赴而不撓其神
千難殊對而不干其慮此豈世間麤淺知見
所能測度此乃至妙因緣學道之士或十年
或二十年專心一意尚透不能得或有纔聞
便解或有無師自悟既自不能便悟亦障他
人不得就中士大夫尤難以其從事世務勤
勞家國所以悟入稍難然得底人於已分上
本無殊別若是未能了底人須要根性領利
向自己脚跟下覲著一聞便了如李附馬留
意祖道與楊文公爲友日夕切磋後見石門
慈照禪師因爲舉唐房孺相公問徑山國一

禪師云祖師大道畢竟意旨如何徑山云此
大丈夫事非將相之所能爲李聞之大悟遂
作頌云學道須是鐵漢著手心頭便判直趣
無上菩提一切是非莫管道得不妨奇特且
如出將入相安邦定業剪除暴亂豈非丈夫

三

下

耶而徑山何故却道此大丈夫事非將相之
所能爲須知向上一路毫髮不容所以洞山
道見佛見祖如生冤家始有參學分只如佛
祖爲一切人師作一切人依止爲甚却道如
生冤家你且道如何是大丈夫事直須是不
取人處分不受人羅籠不聽人繫綴脫畧窠
臼獨一無侶巍巍堂堂獨步三界通明透脫
無欲無依得自在都無絲毫佛法情解如
愚如癡如木如石不分南北不辨寒溫昏昏
默默似箇百不能百不解底相似然而肚裏

乃是峭措動著則眼目卓絕無有不明底事
乃至千差萬別古人言句一時透徹如或不
是到此田地底人須得向骨董袋裏平高就
下爲他去也如昔日于頓相公出鎮襄陽酷
刑慘毒忤者皆殺之因讀觀音經有疑處一
日訪紫玉山道通禪師乃問曰如何是黑風
吹其船舫飄墮羅刹鬼國王乃抗聲云于頓
客作漢問恁麼事作麼于聞之大怒王乃云
只者便是黑風吹其船舫飄墮羅刹鬼國于
頓有省你且道他恁麼問紫玉何故恁麼答

三

上

他此乃發他根本無明現前隨手爲伊指出
不妨好手然不若當時不消著後語從他研
作兩段却有些衲僧氣息及乎爲他點破也
是順手摩挲大凡接人有三種機若是第一
機爲人只消向他道于頓客作漢你問與麼

事作麼更無方便只是沒義理難話會若於此直下承當去更不擬議則與柏樹子麻三斤一口吸盡西江水更無差別所以道舉不顧即差互擬思量何劫悟只要教你當頭領解去若是第二機爲人即易也只是發起問端如道于頤客作漢你問與麼事作麼此乃發他根本無明令他無明現前隨手點破若是第三機爲人不免入泥入水重下箇注脚如云于頤客作漢便是放却黑風吹其船舫于頤或作怒便是羅刹現前玉云正是黑風吹其船舫豈不是觀音出現此是落草注解瞎人眼目破滅胡種若是真正衲僧直須撥得與祖佛爲師如李萬卷問歸宗和尚須彌納芥子則不問如何是芥子納須彌宗云你

身如椰子大萬卷書著在甚處歸宗老漢尋常一條白棒打佛打祖及乎李萬卷問著不免曲順人情放開一線然他用處也只教你當頭截去後來衆中無識者便道芥子是心須彌是萬卷之於心何所不可佛法若只如此爭到今日也又如龐居士問馬大師不與萬法爲侣者是什麼人馬大師云待汝一口吸盡西江水即向汝道居士乃大悟作頌云十方同聚會箇箇學無爲此是選佛場心空及第歸此頌與一口吸盡西江水題目豈曾相副既不說口又不說水只道心空及第歸且道作麼生是心空只教你是非得失明暗色空森羅萬象一時融會歸於一理和理一時空却然後有些趣向山僧今夜不惜眉毛爲你一時吐却了也更爲諸人說箇小偈

祖佛單傳向上機電光石火構不徹獨許諸根穎脫人金剛寶劍當頭截

師云道由悟達法離見聞直下便承當更無第二箇此猶是就今時曲爲垂手處若是本分事又且不然所以道你未跨船舷時好與

三十棒如此則千里萬里一時坐斷何故須

知當人分上各有水灑不著風吹不入清寥寥白滴滴祖佛不能到魔外不能入坐斷要津不通凡聖設使盡大地草木叢林盡化爲衲僧各各置百千問難不消一劄盡教吞聲

飲氣目瞪口啞而今事不獲已且無見起見

無言起言與諸人且通箇時節只如各各當

人分上上來下去已是十分現成欠少箇什麼更來就人覓所以玄沙道飯籮裏坐地展手問人覓飯喫只爲無始劫來拋家日久皆

馳此本分事向六塵境界裏妄想輪回不能回光返照甘處下流若能具上根利智返本還源知有此事輝騰今古迥絕知見坐斷十方無復輪轉始有語話分而今須是換箇骨頭了方見此一片田地若未知有此一片田地直饒解到佛祖邊事問一答十終無交涉須知諸佛出世唯證明此一片田地祖師西來亦提持此一片田地所以先師見白雲師翁一覲透了便作箇頌子道山前一片閑田地义手叮嚀問祖翁幾度賣來還自買爲憐

松竹引清風諸人還曾恁麼也未須是向此一片田地淨裸裸赤灑灑方可入作

辯僞老漢生平久歷叢席徧參知識好窮究諸宗派雖不十成洞貫然十得八九亦通會示徒自不造次不知何人盜竊山僧該博之

名遂將此亂道爲山僧所出觀之使人汗下面赤況老漢尚自未死早已見如此狼藉請具眼衲子詳觀之勿認魚目作明珠也

圓悟佛果禪師語錄卷第十三

音釋

郵于求坊
郵地名
孫祖切死
孫而更生也
駭下楷
駭驚也
抽庚子小
抽庚勤犯也
愍呼甘切
愍愚癡也
拯也
之肯切
甦切
甦遲也
愍呼甘切
愍愚癡也
拯也
之肯切
甦切
甦遲也

圓悟佛果禪師語錄卷第十四

紫四

宋平江府虎邱山門人紹隆等編

頌古舉德山小參示衆云老僧今夜不答話
問話者三十棒時有僧出禮拜德山便打僧
云某甲話某也未問爲什麼打某甲德山云你

是甚處人僧云新羅人山云未跨船舷好與
三十棒法眼云大小德山話作兩極圓明云
大小德山龍頭蛇尾雪竇云德山握闡外威
權有當斷不斷不招其亂底劔要識新羅僧
只是撞著露柱底瞎漢

大冶烹金忽雷驚春草木秀發光輝日新不
費纖毫力擒下天麒麟全威殺活得自在千
古照耀同冰輪話作兩極句中眼活龍頭蛇
尾以指喻指撞著露柱瞎衲僧塞斷咽喉無
出氣擬議尋思隔萬山咷嚙舌頭三千里

舉德山挾複子到鴻山上法堂從東過西從

西過東鴻山默坐不顧德山云無無便下去
復云也不得草草遂具威儀見鴻山提起坐
具云和尚鴻山擬取拂子德山便喝當時背
法堂著草鞋便去鴻山至晚問首座適來新
到在什麼處首座云當時背法堂著草鞋便
去鴻山云還識此子麼已後向孤峯頂上蟠
結草菴呵佛罵祖去在

大用不拘今古楷模倒拈蠍尾平持虎鬚若
非深辨端倪何以坐觀成敗俊處頽脫囊錐
高來卷舒方外孤峯頂上浪滔天正令當行
百雜碎咄

舉南泉參百丈涅槃和尚丈問從上諸聖還
有不爲人說底法麼泉云有丈云作麼生是
不爲人說底法泉云不是心不是佛不是物

復云有麼有麼咄

丈云說了也泉云普願只恁麼未審和尚如何丈云我又不是善知識爭知有說不說泉

云普願不會丈云我太煞爲你說了也

鸞膠續斷絃覩血化驢乳從來不爲人今古參佛祖箭既離絃無返將欲奪之必固與

第十四

二

語時默默時語人從陳州來却徃許州去

舉百丈再參馬祖祖舉拂子丈云即此用離此用祖掛拂子於舊處侍立少頃祖云爾已

後鼓兩片皮如何爲丈取拂子舉起祖云即此用離此用丈掛拂子祖便喝丈大悟後

謂黃檗云我當時被馬祖一喝直得三日耳

舉道吾至一家弔慰漸源撫棺問生耶死耶吾云生也不道死也不道源云爲什麼不道吾云不道不道後於石霜再舉始知落處一日將鋏子於法堂上從東過西從西過東霜云作什麼源云覓先師靈骨霜云洪波浩渺白浪滔天覓什麼靈骨源云正好著力太原孚云先師靈骨猶在

生耶死耶築著磕著不道不道藏頭露角黃金靈骨鏗鏘白浪滔天卓犖殷勤爲語透闊

第十五
入萬里孤光長燦爛無摸索趙州石橋成畧

約

豎拂掛拂全機出沒即此離此較若畫一頂門當下轟霹靂鍼出膏肓必死疾承當一喝韓三日師子神威恣返擲百煉真金須失色

舉靈山會上有一女子於佛前入定佛勑文殊出之文殊遠女子三遭鳴指一下女子入定儼然文殊遂運神力托至梵天撲下女子

亦復儼然佛云非但汝一人出此女子定不得設使百千萬億文殊亦出不得下界有罔明菩薩能出此定佛語未竟罔明從地湧出

佛勅令出定罔明達女子三匝鳴指一下女子遂出定老宿徵云文殊是七佛之師爲什麼出女子定不得罔明爲什麼却出得

大定等虛空廓然誰辨的女子與瞿曇據令何條直師子奮迅今搖乾蕩坤象王回旋兮不資餘力孰勝孰負誰出誰入雨散雲收青

天白日君不見馬駒踏殺天下人臨濟未是

白拈賊

舉清源謂石頭云人人盡道曹溪有消息頭云有人不道曹溪有消息源云大藏小藏從何得頭云盡從者裏去
有消息太沉屈無消息轉埋沒大藏小藏從

茲出撒沙撒土無終極甜如蜜苦如棘明如日黑如漆擊碎千年野狐窟填溝壑少人識

舉僧問雲門佛法如水中月是不門云清波無透路僧云和尚從何得門云再問復何來僧云便恁麼去時如何門云重疊關山路徧界不藏清波澄寂互換投機箭鋒相直提向上鉗鎌石火電光莫及便恁麼隔關山碧潭雲外不相關

舉僧問龍牙二鼠侵藤時如何牙云須知有

紫面

四

隱身處始得僧云如何是隱身處牙云還見

儂家麼堂堂成現密密難見二鼠雖黠莫逢其便藤枝透出未生前正眼當陽巧回換龍牙老機如電遇賤即貴貴即賤

舉圓覺經云以大圓覺爲我伽藍身心安居

平等性智毫髮不留縱橫自由闡外乾坤廊落大方無外優游明明祖師意明明百草頭撓破狐疑網截斷愛河流縱有回天力爭如直下休四衢道中淨躋躋放出漏山水牯牛舉僧問雪峯古澗寒泉時如何峯云瞪目不見底僧云飲者如何峯云不從口入後有僧舉似趙州云不可從鼻孔裏入去也僧却問古澗寒泉時如何州云苦僧云飲者如何州云死雪峯聞之云趙州古佛從此不答話趙州象骨巖舉世無倫擬共撫沒絃琴千載清人耳古澗寒泉瞪目凝然不從口入飲者忘筌重出語苦又死不答話同彼此相逢兩會家打鼓弄琵琶箇中誰是的白鳥入蘆華舉外道問佛不問有言不問無言世尊良久外道云世尊大慈大悲開我迷雲令我得入

外道既去阿難問世尊云外道有何所證世尊云如世良馬見鞭影而行

卷四

二三二

龍藏

不問有無言前立問端兩邊俱坐斷一劍倚天寒鞭影未動歷塊過都慈門既開陵有轍無遼天鼻孔須穿却誰是追風天馬駒舉僧問六祖黃梅意旨是什麼人得祖云會佛法人得僧云和尚還得也無祖云我不得僧云爲什麼不得祖云我不會佛法

斬釘截鐵大巧若拙一句單提不會佛法儘他葉落華開不問春寒秋熱別別萬古碧潭舉太原孚上座問鼓山父母未生時鼻孔在什麼處山云即今生也鼻孔在什麼處孚不肯乃云你問我與你答山云父母未生前鼻孔在什麼處孚乃搖扇而已

舉太原孚上座問鼓山父母未生時鼻孔在什麼處山云即今生也鼻孔在什麼處孚不肯乃云你問我與你答山云父母未生前鼻孔在什麼處孚乃搖扇而已

父母未生前生也只如然一般拈掇能奇特
直下渾如火裏蓮輝今耀古極妙窮玄大可
憐清風長滿座一念八千年

舉乾峯示衆云舉一不得舉二放過一着落

在第二雲門出云昨日有一僧從天台來却

徃徑山去峯云典座來日不得普請

春蘭與秋菊一一各當待亥處無回互怨誰

分髓皮風來烏已覺露重鶴先知爲問何能
爾渠儂初不知

須彌盧芥子吸竭滄溟水十虛吞爍正眼寥
廓照用同時人境俱奪棒頭喝下錯承當背
手拈來也失却莫莫水是水兮山是山切忌
無繩而自縛

舉洞山夏末示衆云初秋夏末直須向萬里
無寸草處去衆無語僧舉似石霜霜云何不
道出門便是草

新豐路坦然豈事正偏圓萬里無寸草何人
可向前機不轉墮塵緣透得脫犯風烟濁陽
端的破中邊出門已是草芊綿投機儂善諳
來脉兩岸俱立一不全復云看脚下

舉定山夾山同行定山云生死中無佛則無
生死夾山云生死中有佛則不迷生死二人
各謂已語親切徃大梅舉而質之梅云一親
一疎二人下去次日夾山徃問阿那箇親梅

遍身是通身是酥酪醍醐爲一味毫端湧出

云親者不問問者不親夾山住院後舉此謂衆云我當時失却一隻眼雪竇拈云夾山畢竟不知當時換得一隻眼

有佛不迷無佛則無大梅頂門正眼劃時已
驗親疎家抱荆山璞人握靈蛇珠失却與換
得同歸故殊途作家金鎰當面擲臨機俊鵠
紫四
七不及將謂赤鬚胡更有胡鬚赤

舉趙州云老僧答話去也有解問底致將一
問來時有僧出禮拜州云比來拋磚引玉却
引得箇鑿子下座後法眼舉問覺鐵觜此意
如何覺云與和尚舉箇喻如國家拜將相似
問誰人去得有一人云某去得答云汝去不得法眼云我會也

千年田八百主誰當機辨來處趙州要答話
拋磚引鑿子覺老話端倪如拜將相似去得

去不得言下分縕素箇裏高於萬仞峯不動
纖毫擒佛祖崇寧効古所作答話去也或有
箇出來只向伊道了

舉馬祖百丈西堂南泉翫月次祖指月問西
堂正當恁麼時如何西堂對云正好供養問
百丈丈對云正好修行問南泉泉拂袖便去
祖云經入藏禪歸海唯有普願獨超物外
皎皎凝虛碧沉沉發皓彩秋色共澄清永夜
臨寰海修行供養逗圓機聊聞便去超方外
馬駒兒端的別萬古定乾坤一言全殺活復

云高著眼

舉金牛行食次問龐居士云生心受食淨名
所呵去此二途居士還甘否士云當時善現
豈不作家牛云豈干他事士云食到口邊被人
奪却牛便行食士云不消一句子

淨名呵善現金牛勘龐老彼此不相饒峻機

無處討雲行雨施雷奔電掃殺虎陷虎出草

入草毘婆尸佛早留心直至如今不得妙

舉師祖問南泉摩尼珠人不識如來藏裏親

收得如何是藏泉云王老師與你往來者是

藏雪竇云草裏漢祖云直得不往來時如何

泉云亦是藏雪竇云雪上更加霜祖云如何

是珠泉云師祖云諾雪竇云百尺竿頭作

伎倆未是嶮若向箇裏著得一隻眼賓主互

換便能深入虎穴或不恁麼直饒師祖悟去

也是龍頭蛇尾漢

蒼鷹逐兔驪龍覩珠透青眼不瞬照物手寧

虛往來不往來草裏謾塗糊百尺竿頭入虎

穴分明月上長珊瑚

舉僧問藥山如何是道中至寶山云詔曲僧

云不詔曲時如何山云傾國莫換

道中有至寶濟世無倫匹藥嶠發深藏唯云

莫詔曲不詔曲傾國相酬未相直壁立萬仞

此心真不必當來問彌勒

舉僧問雲門學人不起一念還有過也無門

云須彌山

石筍抽條泥牛吼月誰料同舟自胡越應機

湧出須彌山一念不生何處雪金剛寶劍當

頭截

舉僧問投子一大藏教還有奇特事也無子

云演出一大藏

蓋

九

頓漸偏圓權實空有釤觜鐵舌河目海口一

道清虛亘古今八角磨盤空裏走

舉智門問五祖戒和尚暑往寒來則不問林

下相逢事若何戒云五鳳樓前聽玉漏門云

爭奈主山高案山低戒云須彌頂上擊金鐘
高高峯頂翻銀浪深深海底起紅塵金鐘玉
漏相酬醉疑殺滔滔天下人苟非作者孰問
關津執鞭回首四海良隣君不見仲尼溫伯
雪傾蓋相逢也奇絕

舉本仁示衆云尋常不欲向聲前句後鼓弄

人家男女何故且聲不是聲色不是色僧問
如何是聲不是聲仁云喚作色得麼僧云如

何是色不是色仁云喚作聲得麼僧無語仁
云且道爲汝說答汝話若人辨得許你有箇

入處

聲出虛色生無聲前句後轉塗糊間不容髮

安可名模堂堂圓應沒錙銖巧張爐韁費分

疎爭如棒下無生忍聞見馨香滿道塗

舉雲門問僧云古佛與露柱相交是第幾機

僧無語門云你問我與你道僧遂問門云一
條絰三十文僧云如何是一條絰三十文門

云打與伐前語云南山起雲北山下雨
油然南山雲靄然北山雨露柱笑呵呵燈籠
超佛祖中涌邊沒西天東土樓閣門開竟日

閑野老不知何處去

舉教中道未離兜率已降王宮未出母胎度
人已畢

大象本無形至虛包萬有末後已太過面南
看北斗王宮兜率度生出胎始終一貫初無
禁四
去來掃蹤滅跡除根蒂火裏蓮華處處開

舉僧問雲門生死到來如何回避門云在什
麼處

針眼魚吞大千界蟻蟻蟲吐妙高山太虛包
括無遺漏萬彙全歸指掌間起復滅去還來

石橋踏斷通身黑那知華頂是天台

舉丹霞初見馬祖以兩手托幞頭祖云吾非汝師南嶽石頭處去霞遂至石頭如前托幞頭頭云著槽檄去霞依童行次一日石頭爲

衆云今日齋後普請刻佛殿前草衆競具鋤

鋤霞獨洗頭捧剃刀於石頭前胡跪頭云作

什麼霞云請師刻草石頭笑爲剃髮呼與授

戒霞掩耳而去却回江西馬祖院騎聖僧項

衆驚報馬祖馬祖親來見乃云我子天然霞

遂作禮云謝師安名祖問甚處來霞云石頭

來祖云石頭路滑子莫曾踏倒麼霞云若踏

倒則不來也

問一答十告徃知來龍馳虎驟玉轉珠回聊

聞舉著已瞥地剔起便行何俊哉刻草固奇

崛安名尤突兀二老畧立黃賞茲千里骨真

禁四

十一

規鎮儼然覩面看標格騰雲一舉迷風日

舉雲門示衆云乾坤之內宇宙之間中有一寶祕在形山著燈籠向佛殿裏拈三門安燈籠上

虎豹文章麒麟頭角輝天焯地堆山積嶽拶破面門兮蓋色騎聲截斷羅籠兮解粘去縛罷却干戈百草頭萬里秋天飛一鶴

舉雪峯示衆云盡大地撮來如粟米粒大拋向面前漆桶不會打鼓普請看

疾焰過鋒奔流度刃唱拍相隨拳踢相應蓦然轟起震天雷百草顛頭春色回

舉僧問馬祖如何是佛祖云即心即佛

無鬚鎖子八面玲瓏不撥自轉南北西東海神知貴不知價留向人間光夜

舉僧問馬祖如何是佛祖云非心非佛

碧海珠荆山壁耀乾坤誰別識利刀剪却無

根樹萬疊峯巒歛烟霧

舉馬祖與百丈同遊山見野鴨子飛過祖云

是什麼丈云野鴨子祖云向什麼處去也丈

云飛過了也祖將百丈鼻孔扭丈作忍痛聲

祖云何曾飛去丈於此有省

野鴨過前溪千峯漂寒色相顧不知歸未免

資傍擊扭破疑團葛怛消捎風直下透青霄

雲山海月渾閑事一語歸宗萬國朝

舉僧問鏡清新年頭還有佛法也無清云有

僧云如何是新年頭佛法清云元正啓祚僧

云謝師答話清云鏡清今日失利又僧問智

門明教新年頭還有佛法也無教云無僧云

年年是好年日日是好日爲什麼却無教云

張公喫酒李公醉僧云老大大龍頭蛇尾

禁

十二

教云明教今日失利

穩密田地神通遊戲佛法新年頭有無俱失

利一槩等虛空豈容立巴鼻草上之風祖令

行誰知雷罷不停聲

舉僧問琅琊清淨本然云何忽生山河大地

琊云清淨本然云何忽生山河大地其僧有

省

相罵餽你接觜相唾餽你潑水塵舉大地收

華開世界起一模脫出絕功勲句裏挨開大

施門

舉僧問長沙本來身還成佛否沙云你道大

唐天子還刈茅割稻否僧云成佛又是何人

沙云是你成佛知不知

巨嶽何曾乏土唐皇豈可刈茅禮拜近前义

手西天十萬迢迢古佛即自己自己即古佛

珊瑚漁灘十洲春蟾蜍映奪驪龍窟

舉僧問百丈如何是奇特事丈云獨坐大雄
峯僧禮拜丈便打

醫裏著鹽雪中送炭纔將虎鬚棒頭有眼怪
來獨坐大雄山他家曾踏上頭關卷三十三

舉僧問香林如何是室內一盞燈林云三人

證龜成鼈

皎皎清光徧界莫藏聲拋不出色豈能彰直
下斬釘截鐵刻却古今途轍高出臨濟德山
三人證龜成鼈別別一回喫水一回噎

舉麻谷持錫見章敬遶繩床三帀振錫一下

卓然而立敬云如是如是後到南泉亦遶繩
床三帀振錫一下卓然而立泉云是不是
谷云章敬道是和尚爲什麼却道不是泉云
章敬則是是汝不是此是風力所轉終歸敗

壞

如是不是去却藥忌擬犯封疆全軍失利杖
頭突出古菱華舉世風流屬當家

舉僧問藥山平田淺草塵鹿成羣如何射得
塵中塵山云看箭僧便放身倒山云侍者施
出者死漢僧便起走山云弄泥團漢有什麼

數

獵人有神箭射得塵中塵箭下快承當跳出
曹溪路翻身踏著上頭關敵勝驚羣僧爾間
舉雲門示衆云藥病相治盡大地是藥那箇

是自己

太曉敲全殺活絕承當無摸索寰中意氣閻
外籌略倒退三千里盡大地是藥錯錯利劍
七星光閃爍

舉乾峯示衆云法身有三種病二種光須是

一一透得始解穩坐雖然如是更須知有照

用同時向上一竅始得雲門出衆問云只如

庵內人爲什麼不見庵外事峯呵呵大笑門
云猶是學人疑處在峯云子是什麼心行門
云也要和尚相委悉峯云直須恁麼始解穩

坐

集

十四

掃除學路刮肌骨格外之機如電拂

舉雲門問洞山近離甚處山云查渡門云夏

在甚處山云湖南報慈門云幾時離彼中山
云今年八月門云放汝三頓棒次日洞山往
問昨蒙和尚放某三頓棒未審過在什麼處

門云飯袋子江西湖南便恁麼去洞山大悟

見兔放鷹因行掉臂赤骨歷窮方圖富貴放
三頓棒尚遲疑再挨方識利頭錐單提獨脚
機關外明眼衲僧猶不會

舉靈雲見桃華悟道有頌三十年來尋劍客

紫西

十五

幾回葉落又抽枝自從一見桃華後直至如今
更不疑玄沙云諦當甚諦當敢保老兄未

徹在

陌上笑春風枝頭漏消息紅光爍太虛豈藉
陽和力學劔宗師既不疑玄沙未徹最新奇

舉雲門問洞山近離甚處山云查渡門云夏
在甚處山云湖南報慈門云幾時離彼中山
云今年八月門云放汝三頓棒次日洞山往
問昨蒙和尚放某三頓棒未審過在什麼處

門云飯袋子江西湖南便恁麼去洞山大悟

見兔放鷹因行掉臂赤骨歷窮方圖富貴放
三頓棒尚遲疑再挨方識利頭錐單提獨脚
機關外明眼衲僧猶不會

舉靈雲見桃華悟道有頌三十年來尋劍客

紫西

十五

汝出網來向你道聖云一千五百人善知識
話頭也不識峰云老僧住持事煩

百草頭出沒三界外遨遊徒布漫天網虛下

釣鼈鈎搖鱗振鬚撼乾坤示目昂頭洪浪噴
棒雨點喝雷奔肯將爭戰定功勲

舉僧問趙州見說和尚親見南泉是否州云
鎮州出大蘿蔔

鎮州出大蘿蔔猛虎不食伏肉直饒眼似流
星爭免持南作北老趙州迥殊絕片言本自

定乾坤返使叢林閑聒聒

舉陸亘大夫謂南泉云肇法師也甚奇怪解
道天地與我同根萬物與我一體泉云大夫
陸應諾泉指華云時人見此一株華如夢相

似

山潤石蘊玉林秀淵藏珠見此一株華似夢
灼然根體不同途王老師脫規模解向長安
正闡處喚得悠悠陸大夫

舉雲門示衆云十五日已前則不問汝十五
日已後道將一句來衆無對自化云日日是
好日

破二作一分三成六著串數珠數不足南辰
信手攀北斗回身觸豁開戶牖正當軒玉兔
金烏如轉燭傳不傳得不得那知陌上春條
綠

舉僧問洞山如何是佛山云麻三斤

鐘在扣谷受響池印月鏡含像曾非展事投
機豈是預搔待痒點鐵成金舉直揩枉一箭
鷗一雙一擗血一掌君不見疎而不漏今恢
恢天網

舉雪峰示衆云三世諸佛在火焰裏轉大法
輪玄沙云火燄爲三世諸佛說法三世諸佛

紫霞

十六

立地聽

將謂猴白更有猴黑互換投機神出鬼沒烈
焰亘天佛說法亘天烈焰法說佛風前剪斷
葛藤窠一言勘破維摩詰

舉東寺問仰山甚處人山云廣州寺云我聞廣州有鎮海明珠是否山云是寺云作何顏色山云黑月則現白月則隱寺云子還帶得來麼山云帶得來寺云何不呈似老僧山云諾慧寂昨到鴻山亦被索此珠直得無言可對無理可伸寺云真師子兒大師子吼

善撫太阿鉄決無傷手阨慣編猛虎鬚必有全身策鎮海珠巧呈似離色離聲離名字栴檀林裏爇栴檀師子窟中吼師子

舉趙州示衆云至道無難唯嫌揀擇但莫憎愛洞然明白纔有言語是揀擇是明白老僧不在明白裏汝等還護惜也無僧問既不明白裏未審護惜箇什麼州云我亦不知僧云和尚既不知爲什麼道不在明白裏州云問事則得禮拜了退

書

十七

至簡至易同天同地揀擇明白云何護惜口似錐眼似眉涉語脉玆憐夔堪笑卞和三獻玉縱榮刑却一雙足

舉石頭示衆云言語動用沒交涉藥山云非言語動用亦沒交涉頭云我者裏針劄不入山云我者裏如石上栽華

井底泥牛吼月雲間木馬嘶風把斷乾坤世界誰分南北西東直中曲曲中直要平不平憑秤尺

舉雪峯示衆云望州亭與諸人相見了也烏石嶺與諸人相見了也僧堂前與諸人相見了也後保福舉問鵝湖僧堂前則且置什麼處是望州亭烏石嶺相見鵝湖驟步歸方丈保福便入僧堂

藕線引鯨鰲針鋒輶芥投望州烏石嶺未唱

已先酬大唐擊鼓新羅舞覲面相呈不相覩
舉代宗皇帝問忠國師和尚百年後所須何

物國師云要箇無縫塔子帝云請師塔樣國
師云會麼帝云不會國師云吾有付法弟子
耽源却諳此事請詔問之國師遷化後帝詔

耽源問此意如何耽源呈頌云湘之南潭之
北中有黃金充一國無影樹下合同船琉璃
殿上無知識

八面自玲瓏盤空勢岌嶪表裏鎮巍然若爲
分六鑿執名匿相認影迷形卧龍長怖碧潭
清合同船子開心椀日用如何不現成

舉石頭見藥山坐次問你在此作什麼山云
一物不爲頭云恁麼則閑坐也山云閑坐則
爲也頭云汝道不爲不爲箇什麼山云千聖
亦不識石頭以頌讚之從來共住不知名任

運相將只麼行自古上賢猶不識造次凡流
豈可明

擺撥佛祖縛曠然繩墨外一物亦不爲縱橫
得自在古鑑臨臺明辨去來金鍾影動鐵樹
華開任運相將不可陪法雲隨處作風雷

舉雲門示衆云人人盡有光明在看時不見
暗昏昏作麼生是光明衆無對自代云僧堂
佛殿厨庫三門

夜明簾外千峰秀鸞鏡臺前萬象虛掃蹤滅
跡不立鏑銖誰爲佛殿誰是香廚敲出鳳凰
五色醴擊碎驪龍明月珠

舉世尊生下周行七步目顧四方一手指天
一手指地自云天上天下惟我獨尊

右脇誕金軀九龍噴香水嶷嶷步四方周匝
蓮華起末上先施第一機高風亘古鎮巍巍

當時有箇承當得等閑擒下白拈賊喫

舉雪峰住庵有二僧到峰見以手托庵門放身出云是什麼僧亦云是什麼峰低頭歸庵其僧後至巖頭頭問云雪老有何言句僧舉

當

十九

前話頭云雪峰道什麼僧云雪峰無語頭云

噫我悔不當初向伊道有箇末後句我若向

伊道已後天下人不奈雪老何僧至夏末舉比話請益頭云汝何不早問僧云不敢造次頭云我雖與雪峰同條生不與雪峰同條死

要識末後句只者是

雙明復雙暗獨立絕殊方乘機直面提其鋒安可當同條生兩鏡相照無能名不同條死鐵樹華開亘今古末後句始牢關拈却門前

大案山

舉天平從漪和尚行脚在西院常云今時莫

道會佛法只覓箇舉話底人也難得一日從西院法堂下過西院高聲喚從漪平舉首院云錯行三兩步院又云錯院云適來兩錯是老僧錯是上座錯平云是從漪錯西院云錯錯少頃西院云上座且在此度夏待與你商量者兩錯平當時便去後住天平示衆云老僧當年行脚被業風吹到汝州西院有箇思明長老勘我兩錯更待留我過夏待共我商量我不道恁麼時錯我未發足南方行脚時早知道錯了也

把纜放船膠柱調絃遠水不收近火短縷那汲深泉天平老太忽草爲兩頭悔行脚大地茫茫愁殺人眼裏無筋一世貧

舉踈山平日在香嚴一日嚴上堂有僧問不慕諸聖不重已靈時如何嚴云萬機休罷千

聖不携疎山作嘔吐勢嚴云師叔不肯那山
云不得無過嚴云過在甚處山云萬機休罷
猶有物在千聖不携亦從人得嚴云師叔莫
道得麼山云還我法座與你道於是嚴令陞
座如前問之山云何不道肯諾不得全嚴云

紫函

二十一

肯又肯箇什麼諾又諾箇什麼山云肯則肯

他諸聖諾則諾於已靈香嚴云師叔恁麼道

也須倒屙三十年始得後住疎山常病返胃

一日舉此問鏡清病僧肯諾不得全道者作
麼生會清云全歸肯諾山云不得全又作麼

生清云箇中無肯路山云始契病僧意

刀不自割指不自觸鵠白鳥立松直棘曲纔

有纖塵帶影來脫體全拋無朕迹肯不存諾

不立一片清光射斗牛天上人間得自由

舉趙州問南泉如何是道泉云平常心是道

州云還許趣向也無泉云擬向即乖趙州云
不擬安知是道泉云道不屬知不屬不知知
是妄覺不知是無記若直達不疑之道廓同
太虛豈可强是非耶州於言下大悟

遇飯喫飯遇茶喫茶千重百匝四海一家解
却黏去却縛言無言作無作廓然本體等虛
空風從虎兮雲從龍

舉百丈每至陞座常有一老人聽法一日衆
去老人獨留丈云汝是何人老人云某非人
紫函然某緣五百生前迦葉佛時曾住此山錯答

三王

學人一轉語所以五百世墮野狐身今欲舉
此話請和尚爲答丈云汝試舉看老人云大
修行底人還落因果也無某對云不落因果
丈云汝問我與汝道老人遂問大修行底人
還落因果也無丈云不昧因果老人遂悟得

脫野狐身化去

魚行水濁鳥飛毛落至鑑難逃太虛寥廓一
徃迢迢五百生只緣因果大修行疾雷破山
風振海百煉精金色不改

舉風穴在郢州衙內陞座示衆云祖師心印

狀似鐵牛之機去即印住住即印破只如不去不住且道印即是不印則是時有盧波長

老出問某甲有鐵牛之機請師不搭印穴云
慣釣鯨鯢沉巨浸却將蛙步輾泥沙波佇思
穴便喝云長老何不進語波擬議穴打一拂

舉金牛每至食時自携飯至僧堂前撫掌呵
呵大笑云菩薩子喫飯來喫飯來後僧問長
慶意旨如何云大似因齋慶贊生僧問大光未

三

審慶贊箇甚麼光作舞僧禮拜光云你作麼
生會僧亦作舞光云者野狐精

絲來線去分明過與若不相諳如何驗取因
齋慶贊和泥土蹈襲只言呈作舞野狐精七

列聖風規初不放過擬跨鐵牛摹頭印破盧
穴又打一拂子牧主云將知佛法與王法一
般穴云見箇什麼道理牧主云當斷不斷返
招其亂穴便下座

星利劔血長鯨

波當斷却沉吟電轉星飛活被擒喝下攬擰
同霹靂三玄戈甲振叢林

舉僧問洞山寒暑到來如何回避山云何不
向無寒暑處回避僧云如何是無寒暑處山
云寒時寒殺閑黎熱時熱殺閑黎

盤走珠珠走盤偏中正正中偏羚羊掛角無
蹤跡獵犬遠林空跋踏

舉金牛每至食時自携飯至僧堂前撫掌呵
呵大笑云菩薩子喫飯來喫飯來後僧問長
慶意旨如何云大似因齋慶贊生僧問大光未

三

審慶贊箇甚麼光作舞僧禮拜光云你作麼
生會僧亦作舞光云者野狐精

絲來線去分明過與若不相諳如何驗取因
齋慶贊和泥土蹈襲只言呈作舞野狐精七

舉疎山示衆云病僧咸通年已前會法身邊事咸通年已後會法身向上事雲門出問云如何是法身邊事山云枯椿如何是法身向上事山云非枯椿問云還許學人說道理也無山云許門云只如枯椿豈不是明法身邊事山云是門云非枯椿豈不是明法身向上事山云是門云未審法身還該一切也無山云法身周遍爭得不該門指淨瓶云還有法身也無山云莫向淨瓶邊覓門云諾諾

眼觀東南意在西北撥轉天關掀翻地軸法身向上法身邊間氣英靈五百年膠漆相投箭相拄南山起雲北山雨

舉臺山路上有一婆子僧問臺山路向甚處去婆云驀直去僧纔行婆云好箇阿師便恁麼去前後僧問皆如此後有僧舉似趙州州

云待我爲你勘破者老婆遂往問臺山路向甚處去婆云驀直去州纔行婆云好箇阿師又恁麼去州歸舉似大眾云我爲你勘破者婆子也老宿拈云什麼處是勘破處

善繫無繩約善行無轍跡不戰屈人兵直面

當機疾老婆勘破五臺山有誰參透趙州關舉雲門示衆云聞聲悟道見色明心作麼生是聞聲悟道見色明心舉手云觀世音菩薩將錢來買胡餅放下手元來却是饅頭

見色心先現聞聲道已彰掣電光中分皂白海潮音裏別宮商韶陽老慈門普發機直用千鈞弩

舉鏡清問僧門外什麼聲僧云雨滴聲清云衆生顛倒迷已逐物僧云和尚作麼生清云泊不迷已僧云意旨如何清云出身猶可易

脫體道應難 順流逆流轉物物轉良哉觀音快逢其便出身脫體句分門外依前兩滴聲

舉南泉示衆云昨夜文殊普賢起佛見法見每人與二十棒貶向二鐵圍山去也趙州出云和尚棒教誰哭泉云王老師有什麼過州禮拜泉下座歸方丈

霧起龍吟風生虎嘯兩口一舌異音同調文殊普賢佛法見南泉趙州日月面據令而行指顧間盡情貶向鐵圍山忽有箇不憤底出來道崇寧你只向他道果然果然

舉雪峰問僧近離甚處僧云覆船峰云生死海未渡爲什麼覆却船僧無語覆船代云渠無生死雪竇代云久響雪峰

未渡生死海不應覆却船渠本無生死超然

離二邊長如果日麗中天舒光照到雪峰前舉僧問雲門如何是一代時教門云對一說海藏龍宮金文玉牒逗器觀機破關擊節三百餘會振綱宗四十九年同箇舌阿刺刺對一說諦當之言如截鐵

舉僧問雲門不是目前機亦非目前事時如何門云倒一說

是賊識賊以楔出楔鳥跡空雲鏡象水月教兒師子迷蹤訣上樹老猫安身法活鱗鰻倒一說等閑翻却狐狸穴

舉世尊於一處九旬安居至自恣日文殊倏來迦葉問今夏在何處安居文殊云在三處安居迦葉於是白衆欲擯文殊出纔舉犍槌乃見無量佛刹一一佛所有一一文殊一一迦葉舉槌欲擯之世尊於是告迦葉云汝今

欲擯出那箇文殊

大象不遊兔徑燕雀安知鴻鵠據令宛若成
風破的渾如齧鏃遍界是文殊遍界是迦葉
相對各儼然舉槌何處罰好一劄金色頭陀
曾落節

如何是死以不死死爲死義女云若能明知
地水火風四緣未曾自得有所離散而能隨
其所宜以爲死義

生以不生死以不死死根本豁然明應時
超佛祖隨宜離散與和合十字縱橫活鱗鱗

金剛寶劍倚天寒外道天魔皆膽懼

舉鴻山問仰山云天寒人寒仰山云大家在
者裏鴻山云何不直說仰山云適來也不曲

和尚如何鴻山云且須隨流

北風逞嚴威凜凜侵肌骨一句括人天幾曾

舉文殊問庵提遮女生以何爲義女云生以
不生生爲生義殊云如何是生以不生生爲
生義女云若能明知她水火風四緣未曾自
得有所和合而能隨其所宜以爲生義殊云
死以何爲義女云死以不死死爲死義殊云

舉文殊問庵提遮女生以何爲義女云生以
不生生爲生義殊云如何是生以不生生爲
生義女云若能明知她水火風四緣未曾自
得有所和合而能隨其所宜以爲生義殊云
死以何爲義女云死以不死死爲死義殊云

趣呵呵大笑歸方丈

無學彈指超圓通耳根淨透出聞不聞妙哉
觀音行棒頭指出金剛王儉惡道中爲津梁

圓悟佛果禪師語錄卷第十四

紫四

二
六

音釋

士
察

卷之三

易言
刀切
八日

中歌
毒 許 楊

卷之三

行
業
指
導

也切
結

卷之三

1

咷 啼 啼咷 咯 啼 啼力弔切 蟑 毒蟲也
切 神 獭 獭研奚切 霹 霆 霆四壓切 鍼 諸深切
鳥 也 獭後 獭也 霆 霆卽狹切 鍼 刺病也
鋗 鏘 鏘印耕切 銛 千羊 力角切 卓 賤
切 罢 罢約橫 桶 胡八切 罢 罢超絕也 約 罷
太 渇 水 也 黯 黯慧也 搶 拆也 轉 殘也
撻 撻 撻也 撻 撒也 撻 撻也 撻 撻也
擊 居 整的切 緇 他刀切 編 蟑 蟑茲消勿
土 整 于貴切 緇 絲繩也 蟑 蟑莫經切 疊
鑿 類 乎貴切 緇 防玉切 噬 壺 结切 摘 古獲切
居 千切 帐 帐也 噬 食塞也 摘 批打也 蚕
轂 胡足蟲也 豈 桀龜切 一 刈 魚厥切 疊
兒 有 蠼 蠼足獸也 剔 斷足也 疊 切 小
貌 輸 輸尼展切 羚 蘆經切 跖 跖足也 疊
齧 輪同矜切 跖 跖也 疊 魚力 疊
族 簾結切 噌 噌也 疊 切 小
作 木切 箕 箕也 疊 資昔切 疊

圓悟佛果禪師語錄卷第十五

紫五

宋平江府虎丘山門人紹隆等編

拈古舉百丈再參馬祖祖見來拈拂子豎起

百丈云即此用離此用祖掛拂子於舊處侍

立片時祖云爾已後鼓兩片皮如何爲人丈

告

一

取拂子豎起祖云即此用離此用丈掛拂子

於舊處馬祖便喝百丈大悟後來謂黃檗云

我當時被馬祖一喝直得三日耳聾汾州云

悟去便休說什麼三日耳聾石門云若不是

三日耳聾爭承當得者一喝雪竇云要會三

日耳聾麼大治精金應無變色師云然則作

家共相提唱不妨各有爲人眼要且只明得

馬祖百丈大機未明馬祖百丈大用不惜眉

毛露箇消息也要諸方檢責還知者一喝麼

直似奮雷霹靂聽者喪膽亡鬼要會三日耳

聾正如擊塗毒鼓聞者喪身失命舉拂子云
或有箇問即此用離此用和聲便打隨後與
喝復云還見馬祖百丈麼

舉僧問雲門佛法如水中月是否門云清波
無透路僧云和尚從何得門云再問復何來
僧云便恁麼去時如何門云重疊關山路師
云清波萬里湛寂凝然寶月凌虛光吞羣象
者僧泛一隻船入雲門法海裏引得一陣猛
風看伊把柂張帆也不易當抵及至下梢可
惜輸却一籌且道是什麼處是輸處試辨看
舉翠巖示衆云一夏與兄弟東語西話看翠
巖眉毛在麼師云輸機是弄人之本翠巖坐
却人舌頭無鶴啄處長慶云生也因事長智
保福云作賊人心虛是精識雲門云關據欵
結案雖宗師競酬還截得翠巖脚跟麼不躡

前蹤試請道看

舉僧問雲門初秋夏末前程或有人問未審對他道什麼門云大衆退後僧云過在什麼處門云還我九十日飯錢來師云者僧貪觀白浪雲門見機而作雖則截鐵斬釘未是本分草料有問崇寧只對道驢事未了馬事到來待伊如何若何劈脊便棒

卷五

舉趙州云老僧答話去也解問底置將一問來僧出禮拜趙州云比來拋埠引玉却引得箇墊子後來法眼舉問覺鐵觜此意如何覺云與和尚說箇喻如國家拜將相似問云何人去得有云某甲去得答云汝去不得法眼云我會也師云諸方盡道趙州得逸羣之用一期間施設不妨自在者僧要擊節扣關電光中卒著手脚不辨覺鐵觜能近取譬不墜

家聲法眼有通方鑑便知落處敢問既是宗師爲什麼拋埠只引得箇墊子試參詳看

舉玄紹二上座見烏臼曰問近離什麼處僧云江西臼便打僧云久響和尚有此機要臼曰汝旣不會第二箇近前其僧茫然臼亦

打云同坑無異土參堂去雪竇云宗師眼目須是恁麼如金翅鳥擘海直取龍吞有般漢眼目未辨東西拄杖不知顛倒只管說照用同時人境俱奪師云雪竇明辨古今分別邪正若不知有爭恁麼道雖然只見烏臼放行三要明烏臼把住處麼直得釋迦彌勒猶爲走使據令而行盡大地人並須喫棒

舉睦州示衆云我見百丈不識好惡大衆纔集以拄杖一時趕下復召大衆衆迴首百丈云是什麼有什麼共語處黃檗和尚大衆纔

集以拄杖一時趕下復召大眾衆回首粲云
月似彎弓少雨多風猶較些子雪寶云說什

麼猶較直是未在若是雪寶以拄杖趕下便
休可中有箇無孔鐵鎚善能擔荷可以籠罩
古今乾坤坐斷師云古人各出一隻手提振

綱宗誘掖後進功不浪施仔細點檢將來百
丈將棒喚狗未免相顧眶睂黃欒香餌綴鈎
吞著喪身失命睦州當衆舉覺與賊遇梯雪
寶要人擔荷無風起浪今日總不恁麼各請

歸堂

舉文殊善薩問維摩居士云我等各自說已
云何是仁者所說不二法門師云者一轉語
叢林話會不少有道默然有道良久有道據
坐有道不對要且摸索不著直得其聲如雷
普驚羣動自古及今前聖後聖所說法門只

向維摩片時之間一時顯現且道正當恁麼
時作箇什麼得見維摩

舉風穴在郢州陞座云祖師心印狀似鐵牛
之機去即印住住即印破只如不去不住印
即是不印即是時盧陂長老出問某甲有鐵

牛之機請師不搭印穴云慣釣鯨鯢沉巨浸
却將蛙步驟泥沙陂佇思穴喝云長老何不
進語陂擬議穴便打一拂子云長老還記得
話頭麼試舉看陂擬開口穴又打一拂子牧
主云將知佛法與王法一般穴云見箇什麼

鑑

四

道理牧主云當斷不斷返招其亂穴便下座
師云風穴擐三亥戈甲施四種主賓明立信
旗密排陣敵及至盧陂繞跨鐵牛劃時擒下
遂令牧主知歸所謂龍馳虎驟鳳翥鸞翔雖
然若是崇寧待伊道有鐵牛之機劈脊便棒

殺人刀活人劍還知落處麼

舉僧問投子一大藏教還有奇特事也無投子云演出一大藏教師云差病不假驢駄藥舉三角示衆云若論此事眨上眉毛早已蹉過麻谷出問蹉過則不問如何是此事角云

蹉過麻谷掀倒禪床三角劈脊便棒師云劍

刃上顯殺活電光裏分縕素不妨眼辨手親是致箭鋒相拄雪竇云兩箇老漢眉毛也未曾貶上說什麼此事蹉過師云慣調金鏃久歷沙場一箭落雙鷹人前誇敏手雖然大似

時是同是別師拈云低聲低聲須菩提云此義幽深吾不能說師拈云爛泥裏有刺會中有一箇彌勒大士可往問之師拈云推過別人又爭得舍利弗遂問彌勒師拈云將錯就錯彌勒云誰爲彌勒誰是彌勒者師拈云面皮厚三寸

舉僧問五祖一大藏教是箇切脚未審切那箇字祖云鉢囉娘師云迅雷不及掩耳

舉大鴻示衆云今時人只得大機不得大用仰山舉此語似塔主塔主踏翻凳子鴻山聞得呵呵大笑師云須知大機中有大用大用中有大機且道雙放雙收時如何刹竿頭上仰蓮心

舉藥山謂雲巖云與我喚沙彌來巖云和尚喚作此事早是好肉上剝瘡了也何況更論眨上眉毛早已蹉過麻谷雪竇賊過後張弓則故是更有箇幕拈拄杖便下座

舉舍利弗問須菩提夢中說六波羅蜜與覺

挈下巖云恁麼則與和尚出一隻手去也師
云舉一明三是衲僧尋常行履雲巖既告往
知來藥山亦不謬分付崇寧雖百醜千拙有
箇沒底籃子更望諸人兩手提挈何故有條
攀條

舉僧問破竈墮如何是大修行人竈云擔枷
抱鎖僧云如何是大作業人竈云坐禪入定
復云會麼僧云不會竈云汝問我善善不從
惡汝問我惡惡不從善後有僧舉似安國師
安云此子會盡諸法無生師云窮善善自何
生究惡惡從何起若能明見者箇田地便是
諸法無生有問崇寧如何是大修行人對他
道坐禪入定如何是大作業人對他道擔枷
抱鎖且道是同是別

舉僧問趙州未有世界早有此性世界壞時

此性不壞如何是不壞之性州云四大五蘊
僧云此猶是壞底如何是不壞之性州云四
大五蘊師云千尺寒潭徹底清

舉長生問靈雲混沌未分時如何靈云露柱
懷胎生云分後如何靈云片雲點太清生云

只如太清還受點也無靈不對生云恁麼則
舍生不來也靈亦不對生云直得純清絕點
時如何靈云猶是真常流注生云如何是真
常流注靈云如鏡常明生云未審向上還有
事也無靈云有生云如何是向上事靈云打
破鏡來相見師云長生善問靈雲善答膠漆
相投水乳相合不見古者道身從無相中受
生猶如幻出諸形相幻人心識本來無罪福
皆空無所住若明此箇頌便見二老宿問答
始知父母未生已前既生之後全體露現且

道打破鏡來如何相見撫掌云了

舉雪峯問僧近離甚處僧云覆船峯云生死

海未渡爲什麼覆却船僧無語覆船代云渠

無生死雪寶代云久響雪峯師代云便與掀

倒禪床師云雪峯有驗人句覆船有透關眼

七十五

雪寶有陷虎機且道崇寧成得箇什麼邊事
舉雪峯示衆云世界闊一丈古鏡闊一大世

界闊一尺古鏡闊一尺玄沙指火爐云且道

火爐闊多少峯云如古鏡闊沙云老和尚腳
跟未點地在師云現成公案古鏡本非火爐

打破籠羅火爐即是古鏡若非父子投機爭
見赤心片片諸人作麼生會他道者老漢腳
跟未點地在如來寶杖親蹤跡

舉雲門示衆云你若寶未得箇入頭處三世
諸佛在你脚跟下一大藏教在你舌頭上且

向葛藤處會取師云崇寧土上加泥敢道直
得鴟山水枯觸殺東海鯉魚陝府鐵牛吞却

嘉州大像

舉古者道者一片田地分付來多時也我立
地待你搆去法眼云者一片田地分付來多
時也我坐待你搆去師云者一片田地分付
來多時也我今日當衆慶餞

舉前寶壽問後寶壽父母未生已前那箇是
本來面目後寶壽罔措一日在市見二人相
爭有一人相勸云你得恁麼無面目壽遂大
悟師云築著磕著當頭彰本地風光應聲應
色直下無私毫透漏還會他道得恁麼無面
目麼龍袖拂開全體現

舉南泉示衆云王老師自小養得一頭水牯
牛擬向溪東牧不免食他國王水草擬向溪

西牧亦不免食他國王水草不如隨分納些
些總不見得師云和光順物與世同塵不犯

鋒鉛收放自在是南泉本分草料山僧自小
亦養得一頭水牯牛有時孤峯獨立有時鬧
市縱橫不論溪東溪西一向破塵破的且道

黃五

即今在什麼處著眼看

八

舉僧問鏡清學人未達其源乞師指示清云
是什麼源僧云其源清云若是其源爭受指
示僧去後侍者問適來是成褫伊否清云無
者云是不成褫伊否清云無者云和尚尊意
如何清云一點水墨兩處成龍師云鏡清具
本分鉗錐有作家爐韁正如明鏡當臺舉無
遺照雖則赴感應機要且猶費葛藤若是山
僧忽有問未達其源對他是什麼源待伊道
其源劈脊便棒更有問是成褫伊否無和尚

尊意若何劈脊便棒非唯截斷衆流亦乃光
揚宗眼還辨得出麼

舉德山小參示衆云老僧今夜不答話問話
者三十棒時有僧出禮拜山便打僧云某甲
話也未問因甚打某甲山云你甚處人僧云

黃五

新羅人山云未跨船舷好與三十棒師云德

山大似金輪聖王寰中獨據四方八表無不
順從等閑布一勅施一令直得草偃風行若
不是者僧爭見殺活擒縱威德自在法眼云
大小德山話作兩擬圓明云大小德山龍頭
九蛇尾雪竇云德山握閻外威權有當斷不斷
不招其亂底劔雖則直截單提各能扶堅德
山要且只扶得未後句未扶得最初句在且
作麼生是德山最初句大鵬欲展摩霄翅誰
顧崩騰六合雲

舉太原孚上座問鼓山父母未生已前鼻孔在什麼處山云即今生也鼻孔在什麼處孚不肯乃云你問我與你道鼓山問父母未生已前鼻孔在什麼處孚但搖扇而已師云竒特因緣須以奇特激發殊勝大事須以殊勝舉揚雖然隱顯無差其奈巧拙有異或有問崇寧父母未生已前鼻孔在什麼處只劈口便掌

舉臨濟入僧堂兩堂首座齊下喝僧問臨濟還有賓主也無濟云賓主歷然師云正劫既

行諸侯避道

舉鴻山普請次靜版鳴有一僧拍手呵呵大笑歸去鴻山云奇哉此是觀音入理之門至晚問其僧適來你見什麼道理僧云朝來未喫飯聞版聲歡喜鴻山云賺殺人鏡清云當

時爲山有此一僧鼓山云當時鴻山無此一僧師云者僧洪音大振直得一千五百人善知識眼目定動及乎勘證將來却打箇背翻筋斗若不是鴻山爭見汗馬功高後來道有此一僧只得一半道無此一僧只得一半今日板聲鍾聲魚聲鼓聲齊振或有箇拍手呵呵大笑直向伊道觀音菩薩來也

舉道吾與漸源至一家吊慰源撫棺觀問吾云生耶死耶道吾云生也不道死也不道源云爲什麼不道吾云不道不道漸源因測後來在一處聞誦觀音經應以比丘身得度者即現比丘身而爲說法忽然大悟師云道吾橫身爲物指出生死根源親到寶山一問當面蹉却若不是金剛正性宿植根深爭得向平田淺草幕地回光見得道吾著力相爲處

且作麼生是道善著力相爲處試請道看

舉僧問鏡清新年頭還有佛法也無清云有

僧云如何是新年頭佛法清云元正啓祚僧

云謝師答話清云鏡清今日失利又僧問明

教新年頭還有佛法也無教云無僧云年年

是好年爲什麼却無教云張翁喫酒李翁醉

僧云老老大大龍頭蛇尾教云明教今日失

利師云鏡清道有也失利明教道無也失利

且道請訛在什麼處若明得去不妨識進退

別休咎始知一句下有分身之意有出身之

路今日崇寧忽有人問新年頭還有佛法也

無對他道不在者兩頭他或道爲什麼如此

崇寧今日失利且道與古人是同是別

舉靈雲見桃華悟道頌三十年來尋劍客幾

回葉落又抽枝自從一見桃華後直至如今

更不疑玄沙云諦當甚諦當敢保老兄未徹
在師云千鈞之弩不爲鼷鼠發機靈雲旣撥
動天關玄沙乃掀翻地軸且道那箇是未徹
處具透關眼者試請辨看

舉遵布衲在藥山浴佛次山云你浴得者箇
還浴得那箇麼遵云把將那箇來師云藥山
問處閻隔重關遵老答來一槌兩當不可只
守者一路也或有問崇寧只浴得者箇還浴
得那箇麼提起杓子向伊道何似生

舉古者道護生須是殺殺盡始安居會得箇
中意鐵船水上浮師云且道殺箇什麼殺衆
生物命凡夫見解殺六賊煩惱座主見解殺
佛殺祖大闡提人見解衲僧分上畢竟殺箇
什麼試定當看

舉世尊於一處安居至自恣日文殊在會迎

葉問文殊何處安居文殊云今夏三處安居

迦葉於是集衆白槌欲攢文殊即見無量世界一一界中有一一佛一一文殊一一迦葉白槌欲攢文殊世尊謂迦葉云汝今欲攢那箇文殊迦葉茫然師云鐘不擊不響鼓不打不鳴迦葉既把斷要津文殊乃十方坐斷當時好一場佛事放過一著待釋迦老子道欲攢那箇文殊便與擊一槌看他作麼生合殺舉石室見僧來拈起拄杖云過去諸佛也恁麼現在諸佛也恁麼未來諸佛也恁麼長沙云放下拄杖子別通箇消息來師云石室置箇問端不妨孤峻若非長沙爭得投機雖然只知恁麼不知不恁麼遂舉拄杖云過去諸佛不恁麼現在諸佛不恁麼未來諸佛不恁麼或若總道放下拄杖子我也知你只是學

語之流生機處道將一句來

舉保壽開堂三聖推出一僧壽便打三聖云恁麼爲人非但瞎却者僧眼瞎却鎮州一城人眼去在保壽擲拄杖下座師云保壽大似毒龍攬海直得雨似傾盆三聖雖雷震青霄焉助得威光一半可中有箇直下承當非但瞎却鎮州一城人眼瞎却天下人眼去在舉寶誌公云終日拈香擇火不知身是道場玄沙云終日拈香擇火不知真箇道場師云終日拈香擇火不知拈香擇火

舉僧問長慶有問有答賓主歷然無問無答時如何慶云怕爛却那僧問睦州有問有答賓主歷然無問無答時如何州云相逢盡道休官去林下何曾見一人師云若問崇寧有問有答賓主歷然無問無答時如何對他道

收得安南又憂塞北

舉睦州陞座云首座唃答云在寺主唃答云
在維那唃答云在州云三段不同今當第一

向下文長付在來日師云一等是借路經過

就中竒恠若是崇寧又且不然首座唃在寺

主唃在維那唃在因行不妨掉臂打草只要

驚蛇若能一撥便轉免致撒土撒沙

舉長慶示衆云撞著道伴交肩過露柱燈籠共
事畢師拈云撞著道伴交肩過露柱燈籠共

證明

舉南泉示衆云文殊普賢昨夜起佛見法見
各與二十棒貶向二鐵圍山去也趙州出云
和尚棒教誰喫泉云王老師有什麼過州禮
拜南泉便歸方丈師拈云南泉動絃趙州別
曲苦痛蒼天寒山捨得若是崇寧則不然燈

籠露柱昨夜起佛見法見各與二十棒令歸
本位去也或有箇出云和尚棒教誰喫只對
他道落賓落主

舉古者道十五日已前不得住我者裏你若
住我者裏我用錐錐你十五日已後不得離
我者裏你若離我者裏我用鉤鉤你正當十
五日且道用錐即是用鉤即是師拈云放行
處把住把住處放行是則是爲人鉗鎌爭奈
傷鋒犯手若是崇寧則不然十五日已前不
得住我者裏你若住我者裏我放火燒你十
五日已後不得離我者裏你若離我者裏我
放火燒你正當十五日化爲萬斛明珠撒在
大千沙界處處盡放光明各各急須著眼

舉昔日摩耶夫人聖母左手攀枝釋迦老子
右脇降誕九龍吐水沐浴金軀便乃周行七

步目顧四方一手指天一手指地作大師子吼云天上天下惟我獨尊後來雲門大師道我當時若見一棒打殺與狗子喫貴圖天下太平師拈云驚羣之句須向驚羣處舉揚奇特之事須遇奇特人前拈出釋迦老子可謂

卷五

十四

驚羣雲門大師不妨奇特直下以不可測度底機輪向千聖頂顙上撥轉若能恁麼體會始知釋迦把斷要津雲門知恩解報且道落在什麼處還會麼棒頭有眼明如日要識真金火裏看

不善旁觀引得世尊拖泥帶水若據山僧見處待伊道不問有言不問無言和聲便打及至阿難問外道有何所證而言得入亦和聲便打何故殺人須是殺人刀活人須是活人劍

舉祖師道正說知見時知見即是心當心即知見知見即如今師拈云若明心達本知見歷然正說正行當陽顯赫且作麼生是即如今底事大家齊著力共唱太平歌

舉僧問馬祖如何是祖師西來意祖云近前

卷五

十五

舉外道問佛不問有言不問無言世尊良久外道禮拜讚歎云世尊大慈大悲開我迷雲令我得入外道去後阿難問佛外道有何所證而言得入世尊云如世良馬見鞭影而行師拈云外道因邪打正世尊看樓打樓阿難

來向你道僧近前祖劈耳便掌云六耳不同謀後來南禪師道古人尚六耳不同謀那堪三二百衆浩浩地商量禍事禍事師拈云南禪不妨因風吹火也未免隨語生解若有問道林如何是祖師西來意只對他道水長船

高泥多佛大

舉泰首座到洞山值喫果子洞山云有一物
上挂天下挂地常在動用中動用中收不得
未審過在什麼處泰云過在動用洞山云侍
者掇退果卓師拈云天下衲僧盡道泰首座
箭鋒不相挂所以遭洞山貶剥後來爲山真
如道此果子莫道泰首座不得喫三世諸佛
也不敢正眼覷著師云宗師家正令當行十
方坐斷有定乾坤句辨龍蛇眼不妨難趁當
時若是英靈衲子解捋虎鬚待他道過在什
麼處便拈起果子云和尚畢竟喫作什麼待
他擬議劈面便擲何故有意氣時添意氣不
風流處也風流

圓悟佛果禪師語錄卷第十五

音釋

睂 瞳 眇 眇 牛 擦 切 嘴 士 擦 切 驟
陳 知 鴨 薄 登 切 相 目 相 目 相 切 駕
切 切 大 鴨 也 楊 初 觀 切 觀 土 洋 切 馬
睂 瞳 眇 眇 牛 擦 切 嘴 士 擦 切 駕
陳 知 鴨 薄 登 切 相 目 相 目 相 切 駕
切 切 大 鴨 也 楊 初 觀 切 觀 土 洋 切 馬
睂 瞳 眇 眇 牛 擦 切 嘴 士 擦 切 駕
陳 知 鴨 薄 登 切 相 目 相 目 相 切 駕
切 切 大 鴨 也 楊 初 觀 切 觀 土 洋 切 馬
睂 瞳 眇 眇 牛 擦 切 嘴 士 擦 切 駕
陳 知 鴨 薄 登 切 相 目 相 目 相 切 駕
切 切 大 鴨 也 楊 初 觀 切 觀 土 洋 切 馬

圓悟佛果禪師語錄卷第十六

紫六

宋平江府虎邱山門人紹隆等編

舉雲門示衆云結夏得數日也寒山子作麼生大鴻真如道結夏得數日也水牯牛作麼生師拈云結夏得數日也諸上座作麼生復云寒山子意在鉤頭水牯牛事在函蓋且道諸上座落在什麼處惜取眉毛

舉洞山與密師伯到栢巖巖問二上座在什麼處來山云湖南來巖云觀察使姓什麼山

云不委他姓巖云名什麼山云不委他名巖云還理事也無山云自有廊幕在巖云還出入否山云不出入巖云豈不出入山拂袖出去巖至來日侵早入堂召二上座二人近前巖云昨日問上座話不愜老僧意一夜不安今請上座別一轉語若契老僧意便開粥飯

相伴過夏山云却請和尚問巖云不出入山云太尊貴生巖乃開粥同過夏師拈云正偏回互只要圓融直截當機惟尊貴洞山觀機而作栢巖理長則就雖然如是曹洞門下即得若於臨濟宗中須別作箇眼目始得當時待伊道不委名便向伊道他不委你你不委他敢問合道得什麼語還有人道得麼若有山僧也不開粥只分付箇龜毛拂子若道不得且參三十年

舉僧問趙州萬法歸一一歸何處州云我在青州作一領布衫重七斤師拈云摩醯三眼一句洞明似海朝宗千途共轍雖然如是更有一著在忽有問蔣山萬法歸一一歸何處只對他道饑來喫飯困來眠

舉道吾漸源至一家弔慰源撫棺木云生耶

死耶吾云生也不道死也不道源云爲什麼
不道吾云不道不道行至中路源云請和尚
爲某甲道若不道則打和尚去也吾云打即
任打道即不道師拈云銀山鐵壁有什麼階
昇處山僧今夜錦上鋪華八字打開商量者

紫光

二

公案去也生也全機現死也全機現不道復

不道箇中無背面直下便承當不隔一條線

逼塞太虛空赤心常片片

舉南際到雪峯經月次見玄沙沙云長老唯
我能知際云須知有不求知者沙云山頭老
漢費許多氣力作麼師拈云玄沙放去太嶮
收來太速若據金山則不然此事唯我能知

須知有不求知者只向他道也知長老不分

外還委悉麼一鏃破三關分明箭後路

舉僧問巴陵如何是道陵云明眼人落井僧

問石頭如何是道頭云木頭僧又問韶國師
如何是道國師云四生浩浩師拈云宗師家
爲人各有出身處若是通方之士一舉便知
苟未相諳不免指注只如一箇問頭三人恁
麼答且道是那一句親切還委悉麼一鏃破
三關分明箭後路

舉僧問香林如何是衲衣下事林云臘月火
燒山雪竇云臘月火燒山萬種千般翹松鶴
冷踏雪人寒達磨不會大難大難師拈云大
小雪竇隨裏漱不能截斷誚訛若是道林即
三不然臘月火燒山特地無端綿包特石鐵裏
泥團

舉雪峯示衆云盡大地撮來如粟米粒大拋
向面前漆桶不會打鼓普請看師拈云絕天
維立地紀未足稱奇擘太華逗河源亦非敏

手若向菌裏觀得透便可以撒驪龍窟明珠噴梅檀林香氣豈不快哉山僧今日不避泥水放一線道乃拈拄杖云還見雪峯麼遂卓拄杖云劄

舉臨濟與普化一日同往施主家齋濟問毛吞巨海芥納須彌爲復是神通妙用爲復是法爾如然化踢倒飯床濟云大龐生化云者裏是什麼所在說麤說細濟休去來日又同一施主家齋濟復問今日供養何似昨日化又踢倒飯床濟云太龐生化云瞎漢佛法說甚麤細濟吐舌師拈云精金不百煉爭見光輝至寶不酬價爭辨真假不是臨濟不能驗他普化不是普化不能抗他臨濟所謂如水入水如金博金雖然如是放過則彼此作豕點檢則二俱失利具擇法眼者試請辨看

舉昔有秀才問長沙某甲曾看千佛名經一百千諸佛但見其名未審居何國土長沙召秀才才應諾沙云黃鶴樓崔顥題後秀才還曾題否才云不曾題沙云得閑題取一篇好師拈云募刀劈面解辨者何人劈箭當冒承當者有幾若能向奔流度刃疾焰過風處見長沙橫身爲物去不消一捏其或隨言詮入露布便謂問東答西裂轉話頭且作麼生是長沙端的處還委悉麼殺人刀活人劍

舉趙州訪一庵主便云有麼有麼庵主豎起拳頭州云水淺不是泊船處便去又訪一庵主亦云有麼有麼庵主亦豎起拳頭州云能縱能奪能殺能活禮拜而去師拈云佛祖命脉列聖鉗鎰換斗移星經天緯地有般漢未出窠窟只管道舌頭在趙州口裏殊不知自

已性命已屬他人若能握向上綱宗與二庵
主相見便可以定龍蛇別緇素正好着力還
知趙州落處麼切忌顛預

舉僧問長沙作麼生轉得山河大地歸自己
去沙云作麼生轉得自己歸山河大地去師

拈云得人一牛還人一馬

舉雲門示衆云百草頭上道將一句來衆無
對自代云俱師拈云直得萬機寢削千眼頓
開細如須彌大如芥子軟如鐵硬如泥雖然
如是只道得一半或有問山僧只對他道牧

且道落在什麼處

舉興化一日上堂有一同參來纔上法堂化
便喝僧亦喝僧繞行三兩步化又喝僧亦喝
僧擬進前化拈棒僧又喝化云你看者瞎漢
猶作主宰在僧擬議化便直打下法堂却歸

紫六

五

方丈侍者便問適來僧有甚語句觸忤和尚
化云他適來也有照也有用也有權也有實
我將手向伊面前劃兩遭到者裏便用不得
似者般漢不打更待何時師拈云辨王庫刀
振塗毒鼓掣電未足以擬其迅震雷未足以
方其威可謂善驅耕夫之牛能奪飢人之食
只如主賓互換有照有用有權有實則且致
甚處是興化將手向伊面前劃兩遭處若者
裏洞明可以荷負臨濟正法眼藏如或泥水
未分未免瞎驢隨大隊

舉仰山坐次大禪佛到翹一足云西天二十一
八祖亦如是唐土六祖亦如是和尚亦如是
某甲亦如是仰山下禪牀打四藤條師拈云
師資會遇芥子投針一期借路經過不免互
相鈍置雪竇道藤條未到折因甚只打四下

師云餬餅計什麼汁雪竇云須是箇斬釘截鐵漢始得師云大似隨邪逐惡大禪佛後到霍山自云集雲峰下四藤條天下大禪佛參

霍山云維那打鐘著禪便走師拈云者漢擔仰山一箇冬瓜印子向人前賣弄若不是霍山幾被塗糊雖然可惜令行一半當時不用喚維那好與擒住更打四藤條且聽者漢疑三十年

舉雪峯會下有一僧辭去在山中卓庵多時不剃頭自作一柄木杓溪邊舀水喫時有僧見問如何是祖師西來意主豎起杓子云溪深杓柄長僧歸舉似雪峯峯云也甚奇恆峯一日與侍者將剃刀去纔相見便問道得即不剃汝頭主便取水洗頭峯便與伊剃却師拈云庵主雖生鐵鑄就雪峯奈是本分鉗錐

當初若一向顛預爭見驚天動地還委悉麼金鏹慣調曾百戰鐵鞭多力恨無酬

舉僧問保福雪峯平生有何言句得似羚羊掛角時福云我不可作雪峯弟子不得那師拈云翡翠羽毛麒麟頭角重重光彩的的相

承要明陷虎之機須施嶮崖之句雖然如是只知與麼來不知與麼去或有問山僧五祖

平生有何言句得似羚羊掛角時只對道不敢孤負先師委悉麼山高嵒白雲飛

舉玄沙和尚到蒲田縣衆以百戲迎之次日玄沙遂問小塘長老昨日許多喧鬧向什麼處去小塘提起袈裟角示之沙云料掉沒交涉大瀉真如拈云大瀉即不然或有問昨日許多喧鬧向什麼處去遂鳴指一下或有箇衲僧出云料掉沒交涉大瀉却肯伊何故大

丈夫漢將虎鬚也是本分且道利害在什麼處師拈云二老宿雖是提振綱宗要且貪觀天上月而今或有箇出問道林適來許多喧鬧向什麼處去只對他道又是從頭起他若道料掉沒交涉劈脊便棒何故曹溪波浪如

卷六

七

相似無限平人被陸沉

舉僧問投子如何是一大事因緣子云尹司空與老僧開堂師拈云人道投子實頭不妨忒煞淳樸若是山僧即不然或有問如何是一大事因緣只對他道弄潮須是弄潮人

舉藥山一夜無燈燭示衆云我有一句子待特牛生兒即向汝道時有僧出云特牛生兒也自是和尚不道山云把燈來其僧便歸衆洞山云者僧會則會只是不肯禮拜法燈云當時不要索燈但問他道生底是特牛兒梓

牛兒又代云雙生也師拈云藥山垂釣意在鯤鯨者僧吞釣三千浪激洞山眼正千里同風法燈重整鎗旗再裝甲冑雖然如是山僧即不然夾山有一句子威音王已前與諸人道了也或有問明頭合暗頭合只對他道龍得水時添意氣虎逢山勢長威獰

舉巖頭參德山入門便問是凡是聖山便喝頭禮拜洞山云若不是巖公大難承當巖頭聞云洞山老漢不識好惡錯下名言殊不知我當時一手擡一手搦師拈云德山搦令而行只得一半洞山通方有眼千里同風巖頭既善擡虎頭又能收虎尾大似作家戰將臨陣扣敵七事俱全不妨奇特敢問那箇是一手擡一手搦處謂言侵早起更有夜行人舉僧問曹山恁麼熱向什麼處回避山云饅

湯爐炭裏回避僧云鑊湯爐炭裏作麼生回避山云衆苦不能到師拈云回機轉位宛爾通方直下似曠月蓮華雖然如是斬釘截鐵更饒一路或有問碧巖恁麼熱向什麼處回避只向他道鑊湯爐炭裏回避他若云鑊湯爐炭裏如何回避只向他道熟殺也何妨且道還有爲人處也無

紫六
舉陸亘大夫問南泉肇法師道天地與我同根萬物與我一體也甚奇恠南泉指庭前華召大夫云時人見此一株華如夢相似師拈云陸亘手攀金鎖南泉八字打開直得七珍八寶羅列目前乃豎起拂子云天地一指萬物一馬通身是眼分蹤不下

舉興化示衆云今日不用如之若何便請單刀直入興化與你證明時有旻德長老出衆

禮拜起便喝化亦喝德又喝化亦喝德便禮拜化云旻德今日却校興化二十棒若是別人一棒也少不得何故蓋爲他旻德會一喝不作一喝用師拈云作家相見須是恁麼機如掣電眼似流星原始要終扶頭接尾所謂羽毛相似言氣相合只如兩家互換相喝且作麼生辨得一喝不作一喝用要承當臨濟正法眼藏須明取二老宿意且道意作麼生百尺竿頭須進步紫羅帳裏撒真珠

紫六九
舉僧問雲門如何是清淨法身門云六不收師拈云只道得一半若問道林只對他道一不立遂成頌一不立六不收突然那更有蹤由無限青山留不住落華流水太悠悠

舉僧問長慶如何是合聖之言長慶云山僧被閻梨一問直得口似匾擔師拈云是則是

應機無差爭奈大驚小恠或有問道林如何
是合聖之言只對他道誌公不是閑和尚剪
刀只在卧床頭

舉臨濟道一喝分賓主照用一時行師喝一
喝云且道是賓是主是照是用還委悉麼千

峯勢到嶽邊止萬派聲歸海上消

舉玄沙見鼓山來作一圓相山云人人出者
箇不得沙云情知汝向驢胎馬腹裏作活計
山云和尚又作麼生沙云人人出者箇不得
山云和尚與麼道得某甲却與麼道不得沙
云我得汝不得師拈云灼然者一條路作者
方知直得窮天地亘萬古而不移消劫石空
芥城而不盡便是透闌底也須急著眼始得
一等是與麼時節爲什麼我得汝不得切忌
向驢胎馬腹裏作活計

舉休靜在洞山作維那二日普請白槌云上
間鋤地下間搬柴首座遂問云聖僧作箇什
麼靜云當堂不正坐那赴兩頭機師拈云珠
鑽九曲休靜可謂神功玉解連環山僧更資
一路或有問聖僧作箇什麼只對他道廓如
明鏡當堂照不動形聲應萬緣

舉僧問馬大師離四句絕百非請師直指某
甲西來意大師云我今日勞倦不能爲汝說
問取智藏去師著語云錯僧問智藏藏云我
今日頭痛不能爲汝說問取海兄師著語云
達摩

錯僧問海海云我到者裏却不會師著語云
錯僧回舉似馬大師大師云藏頭白海頭黑
師著語云錯錯師拈云若是明眼漢一舉便
知落處白雲師翁道者僧擔一擔懵懂換得
箇不安樂馬大師道藏頭白海頭黑白雲拈

云風后先生只知其一不知其二只如山僧下五箇錯且道落在什麼處莫將閑學解埋沒祖師心

舉僧問雲門如何是法身向上事門云向上與汝道即不難作麼生會法身僧云請和尚鑑門云鑑則且致你作麼生會法身僧云與麼與麼門云者箇是長連床上學得底我問

你法身還喫飯也無僧無語雪竇云將成九仞之山不進一簣之土保福云欠他一粒也不得又古德云喚什麼作飯師拈云雲門可謂驅耕夫牛奪餓人食權衡佛祖龜鑑宗乘所以後來尊宿各出眼目扶立宗風雖然如是只明得法身邊事未明得法身向上事且如何是法身向上事域中無向背閻外有權衡

舉保壽開堂三聖推出一僧壽便打聖云恁麼爲人非但瞎却者僧眼瞎却鎮州一城人眼去在壽便歸方丈師拈云保壽全機擔荷不妨奇特要且只得一邊當時若善發明臨濟正法眼藏待三聖道恁麼爲人非但瞎却者僧眼瞎却鎮州一城人眼去在便與本分草料何故一不做二不休

舉金牛行食次問龐居士生心受食淨名已呵去此二途居士還甘否士云當時善現豈不作家牛云豈干他事士云食到口邊被人奪却金牛便行食士云不消一句子師拈云善現作家金牛奇特盡被龐居士一時領過了也只如龐居士道不消一句子且道是那一句端坐受供養施主常安樂

舉僧問石門年窮歲盡時如何門云東村王

老夜燒錢師拈云可謂神通妙用僧復問開

先暹和尚年窮歲盡時如何暹云依舊孟春

猶寒師拈云不妨田地穩密忽有問道林年

窮歲盡時如何只對他道定盤星上轉風車

舉三聖道我逢人則出出則不爲人興化道

我逢人則不出出則便爲人師拈云一人在

孤峯頂上土面灰頭一人在十字街頭斬釘

截鐵有頭有尾同死同生且道出則不爲人

底是出則便爲人底是豎起拂子云萬古碧

潭空界月再三撈撦始應知

舉龍牙問翠微如何是祖師西來意微云與

我過禪版來牙取禪版與翠微微微接得便打
牙云打則任打要且無祖師西來意牙又問

臨濟如何是祖師西來意濟云與我過蒲團

來牙取蒲團與臨濟濟接得便打牙云打即

任打要且無祖師西來意住院後僧問和尚

卷六

十二

當年見二尊宿是肯伊不肯伊牙云肯即肯

要且無祖師西來意師拈云者漢叅來莽鹵

學處顛頽雖然顧後瞻前爭奈藏身露影既

是無祖師西來意用肯作麼若向箇裏辨得

山僧與你拄杖子若辨不得和鼻孔一時失

却

舉僧問雲門樹彫葉落時如何門云體露金

風師拈云雲門善巧方便可謂即事即理即

隱即顯三句可辨一鏹遼空雖然猶是粘皮

著骨若有問蔣山樹彫葉落時如何只對他

道撐天拄地且道是三句是一鏹試玉須經

火求珠不離泥

舉懶瓊和尚云吾有一言絕慮忘緣巧說不得只要心傳師拈云者老漢魚行水濁漏連

卷六

不少雖然如是箇中或有解忘緣能絕慮者

出來道作麼生是心傳若也會得已傳了也

若會不得心即且置畢竟是那箇一言歸堂

歇去

舉雪竇云乾坤之內宇宙之間中有一寶掛

紫六

在壁上達磨九年面壁不敢正眼觀著如今

衲僧要見劈脊便打師拈云雪竇妙中之妙

奇中之奇向佛祖頭上提持衲僧頂門鑿竅

不妨自在要且只見錐頭利不見鑿頭方若

是蔣山則不然乾坤之內宇宙之間中有一

寶豎起拄杖子云在拄杖頭上拈起也天回

地轉放下也草偃風行有時八臂三頭有時

壁立千仞如今莫道衲僧要見直饒千聖出

來列祖齊至並須倒退三千里敢問大眾且

道什麼人合得受用分付天台木上座突出

南山鼈鼻蛇攏拄杖下座

舉僧問大梅如何是祖師西來意梅云西來

無意僧舉似鹽官官云一箇棺木兩箇死漢

雪竇云三箇也有師拈云一串穿却

舉靈雲頌云三十年來尋劍客幾回葉落又

抽枝自從一見桃華後直至如今更不疑玄

沙云諦當甚諦當敢保老兄未徹在師拈云

唱彌高和彌寡雪曲陽春殺人刀活人劍利

物之要有般底尚拘聞見隨語作解便說相

謾誰不知日下孤燈已失先照畢竟什麼處

是未徹處壺中日月長

舉玄沙問僧近離甚處僧云瑞巖沙云瑞巖

有何言句僧云長喚主人公自云喏喏惺惺

著他日莫受人謾沙云一等是弄精魂也甚

奇恠復云何不且在彼中住僧云瑞巖遷化

了也沙云如今還喚得應麼僧無語雪竇云
蒼天蒼天師拈云萬丈寒潭徹底月在當心
千尺巖松倚天風生幽谷直得凜凜孤標澄
澄風彩及至月離碧嶂影落雲衢遂乃當面
蹉却當時者僧若是箇漢待伊道即今還喚

第六

十四

得應麼當下便喝非唯把定玄沙要津亦與
瑞巖老子出氣

舉僧問風穴九夏賞勞請師言薦穴云一把

香芻拈未暇六鑠金錫響搖空師拈云風穴
用得當陽事不妨風流儒雅要且只道得途
他道四絕堂邊呈瑞氣三湘江畔奪高標

中句或有問道林九夏賞勞請師言薦只對
舉舍利弗一日入城見月上女出城舍利弗
問云什麼處去女云如舍利弗恁麼去舍利
弗云我方入城汝方出城何言如舍利弗恁

麼去女云諸佛弟子當住何處弗云諸佛弟
子當住大涅槃女云諸佛弟子既住大涅槃
我如舍利弗恁麼去師拈云住無所住行無
所行見無所見用無所用各人脚跟下廓同
太虛如十日並照觸處光輝苟知恁麼則與
月上女同證無生得不退轉隨去來處無不
皆在大解脫申三世諸佛鼻孔一時穿却說
什麼如舍利弗恁麼去

第六

十五

舉師祖問南泉云摩尼珠人不識如來藏裏
親收得如何是藏泉云王老師與汝徃來者
是祖云直得不徃來時如何泉云亦是藏祖
云如何是珠泉云師祖祖應喏泉云去汝不
會我語師拈云南泉一期垂手收放擒縱則
不無要且未見向上事在只如盡大地是如
來藏向什麼處著珠盡大地是摩尼珠喚什

麼作藏若明得有轉身處許他只具一隻眼
舉僧問香林如何是衲衣下事林云臘月火
燒山師拈云舉一明三衲僧孔竅千差一轍
本分鉗鎌雖然如是或有問道林如何是衲
衣下事只對他道綿包特石

舉南泉問僧昨夜好風僧云昨夜好風泉云
吹折門前一株松僧亦云吹折門前一株松
南泉又見僧問昨夜好風僧云是什麼風泉
云吹折門前一株松僧云是什麼松泉云一
得一失師拈云大凡酬唱隨機著眼辨龍蛇
別緇素所謂打鼓弄琵琶相逢兩會家只如
南泉道一得一失敢問阿那箇得阿那箇失
到者裏須是向上人始得還委悉麼鵝王擇

舉修山主頌云二破不成一一法鎮長存若
乳素非鴨類

人一二解未劫受沉淪師拈云直似倚天長
劍凜凜神威向平坦坦處壁立千仞壁立千
仞處平坦坦雖然只道得一半道林即不然
二破不成一一法亦不存不作一二解未劫
受沉淪

舉道吾問雲巖脫却殼漏子向什麼處相見
去巖云向不生不滅處相見師拈云太周遮
生道吾云何不道非不生不滅處相見師拈
云太孤峻生大凡善知識舉一語垂一機要
明生死根源令一切人明心見性去豈不快
哉其六或有問道林脫却殼漏子向什麼處相見
十六只對他道何處不逢渠

舉修山主頌云欲識解脫道諸法不相到眼
耳絕見聞聲色闊浩浩師拈云聲不到耳色
不到眼聲色交參萬法成現且道還踏著解

脫道也無不省者箇意修行徒苦辛

舉僧問石輩生死到來如何回避輩云者的
無生死師拈云還識者的麼俊鶴捎空去憎

鳥泊籬頭

舉古者道生死中有佛則不迷生死又有道

生死中無佛則無生死師拈云是則是兩口
金剛寶劍要且拂掠虛空金山則不然生死
爲諸佛根基諸佛乃生死爐鞴若解嶮絕承
當即證六通八解

圓悟佛果禪師語錄卷第十六

音釋

惱	詰叶切	翫	渠堯切	壁	博厄切	顚	胡老召以
	決也		切				
切	行	特	徒得切	犖	疾置切	公渾切	
也	也	牡	牛也	牝	牛也	鯤	
切	求位切	竇		牛也		大魚也	
居	土籠也	暹	思康	竇	在旱	麅	括呼
切							
		擗	取亂切				
		擗	擗也				

圓悟佛果禪師語錄卷第十七 紫七

宋平江府虎丘山門人紹隆等編

高宗在藩邸三次請陞座說偈
善因招善果種粟不生豆大福德人修大福
德人受

八萬四千波羅蜜一毫頭上已圓成棒頭喝

下承當得高步毘盧頂上行

至簡至易至尊至貴徃還千聖頂額頭世出
世間不思議彈指圓成八萬門一超直入如
來地

頌月上女因緣

本來正體徹根源出入同途只此門已住如
來大解脫掌中至寶耀乾坤

示丹霞佛智裕禪師

二三四七初無間顯大威光示的傳把斷關

津勿輕放草深誰顧法堂前
寓言

昔聞沉巨浸一舉十二鼇持此淨華宿曾未
及秋毫濛濛大象中出沒安可逃只自且循

緣著意真徒勞

和靈源瞌睡歌

懵懵懂懂無巴無鼻兀兀陶陶絕忌諱任信
流光動地遷不論冬夏唯瞌睡箇中滋味佛
不知空咄蚌蛤與螺師放身不管卧水底興
發長挨布袋兒鼻息如雷誰顧得尋常少見
有醒時沒醒時良有以要明瞌睡中宗旨從
來一覺到天明佛來不解擡身起縱使舒光
遍大千終難換我無憂底校疎親渾打失瞌
睡根靈莫窮詰有人契會便同參睡著須知

更綿密

修道者若虛庵銘

修禪道人隨身卓庵取名於佛果老子因與
名之若虛乃會三爲一也而不出本分事及
禪教未嘉云體若虛空沒涯岸佛經云佛真
法身猶若虛空混元云深藏若虛宣尼云實

卷七

二

若虛云一滴滴水一滴滴凍只麼平常表裏
空洞根塵絕偶六門互用快住此庵十八不
共要覲罅隙灼然無縫應物非緣誰爲幻夢

因示衆

辨道應須辨自心心真觸處是通津直明格

外無生忍端作區中解脫人吸盡西江龐老
口搏將妙喜淨名身八風五欲莫能轉解向

塵中轉法輪

佛鑑和尚忌展示衆

去年正今日泥牛闖入海今年正今日徧界

舒光彩虛空無相身佛鑑儼然在非色亦非
心不小復不大劫石可移動箇中無變改要
知佛鑑恩各人明主宰一句逗群機志心常
頂戴且道是那一句喫飯咬著沙

送梵思禪老皖山住庵

脫去羈羅徹轡銜了無毫末可容叅馬駒兒
踏誰禁得皖伯臺前去住庵

頌黃龍三關

我手何似佛手隨分拈華折柳忽然摸著她
紫七頭未免遭他一口

三我脚何似驢脚趙州石橋畧約忽若築起皮

毬崩倒三山五嶽

人人有箇生緣蹲身無地鑽研忽若眼皮迸
破慮他桶底踢穿

送慧恭先馳之平江

一句單提起越祖佛痛劄針錐窮徹骨出門便

作獅子兒敵勝驚群資返擲平江古來豪俠

窟去去先通箇消息此行不作等閑來八面

清風起衣袂

送景元先馳之毘陵

當陽提起截千差誰信風流出當家要入壘

中通一線等閑開取鉢疊華善專對不辱命

乃見摩醯三眼正引著群靈使共行明明直

截曹溪徑

示擇言禪人三偈

參禪參到無參處窮玄窮徹玄盡頭渴飲饑

食只恁麼世間出世沒蹤由

機關並是閑家具玄妙渾成破草鞋鐵額銅

頭超佛祖橫拈倒捉一坑埋

紅塵有底論成道寒谷無人可作春荷識拈

華微笑意一番拈弄一番新

送修道者

不下笠子勘俱胝一句擊出一古佛如今歸去舊雲庵叅徧諸方善知識卓卓頂門眼輝騰如果日勉力傳持無盡燈繼取末山舊蹤

跡

三毒頌

溝壑難充一念欲泥犁永劫苦何堪悟將萬

法皆如幻慎勿容心瞥起貪

未見世間爲大患焚燒功德莫過嗔頭頭違

順須容却喜捨慈悲出六塵

集七

四

羅刹無明徹底癡翳他正體發狂機猛操般

若金剛劍未斷渠儂撒手歸

妄起渾由三箇漢牽拖六道四生中倏然調

伏無功用端與毘盧性海通

送達侍者之武陵

臨濟昔遣將驗德矯行令接住與一送果別
探竿影國師三度喚聲聲無不領負汝負吾
機直透千聖頂古人曾侍香根器如此警爾
數載巾瓶已合得正命今復自帝都直遊武

陵境打辨後精神也要識禪病截斷風前句
奪取佛祖柄歸來大誇詫強將果然猛

衆生本來是佛

放愁放癡貪世味閑情誰管真如地有時得

片好風光十字街頭恣遊戲

送智祖禪德

一句當機領千差路絕攀去來長若鑑喧寂
鎮如山百草顛頭峻孤雲世外閑行行牢把

著宜闡工頭關

楊無咎觀察

昔在皇都叅會底與今豈復有差殊等閑乘
興重拈似閑堂捧腹一軒渠

佛祖命門提在手放開捏聚更非他已到懸
崖撒手處從來關捩子無多
示若平禪人

贊弼住山功已立荷擔長久志彌堅雲門庵
鞠壓歐阜天上高天更有天追復古來清淨
刹他時會見美聲傳賓主相投膠漆合相與
弘持臨濟禪

示善友

此段本來無向背要須堅猛力行持金剛正
眼通身是萬境來侵莫管伊

送諸化士

豁達靈明印脚跟用來了不隔纖塵歷遊華
藏毘盧界把住牟尼百億身八寶七珍皆我

有左穿右穴與誰隣勞生袞袞堪垂手乃是通方自在人

皎皎林間月悠悠天際雲去來非有累圓缺本無垠逗水光常淨爲霖意不群溪山千萬里同異許誰論

迦葉剎竿頭此老曾饒舌全體解承當祖祖何曾別要明箇段事須善觀時節遇著與麼人眼中爲出屑庶見北山門戢戢皆雲衲妙手廣施呈翻却驍龍穴

千聖頂顛頭有破天大路唯是無心人始能闊著步恰如履平地日行千百度要引滿世間一齊與麼去爾垂手入巄應須善回互閑閑處相逢當機宜把住似過金剛圈請盡情分付歸來善法堂撾取大法鼓

覲面豁開三要印全機直明正法藏持去江

西顯本宗三日耳聾無伎倆要須撒手向孤峯選甚懸崖千萬丈欲知稱意得錦鱗騰身快入驚人浪

四料四賓主三亥及三要擊石火電光乃臨濟垂範既參臨濟禪亦須自點檢照用喝下奇殺活杖頭驗以此入郊廓大奮姜維膽光榮作鳳輝七珍只一覽

無位真人赤肉團面門出入若爲看棒頭按正風前令喝下逼將肝膽寒不立階梯那事佛有真規矩得心安橫身百草顛頭用插手驪龍窟裏翻要見衲僧全意氣如麻萬境莫能干大緣唾手間能辦未信人生行路難撥轉千差向上機攬旗奪鼓不饒伊翻身踞地全生殺始是金毛師子兒

吸盡西江匹似閑作家豈復尚機開放教性

地平如砥成佛功歸一駒間

舉民公充座元有偈曰

休誇四分罷楞嚴按下雲頭徹底參莫學亮

公親馬祖還如德嶠訪龍潭七年往返遊昭

覺三載翹翔上碧巖今日煩充第一座百華

叢裏現優曇

第七

送安首座回德山

使乎不辱命臨機貴專對安禪捋虎鬚著著

超方外不惟明窓下安排掇向禪床拶喫崖

拈槌豎拂奮雄辯金聲玉振猶奔雷九旬落

落提綱宗衲子濟濟長趁風解黏去縛手段

辣驅耕奪食尤雍容夏滿思山要歸去了却

武陵一段事勃窣理窟乃胸中行行不患無

知已臨行索我送行篇栗棘蓬裏金剛圈短

歌須要數十丈長句只消三兩言金毛師子

解翻身箇是叢林傑出人不日孤峯大哮吼

五葉一華天地春

真讚

睦州和尚

辛辛辣辣嘔嘔咤咤識濟北爲大樹拶雲門

墮喫崖機峻莫偕言如枯柴夫是之謂陳蒲

鞋

死心和尚舍利

箇是黃龍老大蟲火後晶熒真舍利萬年如

日出世間與善知識作儀軌平生斥佛呵祖

口於斯乃驗著實底留將法子法孫傳觸處

放光常動地

六祖大師

稽首曹溪真古佛八十生爲善知識示現不

識世文書信口成章徹法窟葉落歸根數百

秋堅固之身鎮韶石皎如赫日照長空煥若

驪珠光太極定慧圓明擴等慈所求響應箇
空谷河沙可數德莫量併出渠儂悲願力

楊岐和尚

三脚驢子弄蹄行解道鉢盂口向天荷擔他

一百二十斤重擔子牽犁拽耙無端壞却慈

明禪

白雲端和尚

楊岐腦後眼豈親透得金塵能幾人扶持臨

濟一拳拳倒黃鶴樓華璧二祖鼻孔依前搭

上唇

五祖演和尚

山前一片閑田地松竹引風長襲人說心說

性老僧箇裏是惡口偏提賤賣擔版貼秤麻

三斤

真如喆和尚

叢林老作世無儔凜凜威光四百州一擊鐵

關如粉碎恩大難將雨露酬

丹霞佛智裕長老請讚

奮雷霹靂赤肉團壁立星飛電擊臨濟命脉

七 漆儂突出驀地面門拶出初無一物三玄三
要輝赫分付佛智碎却人窠窟與祖宗雪屈

咄

華藏民長老請讚

臨濟正法眼從者瞎驥滅父子不相傳神仙

九 有秘訣豈顧殃及兒孫且圖眼中出屑逢人

好一劄切忌向渠說

道沫首座請讚

紫羅帳裏撒真珠夜明簾外提巴鼻句下三

要三玄何人親得的旨面門無位真人放渠

出一頭地

梵思維那請讚

單提臨濟正法眼當機密付要瞎驢無位真
人乾屎橛棒頭喝下絕名模當年海會大蟲
咬今日歐峯舉似渠圓悟不惜兩莖眉洪爐
燭裏綻芙蓉

惟祖知藏請讚

掃蕩佛祖不存性命鐵樹華開神駒十影圓

悟傳來臨濟禪忽雷轟震千峯頂

法一書記請讚

化城踏破寶所非留當陽截斷機關透出百
草頭揮臨濟之吹毛駕慈明之巨舟頭角
相似氣類相投全機一喝分賓主須信渠儂
得自由

子文監寺請讚

威如猛虎出深林皎若銀蟾轉太清望之儼
如即之也溫闡摩醯正眼於頂額突無位真
人於面門有誰領此豈可顯言分付子文

道元禪客請讚

臨濟正法眼藏突出三頭六臂忿怒驟撲帝
鐘謾且神通遊戲圓悟當曾一拳鎖斷衲僧

巴鼻

德珂禪人請讚

眼裏有瞳子頂門亞一指放出金剛圈舉世
提不起箇中領畧要渠儂鐵作脊梁金作齒
卷七
恁麼便行喪兒孫不恁麼行校些子滅却正

眼瞎驢邊圓悟風光動天地

景元侍者請讚

生平只說聾頭禪撞著聾頭如鐵壁脫却羅
籠截脚根大地撮來墨漆黑晚年轉復沒忉

初奮金剛鎌碎窠窟他時要識圓悟面一爲渠儂併拈出

法昭維那請讚

大包無外細入毫芒現寶華王隨處道場建

立掃蕩正體堂堂一語壁立濟濟鏘鏘渠儂

此面目何人解提將圓悟栗棘蓬覲體沒商

量克賓話櫨播諸方

韓朝議請讚

撥轉上頭關千聖須却步唯許箇中人要通

一線路具茨脫諸緣投誠信此事誓無雜用

心長時箭相拄貌出山野姿踞不蔭高樹按

杖正令行提持那一句善財鞠躬前風神全

體露氣類自相同美哉名父子

惟表知藏請讚

此著千聖頂領上臨濟建立大法幢萬丈懸

崖解放身可以一口吸西江石火電光猶是鈍虎肩挿翅定無雙

勝居禪人請讚

夜明符燭天吹毛劍照雪神威冷森森紅光

阿刺刺未啓口時當頭截欲入門來劈面喝

體裁相似可克家此地不容通水泄

若平禪老請讚

高擁毳袍橫按柱杖作意提綱截斷伎倆放

出向上一機千聖魂亡膽喪於此有人承當便見千了百當圓悟杖頭一滴禪西江十八

灘俱漲

雲玩禪德住頭陀巖庵請讚

盤陀石上橫按拄杖眸質儼然曾無伎倆不施栗棘金圈不愛起模畫樣頭陀巖頂偶行

奉打著渠儂也沒量

懷祖知殿請讚

瘦而精健老有餘韻鼓兩片皮說法無吝掃
併清識不留纖聯七處道場恰如一瞬有箇
不顧危亡僧剛地要來衝雪刃咄

文皓禪人請讚

岷峨濯秀屹西南氣象盤回鬱翠藍英傑間
生從古習豈容凍膾輒相參自不將領玷問
里賴有舌本操玄談得請居閑皓目擊持歸
先爲結茅庵

蘊遇小師請讚

日面月面並現印空印水雙彰機先不留朕

跡格外亦絕承當父子至親路別各各項有
圓光切恐與人明破此門豈可商量

禪人寫真求讚

泡幻中出枯木朽株頂缺神骨額無園珠曾

遭海會毒龍咬快意追風天馬駒施設千種
巧其實一物無若憑者箇見至了不識渠混
沌未分時無此箇面孔泡幻既張皇乃具足
十種曾次不立纖塵口角波濤汹湧唯有一
件長愛打破漆桶

乍嗔乍喜渾只由你最愛謾人搖唇弄觜忍
草偏地生何曾澆法水傾倒心肝一句禪箇
些兒子猶呈瑞

模子中脫出佛果老古錐萬緣休歇處端坐
不言時移刻定動奮迅全威爲人到徹骨不
惜兩莖眉

掣掣似紅藥跛跛如雲門殊無二老實空蘊
二老文放下會事索破沙盆寶鑑一塵秋空

片雲

一見便見了本來面敏手丹青應緣而現漸

近縱心愈見強健唯用金圈粟蓬要須千煅
百煉撒手萬仞崖頂門廊正眼

幻出成相真蘊其中挺然骨目四座生風傳
不可傳之心振不可振之宗老出皇都晚住
殿峯只者沒回互領畧在渠儂

卷七

十三

句中沒禪格外無玄當面不見斷莫可傳似

玉溫潤如月孤圓氣媚川源光流大千

衲衣逋峭活卓卓片段殘雲籠巨嶽壁立萬
機要頓發大用要直截馬師老百丈無端已
漏泄臨濟喚火來坐斷天下舌此老據胡床
也要恁麼說說不說萬里青天一輪月

仞近不得無佛無祖無棒喝一口吸盡西江
水箇是圓悟當頭著

相現無相心出非心如印印空迥絕古今入

師子窟遊栴檀林脫去羈韁履薄臨深要識
圓悟立處孤峯萬仞嶽

紅爐焰裏著點雪夜明簾外剔金燈萬丈寒

潭冰徹底妙高峯頂玉稜層等是渠儂遊歷

處萬機普應初不曾圓悟老來垂隻手爲問
何人似我能

利刃斬虛空神箭穿紅日用吞十方口吹此
無孔笛如斯三十年不費纖毫力信彩直鉤
頭也有錦鱗食有眼自承當慎勿從渠覓大

是仙陀未言先領一片風光奪人奪境圓悟
危坐盤陀風神峻整橫柳櫟筇廊千聖頂誰
是仙陀未言先領一片風光奪人奪境圓悟

晚來益深沉華陰山頭百尺井

立地可成佛殺人不眨眼碎生死窠窟要箇
個儻漢圓悟從來提此著風前白雲曾喝散

當家種草可相從利劍七星光燦爛

句裏有出身突在千聖頂當機絕籠羅透徹

無邊境生平秉此金剛王四喝三玄格外領

面門拶却太周邊誰是瞎驢傳性命

覩面全真不計踈親虎頭燕領未盡渠神把

斷關津不放過無邊刹海乃比隣

太虛寥廓憑誰悟翻身背擲真師子透頂透

卷七
十四

底沒遮攔千峯峭絕轟一句畧開圓悟上頭

關浮幢刹海闊著步

道不在丹青禪不在面相強自貌將來讚之作何狀且就箇現成爲汝說一上赤水求神

珠得之由罔象圓悟老古錐老來沒伎倆英

禪把將去滔天袞白浪

本無箇面目突出六十七今汝強圖貌頂門欠三隻七處入閻藍近來稍寧謐若更打葛藤豈有休歇日三十年後與人看圓悟從前

沒窠窟

太清之雲明鏡之塵於無相中驀現此身考實究妙以何爲真不出者箇一著最親透得剔脫與古爲隣

道絕形相名存至公對現色身本體全空要求巴鼻不西不東月映澄潭風搖古松十成

圓悟誰識渠儂

通身無影像溢目生光彩動用峭於山語默深於海曠劫正如如箇中無變改跳得圓悟金剛圈須信大功元不宰

真如禪人請讚

卷七
十五

只者背面見一乃萬要是箇中人手親即眼辨佛果應緣圓悟成現如如觸處得逢渠一道神光本無間

真了禪人請讚

丹青有神貌活圓悟據坐儼如風光全露捺

膝聳身擡眸直顧峯頂上把要津一任青
冥轉烏兔

小佛事爲佛眼和尚舉哀

三十年行道海上第一人颯然恁麼去誰見
不酸辛雖然如是須知佛眼未曾生未曾死

未曾去未曾來正與麼時如何乃指龕云我

與雪峯同條生不與雪峯同條死要知末後
句分明普請大衆齊聲舉乃云哀哀

爲佛眼和尚下火

如來涅槃日娑羅雙樹間放出三昧火闍維

金色身有條攀條無條攀例故褒山佛眼禪
師道播四海名聞九州二十年間三據大利
退席褒嶺宴坐鍾山以平生所受用栗棘蓬
驅耕夫之牛以楊岐所付囑金剛圈奪饑人
之食傳持一大事提振向上機衲子雲從諸

方景慕豈謂一彈指頃坐斷報化佛頭談笑
之間遽失人天正眼今則乾坤廓落人境蕭
條雪映高山風清大野圓頂後相放萬里神
光大衆正與麼時還委悉麼看取亘天紅焰
裏華發優曇大地春

爲智海法真和尚入龕

釋迦雙樹示寂偃卧吉祥法真智海告終端
坐行上四十年道價七十一生緣德播寰中
聲馳海外人天敬仰朝野傾崇比望永作梯
航長光佛祖豈期忙中縮乎閑裏抽身最後

第七十六
皇都大作佛事今則未埋玉樹先入雲龕公
案現成須至一決大衆因行不妨掉臂伎倆
不如帳樣爲瑞爲祥無邊無量請老和尚且
出方丈

爲妙禪人下火

昨日一箇正可憐今朝一箇更淒然翻身踏

著曹溪路妙體堂堂沒變遷妙師愛參禪祖

佛要齊肩索然恁麼去一朶火中蓮生也浮

雲突出死也空華倏沒頂後圓同太虛畢竟

非心非佛大衆看取一道紅光爍破無生窠

窟

爲佛真大師下火

觸目菩提真解脫頂門正眼耀乾坤透得生

死關廓然無起滅佛真大師生平滴水滴凍

勇猛裁鐵斬釘舉世重其爲人聞見莫不欽

歎內侍叢中跳出衲僧隊裏修行淵聖錫微

名皇后賜度牒驚群伏衆絕類離倫將謂萬

里前程豈期百年頃刻今則翻身長往透出

金圈粟棘蓬頂後圓光應現無生大火聚佛

真佛真急著眼保雲程一炬紅光纔舉處毘

禁七

盧頂上任縱橫

圓悟佛果禪師語錄卷第十七

音釋

瞌告合切眼瞌也蚌蛤蚌白項切罅隙罅虛評切

乞逆乞切腕胡管切羈居宜切馬馬切轡兵婿切械古

切衣前切撓初街切辣郎葛切唼唼五佳

諾也諾也佳切佳切嗤嗤魏充芮切雖雖蓬蓬

犬鬪聲犬鬪聲跋跋火火挺挺韁韁挈挈詰詰結結

普普火火本本櫛櫛資資悉悉切切良良繼繼也也欵欵驅驅音音

山高山高貌貌本本櫛櫛力力質質悉悉切切良良繼繼也也欵欵驅驅音音